


D

3-K





D

96

LITTERÆ

*Est Collegij*

*Burdigalensis*

APOSTOLICÆ,

QVIBVS INSTITVTIO,

*Scilicet*

*Iesu*


CONFIRMATIO,

Et varia Priuilegia continentur

SOCIETATIS IESV.

*Catalogo*

*Adscriptus*




ANTVERPIÆ,

Apud IOANNEM MEVRSIUM.

M. DC. XXXV.

SVPERIORVM PERMISSV.

*Dono m. Ricard*



# I N D E X <sup>3</sup>

## L I T T E R A R V M

### A P O S T O L I C A R V M

Hoc libello contentarum.

#### P A V L I I I I.



R I M A I n s t i t u t i S o c i e t a t i s a p p r o b a -  
t i o . pag. 7.

F a c u l t a s q u o s u i s i d o n e o s a d m i t t e n -  
d i , & C o n s t i t u t i o n e s c o n d e n -  
d i . 17

F a c u l t a s c o n c i o n a n d i , & c . 24

F a c u l t a s C o a d i u t o r e s a d m i t t e n d i . 29

A p p r o b a t i o E x e r c i t i o r u m . 32

P r i u i l e g i a p l u r i m a . 36

#### I V L I I I I I.

C o n f i r m a t i o a l i a I n s t i t u t i . 57

C o n f i r m a t i o p r i u i l e g i o r u m , & a l i o r u m c o n -  
c e s s i o . 72

#### P I I I V.

C o n f i r m a t i o , & n o u a c o n c e s s i o a d i f i c a n d i v b i -  
q u e , e t i a m i n t r a c a n n a s , & c . 79. 158

E x t e n s i o f a c u l t a t i s c o n f e r e n d i g r a d u s , & e x e m p t i o n i s  
à d e c i m i s . 87. 177

A 2

P I I

## P I I V.

<b>C</b> ontra Apostatas.	96
Circa contractus non capitulariter celebrandos.	106
Circa prelectiones in Collegiis, & in fauorem Scholarium Societatis.	110
Declaratur Societas Mendicans, eiq <sup>3</sup> Mendicantium priuilegia communicantur.	116

## G R E G O R I I XIII.

<b>C</b> onservatores assumendi facultas.	125
Approbatio immunitatis à choro, & professionis propter ordines.	135
Circa vsum librorum prohibitorum.	137
Facultas vtendi priuilegiis more Societatis.	141
Medendi facultas.	151
Exemptio à publicis supplicationibus.	153
Confirmatio derogationis priuilegij cannarũ, &c.	158
Facultas alienandi.	168
Derogatio cap. Nuper. de Decimis.	177
Indulgentia plenaria, & facultates aliæ.	184
Altaris viatici vsus.	193
Indulgentiæ aliarum Ecclesiarum pro Societatis Ecclesiis.	195
Aperiendi litteras sacre Pœnitentiariæ facultas.	197
Alienandi facultatis extensio.	199
Transeundi ad alios Ordines de licentiâ Præpositi Generalis.	208

# I N D E X

5

<i>A quocumque Antistite ordines etiam extra tempora suscipiendi.</i>	211
<i>Instituti, Constitutionum, ac priuilegiarum Societatis Confirmatio, &amp; Declaratio, &amp;c.</i>	214
<i>Noua Instituti Societatis Confirmatio.</i>	222
<i>Exemptionis antiquæ confirmatio, ac noua concessio.</i>	243
<i>Transire secundò ad Carthusiam, sine Præpositi Generalis licentiâ non licet.</i>	246
<i>Prædicandi facultatis declaratio, &amp; noua concessio.</i>	249
<i>Aggregandi alias Congregationes Primariæ.</i>	252

## S I X T I V.

<b>E</b> <i>Xtensio facultatis aggregandi Congregationes.</i>	264
---	-----

## G R E G O R I I   X I V.

<b>S</b> <i>ocietatis Instituti, &amp; rationis gubernandi noua confirmatio.</i>	274
<i>Facultas Nouitios admittendi, &amp; cum illegitimis dispensandi restitutio, &amp; noua concessio.</i>	292

## C L E M E N T I S   V I I I.

<b>S</b> <i>ocietatis I E S V religiosi vsus Bullæ Cruciatæ quoad eligendum Confessarium, &amp; obtinendam absolutionem interdicitur.</i>	297
---	-----

A 3

Extens-



*Extenditur facultas erigendi, & aggregandi Congregationes.* 300

## P A V L I V.

**I***nstituti, & Priuilegiorum Societatis, praesertim  
verò Constitutionum Gregor. XIII. & XIV.  
approbatio, & noua concessio.* 303

## V R B A N I V I I I.

**L***itterae decretales Canonizationis S. I G N A T I I  
Loyolae Societatis IESU Fundatoris.* 319  
*Bulla Canonizationis S. F R A N C I S C I X A V E -  
R I I.* 348

PAULI III.

PAULI  
III.

PRIMA INSTITVTI  
SOCIETATIS IESV  
APPROBATIO.

*Cum restrictione numeri ad personas  
sexaginta dumtaxat.*

ANNO M. D. XL.



AVLVs Episcopus seruus  
seruorum Dei, ad perpetuam rei memoriam. Regimini militantis Ecclesiæ, meritis licet imparibus, disponente Domino præsidentes; & animarum salutem, prout ex debito pastoralis officij tenemur, sollicitis studiis exquirentes; fideles quoslibet, qui vota sua in id exponunt, Apostolici fauoris gratiâ confouemus, aliasque desuper disponimus, prout temporum & locorum qualitate pensatâ, id in Domino conspiciamus salubriter expedire. Nuper siquidem accepimus, quodd dilecti filij, Ignatius de Loyola, & Petrus Faber, ac Iacobus Laynez, nec non Claudius Iaius, & Pascha-

*Primi decem  
Patres Societatis.*

PAVL  
II I.

fius Broët, ac Franciscus Xauier, nec non  
Alfonfus Salmeron, & Simon Rodericus, ac  
Ioannes Coduri, & Nicolaus de Bobadilla,  
Presbyteri Pampilonen. Gebennen. Segun-  
tin. Toletan. Vifén. Ebredunen. & Palentin.  
ciuitatum, & diœceseon respectiuè, in Arti-  
bus Magiltri, in Vniuersitate Parisiensi gra-  
duati, & in Theologicis studiis per plures  
annos exercitati; Spiritu sancto, vt piè cre-  
ditur, afflati, iam dudum è diuersis mundi re-  
gionibus discedentes, in vnum conuenerunt,  
& Socij effecti, abdicatis huius sæculi ille-  
cebris, eorū vitam perpetuo Domini Nostri  
IESV CHRISTI, atque nostro, & aliorum suc-  
cessorum nostrorum Romānorū Pontificum  
seruitio dedicarunt; & iam quàm pluribus  
annis laudabiliter in vineâ Domini se exer-  
cuerunt; verbū Dei præuiâ sufficienti licen-  
tiâ publicè prædicando, fideles priuatim ad  
benè beateque viuendum exhortando, & ad  
pias meditationes excitando, hospitalibus  
inseruiendo, pueros, & personas rudes ea quæ  
ad Christianam hominis institutionem sunt  
necessaria, docendo; & demum omnia cari-  
tatis officia, & quæ ad animarū consolatio-  
nem faciunt vbique terrarū, vbi peregrinati  
sunt, multâ cum laude obeundo. Cumque ad  
hanc alman Vrbem se contulerint, & in ca-  
ritatis vinculo persistentes ad perficiendam  
& conseruandā eorum Societatis in Christo

vni o-

*Prima Pa-  
tram exer-  
citia.*

unionem, quamdam viuendi formulã, iuxta P A V L I  
 ea quæ ad propositum sibi finem conducere I I I,  
 vsu didicerunt, Euangelicis cõsiliis, & cano-  
 nicis Patrum sanctionibus conformem edi-  
 derint; factum est, vt ipsorum sociorum vitæ  
 institutum, sub dictâ formulâ cõprehensum,  
 non solùm à multis probis viris & Deum ze-  
 lantibus laudetur; verùm etiam à quibusdam  
 ita approbetur, vt illud etiam sequi velint.  
 Formulæ autem prædictæ tenor sequitur, &  
 est talis. Quicũque in Societate nostrâ, quam  
 IESV nomine insigniri cupimus, vult sub cru-  
 cis vexillo Deo militare, & soli Domino, at-  
 que Romano Pontifici eius in terris Vicario  
 seruire, post solemne perpetuæ castitatis vo-  
 tum, proponat sibi in animo, se partem esse  
 Societatis, ad hoc potissimùm institutę, vt ad  
 profectum animarũ in vitâ & doctrinâ Chri-  
 stianâ, ad fidei propagationem, per publicas  
 prædicationes, & verbi Dei ministerium,  
 spiritualia exercitia, & caritatis opera, &  
 nominatim per puerorũ ac rudium in Chri-  
 stianismo institutionem, ac Christi fidelium  
 in confessionibus audiendis, spiritualem con-  
 solationem præcipuè intendat; curetque pri-  
 mò Deum, deinde huius sui instituti ratio-  
 nem, quæ via quædam est ad illum, semper  
 ante oculos habere, & finem hunc sibi à Deo  
 propositũ totis viribus assequi; vnusquisque  
 tamen secundũ gratiam sibi à Spiritu sancto

*Instituti So-  
cietatis for-  
mula.*

*Votum casti-  
tatis.*

*Finis Insti-  
tuti.*

*Institutio  
puerorum.*

PAVLI  
III.

*Officiorum  
distributio.*

*De condendis  
constitutionibus.*

*Speciale vo-  
tum obedi-  
entiæ Romano  
Pontifici.*

subministratam, & vocationis suæ proprium gradum, ne quis fortè zelo vtatur, sed non secundùm scientiam. Cuius proprii cuiusque gradus iudicium, & officiorum discretio ac distributio tota sit in manu Præpositi seu Prælati per nos eligendi, vt congruus ordo seruetur, in omni benè institutâ communitate necessarius. Qui quidem Præpositus de consilio confociorum, Cōstitutiones, ad constructionem huius propositi nobis finis conducentes, in consilio condendi auctoritatem habeat, maiori suffragiorum parte semper statuendi ius habente. Consilium verò intelligatur esse, in rebus quidem grauioribus, ac perpetuis, maior pars totius Societatis, quæ à Præposito commodè conuocari poterit; in leuioribus autem, & temporaneis, omnes illi quos in loco, vbi Præpositus noster residebit, præsentibus esse contigerit. Iubendi autem ius totum penes Præpositum erit. Sciant omnes Socij, & non solum in primis professionis suæ foribus, sed quoad vixerint, quotidie animo voluant, Societatem hanc vniuersam, & singulos sub sanctissimi Domini nostri Papæ, & aliorum Romanorum Pontificum successorum eius, fidei obedientiâ Deo militare. Et quamuis Euangelio doceamur, & fide orthodoxâ cognoscamus, ac firmiter profiteamur, omnes Christi fideles Romano Pontifici, tamquàm capiti ac IESV CHRISTI

Vica-



Vicario subesse ; ad maiorem tamen nostræ P A V L I  
Societatis humilitatem, ac perfectam vniuf- I I I.  
cuiusque mortificationem , & voluntatum  
nostrarum abnegationem, summoperè con-  
ducere iudicauimus, singulos nos vltra illud  
commune vinculum, speciali voto adstringi,  
ita, vt quidquid modernus , & alij Romani  
Pontifices pro tempore existentes iusserint,  
ad profectum animarum , & fidei propaga-  
tionem pertinēs, & ad quascumque Prouin-  
cias nos mittere voluerint; sine vllâ tergiuer-  
satione, aut excusatione, illicò, quantum in  
nobis fuerit, exequi teneamur; siue miserint  
nos ad Turcas, siue ad quoscumque alios in-  
fideles, etiā in partibus, quas Indias vocant,  
existētes; siue ad quoscumque hæreticos, seu  
schismaticos , seu etiam ad quosuis fideles.  
Quamobrem qui ad nos accessuri sunt , &  
antequàm huic oneri humeros supponant,  
diu multumque meditentur, an tātum pecu-  
niæ spiritualis in bonis habeant , vt turrim  
hanc iuxta consilium Dominicum possint  
consummare: hoc est, an Spiritus sanctus, qui  
illos impellit, tantū illis gratiæ polliceatur,  
vt huius vocationis pondus illo adiuuante,  
se laturos sperent: & postquàm, Domino in-  
spirante, huic I E S V C H R I S T I militiæ no-  
men dederint, die noctuque succincti lum-  
bos , & ad tam grandis debiti solutionem  
prompti esse debebunt. Ne qua autem possit  
esse

**P A V L I** esse inter nos missionum, ac prouinciarum  
**III.** huiuscemodi, aut ambitio vel detrectatio;  
*Misiones non procuranda.* profiteatur singuli, se numquam directè aut indirectè de huiusmodi missionibus quidquam cum Romano Pontifice curaturos: sed omnem hanc curam Deo, & ipsi Pontifici tamquàm eius Vicario, & Societatis Præposito dimissuros. Qui quidè Præpositus, sicut ceteri, etiam profiteatur, se nihil de suimet ipsius missione in alterutram partem, nisi de Societatis consilio, cum dicto Pontifice esse curaturū. Voueant singuli se in omnibus, quæ ad Regulæ huius nostræ obseruationem faciunt, obediens fore Societatis Præposito. Ille autem iubeat ea, quæ ad constructionem propositi sibi à Deo & à Societate finis cognouerit esse opportuna. In prælatione autem suâ, benignitatis, ac mansuetudinis, caritatisque Christi, Petri, Paulique formulæ semper sit memor: & tam ipse quàm consilium ad normam hanc assiduè spectent; & nominatim commendatam habeant institutionem puerorum ac rudium in Christianâ doctrinâ decem præceptorū, atque aliorum similium rudimentorum, quæcumque secundum circumstantias personarum, locorum, ac temporum, illis congrua videbuntur. Est enim maximè necessarium, circa prouidentiam huius rei diligenter Præpositū & consilium inuigilare; cum & in proximis ædifi-  
cium

*Votum obediens.*

*Gubernandi ratio.*

*De institutione puerorum ac rudium.*



cium fidei sine fundamento non possit con- P A V L I  
 surgere, & in nostris periculum sit, ne, vt I I I.  
 quisque erit doctior, ita prouinciam hanc,  
 tamquàm primo aspectu minùs speciosam,  
 forsitan detrectare conetur: cùm tamen re-  
 uerè nulla sit fructuosior, vel proximis ad  
 ædificationem, vel nostris ad caritatis & hu-  
 militatis simul officia exercēda. Subditi verò *Obedientia*  
 tum propter ingentes ordinis vtilitates, tum *subditorum*  
 propter numquàm satis laudatū humilitatis *erga Præpo-*  
*situm.*  
 assiduū exercitium, Præposito in omnibus  
 ad institutū Societatis pertinentibus parere  
 semper teneantur; & in illo Christum, veluti  
 præsentem agnoscant, & quantum decet, ve-  
 nerentur. Cùm autē experti fuerimus iucun-  
 diorem, puriorem, & ad proximæ ædificatio-  
 nem aptiorem esse vitam ab omni auaritiæ  
 contagione quàm remotissimam, & Euange-  
 licæ paupertati quàm simillimam; cumque  
 sciamus Dominū nostrum IESVM CHRISTVM  
 seruis suis regnum Dei solum inquirentibus  
 necessaria ad victum & vestitum esse submi-  
 nistraturum; voueāt singuli & vniuersi per-  
 petuam Paupertatem, declarantes, quodd non *Votum pau-*  
 solum priuatim, sed neque etiam cōmuniter *peritatis.*  
 possint pro Societatis sustentatione, aut vsu,  
 ad bona aliqua stabilia, aut ad prouentus, seu  
 introitus aliquos, ius aliquod ciuile acquire-  
 re: sed sint contenti vsu tantum rerum sibi  
 donatarum ad necessaria sibi comparanda  
 reci-

**P A V L I** recipere. Possint tamen habere in vniuersita-  
**I I I.** tibus Collegium, seu Collegia habentia re-  
*De Collegiis,* ditus, census, seu possessiones, vsibus & ne-  
*& eorum re-* cessitatibus studētium applicandas: retentâ  
*ditibus.* penes Præpositum & Societate omnimodâ  
gubernatione, seu superintendentiâ super di-  
cta Collegia, & prædictos studentes, quoad  
gubernatoris, seu gubernatorum, ac studen-  
tium electionem, ac eorundē admissionem,  
emissionem, receptionem, exclusionem, sta-  
tutorum ordinationem, circa studentium  
instructionem, eruditionem, ædificationem,  
ac correctionem, victus vestitusque eis mi-  
nistrandi modum, atque aliam omnimodam  
gubernationem, regimen, ac curam: sic ta-  
men, vt neque studentes dictis bonis abuti,  
neque Societas in proprios vsus conuertere  
possint, sed studentium necessitati subuenire.  
Qui quidem post cognitum in spiritu & lit-  
teris eorum profectum, & post sufficientem  
probationē, in Societatem nostram admitti  
possint. Socij omnes quicūque in sacris fue-  
rint, quamuis beneficia Ecclesiastica, aut eo-  
rum redditus non habeant, teneantur tamen  
singuli priuatim ac particulariter, & non  
communiter, ad dicendū officium secundū  
Ecclesiæ ritum. Hæc sunt, quæ sub præfati  
Domini nostri **P A V L I**, & Sedis Apostolicæ  
beneplacito, de nostrâ professione, typo quo-  
dam explicare potuimus. Quod nunc feci-

mus,

*De diuino  
officio reci-  
tando.*

mus, vt summatim fcriptione hac informa- P A V L I  
remus tum illos, qui nos de noſtro vitæ in- I I I.  
ſtituto interrogant, tum etiam poſteros no-  
ſtros, ſi quos, Deo volēte, imitatores vnquam  
habebimus huius viæ: quam cū multis ma-  
gnasq̃ habere annexas difficultates fueri-  
mus experti, opportunū iudicauimus etiam  
ſtatuerē, ne quis in hac Societate recipiatur, *Admittendi*  
niſi diu ac diligentiffimè fuerit probatus: *probentur.*  
cumq̃ prudens in Chriſto, & vel doct̃rinā,  
ſeu vitæ Chriſtianę puritate apparuerit con-  
ſpicuus, tunc demum admittatur ad I E S U  
CHRISTI militiam, qui tenuibus cœptis no-  
ſtris fauere dignetur ad gloriam Dei Patris,  
cui ſoli ſit ſemper decus, & honor in ſæcu-  
la, Amen. Cū autem nil in præmiſſis repe- *Confirmatio*  
riatur, quod pium non ſit, aut ſanctum; Nos, *Inſtituti.*  
vt iidem Socij, qui nobis ſuper hoc humilli-  
mè ſupplicari fecerunt, in eorum pio viuendi  
propoſito eò promptiores exiſtant, quò ſe  
maiori Sedis Apoſtolicę gratiā complecti  
cognorint, & præmiſſa per nos approbari  
viderint; præmiſſa omnia, & ſingula tam-  
quàm ad ſpiritualem profectum eorundem  
Sociorū, & reliqui Chriſtiani gregis oppor-  
tuna, Apoſtolicā auct̃oritate, tenore præſen-  
tium ex certā ſcientiā approbamus, confir-  
mamus, & benedicimus, ac perpetuę firmi-  
tatis munimine roboramus; ipſosq̃ ſocios  
ſub noſtrâ, & huius ſanctę Sedis Apoſtolicę  
prote-

PAVLI protectione suscipimus: Eis nihilominus  
 III. concedentes, quòd particulares inter eos  
*Facultas cõ-* Constitutiones, quas ad Societatis huiusmo-  
*dendi Consti-* di finem, & IESV CHRISTI Domini nostri  
*tutiones.* gloriam, ac proximi vtilitatem conformes  
 esse iudicauerint, condere liberè & licitè va-  
 leant. Non obstantibus generalis Concilij,  
 & felicitis recordationis GREGORII Papæ X.  
 prædecessoris nostri, ac quibuscumque aliis con-  
 stitutionibus, & ordinationibus Apostolicis,  
*Restrictio* ceterisq̃ue contrariis quibuscumque. Volu-  
*personarum* mus autem quòd in Societate huiusmodi,  
*ad sexaginta.* vsque ad numerum sexaginta personarum,  
 normulam viuendi huiusmodi profiteri cu-  
 pientium, & non vltra admitti, & Societati  
 præfatæ aggregari dumtaxat valeant. Nulli  
 ergo omnino hominum liceat hanc paginam  
 nostræ approbationis, confirmationis, bene-  
 dictionis, roborationis, susceptionis, conces-  
 sionis, & voluntatis infringere, vel ei ausu  
 temerario contraire. Si quis autem hoc at-  
 tentare præsumperit, indignationem omni-  
 potentis Dei, ac BB. Petri & Pauli Aposto-  
 lorum eius se nouerit incursum. Datum  
 Romæ apud S. Marcum, anno Incarnationis  
 Dominicæ, M.D.XL. v. Kal. Octob. Pontifica-  
 tus nostri anno sexto.

Blo.

BVL

B V L L A I I.

PAVLI  
III.

F A C V L T A S

Quosuis idoneos ad Societa-  
tem I E S V,*Sine restrictione numeri admittendi,  
& Constitutiones condendi.*

A N N O M. D. XLIII.

PAVLVS Episcopus seruus seruorum Dei;  
ad perpetuam rei memoriam. Iniunctum  
nobis desuper Apostolicæ seruitutis officium  
dignè peragere credimus, si ad ea solitæ be-  
nignitatis extendimus affectum, per quæ re-  
ligionis succrescat incrementum, fideique  
orthodoxæ dilatatio ad diuini nominis lau-  
dem subsequi speretur. Cùm itaque nos  
aliàs, postquàm dilecti filij Ignatius de  
Loyola, & Petrus Faber, ac Iacobus Laynez,  
& Claudius Iaius, necnon Paschasius Broët,  
& Franciscus Xauier, ac Alfonsus Salme-  
ron, & Simon Rodericus, necnon Ioannes  
Coduri, & Nicolaus de Bobadilla, Socij So-  
cietatis IESV nuncupatæ Presbyteri Pampi-  
lon. Gebenn. Seguntin. Toletan. Visen. Ebre-  
dun.



PAVLI  
III.

*Summa præ-  
cedentis ap-  
probationis.*

dun. & Palentin. ciuitatum & diœceseon  
respectiuè, in Artibus magistri, & in Vniuer-  
sitate Parisiensi graduati, ac in Theologicis  
studiis per plures annos exercitati, Spiritu  
sancto, vt piè creditur, afflati, iamdudum è  
diuersis mundi regionibus discedentes in  
vnum conuenerant, & Socij effecti, eorum  
vitam perpetuò eiusdem Domini nostri IESV  
Christi, atque nostro & aliorũ Romanorum  
Pontificum successorum nostrorum seruitio  
dedicarant; & cùm ad hanc almam Urbem se  
contulissent ad perficiendam, & conseruan-  
dam eorum Societatis in Christo vnionem,  
quamdam viuendi formulam ediderāt, inter  
alia continentē, Quòd quicumque in eorum  
Societate prædictā vellet sub crucis vexillo  
Deo militare, & soli Domino, & Romano  
Pontifici eius in terris Vicario seruire, post  
solemne perpetuę castitatis votũ proponeret  
sibi in animo, se partem esse Societatis, ad id  
potissimùm institutæ, vt ad profectũ anima-  
rum in vitā & doctrinā Christianā, & ad fidei  
propagationem, per publicas prædicationes,  
& verbi Dei ministeriũ, ac spiritualia exer-  
citia, & caritatis opera præcipuè intēderet;  
curaretque primò Deum, deinde huius sui  
instituti rationem (quæ via est ad illum) sem-  
per ante oculos habere, & finem hunc à  
Deo propositum totis viribus assequi: vnus-  
quisque tamen secundum gratiam sibi à Spi-  
ritu

ritu sancto subministratam, & vocationis proprium gradum, cuius proprii cuiusque gradus iudicium, & officiorum discretio, ac distributio tota esset in manu Præpositi, seu Prælati per eos eligendi: sciretque, & quotidie animo volueret, Societatem prædictam, & eius singulos sub Romani Põtificis fidei obedientiâ Deo militare; & ad maiorem Societatis humilitatem, & perfectam vniuscuiusque mortificationem, & propriæ voluntatis abnegationem, se vltra commune vinculum, speciali vinculo astringere, vt quidquid Romanus Pontifex pro tempore existens iussisset ad perfectum animarum, & fidei propagationem pertinens, etiam si eum ad quascumque Prouincias mittere vellet, illicò, quantum in eo esset, exequi teneretur, siue eum mitteret ad Turcas, siue ad quoscumque alios infideles: voueretque perpetuam paupertatem, ita, vt non solum ipse priuatim, sed nec etiam Societas ipsa communiter posset pro Societatis sustentatione, aut vsu ad bona aliqua stabilia, aut prouentus, seu introitus aliquos ius aliquod ciuile acquirere: sed essent contenti vsu tantum rerum sibi donatarum ad necessaria sibi comparanda recipere: possent tamen habere in Vniuersitatibus Collegium, seu Collegia habentia census, redditus, & possessiones, vsibus & necessitatibus studentium applicandos, retentâ penes Præpositum, & Societatem omni-

P A V L I

III.



PAVLI modâ gubernatione, seu superintendentiâ super dicta Collegia & prædictos studentes; III. quoad gubernatoris, seu gubernatorum, ac studentium electionem, ac eorum admissionem, emissionem, receptionem, exclusionem, statutorum ordinationem, & circa studentium instructionem, eruditionem, ædificationem, & correctionem, victus, vestitusque eis ministrandi modum, & aliam omnimodam gubernationem, regimen, & curam: sic tamen ut nec studentes dictis bonis abuti, nec Societas ea in proprios usus convertere possent. Præmissa omnia, & singula per alias nostras litteras ex certâ scientiâ approbauerimus, confirmaverimus, & benedixerimus, ac perpetuæ firmitatis munimine roboraverimus, ipsosque Socios sub nostrâ & Sedis Apostolicæ protectione susceperimus; eis nihilominus concedentes, quod particulares inter eos Constitutiones, quas ad Societatis huiusmodi finem, & IESU Christi Domini nostri gloriam, & proximi utilitatem conformes esse iudicassent, condere liberè & licitè valerent, prout in eisdem litteris (in quibus voluimus, quòd in Societate huiusmodi usque ad numerum sexaginta personarum, normulam eandem profiteri volentium, & non ultra, admitti, & Societati præfatæ aggregari possent) plenius continetur. Et, sicut Ignatius Præpositus, & alij Socij præfati nobis nuper exponi fecerunt (Spiritu sancto in  
dies

dies cooperante ) plures fideles in Parisiensi, PAVLI  
 & aliis studiorum generalium Vniuersitatibus III.  
 actu studeant , qui normulam viuendi huius-  
 modi profiteri cupiunt ; nec , stante voluntate  
 nostrâ prædictâ, vltra dictum numerum ad id  
 admitti possint : Quare pro parte Ignatij  
 Præpositi, & aliorum Sociorum prædictorū,  
 nobis fuit humiliter supplicatum, vt in præmis-  
 sis opportunè prouidere de benignitate Apo-  
 stolicâ dignaremur. Nos igitur ad eorundem  
 Ignatij Præpositi , & Sociorum piam vitam,  
 & bonorum operum exemplum attendentes;  
 eorum, & dictorum studentium piis desideriis  
 annuentes, ac ipsorum , & cunctorum Christi  
 fidelium animarum salutem zelantes, ipsosque  
 Ignatium Præpositum , & Socios, ac eorum  
 singulos à quibusuis excommunicationis , sus-  
 pensionis, & interdicti, aliisque Ecclesiasticis  
 sententiis, censuris, & pœnis, à iure, vel ab ho-  
 mine quauis occasione vel causâ latis, si quibus  
 quomodolibet innodati existunt , ad effectum  
 præsentium dumtaxat consequendum , ha-  
 rum serie absoluentes , & absolutos fore cen-  
 sentes , huiusmodi supplicationibus inclinati,  
 eisdem Ignatio Præposito , & Sociis , quòd  
 quoslibet fideles , qui probationes in eadem  
 formulâ , sub certis Constitutionibus per ip-  
 sam Societatem factis, seu in posterum facien-  
 dis, contentas, pro tempore fecerint, quorquot  
 fuerint , ad Societatem huiusmodi liberè ad-

*Facultas ad-  
 mittendi  
 quoslibet  
 iuxta Con-  
 stitutiones.*

**PAVLI** mittere, & eorū Societati huiusmodi, sub votis  
**III.** per Socios eiusdē Societatis emitti solitis, ag-  
 gregare possint, auctoritate Apostolicâ, tenore  
 præsentium, ex certâ scientiâ concedimus: ac  
*Facultas cõ-* quod quascumq; inter eos Cõstitutiones par-  
*dendi, &* ticularares, quas ad Societatis huiusmodi finem,  
*mutandi* & IESV Christi Domini nostri gloriâ, ac proxi-  
*Constitutio-* mi vtilitatem conformes esse iudicauerint, cõ-  
*nes.* dere; & tam hætenus factas, quàm in poste-  
 rum faciendas Cõstitutiones ipsas, iuxta loco-  
 rum, & temporum, ac rerum qualitatē, & va-  
 rietatē mutare, alterare, seu in totum cassare,  
 & alias de nouo condere possint & valeant;  
 quæ postquàm mutatæ, alteratæ, seu de nouo  
 conditæ fuerint, eo ipso Apostolicâ auctori-  
 te præfatâ, confirmatæ censeantur, eadē Apo-  
 stolicâ auctoritate, de speciali gratiâ indulge-  
 mus. Quocircà venerabilibus fratribus nostris  
*Iudices qui* Cæsennat. & Albiganen. ac Parentin. Episco-  
*assistent.* pis, per Apostolica scripta mādamus, quatenus  
 ipsi, vel duo aut vnus eorum, per se, vel alium,  
 seu alios, eisdē Præposito & Sociis, in præmis-  
 sis efficacis defensionis præsidio assistentes, fa-  
 ciant auctoritate nostrâ, eos concessione & in-  
 dulto huiusmodi pacificè gaudere, nō permit-  
 tentes eos desuper per quoscūque contra præ-  
 sentium tenorem quomodolibet molestari;  
 contradictores quoslibet, & rebelles per cen-  
 suras, & pœnas Ecclesiasticas, auctoritate no-  
 strâ (appellatione postpositâ) compescendo,  
 inuo-

inuocato etiam ad hoc (si opus fuerit) auxilio P A V L I  
brachij sæcularis. N O N obstantibus volun- III.

tate nostrâ prædictâ, ac quibusvis constitutio-  
nibus & ordinationibus Apostolicis, nec non  
omnibus aliis, quę in dictis litteris nostris vo-  
luimus non obstare, cōtrariis quibuscumque;  
aut si aliquibus communiter, vel diuisim, ab  
eadem sit Sede indultū quòd interdici, suspen-  
di, vel excommunicari non possint, per litte-  
ras Apostolicas non facientes plenam & ex-  
pressam, ac de verbo ad verbum de indulto

huiusmodi mētionem. Volumus autem, quòd *Fides habeatur transumptis.*

præsentium transumptis, manu alicuius Nota-  
rij publici subscriptis, & sigillo alicuius Epi-  
scopi, seu personæ in dignitate Ecclesiasticâ  
constitutæ munitis, vbique locorum eadem  
prorsus fides adhibeatur, quæ ipsis originali-  
bus litteris adhiberetur, si forent exhibitæ vel  
ostensæ. N V L L I ergo omnino hominum li-  
ceat hanc paginam nostræ absolutionis, con-  
cessionis, indulti, mandati, & voluntatis infrin-  
gere, vel ei ausu temerario contraire. Si quis  
autem hoc attētare præsumpserit, indignatio-  
nem omnipotentis Dei, ac beatorum Petri &  
Pauli Apostolorum eius se nouerit incurfurū.  
Datum Romæ, apud Sanctum Petrum, anno  
Incarnationis Dominicæ millesimo quingen-  
tesimo quadragesimo tertio, pridie Idus Mar-  
tij, Pontificatus nostri anno decimo.

L. Torres.

Ie. Lambertus.

PAVLI  
III.

B R E V E I.

# F A C V L T A T E S

Concionandi , confefsiones  
audiendi , absoluendi, & vota  
commutandi, &c.

ANNO M. D. XLV.

*Dilectis Filiis, moderno, & pro tempore  
existenti Præposito, & sociis Socie-  
tatis I E S V, in almâ Vrbe nostrâ  
canonicè institutæ.*

PAVLVS PAPA III.

**D**ILECTI Filij Salutem, & Apostolicam be-  
nedictionem. Cùm inter cunctas sollici-  
tudines nostras , quibus nos premit pastorale  
officium, illa sit præcipua, vt gregi Dominico  
nobis supernâ dispositione commissio, anima-  
rum cura non desit; ne illum antiquus serpens,  
humano generi inimicus, indefensum & im-  
præparatum inuadat. Attendentes igitur ad  
fructus vberes, quos in domo Domini hæte-  
nus

*Societatis  
fructus com-  
mendantur.*



nus produxistis, & producere non desinitis, PAVLI  
 vestrâ religione, integritate, scientiâ, doctri- III.  
 nâ, moribus, & experienciâ, plurimùm in Do-  
 mino confidentes, vobis, quos aliàs, Societa-  
 tem vestram de IESV approbando, confir-  
 mando, & benedicendo, ac perpetuæ firmi-  
 tatis munimine roborando, sub nostrâ & A-  
 postolicæ Sedis protectione suscepimus; &  
 cuilibet vestrum, qui ad hoc idoneus reper-  
 tus, & per vestræ Societatis Præpositum pro  
 tempore existentem deputatus fuerit, in qui-  
 busvis Ecclesiis, & locis, ac plateis commu-  
 nibus, seu publicis, & aliàs vbique locorum  
 clero, & populo verbum Dei prædicandi,  
 proponendi, & interpretandi; ac eos viam ve-  
 ritatis edocendi, & ad benè beateque viuen-  
 dum, ita, vt in vobis verbo pariter & exemplo  
 ædificentur, in Domino hortandi, admonen-  
 di; nec non illis ex vobis, qui Presbyteri fue-  
 rint, quorumcumque vtriusque sexus Christi  
 fidelium, ad vos vndecumque accedentium  
 confessiones audiendi, & confessionibus dili-  
 genter auditis, ipsos, & eorum singulos, ab  
 omnibus, & singulis eorum peccatis, crimini-  
 bus, excessibus, & delictis, quantumcumque  
 grauibus & enormibus, etiam Sedi Apostoli-  
 cæ reseruatis, & à quibusvis, ex ipsis casibus re-  
 sultantibus sententiis, censuris, & pœnis Ec-  
 clesiasticis (exceptis contentis in Bullâ, quæ in  
 die Cænæ Domini solita est legi) absoluendi,

*Facultas  
 vbique præ-  
 dicandi.*

*Facultas cõ-  
 fessiones au-  
 diendi, & ab  
 omnibus ca-  
 sibus qui non  
 sunt in Bul-  
 lâ Cænæ Do-  
 mini absol-  
 uendi.*

**P A V L I** aceis pro commissis pœnitentiam salutarem  
**III.** iniungendi, nec non vota quæcumque per eos,  
 pro tempore emissâ (ultramarinis, visitatio-  
*Facultas vo-* nis liminum Beatorum Petri & Pauli Aposto-  
*ta, exceptis* lorum de Vrbe, ac Sancti Iacobi in Compo-  
*tantum* stellâ, nec non religionis, & castitatis votis  
*quinque, cõ-* dumtaxat exceptis) in alia pietatis opera com-  
*mutandi.* mutandi: Ac Missas ante diem, circa tamen  
*Facultas an-* diurnam lucem, & etiam infra horam post  
*te diem, &* meridiem, quando, & quoties, stante legitimo  
*post meridiẽ* impedimento, moderno, & pro tempore exi-  
*celebrandi.* stenti Præposito vestro præfato id necessa-  
 rium, vel aliàs in Domino expedire visum fue-  
 rit, celebrandi: Et post, seu ante illarum cele-  
*Facultas* brationem, aut aliàs, Christi fidelibus ipsis Eu-  
*ministrandi* charistiæ, & alia Ecclesiastica Sacramenta, sine  
*Sacramenta.* alicuius præiudicio, ministrandi diœcesano-  
 rum locorum, rectorum parochialium, &  
 aliarum Ecclesiarum, aut quorumvis aliorum  
 licentiâ desuper minimè requisitâ: ac horas ca-  
 nonicas diurnas pariter & nocturnas, secun-  
*Facultas of-* dùm vsum Romanæ Ecclesiæ nouiter editum  
*ficiũ Ro-* dicendi & recitandi, ita quòd ad alium vsum  
*man. nouum* obseruandum, seu officium dicendum minimè  
*dicendi.* teneamini, plenam & liberam facultatem au-  
 ctoritate Apostolicâ per præsentem ad nostrũ  
 & Sedis Apostolicæ beneplacitum concedi-  
 mus. Quocircà vniuersis, & singulis locorum  
 Ordinariis, eorum Vicariis, & aliis Supe-  
 rioribus mandamus, quatenus ipsi, vel  
 duo,



duo, aut vnus eorum, si, & postquàm præsen- P A V L T  
 tes litteræ eis intimatæ fuerint, ac quoties pro III.  
 parte alicuius ex vobis quilibet eorum fuerit *Iudices qui*  
 requisitus, in præmissis efficacis defensionis *assistant.*  
 præsidio assistentes, faciant easdem præsentibus,  
 ac in eis contenta quæcumque firmiter obser-  
 uari; nec permittant quemlibet ex vobis, su-  
 per præmissis, & eorum singulis, per quos-  
 cūque desuper quomodolibet molestari, im-  
 pediri, aut inquietari: contradictores quosli-  
 bet, & rebelles per censuras Ecclesiasticas, &  
 alia iuris remedia (appellatione postpositâ)  
 compescendo. Non obstantibus quibusuis  
 constitutionibus, & ordinationibus, ac prohi-  
 bitionibus, & litteris Apostolicis, etiam per  
 Sixtum Quartum in capitulo, *Et si dominici*,  
 & alios Romanos Pontifices, prædecessores  
 nostros, ac Nos, & Sedem prædictam, etiam  
 consistorialiter editis & factis, quibus omni-  
 bus illorum tenores, ac si de verbo ad verbum  
 infererentur præsentibus, pro expressis ha-  
 bentes, ad huiusmodi effectum, pro hac vice  
 dumtaxat specialiter & expressè derogamus,  
 & derogatum esse decernimus; ceterisque  
 contrariis quibuscumque. Volentes etiam, &  
 eadem auctoritate Apostolicâ decernentes,  
 quòd præsentium transumptis, manu alicuius  
 Notarij publici subscriptis, & alicuius Prælati, *Transumptis*  
 aut personæ in dignitate Ecclesiasticâ constitu- *habeatur*  
 tæ sigillo munitis eadem fides vbique loco- *fides.*  
 rum,

**P A V L I** rum , in iudicio & extra illud , prorsus adhi-  
**III.** beatur, quæ eisdem præsentibus adhiberetur,  
*Exhortatio* si essent exhibitæ vel ostensæ. Sicigitur, Filij,  
*Pontificis.* his vobis concessis facultatibus ad omnipo-  
 tentis Dei honorem, & animarum salutem ef-  
 ficaciter, sicque diligenter vti studeatis; quòd  
 per sollicitudinis vestræ solertiam, Catholi-  
 cæ pietatis fructus proueniant; vosque ex-  
 inde apud Deum & homines non immeritò  
 commendemini. Datum Romæ, apud San-  
 ctum Petrum, sub annulo Piscatoris, die tertiâ  
 Iunij, M. D. XLV. Pontificatus nostri an-  
 no vndecimo.

Blo. el. Fulgin.

P A V-

## PAVLI III.

F A C V L T A S

Coadiutores admittendi, qui  
possint, etiam ad sacros ordi-  
nes promoueri, &c.

ANNO M. D. XLVI.

*Dilectis Filiis modernis, & pro tempo-  
re existentibus Præposito Generali,  
& sociis Societatis IESV, in almâ  
Urbe nostrâ canonicè institutæ.*

PAVLVS PAPA III.

**D**I L E C T I Filij Salutem, & Apostolicam  
benedictionem. Exponi nobis nuper fe-  
cistis, quòd vos ob penuriam cooperatorum,  
personis, quæ tam in spiritualibus quàm in  
temporalibus rebus & officiis vestris domesti-  
cis vos coadiuuent, indigetis. Quare nobis hu-  
militer supplicari fecistis, vt vobis, quòd sacer-  
dotibus, qui vos in spiritualibus, & personis  
sæcularibus, quæ vos in temporalibus & offi-  
ciis

PAVLI  
III. ciis prædictis coadiuuent , vti possitis; licentiam & facultatem concedere, aliasque vobis, & statui vestro in præmissis opportunè providere de benignitate Apostolicâ dignaremur. Nos igitur huiusmodi supplicationibus inclinati, vobis, quòd de cetero Sacerdotibus, qui vos in spiritualibus, & personis sæcularibus, quæ vos in temporalibus & officiis vestris domesticis coadiuuent, vti possitis; ipsique Coadiutores tam Sacerdotes, quàm personæ sæculares, peractis experienciis, & probationibus, per Constitutiones vestras requisitis, ad maiorem eorum deuotionem, & amplius meritum, vota paupertatis, & castitatis, ac etiam obedientię; ita, vt ad illa seruanda, pro eo tempore, quo tu, fili Præposite, & qui pro tempore fuerint eiusdem Societatis Præpositi, eis in ministerio spirituali, vel temporali vtendum iudicaueritis, & non ultra, astringantur; nec propterea ad aliquam solemnem professionē emittendam teneantur, neque ad eam aliter admittantur, emittere: ac ipsi Coadiutores ad omnes, etiam sacros, & Presbyteratus ordines de licentiâ tui, fili Præposite Generalis, si aliàs idonei fuerint, promoueri valeant: sintque omnes, & singuli eorū, omnium bonorū operum, quæ in dictâ Societate fiunt, ac meritorū illius participes, & illis plenè gaudeant, prout alij dictæ Societatis Professi participant, & gaudent; quodque tu fili Præposite, & pro tempore

*Admitti  
possunt Co-  
adiutores  
spirituales,  
ac tempora-  
les.*

*Tria vota  
Coadiutorū  
iuxta consti-  
tutiones.*

*Coadiutores  
ad sacros  
ordines pro-  
moueri pos-  
sunt & sunt  
participes  
meritorum,  
quibus gau-  
dent Pro-  
fessi.*

pore existēs Præpositus Societatis huiusmo- P A V L I  
 di, de cetero perpetuis futuris tēporibus, vi- I I I.  
 ginti dumtaxat, ex eisdē Presbyteris Coad- *Viginti tan-  
 iutoribus, quos ad id idoneos inueneritis, & tum Coadiu-  
 quando tibi, seu eidem pro tempore existenti toribus facul-  
 Præposito placuerit, eadē facultates, gra- tates Profes-  
 tias, & auctoritatē, quas Professis Societatis sorum conce-  
 huiusmodi concedere potes, seu per nos vo- di possunt.*  
 bis quomodolibet concessæ existunt, in toto  
 vel in parte liberè cōcedere, ac alios Præposi-  
 tos, seu Vicarios tuos, tam prouinciales, quàm *Facultas re-  
 locales, cum facultate quoscumque ad Socie- cipiendi Co-  
 tatem prædictā confluentes, ad probationem adiu-  
 huiusmodi recipiendi, & ad vota prædicta, quibus com-  
 non tamen dictam professionem solemnem, *munetur.*  
 quæ Romæ dumtaxat fieri possit, & debeat, *Solemnis pro-  
 admittēdi, creare & deputare liberè & licitè festio tantum  
 valeatis; plenam & liberā Apostolicā aucto- Romæ facien-  
 ritate tenore præsentium concedimus licen- da.*  
 tiam & facultatem. Non obstantibus consti-  
 tutionibus, & ordinationibus Apostolicis, ac  
 vestris, etiam iuramento, cōfirmatione Apo-  
 stolicā, vel quauis firmitate aliā roboratis  
 regularibus institutis, ac omnibus illis, quæ  
 in litteris cōfirmationis Societatis huiusmo-  
 di volumus non obstare, ceteri q̃q; contrariis  
 quibuscumque. Volumus autem, quòd præ- *Transmissis  
 sentium transumptis, manu alicuius Notarij fides habea-  
 publici subscriptis, & sigillo alicuius perso- tur.*  
 næ in dignitate Ecclesiasticā cōstitutę muni-  
 tis,*



**P A V L I I I I.** tis, ybique locorum ea prorsus fides adhibeatur, quæ ipsis originalibus litteris adhiberetur, si forent exhibitæ vel ostensæ. Datum Romæ, apud S. Petrum, sub annulo Piscatoris, die v. Iunij, M. D. XLVI. Pontificatus nostri anno duodecimo.

Blo. el. Fulgin.

**P A V L I I I I.**

Approbatio Exercitiorum.

**A N N O M. D. XLVIII.**

**P A V L V S P A P A I I I.**

*Ad perpetuam rei memoriam.*

**P**Astoralis officij cura, in vniuersum Christi gregem nobis commissa, & diuinæ gloriæ ac laudis amor facit, vt ea quæ salutem animarum, & spiritualem earum profectum iuuant, amplectentes, vota eorum qui aliquid, quod fouere & nutrire pietatem in Christi fidelibus valeat, à nobis exposcunt, ad exauditionis gratiam admittamus. Cùm ergo (sicut dilectus filius, nobilis vir, Franciscus de Borgia, Dux Gandiæ, nobis nuper exponi fecit) dilectus filius Ignatius de Loyolâ, Præpositus Generalis Societatis IESV, per nos in almâ Vrbe nostrâ erectæ, & per nos auctoritate Apostolicâ confirmatæ; quædâ docu-  
menta,

menta, siue exercitia spiritualia, ex sacris Scripturis, & vitæ spiritualis experimentis elicitæ, composuerit, & in ordinem, ad piè mouendos fidelium animos, aptissimum redegerit; illa quæ Christi fidelibus, ad spirituales consolationem, & profectum magnoperè vtilia & salubria esse, non solùm famâ, ex plurimis locis allatâ, prædictus Franciscus Dux didicerit; sed etiam experimento manifesto, cùm Barcinone, tum Valentia, tum Gandia, id compertum habuerit. Quare idem Franciscus Dux nobis humiliter supplicari fecit, vt documenta & spiritualia exercitia prædicta, quò latiùs eorum fructus pateat, & plures Christi fideles, maiori cum deuotione ad vtendum illis inuitentur, examinari facere: & si approbatione & laude digna inueniremus, approbare & laudare, aliasque in præmissis opportunè prouidere de benignitate Apostolicâ, dignaremur. Nos igitur, qui documenta & Exercitia huiusmodi examinari fecimus, & quæ testimonio ac relatione dilecti filij nostri Ioannis Tit. S. Clementis, Presbyteri Cardinalis, Burgensis Episcopi, ac hæreticæ prauitatis Inquisitoris, & venerabilis fratris nostri Philippi Saluciarum Episcopi, ac dictæ Urbis nostræ in spiritualibus Vicarij generalis, nec non dilecti filij Ægidij Foscararij, nostri Sacri Palatij Magistri, nobis desuper factâ, pietate ac sanctitate plena, & ad ædificationem & spirituales profectum fide-

PAVL I  
III.

lium valdè vtilia & salubria esse & fore comperimus; debitum etiam respectum ad fructus vberes, quos Ignatius, & ab ipso instituta Societas præfata, in Ecclesiâ Dei vbique gentium producere non cessant, & ad maximum adiumentum, quod ad id prædicta Exercitia attulerunt, non immeritò habentes; huiusmodi supplicationibus inclinati, documenta & Exercitia prædicta, ac omnia & singula in eis contenta, auctoritate prædictâ, tenore præsentium, ex certâ scientiâ nostrâ, approbamus, collaudamus, ac præsentis scripti patrocinio, communimus: hortantes plurimùm in Domino, omnes & singulos, vtriusque sexus, Christi fideles vbilibet constitutos, vt tam piis documentis & Exercitiis vti, & illis instrui deuotè velint. Nec non concedentes, vt huiusmodi documenta, & spiritualia Exercitia imprimi, à quocumque bibliopolâ per prædictum Ignatium eligendo, liberè & licitè valeant. Ita tamen, vt post primam editionem, sine consensu eiusdem Ignatij, vel successorum eius, nec ab hoc, nec ab alio omnino, sub excommunicationis, & 500. ducatorum piis operibus applicandorum pœnâ imprimi possint. Ac mandantes nihilominùs vniuersis & singulis locorum ordinariis, ac personis in Ecclesiasticâ dignitate constitutis, & cathedralium, ac metropolitanarum Ecclesiarum Canonicis, & eorundem ordinariorum Vicariis, in spiritualibus,

bus, generalibus, & officialibus vbilibet constitutis, quatenus ipsi, vel duo, aut vnus eorum, per se, vel alium, seu alios, cuius de Societate prædictâ, vel aliis quorum intererit, in præmissis spiritualibus Exercitiis, efficacis defensionis præsidio assistentes; faciant auctoritate nostrâ, illos dictâ concessione & approbatione pacificè frui & gaudere: non permittentes eos, per quoscumque, contra præsentium tenorem quomodolibet molestari: contradictores quoslibet & rebelles, per censuras, & pœnas Ecclesiasticas, ac alia opportuna iuris remedia, appellatione postpositâ, compescendo: inuocato etiam ad hoc (si opus fuerit) auxilio brachij sæcularis. Non obstan. fel. rec. Bonifacij Papæ VIII. prædecessoris nostri de vnâ, & Concilij generalis de duabus diebus, dummodo vltra tres aliquis auctoritate præsentium non trahatur; & quibusuis aliis constitutionibus, & ordinationibus Apostolicis, ceterisque contrariis quibuscumque. Aut si aliquibus communiter vel diuissim, ab eadem sit Sede indultum, quòd interdici, suspendi, vel excommunicari non possint per litteras Apostolicas, non facientes plenam, & expressam, ac de verbo ad verbum, de indulto huiusmodi mentionem. Volumus autem, quòd præsentium litterarum transumptis, manu Notarij publici subscriptis, & sigillo alicuius Prælati, seu personæ in dignitate Ecclesiasticâ constitutæ, munitis,

PAVLI  
III.

PAVL I  
III.

plena fides vbique habeatur, & illis stetur, tam in iudicio, quàm extra, ac si originales litteræ exhiberentur & ostenderentur. Datum Romæ apud sanctum Marcum, sub annulo piscatoris, die vltimo Iulij, millesimo quingentesimo quadragesimo octauo, Pontificatus nostri anno xiv.

Blo. El. Fulginen.

P A V L I I I I.

P R I V I L E G I A  
Plurima ad Societatis regimen, & ministeria.

ANNO M. D. XLIX.

PAVLVS Episcopus seruus seruorum Dei, ad perpetuam rei memoriam. Licet debitum pastoralis officij omnibus regularem vitam ducentibus, vt in suis disciplinis, & laudabilibus institutis conseruentur, & augeantur, nos reddat fauorabiles & benignos; ad Societatem verò de IESV, per nos institutam & approbatam, cuius specimen, veluti ager fertilis in Domino multiplices atque vberes fructus animarum, ad summi Regis laudem, & fidei incrementum attulit, & affert quotidie verbo & exem-



exemplo in populo Christiano , dirigentes P A V L I  
 præcipuè velut pius pater oculos mentis no- III.  
 stræ, dignum censemus, vt ipsam Societatem,  
 eiusque in odorem suauitatis Altissimo defer-  
 uientes personas, specialibus fauoribus prose-  
 quamur, illaque sibi fauorabiliter conceda-  
 mus, per quæ Societas ipsa vtiliter regi, & pro-  
 sperè dirigi, ac ad animarum auxilium fideliter  
 in Domino procedere valeat. Hinc est, quòd  
 nos dilectorum filiorum Ignatij de Loyolâ  
 moderni Præpositi Generalis, & aliorum So-  
 ciorum eiusdem ordinis supplicationibus in-  
 clinati, sibi, vt Præpositus Generalis dictæ So-  
 cietatis, pro tempore existens, cùm primùm  
 iuxta Constitutiones eiusdem Societatis in il-  
 lius Præpositum electus fuerit, eo ipso verus  
 ipsius Religionis Generalis Præpositus, cum  
 liberâ, generali, & omnimodâ curâ, & admi-  
 nistratione omnium & singulorum, ad felix re-  
 gimen, & prosperam directionem dictæ So-  
 cietatis spectantium & pertinentium, sit & esse  
 censeatur; ac suum Præpositi officium, in  
 omnibus exercere incipiat, ac plenam in vni-  
 uersos eiusdem Societatis Socios & personas  
 sub eius obedientiâ degentes, vbilibet com-  
 morantes, etiam exemptos, etiam quascumque  
 facultates habentes, suam iurisdictionem exer-  
 ceat; possitque & debeat dictus Præpositus  
 per personas ad id à dictâ Societate faculta-  
 tem habentes, & ad id deputatas, in certis casu-

*Plena est ad-  
 ministratio  
 Præpositi  
 Gen. post ele-  
 ctionem.*

PAVL I  
III.

*Potest Præpositus nonnumquam amoueri.*

*Præpositi circa missio-  
nes potestas.*

*Dignitas ac-  
ceptari non  
potest absque  
facultate.*

bus iuxta dictas Constitutiones amoueri, & alius ipsius loco, per easdem personas substitui, & alias, prout personæ deputatæ prædictæ id in Domino conspexerint salubriter expedire, ac ipsemet Præpositus pro tempore existens ire, & suos quocumque locorum, etiam inter infideles, cum expedire in Domino iudicabit, mittere, ac reuocare, & per Nos, ac successores nostros, ad locum aliquem missos sine temporis certi limitatione, cum id expedire ad Dei gloriam, & animarum auxilium visum erit (super quo conscientiam dicti Præpositi oneramus) ad alia loca transmittere liberè & licitè valeat; qui vbicumque morari contingat, ad nutum nostrum & Romani Pontificis pro tempore existentis, ad Sedem Apostolicam, seu quò oportuerit, & sibi per dictam Sedem iniunctum fuerit, iuxta ipsius Societatis professionem, venire debeant, concedimus: ac volumus, statuimus, & ordinamus, quòd Præpositus, absque Societatis, & aliquis ex Sociis huiusmodi absque dicti Præpositi consensu, & expressâ licentiâ electioni, seu prouisioni de illius personâ in Episcopum, Archiepiscopum, aut aliam quamcumque dignitatē, per quemcumque Principem, vel quodcumque Capitulum, aut alias quascumque personas, ad id auctoritatem habentes, pro tempore factæ, consentire, aut ad illam admitti, seu alicuius prælationis, & dignitatis in eadem Societate,

fi

si eam occultâ, aut manifestâ ambitione quæ-  
 ïsse conuincetur, capax esse nullatenus possit:  
 quodque à correctione regulæ Societatis hu-  
 iusmodi secundùm ordinationes factæ (vt vi-  
 gor disciplinæ melius conseruetur) appellari,  
 aut talis appellatio per vllum Iudicem admit-  
 ti, seu ab officiis absolutio, aut priuatio peti  
 non possint: & tam Generalis, quàm alij infe-  
 riores Præpositi eiusdem Societatis fratres,  
 seu Socios dictæ Societatis, Patriarchis, Ar-  
 chiepiscopis, Episcopis, seu aliis Ecclesiarum  
 Prælati, & personis, in socios, aut aliàs ad vl-  
 lum eorum ministerium deputare minimè te-  
 neantur, nisi auctoritate litterarum eiusdem  
 Sedis, de Societate & indulto huiusmodi ex-  
 pressam facientium mentionem; & si quos de-  
 putare contingeret, nihilominus sub ordinis  
 correctione existant, & cùm expedire iudica-  
 bunt, eosdem remouere possint: Illos verò ex  
 fratribus seu Sociis prædictis, qui ad prædi-  
 candum crucem, vel ad inquirendum contra  
 hæreticam prauitatem, seu ad alia similia ne-  
 gotia deputati fuerint, Ignatius, & alij illius  
 successores Præpositi Generales dictæ Socie-  
 tatis pro tempore existentes, remouere, seu re-  
 uocare, & transferre, ipsiſque quoddam superse-  
 deant iniungere, ac alios illorum loco substi-  
 tuere, cùm expedire viderint, liberè & licitè  
 valeant: Ac eisdem Ignatio, & aliis Generali-  
 bus Præpositis pro tempore existentibus, vt

PAVLI  
 III.

*Ambitiosa  
 in Societate  
 non est capax  
 dignitatis.  
 A correctio-  
 ne regula  
 non potest  
 appellari.*

*Superiores  
 non tenentur  
 aliquem ad  
 Prælati cu-  
 iusquam  
 ministerium  
 deputare.*

*Transferrè  
 possunt de-  
 putati ad  
 certa nego-  
 tia.*

PAVLI  
III.

*Præpositus  
per se, vel  
alios, potest  
omnes suos  
absolvere, &  
circa irre-  
gulares dis-  
pensare, nisi  
sint casus  
enormes iux-  
ta Bullam  
Sixti IV.*

*In censuras  
reincidunt  
absoluti, nisi  
mox intrent  
Societatem,  
& vota e-  
mittere pa-  
rati sint.*

per se, vel alios ad id per eos pro tempore de-  
puratos, omnesque & singulos eiusdem Socie-  
tatis Socios, & personas sub eorum obedi-  
entiâ, disciplinâ, & correctione, pro tempore de-  
gentes, ab omnibus & singulis eorum pecca-  
tis ante vel post ingressum in dictam Societa-  
tem, per eos commissis, necnon à quibusvis ex-  
communicationis, suspensionis, & interdicti,  
aliisque Ecclesiasticis & sæcularibus senten-  
tiis, censuris, pœnis à iure vel ab homine quo-  
modolibet latis & promulgatis, & huiusmodi  
sententiis innodatos, aut in locis suppositis Ec-  
clesiastico interdicto, diuina officia celebran-  
tes, & suscipientes ordines, sic ligatos, & pro-  
pterea irregularitatem incurrentes, absolvere,  
accum eis, cùm dispensatione eguerint, dis-  
pensare possint; nisi excessus absoluendorum  
& dispensandorum huiusmodi adeò graues &  
enormes fuerint, quòd sint ad Sedem Aposto-  
licam meritò remittendi: & ne sæpè in dubium  
reuocetur, qui sint ad Sedem prædictam desti-  
nandi, declarationem in eâ parte, per fel. rec.  
Sixtum Papam Quartum prædecessorem no-  
strum, in Bullâ, quam *Mare magnum* vocant,  
factam, confirmamus. Volumus autem, quòd  
postquàm Societati & consortio huiusmodi  
aggregari volentes, absoluti, & cum eis, vt præ-  
fertur, dispensatum fuerit, nisi mox ordinem  
intrare, & peractis experientiis secundùm  
Constitutiones dictæ Societatis, vota emitte-



te parati sint, etiamsi super hoc induciæ eis à PAVLI  
Prælati eiusdem Societatis concedantur, eo III.  
ipso in pristinas sententias, à quibus eos tota-  
liter absolui contigerit, relabantur & reinci-  
dant: Nec non quòd quilibet ex sociis Socie-  
tatis huiusmodi peccata sua proprio Præpo-  
sito, vel ab eo deputato seu deputatis, & aliàs  
secundùm ordinationes Societatis prædictæ  
designatis, confiteri debeat; nisi super hoc à  
dicto Præposito alium Confessorem eligendi  
facultatem habuerit: Ac inhibemus ne quis  
post emissâ vota secundùm Constitutiones  
prædictas, siue Professus, siue Scholaris, siue  
Coadiutor Societatis huiusmodi sit, ad quem-  
vis alium ordinem etiam per Sedem prædi-  
ctam approbatum, ( Carthusiensem dum-  
taxat excepto ) nisi de expressâ ipsius Præpo-  
siti aut dictæ Sedis licentiâ transferri; egressi  
verò aliàs, quàm ut præfertur, de ordine, seu  
confortio huiusmodi, in nullo alio, præter-  
quàm Carthusiensem præfato ordine, admit-  
ti, recipi, vel retineri possint; ipsique Generalis  
& alij inferiores Præpositi, per se vel alios, il-  
los sic egressos, ac alios quoscumque dictæ So-  
cietatis apostatas, ut etiam alios quosuis inso-  
lentes, & qui id mereri videbuntur, in quo-  
cumque habitu apostatas prædictos contige-  
rit inueniri, excommunicare, capere, incarce-  
rare, & aliàs suæ disciplinæ submittere; & ad  
id, si opus fuerit, auxilium brachij sæcularis in-

*Persona So-  
cietatis cui  
debeant con-  
fiteri.*

*Qui vota  
emiserint, a-  
liorum ordi-  
nem, præter  
Carthusien-  
sum, ingredi  
non possunt.*

*Apostata, &  
insolentes  
coërceri pos-  
sunt.*



**P A V L I**  
**I I I.**

*Persona ac  
bona Socie-  
tatis exi-  
muntur.*

*Presbyteri  
habere pos-  
sunt orato-  
ria, & usum  
altaris porta-  
tilis.*

*Interdicti  
tempore cele-  
brare, ac Sa-  
cramenta  
ministrare  
licet Socie-  
tati.*

*Familiari-  
bus Societa-  
tis possunt  
ministrari  
Sacramenta  
& sepultura.*

*Interdicti  
tempore Di-  
uina possunt  
audire fami-  
liares, procu-  
ratores, &  
operarij So-  
cietatis.*

uocare liberè & licitè valeant: Ipsamque So-  
cietatem, & vniuersos illius Socios & perso-  
nas, illorumque bona quæcumque ab omni  
superioritate, iurisdictione, correctione quo-  
rumcumque Ordinariorum eximimus & libe-  
ramus, ac sub nostrâ & præfatæ Sedis prote-  
ctione suscipimus: Liceatque Præpositis, & de-  
eorum etiam facultate vniuersis fratribus &  
Sociis Societatis huiusmodi in Presbyteratus  
ordine constitutis, in locis in quibus degunt,  
& eos pro tempore morari contigerit, habere  
Oratoria; & in eis, ac quocumque alio hone-  
sto & congruenti loco, in altari portatili, cum  
debitis reuerentiâ & honore, etiam tempore  
Interdicti, quauis etiam Apostolicâ auctorita-  
te appositi, ianuis clausis, excommunicatis &  
interdictis exclusis, submissâ voce Missas &  
alia diuina officia celebrare, ac Ecclesiastica  
Sacramenta recipere, & aliis ministrare, dum-  
modo ipsi causam non dederint interdicto,  
nec contingat id ipsis specialiter interdici. Iis  
verò, qui in ipsorum Præpositorum & Socio-  
rum morantur obsequiis, cuncta liberè mini-  
strare possint Ecclesiastica Sacramenta; &  
ipsos, cum decedunt, in eorum cœmeteriis se-  
pelire. Si quando in terris in quibus Socij præ-  
dicti, vel eorum aliqui, pro tempore resede-  
rint, vel in earum personas Excommunicatio-  
nis, seu Interdicti sententias contigerit pro-  
mulgari, pueri seu familiares eorundem So-  
cio-

ciorum seruitiis deputati, ac eorum & Societatis huiusmodi negotiorum procuratores, & operarij huiusmodi sententiis obnoxij minimè habeantur; ibique possint audire Diuina; nisi eisdem causam dederint, vel specialiter excommunicari seu interdicti contigerit eisdem. Nec vllis Prælatiis, contra aliquem de prædictâ Societate, vel contra alios eorum causâ, aliquam excommunicationis, suspensionis, vel interdicti sententiam contra eiusdem Societatis priuilegia, per nos concessa (quorum interpretationem nobis, & Apostolicæ Sedi reservamus) ferre liceat; & si tulerint, eo ipso irrita, nulliusque roboris vel momenti sit & esse censeatur: ac omnes, & singuli alij Christi fideles, cuiuscumque conditionis existant, qui verbi Dei concionibus seu prædicationibus Sociorum seu fratrum Societatis huiusmodi, in ecclesiis vbi ipsi concionabuntur interfuerint, diebus huiusmodi Missas & alia diuina officia audire, & Ecclesiastica Sacramenta ibidem recipere, liberè & licitè valeant: nec ad id, ad proprias parochiales ecclesias accedere teneantur. Et quia eiusdem Societatis fratres & Socios, de locis ad loca transferri contingit, propter quod stabilem & continuam in certis & determinatis Domibus mansionem habere non possunt, & in ipsâ Societate idoneos tantùm & comprobatos, ad sacros ordines promoueri intelleximus, eidem

PAVLI  
III.

*Contra priuilegia à Paulo III. concessa ferri non possunt ab ullo censuræ, nec dari eorum interpretatione.*

*Qui Societatis concionibus interfuerint, Missas audire, & Sacramenta ibidem recipere possunt.*

*Volente Præposito possunt nostri à quolibet Antistite in sacris promoueri absque promissione, & obligatione.*

Præpo-

PAVLI  
III.

*In terris infidelium, & hæreticorum licet nostris commorari de Præposito licentiâ.*

*Nostris non teneantur ullam suscipere visitationem iustitiae, ministrantem, curamq; Monialium.*

Præposito Generali, quòd ordinandos Socios & fratres huiusmodi Societatis, quibuscumque maluerit Catholicis Antistitibus gratiam & communionem dictæ Sedis habentibus præsentare, ipsiisque Antistitibus præsentatos huiusmodi, absque omni promissione vel obligatione ipsorum ordinandorum fratrum & Sociorum, ad omnes etiam sacros & Presbyteratus ordines promouere. Et cum ipsi Socii magnam patientes pro Christi nomine paupertatem, exhortationis pio studio, bonos ad potiora dirigant, & errantes ad rectitudinis semitam laudabiliter reuocare procurent; concedimus, ut in excommunicatorum, & hæreticorum, vel schismaticorum, vel infidelium terris liberè commorari, & cum eisdem conuersari, de licentiâ tamen Præpositi Generalis; & ab eis tunc, & etiam quando per ipsas illos transire cõtigerit, necessaria vitæ deposcere ac recipere valeant. Quodque nullis ipsorum correctionis, seu visitationis, vel inquisitionis officium, monasteriis, vel ecclesiis, seu quibuscumque personis impendere, vel ad cognitiones caussarum, citationes partium, & denuntiationes sententiarum interdicti, vel excommunicationum procedere, aut curam Monialium, seu religiosarum quarumlibet personarum recipere teneantur, per litteras Apostolicas impetratas, vel in posterum impetrandas, nisi de hoc indulto & ordine Sociorum huiusmodi,

modi, expressam facientes mentionem, auctoritate & tenore prædictis, de speciali gratiâ indulgemus; Concedentes ipsis Sociis, ut de iis, quæ in ornamentis aut pro eis, aut libris, fabricâ, luminaribus, seu pro victu, vel indumentis eorum, nec non pro annuis censibus redimendis, ad quorum solutionem aliquæ Domus Societatis prædictæ obligatæ forsan existant; ac de Domibus, & Collegiis, ac eorum prædiis, hortis, aliisque locis eisdem Sociis, iuxta eorum viuendi institutum, haberi concessis; aut de iis, quæ sibi pro huiusmodi rebus, Domibus, Collegiis, prædiis, locis, & hortis emendis per quascumque personas, pro tempore legari, aut relinqui contigerit, & aliis bonis quibuscumque, per dictam Societatem & ipsius Collegia possessis & obtentis, aliquam decimam, etiam Papalem soluere; seu canonicam portionem exhibere, seu ad præstationem procurationum Legatorum prædictæ Sedis, vel Nuntiorum ipsius, aut Ordinariorum locorum, aut exactorum, collectarum, seu subsidiorum, vel prouisionum quorumcumque minimè teneantur; nec ad id per litteras eiusdem Sedis, aut Legatorum, vel Nuntiorum, seu diæcesanorum prædictorum, cuiuscumque tenoris fuerint, vlllo vnquam tempore compelli possint; nisi ipsæ litteræ Apostolicæ plenam, & expressam, ac de verbo ad verbum, de indulto & concessione huiusmodi, ac de eorum ordi-

PAVLI  
III.

*Non tenentur  
soluere bono-  
rum suorum  
decimam,  
vel aliam  
dare contri-  
butionem,  
seu procura-  
tionem, non  
obstante A-  
postol. consti-  
tutione.*



PAVLI  
III.

*Domus, vel  
Collegia So-  
cietati dona-  
ta, seu reli-  
cta, eo ipso  
auctoritate  
Apostolicâ  
censeantur  
erecta.*

ordine mentionem fecerint. Et si fortè per Nos, vel dictam Sedem de piis legatis dispositis & relictis, in genere vel specie, decima, vel alia portio, seu quarta, alteri piæ, vel non piæ causæ, quomodolibet hæcenus concessa fuerit, vel illam in posterum concedi, seu solui, aut dari, mandari, contigerit; Socios præfatos, & illorum Domos, & bona quæcumque, ac eis legata, & relicta, aut aliàs in eorum fauorem disposita, in concessionibus, & mandatis huiusmodi decernimus, & volumus minimè comprehendi; nisi de ipsis, ac præsentì decreto, & voluntate nostrâ, non per clausulas generales idem importantes, sed vera, expressa, & specifica mentio fiat in eisdem. Et insuper si contingat Socios ipsos, vt adiuuante aliquo Principe, Duce, Marchione, Comite, vel Communitate, vel quauis ad id potenti & facultatibus abundanti personâ, aliquam Domum, ecclesiam, aut Collegium Societatis prædictæ ædificent, & construant, seu id per alicuius similis personæ testamentum mandari, vel quouis modo eis offerri Domum, Ecclesias, seu Collegia huiusmodi, cum omnibus ad id necessariis & opportunis construi & ædificari, ac locum pro huiusmodi constructione oblatum recipi posse, ipsasque Domos, Ecclesias, Collegia, Cellas, Oratoria, vbilibet per dictos Socios, pro tempore constructa, vel eis donata, eo ipso, quòd ædificata, vel donata fuerint,

Apo-



Apostolicâ auctoritate prædictâ , erecta , approbata, & confirmata ; ac bona quæcumque, pro Collegiorum dote , seu Scholarium inibi pro tempore cômorantium sustentatione, per quoscumque Christi fideles, pro tempore donata, relictâ, & legata, eo ipso prædictâ Apostolicâ auctoritate , perpetuò applicata & appropriata esse & censerî, ( nisi aliâs ad collationem Sedis prædictæ pertinerent ) & ecclesias prædictas, cum cæmeteriis benedici, aut consecrari facere , ac primum lapidem poni, per quoscumque Episcopos ( si diœcesani, vltra quatuor menses id facere distulerint ) posse decernimus : inhibentes omnibus , & singulis Archiepiscopis , Episcopis , aliisque ecclesiarum Prælatiis , & locorum Ordinariis, ac quibuscumque aliis potestatibus Ecclesiasticis & sæcularibus, illis nihilominus mandantes, ne ipsos Socios, aut eorum Domos, Ecclesias, aut Collegia huiusmodi, ad aliquorum requisitionem, ex propriâ eorum voluntate , si id in Domino expediens fuerit , ædificare volentes , quoquo modo in huiusmodi constructionibus impediant, perturbent, aut molestant. Et, vt Societatis huiusmodi professoribus omnis vagandi occasio, & ad Apostolicam Sedem prædictam recurrenti, subtrahatur pro posse necessitas; Generali, & de eius licentiâ Prouincialibus Præpositis dictæ Societatis, pro tempore existentibus, & illorum Vicariis & Locatenentibus,

PAVLI  
III.

*Bona Societati donata pro Collegiorum sustentatione etiâ auct. Apost. reputantur applicata, &c.*

*Ecclesia nostra benedici, & consecrari possunt à quolibet Episcopo, &c.*

*Ne impediantur nostri, ab ullo in suis ædificiis.*

PAVLI  
III.

*Quatenus  
cum nostris  
in irregula-  
ritate possit  
dispensari.*

*Fideles qui-  
cumque con-  
fiteri nostris  
possunt abs-  
que Rectoris  
sui facultate.*

bus, vt cum eiusdem Societatis personis defectum natalium, ex adulterio, sacrilegio, incestu, & quouis alio nefario & illicito coitu prouenientem patientibus; nec non cum iis, qui ex quauis causâ, (præterquàm homicidij voluntarij, bigamiæ, & mutilationis membrorum) irregulares fuerint, postquàm in ordine ipso vota emiserint, vt defectu & irregularitate huiusmodi non obstantibus, ad quoscumque etiam sacros, & Presbyteratus ordines promoueri, & in illis, etiam in altaris ministerio ministrare, & irregulares defectum natalium patientes prædicti ad quascumque administrationes & officia dictæ Societatis eligi, recipi & assumi, illaque gerere, & exercere liberè & licitè valeant, dispensare possint, auctoritate & tenore prædictis concedimus & indulgemus. Prætereà cum intellexerimus populos ciuitatum, terrarum, & locorum, apud quæ habitationem iidem Socij habent, vel vbi eosdem versari aut transire contingit, exemplo allectos & inductos religiosæ vitæ, quam Domino concedente ducunt, libenter ad confitendum eisdem, & sacratissimam communionem de manibus eorum accipiendum confluere, vt illis sic confluentibus satisfacere valeant, vniuersis vtriusque sexus Christi fidelibus, vt cuilibet de Societate prædictâ confiteri possint, Rectoris sui licentiâ minimè requisitâ, cui non teneantur eadem peccata, de quibus confessi & absolui

oluti fuerint, rursus confiteri: nec non omnibus & singulis Christi fidelibus, tam forensibus, quàm in ciuitatibus, & locis in quibus Socij prædicti consistunt, commorantibus, aut illac transeuntibus, Eucharistiæ sacramentum (quod in suis ecclesiis decenter tenere Socios præfatos volumus) quocumque anni tempore, præterquàm in festo Paschatis Resurrectionis Dominicæ, & mortis articulo, nisi necessitas vrgeret eorumdem fidelium, parochialium ecclesiarum Rectorum licentiâ minimè requiritâ, accipere liberè & licitè valeant. Nec non animarum profectui prouidere volentes, de omnipotentis Dei misericordiâ, ac beatorum Petri & Pauli Apostolorum eius auctoritate confisi, omnibus & singulis vtriusque sexus Christi fidelibus, vbilibet commorantibus, verè pœnitentibus, & confessis, seu temporibus à iure statutis confitendi propositum habentibus, qui aliquam Ecclesiam, aut alium pium locum dictæ Societatis, semel singulis annis, (præter annum Iubilæi) in die per pro tempore existentem dictæ Societatis Præpositum, eligendo, à primis vesperis, vsque ad occasum Solis eiusdem diei inclusiue, deuotè visitaerint, & inibi orationem Dominicam, ac salutationem Angelicam recitauerint, plenariam omnium peccatorum suorum indulgentiam ac remissionem, in formâ Iubilæi, auctoritate Apostolicâ, tenore præsentium misericorditer

PAVLI  
III.

*Licet singulis Christianis Eucharistiam à nostris accipere semper, duobus exceptis casibus.*

*Qui aliquam Ecclesiam nostram à Prepositio designatam semel in anno visitarit, indulgentiam plenariam consequitur.*

D

conce-

PAULI  
III.

*Ceteris anni  
diebus obti-  
netur in Ec-  
clesiis indul-  
gentia mul-  
torum anno-  
rum.*

*Præpositus  
lectores in  
Theologiâ, &  
facultatibus  
omnibus de-  
putare potest.*

*In terris in-  
fidelium, &  
partibus re-  
motissimis  
nostri absol-  
uere possunt,  
etiam à casti-  
bus in Bullâ  
Cænæ Do-  
mini reser-  
uatis.*

concedimus & elargimur: Et insuper quatuor aliis, scilicet, Natiuitatis, Circumcisionis, Epiphaniæ, & Corporis Christi festiuitatum, nec non Veneris, & Dominicis, & Quadragesimalibus diebus singulorum annorum, vsque ad octauam Paschatis, ecclesias & alia pia loca dictæ Societatis deuotè visitauerint, & inibi orationem & salutationem prædictas similiter recitauerint, ac verbum Dei, si in illis prædicetur, deuotè audierint, septem annos, & totidem quadragenas de iniunctis eis pœnitentiis, misericorditer in Domino relaxamus.

Ac Præposito Generali eiusdem Societatis, vt, quos de suis idoneos in Domino iudicauerit, ad lectiones Theologiæ, & aliarum facultatum, alterius licentiâ ad id minimè requisitâ, vbilibet deputare possit: Et vt, cum aliquos ex fratribus seu Sociis Societatis huiusmodi in Saracenorum & Paganorum, aliorumque infidelium terras & prouincias alias remotissimas, à quibus non potest adiri Sedes Apostolica, miserit; possit eis, auctoritate nostrâ, facultatem concedere, vt Christianos ibidem commorantes, confessione peccatorum suorum auditâ, & pœnitentiâ saluari iniunctâ, eos & eorum quemlibet ab omnibus & singulis eorum peccatis, etiam in Bullâ Cænæ Domini reseruatis, & à consequentibus censuris & pœnis absoluere: & cum iis qui ab infidelitate cōuertentur tantum, & in locis remotissi-  
mis,



mis, qui priùs in gradibus non licitis, tamen lege diuinâ non prohibitis, matrimonia contraxerant, vt in eisdem manere possint, dispensare; ac in locis prædictis remotissimis, quæcumque, Ecclesias, Hospitalia, & alia pia loca, prout expediens fuerit, erigere; ac nunc, & pro tempore erecta reformare, sine alicuius præiudicio, & vestes sacerdotales, pallas, corporalia, calices, altaria, cœmeteria (si Episcopus, qui ea faciat, Catholicus inibi non adsit) benedicere, ac profanatas ecclesias reconciliare possint: Et quæcumque statuta & ordinationes, desuper necessaria facere, illaque postquàm facta fuerint, mutare, alterare, ac illis addere, & detrahere; ac Præposito Prouinciali in illis longinquis partibus residentè decedente, interim dum alius per Generalem Præpositum mittitur, loco Præpositi sic decedentis, alium eligere liberè & licitè valeant: Et quia in numerosis populis illarum regionum, tanta est Sacerdotum raritas, vt vnus plurium curam populorum suscipere debeat; vt bis eodem die Missam celebrare, diuersis in locis valeant: & insuper attentâ meditatione pensantes, quantum vtilitatis ad exaltationem Christianæ fidei & Euangelicæ veritatis, Societatis prædictæ professores afferant, & afferre valeant, omnia & singula, gratias, immunitates, concessiones, priui-

PAVLI  
III.

*Dispensare  
in gradibus  
iure diuino  
non prohibi-  
tis, in locis  
remotissimis.  
Ecclesiarum  
erectio, &  
reformatio.*

*Ecclesiarum  
reconciliatio.*

*Statuta  
condere.*

*Decedente  
Prouinciali  
alterius  
electio.*

*Potestas bis  
in die cele-  
brandi.*



PAVLI  
III.

*Privilegiiorū  
à se datorū,  
Papa confir-  
matio.*

*Professio  
ubique loco-  
rum emitti  
potest.*

*Coadiutores  
sine certo  
numero ad-  
mitti possunt.*

*Gratias à  
Paulo III.  
concessas po-  
test Generalis  
per alios ex-  
ercere.*

legia, & indulta, antea per nos eisdem Socie-  
tati, & illius Sociis, & personis quomodolibet  
concessa, quæ hîc pro specificatis haberi volu-  
mus approbantes, innouantes, & confirman-  
tes, quòd Socij dictæ Societatis, qui alibi,  
quàm in vrbe Româ, professionem emittere  
non possunt, litteris Apostolicis ab ipsâ Socie-  
tate, ad id ob aliquas causas, ad tempus impe-  
tratis, non obstantibus, eisdem de licentiâ  
Præpositi Generalis prædicti, vt professionem  
ipsam vbilibet emittere liberè & licitè valeant,  
concedimus & indulgemus. Nec non Igna-  
tio, & aliis successoribus suis Præpositis Gene-  
ralibus dictæ Societatis pro tempore existen-  
tibus, vt indultum aliàs per nos eidem Socie-  
tati, super habendis viginti Coadiutoribus  
concessum, ad alios quoscumque, quos ido-  
neos fore censuerint, sub eorum obedientiâ  
degentes extendere, & quascumque gratias,  
concessiones, & indulta eisdem Generalibus  
dictæ Societatis Præpositis pro tempore exi-  
stentibus per Nos concessa, per eorum Vica-  
rios, aut personas ad id sibi benè visas, præser-  
tim in Indiarum, & aliis partibus remotis, pro  
tempore substitutas, exercere liberè & licitè  
valeant. Ac præsentès litteras, & in eis conten-  
ta quæcumque, ex quauis causâ, de surreptio-  
nis, vel obreptionis, aut nullitatis vitio, seu  
intentionis nostræ defectu notari vel impu-  
gnari nullatenus posse: ac sub quibusvis suspen-  
sioni-

tionibus, derogationibus, limitationibus, & aliis quibusuis contrariis dispositionibus, & gratiarum ac indulgentiarum concessarum derogatoriis seu reuocatoriis, etiam per nos, & Sedem eandem, pro tempore concessis, nullatenus comprehendi, sed semper ab illis exceptas existere, ac suos plenarios effectus sortiri; & illarum transumptis manu Notarij publici subscriptis, & sigillo alicuius Canonici Metropolitane, vel alterius Cathedralis Ecclesie, seu personae in dignitate Ecclesiastica constitutae munitis, eandem prorsus fidem, quae adhiberetur eisdem originalibus litteris, si forent exhibitae, vel ostensae, vbique in iudicio, & extra adhiberi debere; & sic per quoscumque Iudices & Commissarios quauis etiam Apostolicam auctoritate fungentes, sublatam eis & eorum cuilibet quauis aliter iudicandi & interpretandi facultate & auctoritate, iudicari & definiri debere; ac si secus super his a quoquam quauis auctoritate scienter, vel ignoranter contigerit attentari, irritum & inane decernimus: Ac dilectis in Christo filiis illustribus, & nobilibus viris, Principibus, ac Dominis temporalibus, & venerabilibus fratribus, Praelatis Ecclesiasticis in quauis dignitate constitutis praedictam Societatem ac singulos illius Socios plurimum in Domino commendantes; non solum ne eos inquietari, aut eorum priuilegia violari permittant, sed vt benignè & cum

*Transumptis  
habeatur  
fides.*

*Societas e-  
iusq; perso-  
na Principi-  
bus ac Prae-  
latis com-  
mendantur.*

PAVLI  
III.*Deputantur  
Indices con-  
servatores.*

caritate, vt decet, suscipiant exhortamur, atque in Domino rogamus: & nihilominus vniuersis & singulis venerabilibus fratribus nostris, Archiepiscopis, Episcopis, ac dilectis filiis, Abbatibus, Prioribus, & aliis personis in dignitate Ecclesiasticâ constitutis, necnon Metropolitan. & aliarum Cathedralium Ecclesiarum Canonicis, ac eorumdem Archiepiscoporum, & Episcoporum Officialibus, & Vicariis generalibus, vbilibet constitutis, per Apostolica scripta mandamus, quatenus ipsi, ac quilibet eorum, per se, vel alium, seu alios, præsentem litteras, & in eis contenta huiusmodi, vbi, & quando opus fuerit, ac quoties pro parte dictorum Sociorum, vel alicuius eorum fuerint requisiti, solemniter publicantes, eisdemque Sociis in præmissis efficacis defensionis præsidio assistentes, faciant, auctoritate nostrâ, eosdem Socios litteris, & in eis contentis huiusmodi pacificè gaudere; non permittentes eos, aut eorum aliquem super præmissis, aut quibusvis aliis rebus, & causis per locorum Ordinarios, aut quoscumque alios, quomodolibet indebitè molestari; sed eos contra quoscumque cuiuscumque conditionis, vel qualitatis existentes, & quauis etiam Patriarchali, Archiepiscopali, vel Episcopali, aut mundanâ dignitate ac exemptione fungentes & munitos, in quibusvis causis, iustitiæ complementum ministrantes,

tes, id quod per eos ordinatū fuerit, ad executionem debitam perducī faciant: illosque quos censuras vel pœnas prædictas incurrisse cōstitērit, excōmunicatos ac interdīctos declarent, ac faciant & mandent publicē nuntiari, ac ab omnibus arctiūs euitari, & legitimis super his habitis & habendis processibus seruatis, illos quoties opus fuerit, iteratis vicibus aggrauare procurent: contradīctores auctoritate nostrā, appellatione postpositā, compescendo, inuocato etiā ad hoc, si opus fuerit, auxilio brachij sæcularis. Non obstantibus constitutionibus, & ordinationibus, ac iuramento, cōfirmatione Apostolicā, vel quauis firmitate aliā roboratis, statutis, & consuetudinibus, nec non priuilegiis, indultis, & litteris Apostolicis S. Benedicti, & S. Francisci, ac Mendicantium, & aliis Ordinibus supradictis, illorumque Prælati & personis, etiam super non comunicādis gratiis sibi concessis, & aliās quomodolibet per nos & Sedem præfatam cōcessis, confirmatis, ac etiam iteratis vicibus innouatis, etiam Mari magno, Bullā aureā, & aliās quomodolibet nuncupatis, quibus illorum tenores præsentibus pro sufficienter expressis, & insertis habentes, illis aliās in suo robore permansuris, hac vice specialiter & expresse derogamus, ceterisque contrariis quibuscumque. Nulli ergo omnino hominum liceat hanc paginam nostrorū, concessionum, statutorum, ordina-

*Non obstant  
huic priuilegio  
ulla  
aliorum.*

PAVLI  
III.

tionis, confirmationis, inhibitionum, exemptionis, liberationis, susceptionis, decretorum, voluntatum, elargitionis, relaxationis, exhortationis, rogationis, mandati, & derogationis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius se noverit incursum. Datum Romæ apud Sanctum Marcum, anno Incarnationis Dominicæ M.D. XLIX. XV. Kal. Nouembr. Pontificatus nostri anno Quintodecimo.

G. Grolletti.

F. De Iafer promagistris.

IV-



## CONFIRMATIO ALIA

Instituti, cum maiori, tum illius tum aliorum Societatis indultorum, declaratione.

A N N O M. D. L.

**I**VLIUS Episcopus servus servorum Dei, ad perpetuam rei memoriam. Exposcit debitum pastoralis officij, cui nos licet immeritos prætulit diuina Maiestas; ut fideles quoslibet, præsertim religiosos, in viâ mandatorum Domini ad illius honorem & gloriam, & proximorum spiritualem profectum, deambulantes, paternis confoueamus affectibus: ut fideles ipsi, dexterâ Domini sibi assistente propitiâ, æternæ salutis præmium feruentius exquirant, & in eorum pio proposito confouentur. Dudum siquidem, per felicitis recordationis **PAYLV**M Papam Tertium prædecessorem nostrum, accepto, Quòd dilecti filij Ignatius de Loyolâ, & Petrus Faber, ac Iacobus Laynez, nec non Claudius Iaius, & Paschasius Broët, ac Franciscus Xauier, nec non Alfonsus Salmeron, & Simon Rodericus, ac Ioannes

*Summa litterarum Apostolicarum Pauli III. de Instituto Societatis.*

IVLII  
III.

Coduri, & Nicolaus de Bobadillâ , Presbyteri Pampilonen. Gebennen. Seguntin. Toletan. Vifên. Ebredunen. & Palentin. ciuitatum, & diœceseon, in Artibus magistri, in Vniuersitate Parisiensi graduati, & in Theologicis studiis per plures annos exercitati , Spiritu sancto afflati , iam dudum è diuersis mundi regionibus decedentes , in vnum conuenerant ; & exemplaris ac religiosæ vitæ Socij effecti , abdicatis huius sæculi illecebris, eorum vitam perpetuo Domini nostri IESV Christi, atque suo & successorum suorum Romanorum Pontificum seruitio dedicauerant ; & iam pluribus annis verbum Dei prædicando, & fideles priuatim ad pias meditationes , beneque ac beatè viuendum excitando , hospitalibus inferuendo, pueros & alios rudes salubria dogmata, ad Christiani hominis institutionem necessaria docendo ; ac denique omnia caritatis officia, quæ ad animarum ædificationem pertinebant , vbique terrarum , vbi peregrinati fuerant quisque iuxta traditam sibi ab ipso Spiritu sancto gratiam , multâ cum laude obeundo , laudabiliter in vineâ Domini se exercuerant , eorum institutum , sub quadam viuendi formulâ ab ipsis editâ, Euangelicæ veritati , & sanctorum Patrum sanctionibus conformi , vt vinculum caritatis & vnio in ipsis quidem Sociis, & aliis qui prædictum vellent institutum sequi, conseruarentur, approbavit,

& confirmavit, & benedixit: ipsosque Socios, quorum numerum, non ultra sexaginta esse tunc voluit, sub suâ, & Apostolicæ Sedis protectione suscepit; illisque condēdi Constitutiones & statuta quæcumque ad ipsius sic institutæ & confirmatæ Societatis conseruationem & felicem progressum, licentiam concessit per quasdam. Cumque postmodum progressu temporis, Spiritu sancto cooperante, ex Societate prædictâ spirituales animarum fructum crescere; & multos, qui institutum prædictum sequi vellent, in Parisiensi & aliis generalium studiorum Vniuersitatibus, studere intellexisset idem prædecessor, Ignatij & aliorum Sociorum prædictorum piam vitâ & doctrinam attendendo, eidem Societati vt quoscumque alios idoneos, & iuxta suas Constitutiones probatos liberè admittere possent, concessit. & nihilominus, vt Coadiutores tam Presbyteros, qui in spiritualibus, quàm laicos, qui in temporalibus & domesticis officiis eos adiuuarent. qui quidem Coadiutores peractis probationibus, iuxta Constitutiones Societatis huiusmodi requisitis, ad maiorem deuotionem suam & meritum, etiam tria vota, Paupertatis videlicet, Castitatis, & Obedientiæ possent emittere, non solemnia, sed quibus pro eo tempore, quo Præpositus Generalis Societatis prædictæ eis in ministerio spirituali vel temporali vtendum iudicaret, astringerentur:

IVLII  
III.

IVLII  
III.

gerentur: quique omnium bonorum operum, quæ in dictâ Societate fierent, ac meritum omnium participes fierent, perinde ut qui solemnem professionem in eadem Societate emisissent, possent assumere: & alias gratias ac priuilegia ad fouendam & adiuuandam in iis, quæ ad Dei honorem & animarum salutem pertinebant, Societatem prædictam, de benignitate Apostolicâ concessit. Ut autem prædicta omnia prius ab eodem prædecessore concessa, magis confirmetur; & simul omnia quæ ad institutum prædictæ Societatis pertinent, eisdem in litteris aliarum summam continentibus comprehendantur; & ut aliqua obscurius dicta, & quæ scrupulum ac dubitationem possent iniicere, per nos exactius explicentur; Nobis fuit humiliter supplicatum, ut formulam, quâ prædictæ Societatis institutum exactius & distinctius, quàm antea, edocente experienciâ ac usu rerum, expressum, eodem tamen spiritu, comprehenditur confirmare dignaremur; cuius tenor sequitur, & est talis. Quicumque in Societate nostrâ, quam IESU nomine insigniri cupimus, vult sub crucis vexillo Deo militare, & soli Domino ac Ecclesiæ ipsius sponsæ, sub Romano Pontifice, Christi in terris Vicario, seruire; post solemne perpetuæ Castitatis, Paupertatis, & Obedientiæ votum, proponat sibi in animo, se partem esse Societatis, ad hoc potissimum institutæ, ut

*Instituti Societatis formula.*

*Vota Paupertatis, Castitatis, & Obedientiæ. Finis instituti.*

ad

ad fidei defensionem & propagationem, & profectum animarum in vitâ & doctrinâ Christianâ per publicas prædicationes, lectiones, & aliud quodcumque verbi Dei ministerium, ac spiritualia exercitia, puerorum ac rudium in Christianismo institutionem, Christi fidelium in confessionibus audiendis ac ceteris Sacramentis administrandis, spiritualem consolationem, præcipuè intendat: & nihilo minus ad diffidentium reconciliationem, & eorum qui in carceribus vel in hospitalibus inueniuntur, piam subuentionem & ministerium, ac reliqua caritatis opera, prout ad Dei gloriam, & commune bonum expedire visum erit, exequenda, gratis omnino, & nullo, pro suo in prædictis omnibus labore, stipendio accepto, se vtilem exhibeat; curetque primò Deum, deinde huius sui instituti rationem, quæ via quædam est ad illum, quoad vixerit, ante oculos habere, & finem hunc sibi à Deo propositum totis viribus assequi; vnusquisque tamen secundum gratiam sibi à Spiritu sancto subministratam, & vocationis suæ proprium gradum. Ideoque, ne quis fortè zelo vtatur, sed non secundum scientiam, proprii cuiusque gradus iudicium, & officiorum discretio ac distributio tota sit in manu Præpositi Generalis, seu Prælati per Nos quocumque tempore eligendi, vel eorum quos ipse sibi eâ cum auctoritate substituerit, vt congruus ordo seruetur

IVLII  
III.

*Puerorum  
ac rudium  
institutio.*

*Operum ca-  
ritatis exer-  
citia, qua  
gratis omni-  
no exhibenda  
sunt.*

*Officiorum  
distributio.*

tur



I V L I I  
III.*De condendis  
constitutioni-  
bus.**Præpositus  
habet aucto-  
ritatem de-  
clarandi in-  
stitutum.**Consilium ad  
graviora cō-  
vocandum.**In his qua  
non tanti  
momenti  
sunt, ius tan-  
tū habet  
Præpositus.*

tur in omni benè institutâ communitate ne-  
cessarius. Qui quidem Præpositus de confi-  
lio consociorum, Constitutiones ad constru-  
ctionem huius propositi nobis finis condu-  
centes condendi, maiori suffragiorum parte  
semper statuendi ius habente, & quæ dubia  
esse poterunt in nostro instituto hac formulâ  
comprehenso declarandi auctoritatem ha-  
beat. Consilium verò necessariò conuocandū  
ad condendas, vel immutandas Constitutio-  
nes, & alia grauiora, vt alienare, vel dissoluere  
Domos, ac Collegia semel erecta, intelligatur  
esse maior pars totius professæ Societatis (iux-  
tâ Constitutionum nostrarum declarationem)  
quæ sine magno incommodo potest à Præpo-  
sito Generali conuocari. In aliis, quæ non ita  
magni momenti sunt, idem Præpositus adiutus  
quatenus ipse opportunum iudicabit, fratrum  
suorum consilio per seipsum ordinandi & iu-  
bendi quæ ad Dei gloriam & commune bonum  
pertinere in Domino videbuntur, ius  
totum habeat, prout in Constitutionibus eisdem  
explicabitur. Quicumque autem in hac  
Societate professionem emisierint, non solum  
in primis professionis suæ foribus intelligant,  
sed quoad vixerint, memores sint, Societatem  
hanc vniuersam, & singulos qui in eâ profiten-  
tur, sub Sanctissimi Domini N. PAVLI Papæ  
Tertij, & aliorum Romanorum Pontificum  
successorum eius fideli obedientiâ, Deo mili-  
tare.

tare. Et quamuis Euangelio doceamur, & fide IULII  
 orthodoxâ cognoscamus ac firmiter tenea- III.  
 mus, omnes Christi fideles Romano Pontifi-  
 ci, tamquâ capiti, ac IESV Christi Vicario sub-  
 esse: ob deuotionem tamen maiorem ad obe-  
 dientiam Sedis Apostolicæ, & maiorem volû-  
 tatum nostrarum abnegationem, & certio-  
 rem sancti Spiritus directionem, summoperè con-  
 ducere iudicauimus, singulos nos, & quicum-  
 que eandem in posterum professionem emi-  
 serint, vltra illud commune trium votorum  
 vinculum, speciali ad hoc voto astringi, vt  
 quidquid modernus, & alij Romani Pontifices  
 pro tempore existentes iusserint ad profectum  
 animarum, & fidei propagationem pertinens,  
 & ad quascumque prouincias nos mittere vo-  
 luerint, sine vllâ tergiuersatione aut excusatio-  
 ne illicò, quantum in nobis fuerit, siue nos ad  
 Turcas siue ad quoscumque alios infideles, et-  
 iam in partibus, quas Indias vocant, siue ad  
 quoscumque Hæreticos, Schismaticos, seu et-  
 iam ad quosuis fideles, mittendos censue-  
 rint, exequi teneamur. Quamobrem qui ad  
 nos accessuri sunt, antequàm huic oneri hume-  
 ros supponant, diu multumque meditentur,  
 an tantû pecuniæ spiritualis in bonis habeant,  
 vt turrim hanc iuxta consilium Dominicum  
 possint consummare: hoc est, an Spiritus san-  
 ctus, qui illos impellit, tantum illis gratiæ pol-  
 liceatur, vt huius vocationis pondus, illo  
 ad-

*Speciale vo-  
 tû obediendi  
 Romano  
 Pontifici.*

*Ingressuri  
 Societatem  
 quid conside-  
 rare debeant.*

IVLII

III.

*Missiones  
non procu-  
randa.*

*Votum obe-  
dientia.*

*Præpositi  
electio, &  
potestas.*

*Gubernandi  
ratio.*

adiuuante, se laturos speret: & postquam, Domino inspirante, huic IESU Christi militiæ nomen dederint, die noctuque succincti lumbos, & ad tam grandis debiti solutionem prompti esse debebunt. Ne qua autem possit esse inter nos missionum, aut prouinciarum huiusmodi ambitio, vel detrectatio, intelligant singuli, sibi per se vel alium, de huiusmodi missionibus quidquam cum Romano Pontifice, non esse curandum; sed omnem hanc curam Deo, & ipsi Pontifici tamquam eius Vicario, & Societatis Præposito, dimittendam: cui quidem Præposito, sicut ceteris, nihil de sui ipsius missione in alterutram partem, nisi de Societatis consilio cum dicto Pontifice curandum erit. Voueant etiam singuli, se in omnibus, quæ ad regulæ huius nostræ obseruationem faciunt, Societatis Præposito (qui ad hoc munus, quam fieri possit idoneus, ad plura vota, prout in Constitutionibus declarabitur, eligetur) obedientes fore. Ille autem omnem eam auctoritatem & potestatem habeat supra Societatem, quæ ad bonam eiusdem Societatis administrationem, correctionem, & gubernationem vtiliserit. Iubeat autem ea, quæ ad constructionem propositi sibi à Deo & à Societate finis cognouerit esse opportuna; & in prælatione suâ benignitatis, ac mansuetudinis, caritatisque Christi, Petri, Paulique formulæ semper sit memor: & tam ipse, quam consilium præ-

prædictum ad normam hanc assidue spectent. **IULII**  
 Singuli verò subditorum, tum propter ingen- **III.**  
 tes ordinis vtilitates, tum propter numquam  
 satis laudatum humilitatis assiduum exerci-  
 tium, non solum Præposito in omnibus, ad in-  
 stitutum Societatis pertinentibus, parere sem-  
 per teneantur; sed in illo Christum veluti præ-  
 sentem agnoscant, & quantum decet, vene-  
 rentur. Cùm autem experti fuerimus iucun-  
 diorem, puriorem, & ad proximi ædificatio-  
 nem aptiorem esse vitam ab omni auaritiæ  
 contagione quàm remotissimam, & Euangeli-  
 cæ paupertati quàm simillimam: cumque  
 sciamus Dominum nostrum IESVM Chri-  
 stum seruis suis regnum Dei solum inquiren-  
 tibus, necessaria ad victum & vestitum esse  
 subministraturum; sic voueant singuli & vni-  
 uersi perpetuam Paupertatem, vt non solum  
 priuatim, sed neque etiam communiter, pos-  
 sint Professi vel vlla eorum Domus aut eccle-  
 sia ad aliquos prouentus, redditus, possessiones,  
 sed nec ad vlla bona stabilia, præter ea, quæ  
 opportuna erunt ad vsum proprium & habi-  
 tationem, retinenda ius aliquod ciuile acqui-  
 rere, rebus sibi ex caritate donatis ad necessa-  
 rium vitæ vsum contenti. Quia tamen Do-  
 mus, quas Dominus dederit, ad operandum in  
 vineâ ipsius, & non ad scholastica studia exer-  
 cenda destinandæ erunt; cùm valdè opportu-  
 num fore alioqui videatur, vt ex iuuenibus ad

*Obedientiæ  
subditorum  
erga Præpo-  
situm.*

*Paupertatis  
votum.*

*Professi, &  
eorum Do-  
mus non pos-  
sunt habere  
redditus.*

E

pieta-



I V L I I  
III.

*De Collegiis,  
& eorum  
reditibus.*

*Collegiorum  
gubernatio  
penes Præpo-  
situm vel  
Societatem  
est.*

pietatem propensis, & ad litterarum studia tractanda idoneis, operarij eidem vineæ Domini parentur, qui Societatis nostræ, etiam professæ, velut quoddâ Seminarium existant, possit professa Societas ad studiorum commoditatem, Scholarium habere Collegia, vbi- cumque ad ea construenda, & dotanda ex deuotione aliqui mouebuntur: quæ simul atque constructa & dotata fuerint, (non tamen ex bonis, quorum collatio ad Sedem Apostolicam pertinet) ex nunc auctoritate Apostolicâ erigi supplicamus, seu pro erectis haberi: quæ Collegia possint habere redditus, census, seu possessiones, vsibus & necessitatibus studentium applicandas, retentâ penes Præpositum vel Societatem omnimodâ gubernatione seu superintendentiâ super dicta Collegia & prædictos studentes, quoad Rectorum seu gubernatorum, ac studetium electionem, ac eorundem admissionem, emissionem, receptionem, exclusionem, statutorum ordinationem, & circa studentium instructionem, eruditionem, ædificationem, ac correctionem, victus, vestitusque, & aliarum rerum necessariarum eis ministrandarum modum, atque aliam omnimodam gubernationem, regimen, ac curam, vt neque studentes dictis bonis abuti, neque Societas Professa in proprios vsus conuertere possit; sed studentium necessitati subuenire: Qui quidem studentes ingenij, & morum indole tales esse



esse debebunt, vt meritò speretur, post absoluta studia ad Societatis functiones idoneos fore: & sic demum post cognitum in spiritu & litteris eorum profectum, & post sufficientem probationem, in Societatem nostram admitti possint. Socij autem omnes cùm Presbyteri esse debeant, ad dicendum officium secundū communem Ecclesiæ ritum, sed priuatim, & non communiter vel in choro, teneantur: & in iis, quæ ad victum, & vestitum, & cetera exteriora pertinent, honestorum Sacerdotum communem & approbatum vsum sequentur, vt quod inde pro cuiusque necessitate, vel spiritualis profectus desiderio subtractum fuerit, ex deuotione, & non ex obligatione, rationabile obsequium corporis Deo, prout expediet, offeratur. Hæc sunt, quæ sub præfati Domini Nostri PAVLI, & Sedis Apostolicæ beneplacito, de nostrâ professione typo quodam explicare potuimus; quod nunc fecimus, vt summatim informaremus tum illos, qui nos de nostro vitæ instituto interrogant, tum etiam posteros nostros, si quos Deo volente imitatores vnquam habebimus huius vitæ: quam cùm multas, magnasque habere annexas difficultates fuerimus experti, opportunum iudicauimus etiam statuere, nequis ad professionem in hac Societate emittendam, nisi diuturnis & diligentissimis probationibus, prout in Constitutionibus declarabitur, eius vita & doctrina explorata fue-

IV L I I  
III.

*De Officio  
diuino recita-  
tando.*

*In victu &  
vestitu sequi  
debemus v-  
sum com-  
munem ho-  
nestorum Sa-  
cerdotum.*

*Ad profes-  
sionem, non ad-  
mittantur  
nisi diu,  
multumq;  
probat.*

IVLII

III.

*Coadiutores,  
& Scholares  
vota sua de-  
bent emitte-  
re.*

*Aliqui tria  
vota solem-  
nia emitte-  
re possunt.*

*Idonei coad-  
iutores, &  
scholares de-  
bent admit-  
ti.*

rit, recipiatur : quia reuerà hoc institutum omnino humiles, & prudentes in Christo, & in Christianæ vitæ puritate ac litteris conspicuos exigit. Imò & ij, qui in Coadiutores tam in spiritualibus quàm in corporalibus, & in Scholares admittentur, quorum vtrique, post sufficientes probationes, & tempus in Constitutionibus expressum, vota sua ad deuotionem & meritum mātis, non quidem solemnia, (præter aliquos, qui de licentiâ Præpositi Generalis propter ipsorum deuotionem, & personarum qualitatem, tria vota huiusmodi solemnia facere poterunt) sed quibus teneantur, quamdiu Præpositus Generalis in Societate eos retinendos esse censuerit, emitte debeant, prout in Constitutionibus latiùs explicabitur; non nisi diligenter examinati & idonei reperti ad eundem finem Societatis, admittantur ad hanc I E S V Christi militiam, qui tenuibus cœptis nostris fauere dignetur, ad gloriam Dei Patris, cui soli sit semper decus, & honor in sæcula. Amen. Quapropter considerantes, nihil quod pium sanctumque non sit, in dictâ Societate eiusque laudabilibus institutis, ac exemplari Ignatij & aliorum Sociorum prædictorum vitâ & moribus reperi; eaque omnia ad suorum & aliorum Christi fidelium animarum salutem, & fidei exaltationem tendere; Socios, ac illorum Coadiutores prædictos, & ipsius Societatis Scholares à quibusuis

busuis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure vel ab homine, quavis occasione vel causâ, latis, si quibus quomodolibet innodati existunt, ad effectum præsentium dumtaxat consequendum, harum serie absolventes & absolutos fore censentes, illosque sub nostrâ & Apostolicæ Sedis protectione suscipientes, motu proprio, & ex certâ nostrâ scientiâ, auctoritate Apostolicâ, tenore præsentium, erectionem & institutionem Societatis, ac extensionem numeri illius Sociorum, ac receptionis, & admissionis Coadiutorum, ac omnia & singula Priuilegia, immunitates, exemptiones, libertates, & condendi & alterandi statuta, & ordinationes, ac alia quævis indulta eisdem, Societati & illius Præposito, per prædecessorem nostrum, & Sedem huiusmodi, sub quibuscumque tenoribus & formis concessa & confirmata, ac desuper confectas, tam sub plumbo, quàm in formâ brevis litteras, & in eis contenta, ac inde secuta quæcumque, perpetuò approbamus & confirmamus, ac eis perpetuæ firmitatis robur adiicimus, suppletes omnes & singulos tam iuris quàm facti defectus, si qui interuenerint in eisdem: Eaque omnia, & singula perpetuæ & inconcussæ firmitatis robur obtinere, & inuiolabiliter obseruari debere; & sic per quoscumque Iudices & Commissarios, quavis au-

IVLII  
III.

*Approbatur  
& confirma-  
tur institu-  
tum, & Pri-  
uilegia con-  
cessa.*

IVLII  
III.

*Iudices qui  
assistant.*

*Non obstantibus,  
&c.*

ātoritate fungentes, sublatā eis & eorum cui-  
libet quauis aliter iudicandi & interpretandi  
facultate & auctoritate, iudicari, interpretari,  
atque decidi debere; nec non quidquid secus  
super his per quoscumque, quauis auctoritate  
scienter vel ignoranter contigerit attentari,  
irritum & inane decernimus & declaramus.

Quocircā vniuersis & singulis venerabilibus  
fratribus Patriarchis, Archiepiscopis, Episco-  
pis, ac dilectis filiis Abbatibus, Prioribus, &  
aliis personis in dignitate Ecclesiasticā cōstitu-  
tis, per Apostolica scripta mādamus, quatenus  
ipsi, & eorū quilibet, per se vel alium seu alios,  
præfatis Præposito & Societati in præmissis  
efficacis defensionis præsidio assistentes, fa-  
ciant auctoritate nostrā singulas prædictas &  
præsentes litteras plenum effectum sortiri, ac  
ab omnibus inuiolabiliter obseruari: non per-  
mittentes quemquam contra illarum tenorem  
quomodolibet indebitè molestari: contradi-  
ctores quoslibet & rebelles per censuras Ec-  
clesiasticas, & alia iuris opportuna remedia,  
appellatione postpositā, compescendo, ac cen-  
suras prædictas legitimis super his habendis  
seruatis processibus, etiam iteratis vicibus ag-  
grauando: inuocato etiam ad hoc, si opus fue-  
rit, auxilio brachij sæcularis: Non obstantibus  
constitutionibus, & ordinationibus Apostoli-  
cis, ac omnibus illis & singulis, quæ in litteris  
prædictis idem prædecessor noster voluit non  
obsta-



obstare, ceterisque contrariis quibuscumque, aut si aliquibus communiter vel diuissim ab Apostolicâ sit Sede indultum; quod interdicti, suspendi, vel excommunicari non possint per litteras Apostolicas non facientes plenam & expressam, ac de verbo ad verbum, de indulto huiusmodi mentionem. Nulli ergo omnino hominum liceat hanc paginam nostræ absolutionis, susceptionis, approbationis, confirmationis, adiectionis, suppletionis, decreti, declarationis, & mandati infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius, se nouerit incursurum. Datum Romæ, apud Sanctum Petrum, anno Incarnationis Dominicæ millesimo quingentesimo quinquagesimo, duodecimo Kal. Augusti, Pontificatus nostri anno primo.

IVLII  
III.

F. de Mendoza.

Fed. Card. Cæsius.



IULII  
III.

B R E V E I.

C O N F I R M A T I O  
P R I V I L E G I O R V MSocietati concessorum : & alio-  
rum noua concessio.

A N N O M. D. L I I.

*Dilecto Filio Ignatio de Loyolâ, Præ-  
posito Generali Societatis IESV,*

I V L I V S P A P A I I I.

**D**ilecte fili salutem & Apostolicam bene-  
dictionem. Sacræ Religionis, sub quâ di-  
lecti filij Societatis IESV, reiectis sæculi vani-  
tatibus, gratum Altissimo præbent sub humi-  
litis spiritus famulatum; & feruentibus studiis  
per exempla virtutum & solidam doctrinam  
alios ad diuinæ Maiestatis obsequia trahunt,  
fauor exposcit, & deuotionis vestræ merita  
Nos inducunt, vt ea, quæ per Nos, & præde-  
cessorem nostrum tibi & illis prouidè conces-  
sa sunt, Apostolicæ firmitatis munimine robo-  
remus: vosque amplioribus fauoribus, & gra-  
tias

tiis confoueamus, ea vobis concedentes, per quæ commoditatibus vestris, & animarum tum vestrarum tum etiam aliorum, quibus iu-

IVLII  
III.

uandis vacatis, per amplius consulatur. Tuis itaq; in hac parte nobis porrectis supplicationibus inclinati, omnia & singula, litteras, facultates, indulgentias etiam plenarias, concessionibus, immunitates, exemptiones, libertates, gratias, priuilegia, & indulta, tibi, & ad tui & pro tempore existentis Præpositi Generalis Societatis huiusmodi dispositionem concessa, nec non facultatem inter alia cum personis Societatis huiusmodi circa ieiunia, & cibos prohibitos, per te, vel alios Societatem ipsam professos dispensandi: ac quoscumque à casibus hæresis, & aliis contra fidem, & consequentibus censuris quibuscumque, etiam per te, & successores tuos, vel alios similiter professos ad id idoneos, per te & pro tempore existentem Præpositum Generalem Societatis huiusmodi deputandos absoluendi, & quatenus opus sit, in foro conscientie dispensandi, per fel. record. PAVLVM Papam III. prædecessorem nostrum, & forsan Nos tam in genere, quàm in specie, & aliàs quomodolibet, & sub quibuscumque tenoribus & formis concessa, eorum omnium tenores & causas, propter quas concessa sunt, præsentibus pro sufficienter expressis habentes, Apostolicâ auctoritate, ex certâ nostrâ scientiâ, tenore præsen-

*Confirman-  
tur Priuile-  
gia hætenus  
concessa.*

*Dispensare  
circa ieiun-  
nia, & cibos  
prohibitos.*

*Absoluere à  
quibuscum-  
que casibus  
hæresis in fo-  
ro conscien-  
tie.*

Ivlii

III.

*Privilegia  
prædicta sub  
quibus  
derogationi-  
bus non com-  
prehendun-  
tur.*

*Facultas  
præponendi,  
ac postponen-  
di officium  
divinum.*

tium approbamus & confirmamus, ac illis perpetuæ & inconcussæ firmitatis robur adii-  
cimus; illaque inuiolabiliter observari, & sub  
quibusvis derogationibus, reuocationibus,  
suspensionibus, alterationibus, decretis, decla-  
rationibus, ac litteris Apostolicis, etiam qual-  
vis clausulas generales vel speciales, etiam de-  
rogatoriarum derogatorias, efficaciores, & in-  
solitas, ac etiam irritantia decreta, sub qua-  
cumque verborum formâ, & expressione in se  
continentibus, ac Cancellariæ Apostolicæ re-  
gulis, seu constitutionibus Apostolicis, quo-  
modolibet pro tempore factis & editis, vlllo  
vnquam tempore comprehendi; aut eis in ali-  
quo derogari, seu ea reuocari, aut alterari nul-  
latenus posse; sicque per quoscumque Iudices  
& Commissarios, quavis auctoritate fungen-  
tes, in quavis causâ & instantiâ, sublatâ eis, &  
eorum cuilibet quavis aliter iudicandi & in-  
terpretandi facultate & auctoritate, iudicari  
ac definiri debere: ac ex nunc quidquid secus  
super his à quoquam, quavis auctoritate scien-  
ter vel ignoranter contigerit attentari, irritum,  
& inane decernimus: Et nihilominus, vt tu, &  
Societas huiusmodi quietius & deuotius in  
humilitate spiritus, Altissimo gratum præbere  
possitis famulatum, facultatem & licentiam  
anteponendi, & postponendi officium diui-  
num, aliàs vobis concessam ad hoc, vt tu, &  
pro tempore existentes religiosi Societatis  
huius-

huiusmodi ex legitimis ac iustis causis, in quo  
 tuam, & successorum tuorum Præpositorum  
 Generalium pro tempore existentium, & alio-  
 rum, quos ad hoc substitueritis, conscientiam  
 oneramus, officium ipsum celebrationi Missæ  
 liberè, & absque conscientiæ scrupulo postpo-  
 nere possitis, auctoritate & tenore prædictis  
 extendimus & ampliamus: ac insuper tibi, &  
 aliis Præpositis Generalibus Societatis huius-  
 modi pro tempore existentibus, & aliis, qui-  
 bus ad hanc commutationem, auctoritatem  
 vestram communicaueritis, ut recitationem  
 officij huiusmodi pro iis, qui ob infirmitatem  
 vobis videbuntur excusandi, in aliud opus  
 pium, seu leuiorem orationem, durante tamen  
 infirmitate, arbitrio vestro commutare; nec  
 non Scholaribus Collegiorum Societatis hu-  
 iusmodi in Vniuersitatibus alicuius studij ge-  
 neralis existentium, quod ipsi, si præuio rigo-  
 roso & publico examine in eisdem Vniuersi-  
 tatibus idonei reperti fuerint, & Rectores  
 Vniuersitatum huiusmodi eos gratis, & amo-  
 re Dei absque aliquâ pecuniarum solutione  
 promouere recusauerint; in Collegiis præ-  
 dictis, à Præposito Generali, pro tempore  
 esistenti, vel de eius licentiâ, à quouis ex in-  
 ferioribus Præpositis, vel Rectoribus huius-  
 modi Collegiorum, cum duobus etiam, vel  
 tribus Doctoribus, seu Magistris, per eosdem  
 eligendis; Scholaribus verò Collegiorum eo-  
 rum-

I V L I I  
 I I I.

*Postponere  
 officium di-  
 uinum Mis-  
 sa celebra-  
 tions.*

*Infirmis cō-  
 mutare offi-  
 cium diuis-  
 num.*

*Quomodo  
 Nostri in  
 Vniuersita-  
 tibus possunt  
 ad gradus  
 promoueri.*



IVLII

III.

*Nostri extra  
Vniuersita-  
tes possunt  
ad gradus  
promoueri.*

*Privilegia  
eorum, qui  
ad gradus  
promouen-  
tur.*

rumdem, extra Vniuersitates existentium, studiorum suorum cursu absoluto, & rigoroso examine præcedente, à dicto Præposito Generali, vel de eius licentiâ, à quouis ex Præpositis, vel Rectoribus huiusmodi Collegiorum, cum duobus, vel tribus Doctoribus, vel Magistris, per eosdem eligēdis, quoscumque Baccalaureatus, ac Magisterij, Licentiaturæ, ac Doctoratus gradus accipere: Præpositis, vel Rectoribus cum Doctoribus huiusmodi, vt eosdem Scholares ad gradus ipsos promouere, eisdemque Scholaribus, vt postquam promoti fuerint, in eis legere, disputare, ac quoscumque alios actus ad hæc necessarios facere, & exequi, ac omnibus, & singulis priuilegiis, prærogatiuis, immunitatibus, exemptionibus, libertatibus, antelationibus, fauoribus, gratiis, & indultis, ac omnibus, & singulis aliis, quibus alij in quibusuis Vniuersitatibus studiorum huiusmodi, rigoroso examine præuio, ac aliàs iuxta inibi obseruari solitos, & requisitos vsus, ordinationes, ritus, ac mores, pro tempore promoti de iure, vel consuetudine, aut aliàs quomodolibet vtuntur, potiuntur, & gaudent, ac vti, potiri, & gaudere poterunt quomodolibet in futurum, non solum ad ipsorum instar, sed pariformiter, & æquè principaliter absque vllâ penitus differentiâ, vti, potiri, & gaudere, in omnibus, & per omnia, perinde ac si gradus huiusmodi in eisdem Vniuersitatibus, & non

eorum



eorum Collegiis huiusmodi accepissent: Præ-  
 positis quoque inferioribus à te, & pro tem-  
 pore existenti Præposito Generali præfato, vel  
 etiam Prouincialibus, præsertim in locis In-  
 diarum, & aliis remotis partibus, pro tempo-  
 re deputatis, ut ipsi quæcumque, gratias, facul-  
 tates, concessionem, & indulta eis per te, &  
 eundem Præpositum Generalem, vel Prouin-  
 cialem, pro tempore existentes, communicata,  
 & concessa, quibusvis aliis personis de Socie-  
 tate huiusmodi Professis, eis benè visis, quo-  
 ties eis videbitur, de tuâ tamen, & Præposito-  
 rum Generalium pro tempore existentium li-  
 centiâ, communicare, & concedere possint. Et  
 insuper religiosis Societatis huiusmodi pro  
 tempore senio confectis, aut aliquâ infirmita-  
 te grauatis, & ad operandum in vineâ Domi-  
 ni non idoneis, etiam Professis, ut in collegiis  
 Societatis huiusmodi de tui, & pro tempore  
 existentis Præpositi Generalis, vel inferiorum,  
 quibus hanc facultatem communicaueris, seu  
 communicauerint, licentiâ, morari, & ex illo-  
 rum redditibus, & prouentibus se sustentare  
 absque aliquo conscientie scrupulo, liberè &  
 licitè valeant, plenam & liberam, auctoritate  
 & tenore præmissis, facultatem & licentiam  
 concedimus. Non obstantibus quibusvis Apo-  
 stolicis, ac in Prouincialibus, & Synodalibus  
 Conciliis editis generalibus, vel specialibus,  
 constitutionibus, ordinationibus, ac Societa-  
 tis,

IVLII  
III.

*Præpositi in-  
feriores gra-  
tias sibi com-  
municatas,  
de licentiâ  
Generalis,  
Professis  
communica-  
re possunt.*

*Professæ senes  
vel infirmi  
possunt cum  
facultate  
Generalis in  
Collegiis ha-  
bitare.*

*Non obstan-  
tibus, &c.*

IVLII  
III.

tis, & Vniuersitatum huiusmodi, iuramento, cōfirmatione Apostolicâ, vel quauis firmitate aliâ roboratis statutis & consuetudinibus, priuilegiis quoque, indultis, & litteris Apostolicis eidem Societati, & Vniuersitatibus, illarumq; Rectoribus, Doctoribus, & personis sub quibuscumque tenoribus, & formis, ac cū quibusuis etiam derogatoriis derogatoriis, aliisq; efficacioribus, & insolitis clausulis, irritantibusque, & aliis decretis: etiam motu proprio, & de Apostolicæ potestatis plenitudine, ac aliàs quomodolibet concessis, approbatis, & innouatis. Quibus omnibus, etiam si de illis, eorumque totis tenoribus specialis, specifica, & expressa mentio, aut quæuis alia expressio habenda foret, tenores huiusmodi, præsentibus pro sufficienter expressis habentes, illis aliàs in suo robore permansuris, hac vice dumtaxat specialiter, & expressè derogamus, ceterisq; contrariis quibuscumque. Verùm quia difficile foret præsentibus litteras ad singula quæque loca deferre; volumus, & eadem auctoritate decernimus, quòd ipsarum transumptis manualicuius Notarij publici subscriptis, & sigillo alicuius Prælati, vel personæ in dignitate Ecclesiasticâ constitutæ, aut curiæ Ecclesiasticæ munitis, in iudicio, & alibi, vbi opus fuerit, eadem prorsus fides adhibeatur, quæ adhiberetur eisdem præsentibus, si forent exhibitæ, vel ostensæ. Datum Romæ apud Sanctum

*Transumptis  
habeatur fi-  
des.*

Etum Petrum sub annulo Piscatoris, die xxii.  
Octobris, M.D.LII. Pontificatus nostri anno  
tertio.

Gal. Aquinas.

P I I I V.

C O N F I R M A T I O P I I I V.

Et noua concessio facultatis  
circa Societatis ædificia, etiam  
intra centum quadraginta  
cannas aliorum ordinum eri-  
genda.

ANNO M.D.LXI.

*Dilectis filiis Præposito Generali,  
& vniuersæ Societati IESV,*

P I V S P A P A I V.

**D**ilecti filij salutem, & Apostolicam bene-  
dictionem. Etsi ex debito pastoralis offi-  
cij singulos Religiosos, qui spretis huius transi-  
torij sæculi pompis, iugum Religionis li-  
benter amplexi, propriam voluntatem ab-  
negare, & in cælis thesauros suos reponere  
decreuerunt, paternâ dilectione prosequa-  
mur; ad illos tamen, qui sicut nomen So-  
ciorum IESV assumpserunt, ita opere, do-  
ctri-

**PII IV.** *Concessio  
Pauli III. &  
confirmatio  
Iulij III. de  
erigendis Col-  
legiis & Do-  
mibus Socie-  
tatis.* *trinâ, & exemplis, Dominum nostrum IESVM Christum imitari, & eius vestigia sequi nituntur; maioribus fauoribus, & gratis prosequendum inuitamur. Cùm itaque sicut accepimus, aliàs postquàm vos, quibus dudum antea per speciale priuilegium vobis per fel. rec.*

*PAVLVM III. concessum, & IVLIVM etiam Tertium prædecessores nostros confirmatum, vt quæcumque, Domos, Ecclesias, & Collegia Societatis IESV, cum omnibus ad id necessariis, & opportunis, construi ac ædificari facere, ac loca pro huiusmodi constructionibus, vobis pro tempore concessa recipere possesetis, indultum fuerat: decreto etiam in litteris eorundem prædecessorum desuper confectis appposito, quòd Domus, Ecclesiæ, Collegia, cellæ, & Oratoria vbilibet per vos, pro tempore constructa, seu vobis donata, eo ipso quòd ædificata, vel donata forent; Apostolicâ auctoritate erecta, approbata, & confirmata essent, & esse censerentur, ac aliàs prout in litteris prædictis latius contineri dicitur: vosque in vim priuilegij sic vobis concessi, & postea, vt præfertur confirmati, in diuersis mundi partibus, quàm plura Collegia, Domos & Ecclesias dictæ Societatis, etiam in locis intra centum quadraginta cannas, ab aliis Religiosis locis diuersorum ordinum, etiam mendicantium consistentibus erexeratis, in Dei laudem, & honorem, ac Christiane religionis non modi-*



modicum incrementum : cùm postmodùm **Pri IV.**  
vos dicto vestro priuilegio vtendo , vnum  
Collegium eiusdem Societatis in ciuitate Pa-  
lentinâ , & fundo vobis ad id donato , iuxta  
quemdam Conuentum Ordinis Fratrum Mi-  
norum S. Francisci de Obseruantia erexissetis ;  
seu iam erectum , & vobis donatum accepis-  
setis : Dilecti filij fratres dicti Conuentus , præ-  
tendentes Collegium prædictum , stantibus  
priuilegiis dicto Ordini Fratrum Minorum  
concessis, construi, seu erigi non posse , se præ-  
missis opposuerunt, & vos desuper molestare  
velle se iactauerunt, & iactant. Nos qui inter  
seruos Christi pacem & tranquillitatem inti-  
mis desideramus affectibus, attendentes quan-  
tum dicta vestra Societas in Ecclesiâ Dei hæc-  
tenus fructum attulerit, & quantum in futurum,  
Deo dante, sit allatura : & propterea vos præ-  
ceteris aliis Religiosis maioribus fauoribus, &  
gratis fore meritò prosequendos : & cupien-  
tes quòd Collegium sic per vos in dictâ ciui-  
tate Palentinâ erectum, seu vobis donatum ad  
debitum vltiorem effectum perducatur,  
motu proprio non ad vestram, vel alicuius pro  
vobis, nobis super hoc oblatæ petitionis in-  
stantiam, sed ex nostrâ certâ scientiâ, & sponta-  
neâ voluntate , ac de Apostolicæ potestatis  
plenitudine, litterarum prædictarum, nec non  
Priuilegiorum dictorum Fratrum Minorum  
veriores tenores , ac alia in præmissis, etiam

*Commenda-  
tio Societatis.*



**PII IV.** forsan de necessitate exprimenda , pro expressis habentes ; vosque à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine, quavis occasione, vel causa latis, si quibus quomodolibet innodati existitis, ad effectum præsentium dumtaxat consequendum, harum serie absolventes, & absolutos fore censentes: vobis, ut Collegium per vos in dictâ ciuitate Palentinâ, ut præmittitur, erectum inhabitare, & inhabitari, ac in eo omnia & singula, quæ in aliis eiusdem Societatis Collegiis fieri, & exerceri solent, fieri, & exerceri facere, liberè ac licitè possitis, & valeatis, Apostolicâ auctoritate tenore præsentium, de specialis dono gratiæ concedimus, & indulgemus, ac licentiam & liberam facultatem impartimur; vosque à quibusvis censuris & pœnis, in vos præmissorum occasione forsan latis, motu simili absoluimus. Et ut via molestandi, & impediendi vos super similibus erectionibus in futurum ceteris præcludatur, Privilegium, ut præfertur, per præfatos prædecessores nostros vobis concessum, & confirmatum, tam quoad dictum in ciuitate Palentinâ erectum, quàm quoad alia quæcumque Collegia, Domos, Ecclesias, & Oratoria in quibusvis mundi partibus per vos hætenus erecta, & in posterum erigenda, motu simili approbamus, & confirmamus, ac de nouo

*Erectio Collegij Palentini approbatur.*

*Confirmatio, & noua concessio Collegia ubique terrarum erigendi.*

conce-

concedimus, illiſque perpetuæ, & inuiolabilis PXXIV.  
firmitatis robur adiicimus: ac oppositionem,  
& contradictionem dictorum Fratrum Mi-  
norum, nullum vobis quoad dictum, & alia  
Collegia, Ecclesias, & domos per vos hæc-  
tenus erecta, & in posterum erigenda, præiudi-  
cium attulisse, vel in futurum afferre posse; sed  
priuilegium per nos confirmatum, & de nouo  
concessum huiusmodi, perpetuò illæsum, &  
illibatum fore, & esse; sicque per quoscumque  
Iudices & Commissarios, etiam S.R. Ecclesiæ  
Cardinales, ac sacri Palatii Apostolici caus-  
arum Auditores, sublatâ eis, & eorum cuilibet  
quauis aliter iudicandi, definiendi, & interpre-  
tandi facultate, & auctoritate, iudicari, defi-  
niri, & interpretari debere; & quidquid secus  
super his à quoquam, quauis auctoritate scien-  
ter, vel ignoranter contrigerit attentari, irritum  
& inane decernimus. Quocircâ vniuersis, &  
singulis venerabilibus fratribus Patriarchis,  
Archiepiscopis, Episcopis, ac dilectis filiis  
Abbatibus, Prioribus, & aliis personis in di-  
gnitate Ecclesiasticâ constitutis, per præsen-  
tes motu simili mandamus, quatenus ipsi,  
& eorum quilibet, per se, vel alium, seu  
alios præsentis litteras, & in eis contenta  
quæcumque, vbi & quando opus fuerit, ac  
quoties pro parte vestrà, aut alicuius ve-  
strum fuerint requisiti, solemniter publican-  
tes, vobisque in præmissis efficacis defensionis

*Deputantur  
Iudices con-  
seruatores.*

**PII IV.** præsidio assistentes, faciant auctoritate nostrâ, vos decreto, confirmatione, concessione, indulto, licentiâ, facultate, & absolutione, ac aliis præmissis pacificè gaudere: ac easdem præsentis litteras, & in eis contenta quæcumque, perpetuò inuolabiliter obseruari: Non permit- tentes vos super eisdem præmissis, vel eorum aliquo, per dictos Ordinis Minorum, vel alios aliorum quorumcumque Ordinum Religio- sos, seu locorum Ordinarios, aut alios quos- cumque iudices, & personas cuiuscumque sta- tus, gradus, ordinis, & conditionis existant, & quacumque etiam Pontificali, Regiâ, vel aliâ auctoritate fungantur, publicè vel occultè, di- rectè vel indirectè, tacitè vel expressè quouis quæsito colore, vel ingenio impediri, molesta- ri, vel aliàs quomodolibet inquietari: Contra- dictores quoslibet, & rebelles per censuras Ecclesiasticas, & alia iuris opportuna reme- dia, appellatione postpositâ, compescendo, in- uocato etiam ad hoc si opus fuerit auxilio bra- chij sæcularis. Non obstantibus præmissis, ac felicitis recordationis **BONIFACII** Octauî, præ- decessoris nostri, de vnâ, & in Concilio gene- rali, de duabus diebus, dummodò non ultra tres dietas quis auctoritate præsentium ad iudi- cium trahatur, aliisq; Constitutionibus, & ordinationibus Apostolicis, nostrisq; de iure quæsito non tollendo, & aliis Cancellariæ Apostolicæ regulis; nec non dicti Ordinis

*Non obstan-  
tibus, &c.*

Fra-

Fratrum Minorum, etiam iuramento, confir-  
 matione Apostolicâ, vel quauis firmitate aliâ  
 roboratis statutis, & consuetudinibus, priuile-  
 giis quoque, indultis, & litteris Apostolicis ei-  
 dem Ordini Fratrum Minorum, & aliis qui-  
 busuis, etiam Mendicantium Ordinibus, illo-  
 rumque Superioribus, etiam super non ædifi-  
 candis Ecclesiis, Domibus, & Collegiis alia-  
 rum Religionum intra centum quadraginta  
 cannas ab eorum cœnobiis, & conuentibus, ac  
 aliàs sub quibusuis tenoribus, & formis per  
 quoscumque Romanos Pontifices, & nouissi-  
 mē per felicitis recordationis PAVLVM IV.  
 prædecessores nostros concessis, confirmatis,  
 & innouatis, ac omnibus aliis, quæ præfati  
 PAVLVS & IVLIVS prædecessores nostri, in  
 eorum respectiuè litteris voluerunt non ob-  
 stare; nec non quacumque lite inter vos, &  
 Fratres prædictos, seu alios cuiuscumque Or-  
 dinis, vel Religionis existant, coram quibus-  
 cumque iudicibus, & in quacumque instantiâ  
 forsā pendente, cuius statum, actus, & meri-  
 ta, ac si de verbo ad verbum insererentur, no-  
 minaque & cognomina Iudicum coram qui-  
 bus pendet, præsentibus haberi volumus pro  
 expressis. Quibus omnibus, etiam si pro illo-  
 rum sufficienti derogatione, de illis, eorumque  
 totis tenoribus specialis, specifica, expressa, &  
 indiuidua, ac de verbo ad verbum, non tamen  
 per clausulas generales idem importantes,

*Derogatur  
 privilegiis  
 quorumuis  
 Ordinum,  
 etiam quan-  
 tum ad can-  
 nas.*

**P I I** IV. mentio, seu quæuis alia expressio habenda, aut alia exquisita forma seruanda foret, tenores illorum, ac si de verbo ad verbum, nihil penitus omisso, & formâ in illis traditâ obseruatâ inserti forent, præsentibus pro expressis habētēs, illis aliàs in suo robore permanfuris, hac vice dumtaxat motu simili specialiter & expressè derogamus, ceterisq̃ue contrariis quibuscumque. Datum Romæ apud S. Petrum, sub annulo Piscatoris, die decimatertiâ Aprilis, M.D.LXI. Pontificatus nostri anno secundo.

Cæ. Glorierius.



P I I I V.

## C O N F I R M A T I O

Et extensio facultatis confe-  
rendi gradus in Artibus &  
Theologiâ : nec non exem-  
ptionis à qualibet decimarum  
& impositionum solutione.

A N N O M. D. LXI.

*Dilectis filiis Præposito Generali,  
& vniuersæ Societati IESV,*

P I V S P A P A I V.

**D**ilecti filij, salutem & Apostolicam bene-  
dictionem. Exponi nobis nuper fecistis,  
quod cum vestræ Societati, per fel. rec. IV-  
L I V M Tertium Romanum Pontificem præ-  
decessorem nostrum concessum sit, ut eius Julij III. Concessio cir-  
ca promo-  
uendos ad  
gradus.  
Collegiorum, extra studiorum generalium  
Vniuersitates constitutorum, Scholares ab-  
soluto studiorum suorum cursu, & rigoro-  
so examine præcedente, à Generali Præposi-  
to pro tempore existente, vel de eius licen-  
tiâ,

**Pii IV.** tiâ, à quolibet ex Præpositis vel Rectoribus Collegiorum Societatis huiusmodi, cum duobus vel tribus Doctoribus, vel Magistris, ad id per eos eligendis, quoscumque Baccalaureatus, Licentiaturæ, Magisterij & Doctoratus, in Artibus & Theologiâ gradus accipere; & postquam promoti fuerint, in eis legere, disputare, & alios quoscumque actus ad id necessarios facere & exequi; omnibusque & singulis privilegiis, prærogatiuis, immunitatibus, exemptionibus, libertatibus, antelationibus, fauoribus, gratiis & indultis, quibus alij in Vniuersitatibus studiorum generalium, rigorofo examine præuio, ac aliàs iuxta illarum ordinationes, usus, ritus, & mores pro tempore promoti, de iure, vel consuetudine, aut aliàs quomodolibet, uti, potiri, & gaudere possint; non solum adeorum instar, sed pariformiter, & æquè principaliter, absque ullâ penitus differentiâ, uti, potiri, & gaudere valeant in omnibus & per omnia, perinde ac si gradus in Vniuersitatibus, & non in Collegiis huiusmodi accepissent: Ac dicta Societas, sua etiam in diuersis Vniuersitatibus habeat Collegia, in quibus artes liberales, etiam Theologia, aliæque litterarum studia diligenter tractantur, & quorum Scholares partim propter obligationes & iuramēta, per inibi promouendos præstari solita, partim ob nimias, quæ ibi fieri solent impensas, ab eisdem Vniuersitatibus, earum-

*Non expedire, ut Nostri promoueantur in Vniuersitatibus, propter obligationes, iuramenta, & expensas.*

rumque Rectoribus, & deputatis promoueri P I I IV.  
 non expediat. Prætereà, quòd quamuis rec.  
 me. PAVLVS Papa III. prædeceffor eamdem  
 Societatem, eiusque personas à decimarum, &  
 aliarum quatumcumque impositionum solu-  
 tione exemerit, prout in ipsorum prædeceffo-  
 rum litteris desuper confectis plenius conti-  
 netur; ipsique prædeceffores in priuilegio hu-  
 iusmodi vobis concessio, eius intentionis fuisse  
 credantur; quia tamen id disertis verbis non  
 vsquequaque explicatum, nec in exemptione  
 vobis concessâ huiusmodi, de Domibus pro-  
 bationis, & Collegiis eiusdem Societatis, (non  
 tamen professorum Domus) quæ iuxta regu-  
 laria illius instituta bona stabilia habent, aut  
 habere possunt, specialis mentio facta fuit;  
 molestiam vobis inferri, ac Domus probatio-  
 nis, & Collegia vestra præfata super exemptio-  
 ne huiusmodi perturbari posse, tempore pro-  
 cedente timeris. Quare nobis humiliter sup-  
 plicari fecistis, quatenus priuilegiis, & exem-  
 ptioni, ac desuper confectis litteris præfatis,  
 pro firmiori illorum subsistentiâ, approbatio-  
 nis nostræ robur adiicere; illaque, vt infrâ di-  
 cetur, declarare, ampliare, & aliàs in præmissis  
 opportunè prouidere de benignitate Aposto-  
 licâ dignaremur. Nos igitur, qui votium Re-  
 ligionis vestræ profectum, sincerè paternæ ca-  
 ritatis affectu libenter amplectimur, littera-  
 rum prædictarum veriores tenores, ac qua-

*Exemptio à  
 Paulo III.  
 concessa su-  
 per decima-  
 rum & im-  
 positionum  
 solutione.*

**PII IV.** rumcumque litium & caussarum vobis per quoscumque desuper motarum statum, & merita, ac nomina, & cognomina Iudicum, & colligantium, ac titulos eorum præsentibus pro sufficienter expressis habentes, huiusmodi supplicationibus inclinati, priuilegia, & exemptionem, ac cum omnibus, & singulis in eis contentis clausulis litteras, prædicta, & illorum vigore Domos & Collegia vestra vbilibet constructa, & alia inde secuta quæcumque, iuxta tenorem litterarum eorundem prædecessorum, Apostolicâ auctoritate, ex certâ scientiâ confirmamus & approbamus; ac etiam plenariè innouamus, & de nouo quatenus sit opus concedimus: nec non illis perpetuæ & inuiolabilis firmitatis robur adiicimus, omnesque & singulos iuris & facti defectus, si qui forsan interuenerint in eisdem, supplemus: & nihilominus pro potiori cautelâ, vniuersam Societatem, omniaque, & singula illius, Domos probationis, & Collegia vbilibet consistentia, præsentia & futura, eorumque personas, fructus, redditus, proventus, etiam bonorum Ecclesiasticorum, sæcularium, & regularium quorumcumque illis pro tempore vnitorum, aliasque res, & bona quæcumque, à quibusuis decimis, etiam Papalibus, prædialibus, personalibus, quartis, medietatibus, & aliis fructuum partibus, subsidiis, etiam caritatiuis, & aliis ordinariis oneribus, etiam pro expedi-

*Exemptionis prædictæ confirmatio, & nona concessio.*

*Exemptionis prædictæ declarationis, & extensio.*



peditione contra infideles, defensione patriæ, P<sup>RI</sup> IV.  
 ac aliàs quomodolibet, etiam ad Imperato-  
 rum, Regum, Ducum, & aliorum Principum  
 instantiam pro tempore impositis, etiam si in  
 illorum impositione caueatur, quòd nulla  
 prorsus exemptio cuiquam aduersus illa suf-  
 fragetur, ita quòd Societas, eiusque Domus,  
 Collegia, fructus, res, & bona præfata semper  
 ab illis, absque declaratione desuper faciendâ,  
 excepta sint, & esse censeantur, perpetuò libe-  
 ramus & eximimus. Et insuper tibi moderno,  
 & pro tempore existenti Præposito Generali  
 dictæ Societatis, vt per te, vel illum, seu ali-  
 quem ex Præpositis, vel Rectoribus Colle-  
 giorum vestrorum, tam in Vniuersitatibus  
 Studiorum generalium, quàm extra illas vbili-  
 bet consistentium, in quibus ordinariæ Stu-  
 diorum artium liberalium, & Theologiæ le-  
 ctiones habebuntur, cursusque ordinarij pera-  
 gentur, vt dictæ Societatis Scholares, & pau-  
 peres externos, qui dictas lectiones frequen-  
 tauerint, & etiam diuites (si Officiales Vniuer-  
 sitatum eos promouere recusauerint) cùm per  
 examinatores vestræ Societatis idonei sint in-  
 uenti (solutis tamen per diuites suis iuribus  
 Vniuersitatibus) in vestris Collegiis Vniuersi-  
 tatum quarumcumque, & in aliis extra Vni-  
 uersitates consistentibus Collegiis vestris,  
 alios quoslibet Scholares, qui in ibi sub eorum-  
 dem Collegiorum obedientiâ, directione, vel  
 disci-

*Facultas cõ-  
 ferendi gra-  
 dus in Colle-  
 giis Societa-  
 tis, ubi lectio-  
 nes Theologiæ  
 & cursus or-  
 dinarij pera-  
 guntur.*

*Quomodo  
 Nostri Scho-  
 lares, & ex-  
 terni paupe-  
 res, & diui-  
 tes ad gra-  
 dus possunt à  
 Nostis in V-  
 niuersitati-  
 bus promo-  
 ueri.*



P I I IV.

*Ubi non est  
Vniuersitas,  
Nostri &  
externi Scho-  
lares ad gra-  
dus promo-  
ueri possunt  
in Collegiis,  
ubi studie-  
rint.*

*Concessio In-  
lij III. de  
gradibus ad  
præmissa ex-  
tenditur, &  
ampliatur.*

disciplinâ studuerint, ad quoscumque Bacca-  
laureatus, Licentiaturæ, Magisterij, & Docto-  
ratus gradus præfatos, ac alias in reliquis iuxta  
litterarum I V L I I prædecessoris prædicti teno-  
rem promouere; ipsique sic promoti priuile-  
giis, aliisque in eisdem litteris contentis plena-  
riè vti, potiri, & gaudere liberè & licitè va-  
leant, auctoritate præfatâ concedimus, & in-  
dulgemus; acciusdem I V L I I prædecessoris  
litteras ad præmissa extēdimus & ampliamus.  
Nec non præsentēs litteras, & in eis contenta  
de subreptionis, vel obreptionis, aut nullitatis  
vitio, seu intentionis defectu quouis prætextu,  
quæsitòve colore, nullo vnquam tempore no-  
tari vel impugnari posse, nec sub quibusuis sus-  
pensionibus, reuocationibus, derogationibus,  
vel limitationibus similium vel dissimilium  
gratiarum, à nobis & Sede Apostolicâ, ex qua-  
uis causâ, pro tempore emanatis, vllatenus  
comprehendi, sed semper ab illis exceptas, &  
quoties illæ emanabunt, toties in pristinum  
statum restitutas, & de nouo concessas fore,  
vobisque, & vniuersæ Societati, singularibus-  
que personis, & aliis præmissis omnino suffra-  
gari: & sic in præmissis omnibus, & singulis  
per quoscumque Iudices & Commissarios,  
etiam S. R. E. Cardinales, sublatâ eis, & eorum  
cuilibet, quauis aliter iudicandi & interpre-  
tandi facultate, iudicari & definiri debere: ac  
quidquid secus à quoquam, quauis auctorita-  
te,

te, scienter vel ignoranter attentati contigerit, **P x i i v.**  
 irritum & inane decernimus. Quocircà vni-  
 uersis, & singulis venerabilibus Fratribus Pa-  
 triarchis, Archiepiscopis, Episcopis, ac dilectis *Deputantur*  
 filiis Abbatibus, Prioribus, & aliis personis in *Indices con-*  
 dignitate Ecclesiasticâ constitutis, per præsen- *servatores.*  
 tes mandamus, quatenus ipsi, vel duo, aut  
 vnus eorum, per se vel alium, seu alios, præsen-  
 tes litteras, & in eis contenta quæcumque, vbi  
 & quando opus fuerit, ac quoties pro parte  
 vestrâ fuerint requisiti, solemniter publican-  
 tes, vobisque in præmissis efficacis defensio-  
 nis præsidio assistentes, faciant auctoritate  
 nostrâ præsentis litteras, & in eis contenta  
 quæcumque firmiter obseruari: vosque priui-  
 legiis, exemptione, ac aliis omnibus & singu-  
 lis præmissis pacificè frui & gaudere: non per-  
 mittentes vos desuper, vel aliquem vestrûm,  
 aut alios, quorum interest, per quoscumque  
 quavis auctoritate fungentes, contra præmissa  
 quomodolibet indebitè molestari, contradi-  
 ctors quoslibet & rebelles per censuras Ec-  
 clesiasticas, & alia opportuna iuris & facti re-  
 media, appellatione postpositâ, compescendo:  
 inuocato etiam ad hoc, si opus sit, auxilio bra-  
 chij sæcularis. Non obstantibus præmissis, & *Non obstan-*  
 quibusvis Cancellariæ Apostolicæ regulis, & *tibus, &c.*  
 præsertim illâ de non tollendo iure quæsito,  
 ac plæ memoriæ BONIFACII Papæ VIII.  
 etiam prædecessoris nostri de vnâ, & Concilij  
 gene-

**P<sup>II</sup> IV.** generalis de duabus dietis, dummodò ultra tres dietas aliquis auctoritate præsentium, ad iudicium non trahatur, nec non quibuscumque aliis Apostolicis ac in Prouincialibus, & Synodalibus Conciliis editis generalibus vel specialibus Constitutionibus & ordinationibus; nec non quorumcumque Vniuersitatum, ordinum, conuentuum, & aliorum locorum, etiam iuramento, confirmatione Apostolicâ, vel quauis firmitate aliâ roboratis statutis, & consuetudinibus, priuilegiis quoque, indultis, & litteris Apostolicis, illis eorumque Superioribus, & personis in genere, vel in specie, sub quibuscumque tenoribus & formis, accum quibuscumque, etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, etiam in formâ Breuis, tam per Nos, quàm quosuis prædecessores nostros, ac etiam dictæ Sedis Legatos, etiam ad quorumvis Imperatorum, Régum, Ducum instantiam, aut etiam motu proprio, & ex certâ scientiâ, ac de Apostolicæ potestatis plenitudine, aut & Consistorialiter etiam per viam generalis legis, & statuti perpetui, quomodolibet concessis, ac etiam iteratis vicibus approbatis, & innouatis, etiam Mari magno, Bullâ aureâ aut aliâs nuncupatis. Quibus omnibus etiam si pro sufficienti illorum derogatione de illis, eorumque totis tenoribus specialis, specifica, expressa, & indiuidua, non autem

tem per clausulas generales idem importantes, mentio, seu quæuis alia expressio habenda, aut aliqua alia exquisita forma ad hoc seruanda esset, tenores huiusmodi, ac si de verbo ad verbum infererentur, præsentibus non sufficienter expressis habentes, illis aliàs in suo robore permanfuris, hac vice dumtaxat, specialiter & expressè derogamus, contrariis quibuscumque, seu si aliquibus communiter vel diuissim ab eadem sit Sede indultum, quòd interdicti, suspendi, vel excommunicari non possint, per litteras Apostolicas non facientes plenam ac expressam, ac de verbo ad verbum de indulto huiusmodi mentionem. Volumus autem, quòd præ-

P I I IV.

*Transumptis  
habeatur si-  
des.*

Cæ. Glorierius.

P I I



PII V.

P I I V.

## C O N F I R M A T I O

Et extensio Priuilegij Societatis contra Apostatas.

ANNO M. D. LXV.

*PIVS EPISCOPVS Seruus seruorum  
Dei, Ad perpetuam rei memoriam.*

**Æ**Quum reputamus, & rationi consonum, ut ea, quæ de Romani Pontificis gratiâ præcesserunt, licet eius superueniente obitu litteræ Apostolicæ super illis confectæ non fuerint, suum consequantur effectum. Dudum siquidem fel. rec. PIO Papæ IV. prædecessori nostro, pro parte carissimi in Christo filij nostri, tunc sui, Sebastiani Portugalliæ & Algarbiorum Regis illustris, ac dilectorum filiorum Præpositi Generalis, & Religiosorum Societatis IESV, exposito, quòd licet aliàs piæ memoriæ PAVLVS Papa Tertius etiam prædecessor noster, in sui, dictæque Societatis fauorem inhibuisset, ne quis post emissâ vota in dictâ Societate, secundum illius Constitutiones, siue Professus, siue Scholaris, siue Coadiutor

*Concessio  
Pauli III.  
contra Apo-  
statas Socie-  
tatis.*



tor Societatis huiusmodi ille esset, ad quemuis alium ordinem, etiam per Sedem Apostolicam approbatum (ordine Carthusiensium dumtaxat excepto) nisi de expressâ ipsius Præpositi, aut Sedis licentiâ transferri posset: Volens, & concedens quòd Generalis, & alij inferiores Præpositi dictæ Societatis, per se vel per alios, sic egressos, ac alios quoscunque dictæ Societatis Apostatas, in quocumque habitu illos contingeret inueniri, excommunicare, capere, & incarcerare, aut aliàs suæ disciplinæ submittere, & ad id, si opus foret, auxilium brachij sæcularis inuocare, liberè & licitè valerent, prout in ipsius PAVLI prædecessoris litteris desuper confectis plenius dicebatur contineri: ac inhibitio, voluntas, & concessio PAVLI prædecessoris huiusmodi, quæ tranquillitatem, conseruationem, & commune bonum dictæ Societatis concernebant, ab omnibus illius Religiosis humiliter seruari debuissent: nihilominus nonnulli animi leuitate, ut credebatur, ducti, ac quietem labori, cui proculdubio Religiosi Societatis huiusmodi, pro excolendâ & propagandâ Christianâ Religione continuò erant expositi, ac priuatum commodum, publicæ tam dictæ Societatis, quàm Christianæ reipub. vtilitati indiscretè præferentes, fucatisque coloribus asserentes, se id facere ob frugem melioris vitæ, aut strictioris obseruantia, seu non obtentâ Superiorum licentiâ,

*Quibus de causis è Societate nonnulli ad religionem aliam transire voluerint.*

PII V.

centiâ , ad alios , etiam Fratrum Mendicantium, ordines transire posse iactabant, & forsân aliqui de facto iam transierant. Alij verò (quod turpius erat) ambitiosâ cupiditate moti, postquàm se Deo dediderant, sæculi libertatem quærentes, ad illud reuerti, & in illo palàm degere non dubitauerant, nec dubitant, in animarum suarum detrimentum , ac Societatis prædictæ non modicum præiudicium & iacturam. Et nisi opportuno aliquo remedio, dictæ Societatis indemnitati, tranquillitati, & conseruationi consuleretur, verendum erat, ne Societas ipsa , quæ in erudiendis & docendis viris, qui Christianæ Reipub. per verbi Dei prædicationem prodesse, & Catholicam fidem in remotissimis etiam Brasiliæ partibus propagarent & seminarent, sedulò intendebat; taliter delusa & defraudata viris suâ impensâ & labore edoctis, careret litteratis, qui operam in vineâ Domini, iuxta ipsius Societatis instituta, moremque, præstari & exerceri solitam, valerent adimplere. Idcirco pro parte, tam Sebastiani Regis, se & Religiosorum Societatis huiusmodi operâ & doctrinâ plurimùm vti asserentis, quàm Præpositi Generalis, ac Religiosorum præfatorum, eidem Pio prædecessori humiliter supplicato , quatenus ipsius Societatis quieti & conseruationi prospicere, ac aliàs in præmissis opportunè providere de benignitate Apostolicâ dignaretur ; præfatus

*Societas non  
debet carere  
viris, suâ  
impensâ &  
labore eda-  
ctis.*

PIVS

PIVS prædecessor, qui votis illis, quæ dictæ Religionis profectum concernebant, Catholicis Regibus præsertim instantibus, gratum præbere solebat assensum, eosdem Sebastianum Regem, ac Præpositum, & vtrumque eorum, à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, à iure, vel ab homine quavis occasione, vel causâ latis, si quibus quomodolibet innodati existebant, ad effectum infrascriptorum dumtaxat consequendum, absolvens, & absolutos fore censens: nec non veriores litterarum PAVLI prædecessoris, ac Constitutionum Societatis prædictarum tenores, nec non modum, formam, & qualitates votorum, in ipsâ Societate, tam per Professos, quàm Coadiutores, & Scholares suos huiusmodi emitti solitorum, pro expressis habens, huiusmodi supplicationibus inclinatus, sub Datum videlicet sexto Kal. Decemb. Pontificatus sui anno sexto; quod nullus dictæ Societatis religiosus in litteris PAVLI prædecessoris huiusmodi expressus, post emissâ vota secundum illius Constitutiones, siue Professus, siue Scholaris, siue Coadiutor, cuiuscumque status, gradus, ordinis, vel conditionis ille foret, à dictâ Societate exire, aut recedere, etiam prætextu cuiusvis indulti, ab eodem Pio prædecessore, vel alio Romano Pontifice pro tempore existente, seu illius

*Nullus post  
emissâ vota  
etiam cuiusvis  
indulti  
prætextu, potest à Societate exire  
absque licentia ob-  
tentâ à suo  
Superiore.*

Pii V.

*Nullus de  
Societate po-  
test transire  
ad alium  
Ordinem,  
præter Car-  
thusiensem,  
sine licentiâ  
sui Superio-  
ris.*

*Transeuntes  
ad alium  
Ordinem, ut  
præfertur,  
& qui eos  
recipiunt, ac  
alias, qui re-  
cedunt à So-  
cietate, sunt  
ipso facto ex-  
communicati:  
nec pas-  
sunt absolui  
nisi à Papâ,  
aut à Supe-  
riore Socie-  
tatis.  
Recedentes à  
Societate, in-  
fra quod tē-  
pus Carthu-  
sienſium, vel  
alium Ordi-  
nem tenen-  
tur ingredi,  
& sub quâ*

maiore Pœnitentiario, aut aliquo Nuntio, vel Legato, etiam de Latere, impetrati, vel impetrandi, (quod etiam ex tunc surreptitium idem Pius prædecessor declaravit) absque expressâ Superioris sui licentiâ ad id ab eo specialiter obtentâ, etiam quæsito colore ob frugem melioris vitæ, aut strictioris observatiæ, ad quemvis alium, etiam Minorum, vel aliorum Fratrum Mendicantium, Cisterciensium, vel S. Benedicti, aut aliorum Monachorum ordinem transire, vel etiam per Superiores ordinum huiusmodi suorumve Monasteriorum (præfato ordine Carthusiensium dumtaxat excepto) recipi seu admitti posset, seu præsumeret, sub pœnâ excommunicationis, tam per recipientes, quàm receptos, ac recedentes præfatos ipso facto incurrendâ, & quam idem Pius prædecessor, ex tunc contra quemlibet transgressorem quomodolibet in præmissis protulit, & à quâ sic innodatus, præterquàm in mortis articulo, ab alio quàm Romano Pontifice, vel superiore Societatis huiusmodi absolui non posset. Quodque nihilominus secus facta non tenerent, & nullius existerent efficacix, vel momenti; & insuper, ut qui pro tempore ab ipsâ Societate in Carthusiensem præfatum, vel de Superioris licentiâ, ad alium ordinem transire vellent, ad Carthusiensem videlicet, infra tres menses, à die quo ab ipsâ Societate recessissent; ad alium verò Ordinem



nem infra tempus eis à dicto Superiore præfigendum accedere; illosque actualiter ingredi, & si in illis permanere nollent, aut non possent, absque vllâ morâ ad dictam Societatem ingredi tenerentur, sub pœnâ excommunicationis præfatâ, quam tam ipsi Religiosi, quam illos recipientes, vel eis auxilium, consilium, vel fauorem præstantes, etiam incurrerent. Et nihilominus si quis ex Religiosis præfatis, animo indurato aliquid in contrarium attentare præsumeret, vel à dictâ Societate post in eâ emissa vota, vt præfertur, absque Superioris licentiâ exiret, & in sæculo, vel alio etiam Regulari loco degere præsumeret; liceret dicto Generali, aliisque dictæ Societatis Præpositis, & Superioribus, eisdem transgressores, & exeuntes, tamquàm Apostatas, etiam per auxilij sæcularis brachij inuocationem, summarie, & sine figurâ iudicij, ad dictam Societatem reuocare, capere, & incarcerare, ac debitæ pœnitentiæ subiicere, auctoritate Apostolicâ, perpetuò statuit, ordinauit, præcepit, atque mandauit. Ac insuper eidem Societati, illiusque Generali, ac aliis Præpositis, & singularibus personis; quòd omnibus & singulis priuilegiis, libertatibus, immunitatibus, fauoribus, gratiis, & indultis per quoscumque Romanos Pontifices prædecessores suos, singulorum Mendicantium Fratrum Ordinibus, illorumque Superioribus, & Fratribus, in genere, vel

**P I I V.**  
pœnâ, quam etiam incurrunt illos recipientes, vel eis dantes auxilium, &c.

Superioribus Societatis datur facultas procedendi contra dictos Apostatas.

Communiantur Societati omnia priuilegia procedendi contra dictos Apostatas.



**P I I V.** in specie, etiam super suis Religiosis alterutrum non recipiendis, quomodolibet concessis, & approbatis, ac quibus illi utebantur, potiebantur, & gaudebant, uti, potiri, & gaudere liberè & licitè valerent, eadem auctoritate concessit & indulgit. Et sic in præmissis omnibus, & singulis per quoscumque Iudices, & Commissarios quavis auctoritate fungentes, sublatâ eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere. Ac quidquid secus super his à quoquam quavis auctoritate scienter vel ignoranter attentari contingeret, irritum & inane decrevit. Non obstantibus præmissis, ac recondendæ memoriæ INNOCENTII Papæ III. similiter prædecessoris nostri, quæ incipit, *Licet*, & aliis quibusvis constitutionibus & ordinationibus Apostolicis, nec non ordinum prædictorum, & aliis, etiam iuramento, confirmatione Apostolicâ, vel quavis firmitate aliâ roboratis statutis, & consuetudinibus, privilegiis quoque, indultis, & litteris Apostolicis, etiam Mendicantium, & aliis quibusvis Ordinibus, eorumque Superioribus, & personis, sub quibuscumque tenoribus & formis, ac cum quibusvis etiam derogatoriis derogatoriis, aliisque efficacioribus & insolitis clausulis, irritantibusque, & aliis decretis quomodolibet concessis, confirmatis, & innouatis; quibus omnibus, etiam si de illis, eorumque

totis

*Non obstantibus, &c.*

totis tenoribus specialis, specifica, expressa, & indiuidua, non autem per clausulas generales idem importantes mentio, seu quæuis expressio habenda, aut aliqua alia exquisita forma ad id seruanda foret, idem P I V s prædecessor, illorum omnium tenores pro sufficienter expressis habens, illis aliàs in suo robore permanentibus, eâ vice dumtaxat specialiter & expressè derogauit, ceterisque contrariis quibuscumque. Ne autem de absolutione, statuto, ordinatione, inhibitione, præcepto, mandato, indulto, concessione, decreto, & derogatione præfatis pro eo quòd super illis ipsius P I I prædecessoris, eius superueniente obitu, litteræ confectæ non fuerunt, valeat quomodolibet hæsitari, ipsique Sebastianus Rex, ac Præpositus, & Societas huiusmodi illorum frustrentur effectu, volumus, & similiter dictâ Apostolicâ auctoritate decernimus, quòd statutum, ordinatio, inhibitio, præceptum, mandatum, indultum, concessio, decretum, & derogatio P I I prædecessoris huiusmodi, perinde à dictâ die v i. Kalendas Decembris, suum sortiantur effectum, ac si super illis ipsius P I I prædecessoris litteræ, sub eiusdem diei Datum confectæ fuissent, prout superiùs enarratur: quodque præsentès litteræ ad probandum plenè absolutionem, statutum, ordinationem, inhibitionem, præceptum, mandatum, indultum, concessionem, decretum, & derogationem P I I

*Hac Pj contra Apostatas concessio à die 26. Novembris anno 1565. sortitur suum effectum.*

PII V.

*Deputantur  
Iudices con-  
servatores.*

prædecessoris huiusmodi, ubique sufficiant, nec ad id probationis alterius adminiculum requiratur. Quocircà venerabilibus fratribus nostris Toletan. & Auinionen. Archiepiscopis, ac Episcopo Leodien. per Apostolica scripta mandamus, quatenus ipsi, vel duo, aut vnus eorum per se, vel alium, seu alios, præsentem litteras, & in eis contenta quæcumque, vbi, & quando opus fuerit, ac quoties pro parte Sebastiani Regis, vel Præpositi Generalis Societatis huiusmodi fuerint requisiti, solemniter publicantes, eisquæ in præmissis efficacis defensionis præsidio assistentes, faciant, auctoritate nostrâ, illos statuto, ordinatione, inhibitione, præcepto, mandato, indulto, concessione, decreto, & derogatione prædictis pacificè frui & gaudere: non permittentes eos, vel eorum aliquem, desuper per quoscumque quauis auctoritate fungentes, quomodolibet indebitè molestari; contradictores quoslibet ac inobedientes, & rebelles per sententias, censuras, & pœnas Ecclesiasticas, aliaquæ opportuna iuris remedia, appellatione postpositâ, compescendo; nec non legitimis super his habendis seruatis processibus illos censuras & pœnas prædictas incurrisse declarando, easquæ etiam iteratis vicibus aggrauando, & auxilium brachij sæcularis, si opus fuerit, inuocando. Non obstantibus sanctæ memoriæ BONIFACII Papæ VIII. etiam prædecessoris nostri,

stri, quâ cauetur, ne quis extra suam ciuitatem, P I I V.  
vel diœcesim, nisi in certis exceptis casibus, &  
in illis ultra vnam dietam à fine suæ diœcesis ad  
iudicium euocetur, seu ne Iudices à dictâ Sede  
deputati extra ciuitatē, vel diœcesim, in quibus  
deputati fuerint, contra quoscumque proce-  
dere, aut alij vel aliis vices suas cōmittere præ-  
sumant; & de duabus dietis in Concilio gene-  
rali editâ, dummodò quis ultra tres dietas au-  
thoritate præsentium, ad iudicium non traha-  
tur: & aliis Apostolicis constitutionibus con-  
trariis quibuscumque omnibus supra dictis,  
aut si aliquibus communiter, vel diuissim, ab  
eadem sit Sede indultum, quòd interdicti, sus-  
pendi, vel excommunicari non possint, per lit-  
teras Apostolicas, non facientes plenam & ex-  
pressam, ac de verbo ad verbum de indulto  
huiusmodi mentionem. Nulli ergo omnino  
hominum liceat hanc paginam nostræ volun-  
tatis & decreti infringere, vel ei ausu temera-  
rio contraire: si quis autem hoc attentare præ-  
sumperit, indignationem omnipotentis Dei,  
ac beatorum Petri & Pauli Apostolorum eius  
se nouerit incursum. Datum Romæ apud S.  
Petrū, anno Incarnationis Dominicæ mille-  
simo quingentesimo sexagesimo quinto, sexto-  
decimo Kal. Februarij, Pontificatus nostri an-  
no primo.

Io. Bapt. Fauchier.

F. de Torres.

G 5

CON-



PII V.

P I I V.

## C O N F I R M A T I O

Constitutionum Societatis  
circa contractus non capitulariter celebrandos.

ANNO M. D. LXVIII.

*PIVS EPISCOPVS Seruus seruorum  
Dei, Ad perpetuam rei memoriam.*

*Ampla com-  
mendatio  
Societatis.*

**I**Nnumerabiles fructus, quos benedicente Domino, Christiano orbi Societas IESV, viros litterarum præcipuè sacrarum scientiâ, religionis, vitâ exemplari, morumque sanctimoniâ perspicuos, multorum religiosissimos præceptores, ac verbi diuini, etiam apud longinquas & barbaras illas nationes, quæ Deum penitus non nouerant, optimos prædicatores & interpretes producendo, felicissimè hætenus attulit, & adhuc sollicitis studiis afferre non desistit, animo sæpius reuoluentes nostro, libenter non solum ea, quæ aliàs in ipsius Societatis fauorem à Romanis Pontificibus prædecessoribus nostris, Nobisque, & aliis emanata sunt, vt firmiùs subsistant cum à nobis petitur, Apostolicæ & perpetuæ firmitatis robore, verum



verum etiam Societatem ipsam, quantum nobis ex alto conceditur, specialibus fauoribus & gratiis munimus. Sanè exhibita nobis nuper pro parte dilectorum filiorum Religiosorum dictæ Societatis petitio continebat, quòd literis tam felicis recordationis PAVLI III. sub millesimo quingentesimo quadragesimo sexto, quàm piæ memoriæ IVLII III. Romanorum Pontificum prædecessorum nostrorum, sub millesimo quingentesimo quinquagesimo annis Incarnationis Dominicæ, respectuè confectis, per dictorum Pontificum successores, & Nos confirmatis, in fauorem ipsius Societatis emanatis, ac illius Constitutionibus, omnimoda Collegiorum ipsius Societatis gubernatio, ad pro tempore existentem Præpositum Generalem, vel ipsam Societatem spectet: Indeque fit, ut neque Collegia præfata Capitulum habeant, neque capitulariter ad quævis peragenda congregentur; omnisque facultas celebrandi contractus ex eisdem Constitutionibus, penes Præpositum præfatum resideat, quod etiam Generalis Congregatio ad commodiorem Societatis huiusmodi negotiorum expeditionem, utile, imò necessarium iudicans, voluit, & publico instrumento decreuit & declarauit. Quare pro parte eorundem Religiosorum nobis humiliter supplicatum fuit, quatenus litteris, & Constitutionibus, ac voluntati, decreto, & declarationi præfate

P II V.

*Iuxta Bullas  
Pauli III.  
& Iulij III.  
& ex constitutionibus,  
Collegiorum  
gubernatio  
penes Generalem, vel  
Societatem  
existit.*

*In Collegiis  
capitula non  
congregantur.*

*Facultas celebrandi contractus ad  
Præpositum  
Generalem  
spectat, iuxta  
constitutiones,  
& decretum congregationis.*

P II V.

præfatis, pro illorum firmiori subsistentiâ, ro-  
bur Apostolicæ confirmationis adiacere, ac  
præmissa eidem Societati de nouo concedere,  
aliasque in præmissis opportunè prouidere de  
benignitate Apostolicâ dignemur. Nos igitur,  
qui Societatem præfatam, nobis, & Apo-  
stolicæ Sedi apprimè caram, singulari pater-  
noque amore prosequimur, Religiosos præ-  
fatos, eorumque singulos, à quibusuis excom-  
municationis, suspensionis, & interdicti, aliis-  
que Ecclesiasticis sententiis, censuris, & pœnis  
à iure, vel ab homine, quauis occasione, vel  
causâ latis, si quibus quomodolibet innodati  
existunt, ad effectum præsentium dumtaxat  
consequendum, harum serie absoluentes, &  
absolutos fore censentes: Nec non litterarum,  
& Constitutionum, ac decreti, & declaratio-  
nis prædictorum tenores, ac Datum præsentibus  
pro expressis habentes, huiusmodi supplica-  
tionibus inclinati, litteras & Constitutiones,  
ac voluntatem, & decretum, nec non de-  
clarationem, prædicta, prout præmissa con-  
cernunt, ex certâ scientiâ, Apostolicâ auctori-  
tate tenore præsentium perpetuò confirma-  
mus, & approbamus, ac illis perpetuæ, & in-  
uiolabilis firmitatis robur adiacimus. & infra.  
Volumus autem, & eadem Apostolicâ auctori-  
tate decernimus, quòd præsentium littera-  
rum transumptis, manu alicuius Notarij pu-  
blici subscriptis, & sigillo alicuius Curie Ec-  
cle-

*Superiora  
confirmat  
Pontifex.*

*Transumptis  
habeatur si-  
des.*

clesiasticæ, aut personæ in dignitate Ecclesiasticâ constitutæ, vel Canonici alicuius Cathedralis, seu Collegiatæ Ecclesiæ munitis, eadem prorsus fides vbilibet in iudiciò, & extra adhibeatur, quæ ipsis originalibus litteris adhiberetur si exhibitæ forent vel ostensæ. Nul-  
li, &c. Datum Romæ apud S. Petrum, anno  
Incarnationis Dominicæ M. D. LXVIII.  
III. Kal. Maij, Pontificatus nostri anno ter-  
tio.

Io. Barengus.

Io. Bapt. Fauchier.

PII V.

P I I V.

## P R I V I L E G I A

Circa prælectiones in Collegiis, etiam ubi aliorum sunt Vniuersitates, declarantur. Alia item in Scholarium fauorem, Societatis scholas frequentantium conceduntur.

A N N O M. D. LXXI.

*PIVS PAPA V. Ad perpetuam rei memoriam.*

**C**VM litterarum studia ad benè beateque viuendum summoperè conferre censeamus, ad ea libenter attendimus, per quæ Magistrorum numerum, iamdudum in publicis studiorum Vniuersitatibus institutum, non solum conseruemus, sed etiam, quantum cum Deo possumus, per amplius augeamus. Exhibita sanè nobis nuper pro parte dilecti filij Præpositi Generalis Societatis IESV, petitio continebat, quòd licet ipsa Societas in Collegiis, tam extra quàm intra studiorum generalium Vniuersitates constitutis, varios Philosophiæ,

phiæ, & Theologiæ Professores manutenere  
studuerit; ad effectum, vt non solùm dictam  
Societatem ingressi, ab illis eruditi, & operatos in  
vineâ Domini fructus portare possent; verùm  
etiam, vt diuersarum nationum iuuenes, qui  
Magistrorum penuriâ litteris operam dare de-  
sistebant, hac commoditate allekti, rectè vi-  
uendi normam edocti, sapientiæque donum  
amplexi, litteris simul & bonis operibus profi-  
cerent: ac propterea, prout etiam Sedis Apo-  
stolicæ auctoritate suffulti, id facere omnino  
poterant, semper curauerint, vt illarum stu-  
diosi tam lectionibus, quàm disputationibus,  
& aliis scholasticis exercitationibus excoleren-  
tur; nihilominus, cùm in quibusdam Vniuersi-  
tatibus quorundam priuilegiorum prætextu  
eueniat, vt qui in Collegiis Societatis huius-  
modi eorum cursus confecerunt, illi eis ad gra-  
dus suscipiendos minimè suffragentur, inter-  
dum etiam scholasticis ipsis prohibeatur ne  
huiusmodi lectiones sub pœnâ exclusionis à  
gradibus prædictis, & aliis forsan censuris au-  
diant, in magnum inibi proficere studentium  
detrimentum, & legere ac laborare satagen-  
tium, vilipendiũ & grauamen. Quare idẽ Præ-  
positus Generalis, cui nil aliud cordi est, quàm  
Catholicæ fidei, quæ plurimùm ex hac ratione  
propagari potest, conseruatio, nobis humiliter  
supplicari fecit, vt sibi in præmissis opportunè  
prouidere de benignitate Apostolicâ dignare-  
mur.

P I I V.



P11 V.

mur. Nos, qui quorumlibet priuilegia, præsertim ex quibus communis vtilitas prouenit, illibata vbique cupimus præseruari; eundem Præpositum Generalem à quibusuis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine, quauis occasione vel causâ latis, si quibus quomodolibet innodatus existit, ad effectum præsentium dumtaxat consequendum, harum serie absoluentes, & absolutum fore censentes; nec non litterarum, & aliorum quorumcumque dictæ Societatis super hoc illi concessorum priuilegiarum tenores præsentibus pro expressis habentes, huiusmodi supplicationibus inclinati, auctoritate Apostolicâ per præsentis decernimus & declaramus, quòd Præceptores huiusmodi Societatis, tam litterarum humaniorum,

*Præceptores Societatis possunt, etiâ ubi Vniuersitates sunt, publicè legere, quibusdâ horis exceptis.*

quàm liberalium Artium, Theologiæ, vel cuiusuis earum facultatum in suis Collegiis, etiam in locis, ubi Vniuersitates extiterint, suas lectiones, etiam publicas legere (dummodò per duas horas de manè, & per vnâ horam de serò cum lectoribus Vniuersitatum non concurrant) liberè & licitè possint; quodque quibuscumque Scholasticis liceat in huiusmodi Collegiis lectiones, & alias scholasticas exercitationes frequentare, ac quicumque in eis Philosophiæ, vel Theologiæ Auditores fuerint, in quauis Vniuersitate ad gradus ad-

*Externi possunt Societatis lectiones frequentare: & debent in Vniuersitatibus ad gradus admitti.*

mitti

mitti possint; & cursuum, quos in Collegiis prædictis confecerint, ratio habeatur, ita ut si in examine sufficientes inuenti fuerint, non minùs, sed pariformiter, & absque ullâ penitus differentiâ, quàm si in Vniuersitatibus præfatis studuissent, ad gradus quoscumque, tam Baccalaureatus, quàm Licentiaturæ, Magistrij, & Doctoratus admitti possint, & debeant; eisque super præmissis specialem licentiam & facultatem concedimus. Districtiùs inhi-  
 bentes Vniuersitatum quarumcumque Rectoribus, & aliis quibuscumque sub excommunicationis maioris, aliisque arbitrio nostro moderandis, infligendis, & imponendis pœnis, ne Collegiorum huiusmodi Rectores, & Scholares in præmissis quouis quæsito colore molestare audeant vel præsumant. Decernentes quoque præsentis litteras vllò vnquam tempore de subreptionis vel obreptionis vitio, aut intentionis nostræ, vel quopiam alio defectu notari, vel impugnari nullatenus posse, minusque sub quibusuis similium, vel dissimilium gratiarum reuocationibus, suspensionibus, limitationibus, & aliis contrariis dispositionibus comprehendi vllatenus posse: sicque per quoscumque Iudices & Commissarios quauis auctoritate fungentes, etiam Sanctæ Romanæ Ecclesiæ Cardinales, ac caussarum Palatij Apostolici Auditores, sublatâ eis & eorum cuilibet quauis aliter iudicandi fa-

P II V.

*Inhibetur Vniuersitatibus Rectoribus, & aliis.*

*Ha littera sub quibusuis derogationibus non comprehenduntur.*

*Iudices qui assistant.*

Pii V.

cultate, iudicari debere; irritum quoque & inane, si secus super his à quoquam quavis auctoritate scienter vel ignoranter contigerit attentari. Quocircà Venerabilibus Fratribus Archiepiscopo Valentin. & Episcopo Segobien. & dilecto filio caussarum Curia Camera Apostolicæ generali Auditori per præsentis mandamus, quatenus ipsi, vel duo, aut vnus eorum per se, vel alium seu alios, præsentis litteras, & in eis contenta quæcumque, vbi & quando opus fuerit, ac quoties pro parte ipsius Præpositi Generalis, vel pro eo agentium fuerint requisiti, solemniter publicantes, eisque in præmissis efficacis defensionis præsidio assistentes faciant omnes, quos præsentis litteræ concernunt, præmissis omnibus pacificè frui & gaudere. Non permittentes eos desuper per quoscumque quomodolibet indebitè molestari; contradictores quoslibet & rebelles per sententias, censuras & pœnas, aliaque opportuna iuris & facti remedia, appellatione postpositâ, compescendo, legitimisque super his habendis seruatis processibus, sententias, censuras, & pœnas ipsas, etiam iteratis vicibus, aggravando, & interdictum Ecclesiasticum apponendo, inuocato etiam ad hoc, si opus fuerit, auxilio brachij sæcularis. Non obstantibus præmissis, ac felicitis recordationis BONIFACII Papæ VII. prædecessoris nostri de vnâ, & Cõcilij generalis de duabus dietis, dummodò  
 ultra

*Non obstantibus, &c.*

ultra tres dietas quis, vigore præsentium, ad iudicium non extrahatur; ac aliis Apostolicis constitutionibus, & ordinationibus, ac quibusvis etiam iuramento, confirmatione Apostolicâ, vel quauis firmitatē aliâ roboratis, statutis, & consuetudinibus, priuilegiis, indultis, & litteris Apostolicis tam prædictis, quàm quibusvis aliis Vniuersitatibus, & Collegiis, ac quibuscumque personis, tam Ecclesiasticis, quàm sæcularibus in genere, vel in specie, ac sub quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie quomodolibet concessis, confirmatis, approbatis & innouatis. Quibus omnibus, etiam si de illis, eorumque totis tenoribus specialis, specifica, & expressa mentio habenda foret, tenores huiusmodi præsentibus pro expressis habentes, illis aliàs in suo robore permansuris, hac vice dumtaxat specialiter & expressè derogamus, contrariis quibuscumque. Aut si aliquibus communiter, vel diuisiui ab Apostolicâ sit Sede indultum, quòd interdicti, suspendi, vel excommunicari non possint per litteras Apostolicas, non facientes plenam, & expressam, ac de verbo ad verbum de indulto huiusmodi mentionem. Volumus autem, quòd præsentium transumptis manu Notarij publici subscriptis, & sigillo alicuius personæ in dignitate

*Transumptis  
habeatur  
fides.*



**PII V.** Ecclesiasticâ constitutæ munitis, eadem ubique fides adhibeatur, quæ ipsis originalibus adhiberetur, si forent exhibitæ vel ostensæ. Datum Romæ apud S. Petrum, sub annulo Piscatoris, die x. Martij, M. D. LXXI. Pontificatus nostri anno sexto.

Cæ. Glorierius.

**P I I V.**

**D E C L A R A T V R**

Societas ex instituti ratione Mendicans, aliisque Mendicantium ordinibus connumeratur, & priuilegiis æquatur.

**A N N O M. D. L X X I.**

*PIVS PAPA V. Ad perpetuam rei memoriam.*

**D**Vm indefessæ considerationis intuitu perscrutamur, quantam Christianæ Reipublicæ vtilitatem attulerint dilecti filij Presbyteri Societatis IESV; ac planè conspiciamus eos verè mundi huius relictis illecebris, adeò Seruatori



uatori suo se dedicasse, vt conculcatis thesauris, quos ærugo & tineæ comedit; lumbisque paupertate, & humilitate præcinctis, non contenti terrarum finibus, vsque ad Orientales & Occidentales Indias penetrauerint; ac eorum aliquos ita Domini amor perstrinxerit, vt etiam proprii sanguinis prodigi, vt verbum Dei inibi efficacius plantarent, martyrio voluntario se supposuerint; perque eorum spiritualia exercitia etiam regna ipsa fidem Christi agnouerint; ac tam inibi, quàm vbique terrarum, caritatis & misericordiæ opera exercere studeant; facere nullo modo possumus, quin eos tamquàm veros palmites in Christo per caritatem coniunctos, & benignè amplectamur, & ea sibi specialiter concedamus, quæ & paupertatis per eos emissæ voto, & eorum instituto ac commoditati credimus profutura. Hinc est quòd Nos attendentes, quòd licet dilecti filij Præpositus Generalis, & Presbyteri Societatis huiusmodi, tum quia ipsa Societas mendicans existit (quippe quæ ex eius instituto, & Constitutionibus Apostolicâ auctoritate confirmatis, bona stabilia possidere nequit, sed incertis eleemosynis, fideliumque largitionibus & subuentionibus viuit) tum quia non minùs quàm ceteri mendicantes in excolendâ vineâ Domini assiduè laborant, fructusque ingentes & salutiferos producant, ac propterea eisdem priuilegiis, indultis, & gratiis Fratribus

*Societas  
Mendicans  
existit.*

**P I I V.** bus Mendicantibus hæcenus concessis uti, frui, potiri, & gaudere meritò possint ac debeant. Cùm tamen illud aliquando in contro- uersiam deduci posset, ex eo quòd dicta Societas Collegia habeat secum adiuncta; Nos ambiguitatem huiusmodi omnino amputare volentes, eosdemque Præpositum & Societa- tem, eorumque singulos à quibusuis excom- municationis, suspensionis, & interdicti, aliis- que Ecclesiasticis sententiis, censuris, & pœnis, à iure vel ab homine quauis occasione vel causâ latis, si quibus quomodolibet innodari existunt, ad effectum præsentium dumtaxat consequendum, harum. serie absoluentes, & absolutos fore censentes; nec non dictæ Socie- tatis instituti, Constitutionum & dispositio- num, tam de iure quàm ab homine prouenien- tium, nec non Priuilegiorum, immunitatum, indulgentiarum, & gratiarum Mendicantibus Fratribus huiusmodi, quomodolibet conces- sorum, ac litterarum desuper confectarum te- nore præsentibus pro expressis habentes; Motu proprio, non ad ipsorum Præpositi Ge- neralis, & Societatis, vel alicuius eorum, aut alterius pro eis nobis super hoc oblatae petiti- onis instantiam, sed ex merâ liberalitate, & certâ scientiâ nostris, illam, & illius Præpositum, ac singulas personas Societatis huiusmodi verè, & non fictè, mendicantes fuisse, esse, & fore; & inter aliorum Fratrum & Religiosorū Men- dican-

*Societatem  
inter Mendi-  
cantium Or-  
dines conu-  
merari debe-  
re, declara-  
tur.*

dicantium Ordines, aliosque Fratres, & Religiosos mendicantes, prout illos nos connumeramus, & connumerari debere: ac omnes & singulas tam iuris, quàm hominum dispositiones in fauorem religiosorum, seu Fratrum Mendicantium nunc, & pro tempore emanatas, etiam in Societate, illiusque Domibus, Collegiis, Præposito, & aliis religiosis locum habere: Nec non omnia & singula quaecumque, quotcumque, & qualiacumque sint, etiam speciali notâ digna Priuilegia, immunitates, exemptiones, facultates, concessionem, indulta, indulgentias, peccatorum remissiones, & gratias tam spirituales quàm temporales, litterasque Apostolicas, etiam iustitiam, siue mixtim cōcernentia, hæcenus per Nos, & quoscumque alios Romanos Pontifices, tam prædecessores, quàm successores nostros, & denique Sedē Apostolicam & illius Legatos de latere, siue Nuntios, & quaecumque alias personas, quauis auctoritate fungentes, etiam motu, & scientiâ similibus, ac de Apostolicæ potestatis plenitudine, etiam consistorialiter, tam in genere, quàm in specie, & tam communiter, & coniunctim, quàm particulariter, & diuissim, etiam per modum extensionis, seu communicationis, & aliis quomodolibet, quibusvis Ordinibus Fratrum & Sororum Mendicantium quocumque nomine nuncupentur, illorumque cōgregationibus, cōuentibus, & capitulis, ac vtriusque sexus personis, ac illorum

P. II V.

*Dispositiones  
qualibet in  
fauorē Men-  
dicantium,  
locum habēt  
etiam in So-  
cietate.*

*Gratia &  
priuilegia  
omnia Men-  
dicantibus  
Ordinibus  
concessa, &  
concedenda,  
Societati cō-  
ceduntur.*

P. II V.

Monasteriis, Domibus, Ecclesiis, Hospitalibus, & aliis piis locis hætenus concessa, & in posterum concedenda ( quorum omnium, & singulorum tenores, ac si de verbo ad verbum inserti forent, præsentibus pro expressis & insertis haberi volumus ) eisdem Præposito, ac Societati, & omnibus illius personis, Domibus ac Collegiis vbique terrarum sitis, ita quòd Societas, Domus, Collegia, Præpositus, & personæ huiusmodi omnibus, & singulis prædictis Priuilegiis, immunitatibus, exemptionibus, facultatibus, concessionibus, indultis, indulgentiis, gratiis, & litteris eisdem Fratrum, & Sororum Mendicantium Ordinibus, Congregationibus, Conuentibus, Capitulis, personis, Monasteriis, Domibus, Ecclesiis, Hospitalibus, & aliis piis locis, vt præfertur concessis & concedendis, antea potuerint, & nunc ac in futurum ( dummodò instituto Societatis, & Præpositi, seu deputatarum personarum huiusmodi voluntati & beneplacito non refragentur ) possint liberè & licitè uti, frui, potiri, & gaudere in omnibus, & per omnia, non solum ad illorum instar, sed pariformiter, & æquè principaliter, absque vllâ prorsus differentia, perinde ac si Societati, Præposito, personis, Domibus & Collegiis prædictis nominatim, & specialiter, ac generaliter concessa fuissent; Apostolicâ auctoritate, tenore præsentium perpetuò sancimus, volumus, & decla-

clara-



claramus, ac pariter concedimus, indulgemus, **P I I V.**  
 & elargimur. Decernentes, præsentēs litteras *Ha littera*  
 nullo vnquam tempore per Nos, aut Sedem *sub quibus-*  
 prædictam reuocari, aut limitari, vel illis de- *uis derogationibus non*  
 rogari posse, neque sub vllis similibus, vel diffi- *comprehenduntur.*  
 milium gratiarum reuocationibus, alterationibus, limitationibus, derogationibus, aut aliis contrariis dispositionibus, nunc, & pro tempore emanatis comprehendī, sed semper ab illis excipi, & quoties reuocari, alterari, limitari, vel derogari contingat, toties in pristinum, & eum in quo ante præmissa erant, statum restitutas, & de nouo, etiam sub posteriori datâ per pro tempore existentem Societatis huiusmodi Præpositum Generalem eligendâ, concessas esse, & fore; ac ita, & non aliter per quoscumque iudices tam ordinariâ, quàm delegatâ & mixtâ auctoritate fungentes, etiam S.R.E. Cardinales, etiam Sedis Apostolicæ Legatos de latere, & Nuntios, ac causarum Palatij Apostolici Auditores, sublatâ eis, & eorum cuilibet, quauis aliter iudicandi facultate, vbique & in quauis instantiâ interpretari, censerī, cognosci & decidi debere: Irritum quoque & inane quidquid secus super his à quoquam, quauis auctoritate, scienter vel ignoranter, contigerit attentari. Quocircâ venerabilibus Fratribus Patriarchis, Archiepiscopis, & Episcopis, ac dilectis filiis eorum Vicariis in spiritualibus, aut officialibus generali-



P I I V.

ralibus, & curiæ causarum Camera Apostolica generali Auditori, nec non Abbatibus, Prioribus, Præpositis, Decanis, Archidiaconis, Canonicis, & Capitulis, ac aliis ad quos id quomodolibet spectat, & spectabit, per præsentis Motu simili mandamus, quatenus ipsi, vel duo aut vnus eorum, per se vel alium seu alios, præsentis litteras, & in eis contenta quæcumque, vbi & quando opus fuerit, ac quoties pro parte dictorum Præpositi, & personarum Societatis huiusmodi, vel alicuius eorum, fuerint requisiti, solemniter publicantes, eisque in præmissis efficacis defensionis præsidio assistentes, faciant eos præmissis omnibus & singulis pacificè frui & gaudere, non permittentes eos desuper per quoscumque quomodolibet indebitè molestari: contradictores quoslibet & rebelles per sententias, censuras, & pœnas Ecclesiasticas, aliaque opportuna iuris & facti remedia, appellatione postpositâ, compescendo, legitimisque super his habendis seruatis processibus, sententias, censuras, & pœnas ipsas etiam iteratis vicibus aggrauando, inuocato etiam ad hoc, si opus fuerit, auxilio brachij sæcularis. Non obstantibus nostrâ de non expediendis litteris super indulgentiis ad instar, ac felicitis recordationis BONIFACII Papæ VIII. Prædecessoris nostri de vnâ, & Concilij generalis de duabus dietis, dummodò vltra tres dietas quis vigore præsentium ad

*Non obstantibus, &c.*

ad iudicium non trahatur; & aliis Apostolicis P II V.  
constitutionibus, ac quibusvis etiam iuramento, confirmatione Apostolicâ, vel quavis firmitate aliâ roboratis statutis & consuetudinibus, Privilegiis quoque, indultis, & litteris Apostolicis, quibusvis personis per quoscumque Romanos Pontifices prædecessores nostros, ac Nos, & Sedem Apostolicam, etiam Motu & scientiâ similibus, ac de Apostolicæ potestatis plenitudine, & cum quibusvis irritatiuis, annullatiuis, cassatiuis, reuocatiuis, modificatiuis, præseruatiuis, exceptiuis, declaratiuis, mentis attestatiuis, ac derogatoriis derogatoriis, aliisque efficacioribus & insolitis clausulis, irritantibusque & aliis decretis in genere vel in specie, ac aliâs quomodolibet, etiam pluries concessis, confirmatis, & innouatis: quibus omnibus & singulis, etiam si in eis caueatur expressè, quòd illis nullatenus derogari possit, pro illorum sufficienti derogatione, de illis, eorumque totis tenoribus specialis, specifica, & expressa mentio habenda, seu aliqua alia forma ad hoc seruanda foret, tenores huiusmodi præsentibus pro expressis habentes, illis aliâs in suo robore permansuris, hac vice dumtaxat specialiter & expressè derogamus, contrariis quibuscumque: aut si aliquibus communiter vel diuissim ab eadem sit Sede indultum, quòd interdici, suspendi, vel excommunicari non possint per litteras Apo-

Pii V. Apostolicas, non facientes plenam & expressam, ac de verbo ad verbum de indulto huiusmodi mentionem. Volumus autem, quod præsentium transumptis manu alicuius Notarii publici subscriptis, & sigillo alicuius personæ in dignitate Ecclesiasticâ constitutæ munitis, eadem prorsus fides in iudicio, & extra adhibeatur, quæ ipsis originalibus litteris adhiberetur, si forent exhibitæ vel ostensæ. Datum Romæ apud S. Petrum, sub amulo Piscatoris, die VII. Iulij, M. D. LXXI. Pontificatus nostri anno sexto.

*Transumptis  
habeatur fides.*

P. Ruis.

Io. Beiel.

GRE-

G R E G O R I I X I I I .

G R E G .  
X I I I .

F A C V L T A S

Conseruatores Iudices assu-  
mendi in quibuscumque  
causis.

ANNO M. D. LXXIII.

*GREGORIUS Episcopus seruus seruorum  
Dei, Ad perpetuam rei memoriam.*

**Æ**Quum reputamus & rationi consonum,  
vtea, quæ de Romani Pontificis gratiâ  
processerunt, licet eius superueniente obitu  
litteræ Apostolicæ super illis confectæ non  
fuerint, suum sortiantur effectum. Dudum si-  
quidem fel. rec. PIO Papæ V. prædecessori no-  
stro, pro parte dilectorum filiorum Præpositi  
Generalis & Religiosorum Societatis IESU,  
exposito, quòd cum dicta Societas, benedi-  
cente Domino, longè lateque esset propagata,  
ac ad Dei laudem & honorem, militantisque  
Ecclesiæ profectû in dies augeretur; & propter  
diuersa bona temporalia, quæ Collegia Scho-  
larium sub eorum curâ instituta possidebant  
conseruanda & recuperanda, lites aliæque fo-  
rensis

GREG.  
XIII.

renſia frequenter ſubire neceſſariò cogeretur, exindeque fieret, vt eius perſonæ, quæ animarum ſaluti implicitæ litium anfractus, qui ab eorum inſtitutis valdè diſſonabant, euitare cupiebant, ab earum miniſterio, non ſine animi ſui dolore, cum animarum huiusmodi diſpendio diſtraherentur; & eidem prædeceſſori, pro parte eorumdem Præpoſiti Generalis & Religioſorum aſſerentium, eorum bonâ à quorumcumque locorum ordinariorum iurisdictione libera & exempta, ac ſub Romani Pontificis & Sedis Apoſtolicæ protectione aliàs recepta fuiſſe, humiliter ſupplicato, vt eorum quieti more pij patris, ac aliàs in præmiſſis opportunè conſulere de benignitate Apoſtolicâ dignaretur; idem prædeceſſor, qui ad gratos Deo, & vniuerſæ Reipublicæ Chriſtianæ utiles, & neceſſarios fructus, quos Societatis prædictæ perſonæ in vineâ Domini ſemper proferabant, debitum reſpectum habebat, facere nullo modo poterat, quin ipſis ea concederet, per quæ ipſi, eorumque res & bona à noxiis, iuſtitie miniſterio, præſeruarentur; eoſdem Præpoſitum Generalem & Religioſos, ac eorum ſingulos à quibuſuis excommunicationis, ſuſpenſionis & interdicti, aliſque Eccleſiaſticis ſententiis, cenſuris, & pœnis, à iure vel ab homine, quauis occaſione vel cauſâ latis, ſi quibus quomodolibet innodati exiſtebant, ad effectum inſcriptorum dumtaxat conſe-

quen-



quendum absoluens, & absolutos fore censens, huiusmodi supplicationibus inclinatus, sub Dat. videlicet v.iii. Kal. Iunij Pontificatus sui anno tertio, eidem Societati, singulisque illius personis, ac eorum familiaribus, clericali characterē tamen insignitis, vt in quibuscumque causis tam ciuilibus, quàm criminalibus, ac mixtis, etiam in eis, in quibus actores, vel conuenti rei forent, ipsis cōtra quascumque Communitates & Collegia huiusmodi, omnes & singulos Archiepiscopos, & Episcopos, ac Abbates, nec non alias personas in dignitate Ecclesiasticā constitutas, ac Metropolitanarum, & aliarum Cathedralium Ecclesiarum Canonicos, ac eorumdem Archiepiscoporum, & Episcoporum Vicarios in spiritualibus, & Officiales generales vbilibet constitutos, in suos possent assumere Conseruatores, & Iudices ordinarios, indulgit: ipsis verò sicelectis, vel duobus, aut vni eorum, vt per se, vel alium, seu alios, etiam si sint extra loca, in quibus Conseruatores & Iudices deputati forent, eidem Societati efficacis defensionis præsidio assistentes, non permitterent Societatem, Collegiaque huiusmodi super terris, locis, domibus, possessionibus, & iuribus, nec non fructibus, censibus, redditibus, & prouentibus, ac quibuscumque aliis bonis mobilibus & immobilibus, spiritualibus & temporalibus, nec non priuilegiis & indultis, eis & dictæ Societati

GREG.  
XIII.

*Conseruatores Iudices eligere possunt Societatis tum religioſi, tum familiares clericos.*

*In molestiis,  
& damnis,  
summariè;*

*In aliis, prout  
rerum qua-  
litas exegerit,  
procedendū.*

*Conservato-  
rum Iudi-  
cium facul-  
tates.*

cietati tam Apostolicâ, quàm ordinariâ, & aliàs  
ritè Regiâ auctoritatibus concessis, & aliis re-  
bus ad dictam Societatem communiter, vel di-  
uisim spectantibus à quibuscumque personis  
tam sæcularibus, quàm Ecclesiasticis, ac qua-  
cumque auctoritate & superioritate fungenti-  
bus, quoquo modo indebitè molestari, vel eis  
grauamina, damna, aut iniurias irrogari: face-  
rentque cùm ab eisdem Societate, aut perso-  
nis, vel Procuratoribus suis, seu aliquo ex eis,  
forent requisiti super restitutione locorum,  
terrarum, domorum, possessionum, iurium, &  
bonorū mobilium & immobilium, reddituum  
quoque & prouentuum, ac aliorum quorum-  
cumque bonorum, nec non privilegiorum &  
indultorum, eis tunc & pro tempore conces-  
sorum, obseruatione; nec non de quibuscumque  
molestiis, iniuriis, damnis tunc præsentibus, &  
futuris, in illis videlicet, quæ iudicalem requi-  
rerent indaginem, summariè, simpliciter, & de  
plano, sine strepitu & figurâ iudicij; in aliis ve-  
rò prout eorum qualitas exegisset, iustitiæ  
complementum: occupatores, seu detentores,  
præsumptores, & iniuriatores huiusmodi, nec  
non contradictores quoscumque & rebelles, etiâ si  
aliàs, quàm vt præfertur, qualificati existerent,  
quandocumque, & quotiescumque expedisset,  
auctoritate Apostolicâ per sententias, censu-  
ras, & pœnas Ecclesiasticas, aliaque opportu-  
na iuris & facti remedia, appellatione postpo-  
sitâ,

litâ, compescendo: legitimisq̃ue, super his habendis, seruatis processibus, eos, quos sententias, censuras, & pœnas, per eosdem Conseruatores seu Iudices pro tempore latas, incurrisse, eis constitisset; eas incurrisse declararent, & quoties opus fuisset, etiam iteratis vicibus aggrauarent, nec non auxilium brachij sæcularis inuocarent, commisit & mandauit. Ac insuper si per summariam informationem, per eos super his habendam, ipsis constitisset, quòd ad loca, in quibus occupatores, præsumptores, molestatores, & iniuriatores huiusmodi, ac alios, quos litteræ tunc desuper conficiendæ concernerent, pro tempore morari contigisset, pro monitionibus, & inhibitionibus ipsis, ac citationibus eis faciendis, tutus non pateret accessus, Iudicibus & Conseruatoribus huiusmodi monitiones & citationes præfatas, ac inhibitiones quaslibet, per edicta publica locis publicis affigenda, de quibus esset verisimilis coniectura, quòd ad ipsorum monitorum, citatorum, & inhibitorum notitiam peruenire valerent, faciendi; nec non eisdem occupatoribus, detentoribus, præsumptoribus, molestatoribus, iniuriatoribus, contradictoribus, & rebellibus, etiam sub censuris & pœnis Ecclesiasticis, ac etiam pecuniariis eorum arbitrio moderandis, inhibendi: ac quibusuis inhibitionibus, eis pro tempore, etiam prætextu quarumcumque litterarum Conseruatoria-

GREG.  
XIII.

*Per censuras  
compescendi:*

*Declaran-  
di, &c.*

*Inhibendi:*

GREG.  
XIII.

*Interdicendi.*

*His litteris  
per quas-  
cumque a-  
lias derog-  
ationes non  
censetur de-  
rogatum.*

rum, seu priuilegiorum Apostolicorum, quibuslibet concessorum & concedendorum, pro tempore factis non obstantibus, eorum iurisdictionem liberè exercendi; loca ad quæ eos declinare contigerit, & in quibus scienter stare permessi forent, Ecclesiastico interdicto subiiciendi, plenam & liberam facultatem concessit. Ac monitiones, requisitiones, inhibitiones, & citationes, sic factas, perinde ipsos monitos, requisitos, inhibitos, & citatos arctarent, ac si eis personaliter factæ, insinuatæ, & intimatæ forent; Actunc desuper conficiendis litteris, & in eis contentis dispositionibus, per quas-cumque derogationes, in quibusuis aliis litteris Apostolicis gratiam, vel iustitiam, & mixtim continentibus, per eundem prædecessorem, & Sedem Apostolicam, etiam cum derogatoriarum derogatoriis, aliisque efficacioribus, & insolitis clausulis, & per quas earumdem litterarum tunc desuper conficiendarum tenor, ac si de verbo ad verbum in eis insertus foret, pro expresso haberetur, quibuscumque personis, seu in eorum fauorem, etiam Motu proprio, & ex certâ scientiâ, ac de Apostolicæ potestatis plenitudine concessas, & factas, ac faciendas, & concedendas nullatenus derogatum censeretur, aut derogari posset, nisi tenor earumdem tunc desuper conficiendarum litterarum, de verbo ad verbum, nihil penitus omisso, foret in illis insertus; & dero-



derogatio pro tempore facta huiusmodi, per  
 trinas distinctas litteras eundem tenorem  
 continentes, tribus similiter distinctis vicibus  
 eidem Societati intimata & insinuata foret; &  
 quòd aliter earundem litterarum tunc desu-  
 per conficiendarum pro tempore factæ dero-  
 gationes nemini suffragarentur. Quodque  
 quilibet Iudicum, & Conseruatorum præfato-  
 rum valeret prosequi articulū, etiam per alium  
 inchoatum, quamuis idem inchoans nullo fo-  
 ret canonico impedimento præpeditus: quod-  
 que cuilibet Conseruatorum, & Iudicum eo-  
 rundem, ab eadem die octauo Kal. Iunij esset  
 in præmissis omnibus, ac eorum singulis, cœ-  
 ptis & non cœptis, tunc præsentibus & futuris,  
 perpetua potestas & iurisdictio attributa; vt  
 eo vigore, eaque firmitate possent in præmissis  
 omnibus cœptis & non cœptis, tunc præsentibus  
 & futuris, & pro prædictis procedere, ac  
 si prædicta omnia, & singula coram eis cœpta  
 fuissent, & eorum, ac cuiuslibet ipsorum iuris-  
 dictio de præmissis omnibus, & singulis per  
 citationem, vel modum alium perpetuata legi-  
 timè extitisset. sicque per quoscumque Iudi-  
 ces, & Commissarios, & caussarum Palatij A-  
 postolici Auditores, ac S. R. E. Cardinales, sub-  
 latâ eis & eorum cuilibet quauis aliter iudi-  
 candi & interpretandi facultate & auctorita-  
 te, iudicari & definiri debere: ac ex tunc si se-  
 cus super his à quoquam quauis auctoritate,

GREG.  
XIII.

*Quilibet  
 Conseruator  
 potest prosequi  
 articulum  
 per alium  
 inchoatum.*



GREG.  
XIII.

*Non obstantibus, &c.*

scienter vel ignoranter, attentari contingeret, irritum & inane decreuit. Non obstantibus piæ mem. BONIFACII Papæ VIII. etiam prædecessoris nostri, quâ cauebatur, ne quis extra suam ciuitatem, vel diœcesim, nisi in certis exceptis casibus, & in illis vltra vnam dietam à fine suæ diœcesis ad iudicium euocaretur; seu ne Iudices à Sede prædictâ deputati extra ciuitatem, vel diœcesim in quibus deputati forent, contra quoscumque procedere præsumerent: & de duabus dietis in Concilio generali editâ, dummodò non vltra tres dietas aliquis, vigore earumdem litterarum tunc desuper conficiendarum extraheretur; & quibusuis aliis Apostolicis, ac in Prouincialibus & Synodalibus Conciliis editis, generalibus vel specialibus Constitutionibus & Ordinationibus, ac quibusuis iuramento, confirmatione Apostolicâ, vel quauis firmitate aliâ roboratis statutis, & consuetudinibus, priuilegiis quoque, indultis, & litteris Apostolicis, quibusuis Regibus, Ducibus, Comitibus, ceterisque cuiuscumque dignitatis, qualitatis, & præeminentiæ, ac Ordinis, etiam Mendicantium, & conditionis existentibus personis, in genere, vel in specie, ac cum quibusuis etiam derogatoriarum derogatoriis, aliisque efficacioribus, & insolitis clausulis, irritantibusque, & aliis decretis, quomodolibet etiam iteratis vicibus concessis, approbatis, & innouatis: Quibus omni-

omnibus idem PIVS prædecessor, etiam si pro  
 illorum sufficienti derogatione, de illis eorum-  
 que totis tenoribus specialis, specifica, expres-  
 sa, & indiuidua, ac de verbo ad verbum, non  
 autem per clausulas generales idem impor-  
 tantes, mentio, seu quævis alia expressio ha-  
 benda, aut aliqua alia exquisita forma ad  
 id seruanda foret; tenores huiusmodi, ac si  
 de verbo ad verbum, nihil penitus omissio, &  
 formâ in illis traditâ obseruatâ, inserti forent,  
 pro sufficienter expressis habens, illis aliâs in  
 suo robore permansuris, eâ vice dumtaxat spe-  
 cialiter & expressè derogauit, ceterisq; con-  
 trariis quibuscumque. Voluit insuper idem  
 PIVS prædecessor, quod litterarum tunc desu-  
 per conficiendarum trāsumptis, manu alicuius  
 Notarij publici subscriptis, ac sigillo alicuius  
 personæ in dignitate Ecclesiasticâ constitutæ  
 munitis, eadem prorsus fides adhiberetur, quæ  
 ipsis originalibus litteris adhiberetur, si forent  
 exhibitæ vel ostensæ. Ne autem de absolutio-  
 ne, indulto, & aliis præmissis, pro eo quod su-  
 per illis ipsius PII prædecessoris, eius superue-  
 niente obitu, litteræ confectæ non fuerunt, va-  
 leat quomodolibet hæsitari, ipsa que Societas  
 illorum frustretur effectû; Volumus, & simili-  
 ter Apostolicâ auctoritate decernimus, quod  
 indultum, & alia præmissa perinde à dictâ die  
 VIII. Kal. Iunij, suum sortiantur effectum, ac si  
 super illis ipsius PII prædecessoris litteræ

GREG.  
XIII.

*Transumptis  
habeatur si-  
des.*

**GREG.  
XIII.**

confectæ fuissent, prout superiùs enarratur: Quodq; præsentès litteræ ad probandũ plenè absolutionẽ, indultum, & alia præmissa vbique sufficiant, nec ad id probationis alterius adnuncium requiratur. Nulli ergo omnino hominum liceat hanc paginam nostræ voluntatis & decreti infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac BB. Perri & Pauli Apostolorum eius se nouerit incursum. Datum Romæ apud S. Petrum, anno Incarnationis Dominicæ millesimo quingentesimo septuagesimo secundo, v i i i. Kal. Iunij, Pontificatus nostri anno primo.

*A. Quintal.*

**GRE-**

G R E G O R I I X I I I .

G R E G .  
X I I I .

## A P P R O B A T I O

Et noua concessio facultatum  
horas Canonicas extra Cho-  
rum recitandi, & sacros ordi-  
nes post emissâ vota, etiam  
ante professionem suscipien-  
di.

A N N O M . D . L X X I I I .

G R E G O R I V S P A P A X I I I .

*Ad futuram rei memoriam.*

**E**X Sedis Apostolicæ benignitate proueni-  
re dignum est, vt regularia instituta pro re-  
ligionum quarumlibet salubri directione edi-  
ta, illibatam obtineant roboris firmitatem.  
Cum itaque instituto Clericorum regula-  
rium Societatis I E S V, quod per felicitis recor-  
dationis P A V L V M Tertium, & I V L I V M  
etiam Tertium prædecessores nostros appro-  
barum & confirmatum fuit; Cuique per sa-  
crum Concilium Tridentinum derogatum

GREG.  
XIII.

minimè extitit, inter alia expressè caueatur, quòd Socij omnes, etiam qui in sacris fuerint, horis Canonicis recitandis satisfecisse censeantur, si eas iuxta vsum Romanæ Ecclesiæ singuli priuatim, & particulariter, & non communiter, seu in Choro, recitauerint; Nec non vt ij, qui in eadem Societate tria Paupertatis, & Castitatis, & Obedientiæ vota emisissent, ad omnes, etiam sacros, & Presbyteratus ordines, de licentiâ pro tempore existentis sui Præpositi Generalis, etiam antequàm solemnem professionem emisissent, promoueri valeant; Nos considerantes Religionem prædictam vberri mos fructus, ad Dei laudem, & sanctæ Catholicæ fidei propagationem, per vniuersum orbem dedisse, meritoque in suis piis institutis confouendam esse; Motu proprio, & ex certâ nostrâ scientiâ, Sociis prædictis, vt horas Canonicas singuli, & priuatim iuxta vsum Romanæ Ecclesiæ, non autem communiter, seu in Choro, recitare teneantur, quòd acriùs studiis, lectionibus, & prædicationibus intendere possint. Nec non vt ij, qui tria vota prædicta, in eadem Societate emisissent, de licentiâ sui Præpositi Generalis ad sacros etiam Presbyteratus ordines, etiam ante solemnem professionem emissam, dummodò aliàs ætate, moribus, & doctrinâ idonei sint, promoueri valeant, instituta prædicta approbantes, tenore præsentium, auctoritate Apostolicâ, quatenus

*Socij horas  
Canonicas  
priuatim re-  
citant.*

*Emisiss tri-  
bus votis ad  
sacros ordi-  
nes etiam  
ante profes-  
sionem pro-  
mouentur.*



tenus opus sit, de nouo concedimus. Non ob-  
stantibus Constitutionibus Apostolicis, & in  
specie Constitutione P I I V. prædecessoris  
nostri, quâ decretum Concilij Tridentini,  
quod incipit, *Cum non deceat*, ad Clericos Re-  
gulares non professos extendit, ceterisque  
contrariis quibuscumque. Datum Romæ  
apud S. Petrum, sub annulo piscatoris, die vlti-  
mâ Februarij, M. D. LXXIII. Pontificatus nostri  
anno primo.

GREG.  
XIII.  
*Non obstan-  
tibus, &c.*

Cæ. Glorierius.

G R E G O R I I X I I I .

F A C V L T A T E S

variæ circa librorum prohibi-  
torum vsum.

A N N O M. D. L X X V .

G R E G O R I V S P A P A X I I I .

*Ad perpetuam rei memoriam.*

E Xponi nobis nuper fecerunt dilecti filij  
Præpositus Generalis, & Religiosi Socie-  
tatis I E S V, Quodd aliàs, dum fel. rec. P I V S  
I 5 Papa

GREG.  
XIII.

*Generalis  
quomodo  
possit dare  
Sociis facul-  
tatem legen-  
di libros hæ-  
reticos.*

*Socij quo-  
modo, &  
quibus libris  
prohibitis uti  
possint:  
Quos alio-  
rum libros.  
& quomodo  
emendare.*

*Simeliter &  
proprios &  
Scholastico-  
rum.*

Papa V. prædecessor noster in minotibus con-  
stitutus Inquisitoris generalis officium gere-  
ret, sufficienti facultate suffultus, inter alia eis-  
dem concessit, quòd Præpositus Generalis  
prædictus posset impertiri facultatem legendi  
libros hæreticos, & alios prohibitos ad oppu-  
gnandum, dum tamen id consideratè fieret, &  
cum delectu, re consultatâ cum suis Assistenti-  
bus; ac Religiosi dictæ Societatis possent uti  
libris non hæreticis, licet haberent annotatio-  
nes, & scholia auctorum hæreticorum; vel au-  
ctores ipsi mali essent, si libri non essent editi  
ad stabilienda dogmata hæretica, dummodò  
nomen auctoris, si hæreticus esset, vel in Indi-  
ce prohibitus, & si quid inter legendum im-  
pium occurreret, deleteretur; ipsique à Supe-  
riore deputati ad emendandos libros eorum,  
qui ad ipsos Religiosos vel in scholis, vel extra  
illas recurrere solent, facultatem haberent,  
quando auctores boni essent, ut Augustinus,  
Hieronymus, & similes, sed haberent prava  
scholia, vel malas annotationes; aut cum au-  
ctor, & impressor impij essent, sed non libri;  
aut cum Ethnici existerent auctores, sicut Ci-  
cero, & alij similes, sed haberent scholia, anno-  
tationes, vel quid eiusmodi, propter quod  
prohibiti essent, donec purgarentur, deleteris  
tamen erroribus, & nomine auctoris, vel im-  
pressoris mali: Nec non quòd ipsi Religiosi  
non solùm libros suos, quos in suis Collegiis  
vel

vel Domibus haberent, sed etiam scholasticorum, qui ad eiusdem Societatis scholas confluerent, quorum auctores Ethnici, quamvis alioqui boni essent, sed propter scholia, vel annotationes, aut commentaria, vel impressorem, in Indice prohiberentur, emendare possent, si ad id à Præposito Generali per se ipsum, vel per alios deputati forent, & suis scholasticis utendo relinquere possent, deletis tamen erroribus, & nominibus auctorum prohibitorum; Quodque ipsi Religiosi ea in suis libris executioni demandarent, quæ in catalogo, & decreto Sanctæ Romanæ, & universalis Inquisitionis præcipiuntur; ad effectum, ut illi retineri possent; easdemque concessiones, & facultates circa libros prohibitos, & suspectos aliàs à prædecessoribus nostris, & Sede Apostolicâ eisdem Præposito, & Religiosis concessas, & confirmatas Venerabilis Frater noster Scipio Episcopus Sabinensis Cardinalis de Pisis nuncupatus, viux vocis oraculo, à nobis desuper sibi facto approbavit & confirmavit. Cùm autem ea firmitus subsistant, in quibus pluries Apostolica auctoritas intercedit, propterea Præpositus, & Religiosi prædicti nobis humiliter supplicari fecerunt, quatenus prædictis, & aliis facultatibus circa eadem sibi concessis, pro eorum subsistentiâ firmiori, Apostolicæ confirmationis robur adiicere, aliasque circa illa

GREG.  
XIII.

*Exequantur  
catalogi Ro-  
man. Inqui-  
sitionis præ-  
ceptum.*

GREG.  
XIII.

*Pramisso-  
rum confir-  
matio, &  
nova con-  
cessio.*

*Non obstan-  
tibus, &c.*

*Transumptis  
habeatur si-  
des.*

illa opportunè providere de benignitate Apo-  
stolicâ dignaremur. Nos igitur eosdem Præ-  
positum ac Religiosos à quibuscumque excommu-  
nicationis, suspensionis, & interdicti, aliisque  
Ecclesiasticis sententiis, censuris, & pœnis à  
iure vel ab homine quavis occasione, vel causâ  
latis, si quibus quomodolibet innodati exi-  
stunt, ad effectum præsentium dumtaxat con-  
sequendum, harum serie absolventes, & abso-  
lutos fore censentes; nec non facultatum &  
concessionum huiusmodi seriem, ac si de ver-  
bo ad verbum infereretur, præsentibus pro ex-  
pressâ habentes, huiusmodi supplicationibus  
inclinati, easdè concessionibus, & facultates, ac  
alias quascumque super huiusmodi libris ha-  
bendis, legendis, aut corrigendis, Apostolicâ  
auctoritate tenore præsentium approbamus  
& confirmamus; illisque plenariæ & inuiola-  
bilis firmitatis robur adiicimus: omnesque, &  
singulos defectus, si qui forsan interuenerint  
in eisdem, supplemus; illaque de nouo, quate-  
nus opus sit, potiori que pro cautelâ concedi-  
mus & impertimur. Non obstantibus præmis-  
sis, ac litteris in die Cœnæ Domini legi solitis,  
aliisque Constitutionibus & ordinationibus  
Apostolicis, ceterisque contrariis quibuscum-  
que. Et quia difficile nimis esset præsentibus ubi-  
que locorum, in quibus illarum usus opus erit,  
deferri; volumus harum litterarum exemplis,  
etiam impressis, Notarij publici manu, & si-  
gillo



gillo eiusdem Societatis, vel personæ in dignitate Ecclesiasticâ constitutæ obsignatis, eamdem prorsus fidem in iudicio & extra vbique locorum haberi, quæ præsentibus haberetur, si essent exhibitæ vel ostensæ. Datum Romæ apud S. Petrum sub annulo Piscatoris, die octauâ Ianuarij, M.D.LXXV. Pontificatus nostri anno tertio.

GREG.  
XIII.

Cæ. Glorierius.

G R E G O R I I X I I I .

F A C V L T A S

Societati, suis & aliorum Ordinum priuilegiis more suo vtendi, ac Præposito illa per se, vel alios communicandi conceditur, &c.

ANNO M.D. LXXV.

G R E G O R I V S P A P A X I I I .

*Ad perpetuam rei memoriam.*

**D**Ecet Romanum Pontificem, ne religiosæ personæ pro vsu gratiarum à Sede Apostolicâ emanatarum, ab instituti sui normâ recedere



GREG.  
XIII.

cedere cogantur, declarationis suæ oraculo, aliisq̃ue opportunis remediis diligenter providere. Sanè dilectus filius Euerardus Mercurianus Præpositus Generalis Societatis IESV, tam suo, quàm dilectorum filiorum Societatis huiusmodi nominibus, nobis nuper exposuit; Quòd licet gratiæ, immunitates, indulgentiæ, & priuilegia aliorum Ordinum Mendicantium, ceterarumq̃ue Religionum, & piorum locorum per nonnullos Romanos Pontifices, & præsertim felicæcor. PIVM Quintum, prædecessores nostros, dictæ Societati fuerint communicata & concessa; nihilominùs aliquando circa illorum praxim, & vsum, seu modum, & formam eisdem vtendi, propter instituti ipsius Societatis ab aliis prædictis Religionibus diuersitatem dubitari contingit. Nos igitur dubietatem huiusmodi omnino submouere volentes, Præpositum prædictum, ac omnes alias, & singulas personas Societatis huiusmodi à quibuscumq̃ excommunicationis, suspensionis, & interdicti, aliisq̃ue Ecclesiasticis sententiis, censuris, & pœnis à iure, vel ab homine quauis occasione, vel causâ latis, si quibus quomodolibet innodati existunt, ad effectum præsentium dumtaxat consequendum, harum serie absoluentes, & absolutos fore censentes; nec non immunitatum, indulgentiarum, gratiarum, & priuilegiorum huiusmodi, ac litterarum dictorum prædecessorum  
desu-

desuper confectarum tenores pro expressis habentes, supplicationibus prædicti Euerardi Præpositi eisdem nominibus nobis hac in parte porrectis inclinati, Quod præfatus pro tempore existens Præpositus, & Societas huiusmodi omnibus & singulis priuilegiis, immunitatibus, exemptionibus, facultatibus, concessionibus, indultis, indulgentiis, remissionibus, gratiis, & litteris Fratrum, & Sororum Mendicantium, aliarumque Religionum Ordinibus, Congregationibus, Conuentibus, Capitulis, Monasteriis, Domibus, Ecclesiis, Confraternitatibus, Hospitalibus, & aliis piis locis, ac personis, tam sæcularibus, quàm regularibus hæcenus concessis, & in futurum concedendis, ac Præposito, Societatiq; prædictis, nec non eius Domibus, Collegiis, locis, & personis, vbique terrarum constitutis, communiter vel diuisim, Apostolicâ, seu delegatâ auctoritate, vel vigore quarumcumque facultatum, etiam ad instar, aut æquè principaliter, etiam per communicationem, seu alias quomodolibet concessis, iuxta Societatis huiusmodi instituti rationem, Constitutiones, ritus, mores, usus, consuetudines, normas, observationes, & procedendi modum, in prædictis Societatis Domibus, Collegiis, Congregationibus, concionibus, lectionibus, disputationibus, cæremoniis, & aliis cuiusvis generis actibus publicis, & priuatis; ac denique

GREG.  
XIII.

*Societas gaudet priuilegiis omnium Ordinum, ac piorum locorum concessis, & concedendis. Et iuxta instituti rationem.*

vbique

GREG.  
XIII.

*Priuilegia  
Societatis &  
aliorum Or-  
dinum cen-  
sentur con-  
cessa Gene-  
rali, qui per  
se, vel alios  
potest illa  
quibus suis So-  
ciis, postquã  
tria vota  
emiserint,  
communi-  
care.*

*Nec aliter  
Socij priui-  
legijs gau-  
dent.*

*Priuilegia  
celebrandi  
contractus  
alijs Religio-  
nibus conces-  
sa, & conce-  
denda, Socie-  
tati, nonnul-  
lis interue-  
nientibus So-  
ciis, conce-  
duntur.*

vbique locorum vti, frui, potiri, gaudere, & illa exequi, ac in eis procedere possint: quodque priuilegia, immunitates, exemptiones, facultates, concessionem, indulta, indulgentiæ, remissiones, gratiæ, & litteræ huiusmodi, nec non & ipsi Societati nominatim, vel eius Præposito, aut personis, seu locis hæctenus concessa, seu in posterum concedenda, prædicto, & pro tempore existenti Præposito Generali Societatis huiusmodi concessa esse intelligantur. Qui illa per se ipsum, vel alium, seu alios ab eo, vel de eius commissione, electos, seu eligendos, quibuscumque locis, & personis dictæ Societatis, sub eiusdem Societatis obedientiâ, emissis tribus votis etiam simplicibus, de gentibus, prout magis expediens fuerit, communicare liberè & licitè valeat: Nec aliter ceteræ personæ dictæ Societatis prædictis priuilegiis, facultatibus, & alijs præmissis, aut aliquo eorum, nisi per Generalem Præpositum, & de eius beneplacito, aut per alium, seu alios de eius commissione electos, vt præmissum est, vti, aut gaudere possint. Et insuper quòd omnia priuilegia, aliaque præmissa aliarum Religionum, Capitulis, siue Conuentibus, aut Congregationibus, tam in celebrandis quibusvis contractibus, quàm in quibuscumque alijs actibus, tam publicis quàm priuatis, per eiusmodi Capitula, siue Conuentus exerceri solitis hæctenus concessa, & in posterum concedenda,

denda, Congregationibus Societatis prædictæ, eiusque Domorum, Collegiorum, & locorum, congregatis, & interuenientibus illis dumtaxat, qui more Societatis prædictæ, & secundum eius Constitutiones & statuta, regimen & administrationem Domorum & Collegiorum iuuare & promouere solent; cuiusmodi sunt in generalibus Congregationibus qui ex diuersis Prouinciis conueniunt, in vniuersalia autem totius Societatis administratione Generalis Præpositus cum suis Assistentibus;

GREG.  
XIII.

in rebus verò & negotiis Domorum & Collegiorum tractandis, Præpositi, aut Rectores, vel Vicepræpositi, aut Vicectores, Ministri, Consultores, & Procuratores, seruato in eiusmodi Congregationibus peculiari ac proprio dictæ Societatis procedendi modo, concessa esse intelligantur: ac eo modo per Præpositum, & Societatem huiusmodi in quibuscumque Domibus, Collegiis, & locis vbique terrarum obseruari, & ad praxim, ad vsum plenè & perfectè, ac validè deduci & referri valeant. Ne

quis autem Apostolicorum indultorum prætextu regularem ac exemplarem instituti prædictæ Societatis disciplinam, quam modis omnibus retineri & conseruari volumus, dissoluere aut relaxare præsumat; non esse, nec fore vnquam mentis nostræ, aut Sedis Apostolicæ, vt personæ Societatis absque expressâ Superiorum eiusdem Societatis licentiâ, vtan-

*Socij nullis, vel cruciata, vel aliis privilegiis absque expressâ Superioris licentiâ vti, vel dum eis sic licet vti, alijs con-*



GREG.  
XIII.

*fiteri nō pos-  
sunt, præter  
quàm ab eo  
deputatis si-  
ne specialit  
eius facul-  
tate.*

tur facultatibus, quæ in Iubilæis, Bullis crucia-  
tæ, Confessionalibus, aut aliis quibusvis Apo-  
stolicis indultis, siue communitatibus, siue  
priuatis personis, siue piis locis, aut quomo-  
documque aliter hæctenus concessæ sunt, aut  
in posterum concedentur, etiamsi in illis ex-  
pressè indulgeatur, vt omnes regulares, etiam  
Mendicantes, huiusmodi facultatibus vti pos-  
sint. Si quando autem vsus aliquarum ex præ-  
fatis facultatibus, personis ex dictâ Societate  
ab eisdem Societatis Superioribus concede-  
tur, vt nulli earum liceat, nisi intra numerum  
eorum, qui ad confessiones personarum eius-  
dem Domus aut Collegij audiendas deputati  
sunt, confessarium eligere, nisi ratione itineris,  
aut aliâ de causâ, ab eisdem Superioribus aliis  
confessariis, intra aut extra Societatem, confi-  
tendi facultas ad id specialiter daretur; Apo-  
stolicâ auctoritate, tenore præsentium perpe-  
tuò declaramus, statuimus, & ordinamus: se-  
cusque facta, irrita & inania fore decernimus.  
Et quia ipsa Societas inter omnia Religio-  
num instituta, ex peculiari, ac solemni voto  
specialem curam habet, causâ salutis prox-  
imorum, per totum orbem discurrendi; eius  
salutari ministerio, & vniuersi Christi gregis  
saluti consulentes, omnibus, & singulis ipsius  
Societatis prædicatoribus, ac confessariis ab  
aliquo ordinario semel approbatis, & à suis  
Superioribus ad huiusmodi munera deputa-  
tis,

*Socij semel  
approbati  
possunt ubi-  
que, extra lo-  
ca tamen ubi  
ordinarij exi-*



tis, vt quodocumque, siue mari siue terrâ, iter fecerint, populos, non repugnantibus tamen

G R E G.

XIII.

Curatis parochialium Ecclesiarum, prædicatione verbi Dei instruere, ac consolari, & quorumcumque Christi fidelium, præsertim ægrotorum, & eorum qui in vinculis detinentur, confessiones audire, eisque pro commissis salutares pœnitentias iniungere (dummodò id non faciant in ipsis oppidis aut locis, in quibus Ordinarij existunt, nisi eorum licentiâ desuper obtentâ) liberè & licitè valeant; eadem auctoritate, etiam perpetuò, de specialigratiâ concedimus. Et insuper facultatem aliàs Presbyteris Societatis prædictæ à Sede Apostolicâ concessam, commutandi vota etiam ad iurata, dummodò commutatio huiusmodi in alterius præiudicium non fiat, extendimus. Postremò considerantes quantæ Societati huiusmodi curæ sit perfectio. Diuini cultus, quamque etiam sæpè remotis in locis Collegia & Residentias habeat, Volumus, vt in Oratoriis & Capellis, quæ ipsius Societatis Prouinciales per se in Domibus, Collegiis, & aliis locis, vbi aliqui Societatis resident, approbauerint, & ad Diuinum dumtaxat cultum deputauerint, Missæ & alia Diuina officia, alterius licentiâ desuper minimè requisitâ, celebrari possint. Et sic in præmissis omnibus, & singulis, per quoscumque Iudices & Commissarios, etiam caussarum

*stunt, concionari, & confessiones audire, non repugnante Parocho.*

*Facultas Societatis commutandi vota, ad iurata extenditur, dummodò id in præiudicium alterius ne fiat.*

*In Societatis Oratoriis & Capellis, per Prouinciales approbatâ, Missæ & Diuina officia celebrari possunt.*

*Deputantur Iudices.*

GREG.  
XIII.

Palatij Apostolici Auditores, ac Sanctæ Romanæ Ecclesiæ Cardinales, in quavis causâ & instantiâ, sublatâ eis, & eorum cuilibet, quavis aliter iudicandi & interpretandi facultate & auctoritate, iudicari & definiri debere, ac quidquid secus super his à quoquam, quavis auctoritate, scienter vel ignoranter, contigerit attentari, irritum & inane decernimus. Quocircâ venerabilibus Fratribus Patriarchis, Archiepiscopis, & Episcopis, ac dilectis filiis eorum Vicariis in spiritualibus, aut officialibus generalibus, & curiæ causarum Camera Apostolicæ generali Auditori; nec non Abbatibus, Prioribus, Præpositis, Decanis, Archidiaconis, Canonicis, & Capitulis, ac aliis, ad quos id quomodolibet spectat, & spectabit, per easdem præsentis mandamus, quatenus ipsi, vel duo, aut vnus eorum per se, vel alium, seu alios præsentis litteras, & in eis contenta quæcumque, vbi, & quando opus fuerit, ac quoties pro parte dictorum Præpositi, & personarum Societatis huiusmodi, vel alicuius eorum fuerint requisiti, solemniter publicantes, eisque in præmissis efficacis defensionis præsidio assistentes, faciant eos præmissis omnibus, & singulis pacificè frui & gaudere, non permittentes eos desuper per quoscumque quomodolibet indebitè molestari. Contradictores quolibet & rebelles per sententias, censuras, & pœnas Ecclesiasticas, aliaque opportuna iuris &

& facti remedia, appellatione postpositâ, compescendo, legitimisq̃ue super his habendis seruatis processibus, sententias, censuras, & pœnas ipsas, etiam iteratis vicibus, aggrauando, inuocato etiam ad hoc, si opus fuerit, auxilio brachij sæcularis. Non obstantibus præmissis, ac de non expediendis litteris super indulgentiis ad instar, & de non tollendo iure quæsito, Cancellariæ Apostolicæ regulis, ac piæ mem. BONIFACII Papæ VII. etiam prædecessoris nostri de vnâ, & Concilij generalis de duabus dietis, dummodò vltra tres dietas quis vigore præsentium, ad iudicium non trahatur; & aliis Apostolicis, nec non in Generalibus, Prouincialibus, & Synodalibus Conciliis editis, generalibus, vel specialibus Constitutionibus & ordinationibus, ac quibusuis etiam iuramento, confirmatione Apostolicâ, vel quauis firmitate aliâ roboratis statutis, & consuetudinibus, priuilegiis quoque, indultis, & litteris Apostolicis quibuscumque personis, per quoscumque Romanos Pontifices prædecessores nostros, ac Nos, & Sedem prædictam, etiam Motu proprio, & ex certâ scientiâ, ac de Apostolicæ potestatis plenitudine, & cum quibusuis irritatiuis, annullatiuis, cassatiuis, reuocatiuis, modificatiuis, præseruatiuis, exceptiuis, declaratiuis, mentis attestatiuis, ac derogatoriis derogatoriis, aliisq̃ue efficacioribus & insolitis clausulis irritantibus, & aliis decretis, in

GREG.  
XIII.

*Non obstantibus, &c.*

GREG.  
XIII.

genere, vel specie, ac aliàs quomodolibet, etiam pluries concessis, cōfirmatis, & innouatis. Quibus omnibus, & singulis, etiam si in eis caueatur expressè, quòd illis nullatenus, aut non nisi sub certis modo & formâ in illis expressis derogari possit, pro illorum sufficienti derogatione de illis, eorumque totis tenoribus specialis, specifica, & expressâ mentio habenda, seu aliqua alia exquisita forma ad hoc seruanda foret, tenores huiusmodi præsentibus pro expressis habentes, illis aliàs in suo robore permansuris, hac vice dumtaxat, specialiter & expressè derogamus; contrariis quibuscumque, aut si aliquibus communiter, vel diuissim ab eadem sit Sede indultum, quòd interdici, suspendi, vel excommunicari non possint per litteras Apostolicas non facientes plenam & expressam, ac de verbo ad verbum de indulto huiusmodi mentionem. Volumus autem quòd earundem præsentium transumptis, manu alicuius Notarij publici subscriptis, & sigillo alicuius personæ in dignitate Ecclesiasticâ constitutæ, leu etiam ipsius Societatis munitis, eadem prorsus fides in iudicio & extra adhibeatur, quæ ipsis originalibus litteris adhiberetur, si forent exhibitæ vel ostensæ. Datum Romæ apud S. Petrum, sub annulo Piscatoris, die 11. Maij, anno millesimo quingentesimo septuagesimo quinto, Pontificatus nostri anno tertio.

*Transumptis  
habeatur fides.*

Io. Bapt. Canobius.

G R E-



G R E G O R I I X I I I .

G R E G .

F A C V L T A S X I I I .

Medendi citra aduſtionem, &  
incifionem, &c. pro medicinæ  
peritis.

A N N O M . D . L X X V I .

G R E G O R I V S P A P A X I I I .

*Ad futuram rei memoriam.*

**V**Nigeniti Dei Filij, Redemptoris noſtri  
I E S V Chriſti vices, licet immeriti, geren-  
tes in terris; animarum ſalutem, quibus poſſu-  
mus mediis, ſedulò procuramus. Cùm itaque,  
ſicut experienciâ compertum eſt, Chriſti fide-  
les ad Religionem & pietatem plurimùm mo-  
ueantur, ſi ſpirituales & religioſas perſonas in  
ipſos & alios caritatis officia non ſolùm ad ani-  
marum, ſed etiam corporum ſalutem exercere  
experiantur; In Societate autem I E S V, ſicut  
accepimus, non deſint aliqui Religioſi, medi-  
cinæ periti, quorum opera maximè in regio-  
nibus medicorum penuriâ laborantibus, dum  
ſæpè ad infirmis ſpiritualia exhibendum of-  
ficia, & animas iuuandas vocantur, etiam  
ægris corporibus curandis poſſet eſſe peruti-  
lis, & id pietatis opus in animarum quoque



GREG.  
XIII.

*Medendi fa-  
cultas de Su-  
periorum li-  
centiâ.*

*Citra adu-  
sionem &  
incisionem.*

*Quando sæ-  
culares Me-  
dici commo-  
dè haberi non  
possunt.*

non modicam ædificationem, & omnipotentis Dei laudem redundaret; Vt igitur Religiosi præfati id absque aliquarum censurarum, seu pœnarum incurso, & conscientiæ scrupulo valeant exercere; omnibus & singulis præfatæ Societatis I E S V Religiosis medicinæ peritis, nunc vel in futurum pro tempore existentibus, vt de suorum Superiorum licentiâ, quibuscumque personis infirmis, siue ille eiusdem Societatis Religiosi, siue extranei, & sæculares fuerint, absque aliquo conscientiæ scrupulo, aut aliquarum censurarum & sententiarum Ecclesiasticarum, vel aliarum pœnarum incurso, citra tamen aduersionem, & incisionem per seipso facendam, mederi liberè & licitè valeant, Apostolicâ auctoritate, tenore præsentium, quando tamen medici sæculares commodè haberi non possunt, indulgemus: & ad id licentiam & facultatem eis concedimus & impertimur. Non obstantibus quibuscumque Constitutionibus & ordinationibus Apostolicis, ac dictæ Societatis, iuramento, confirmatione Apostolicâ, vel quauis firmitate aliâ roboratis statutis, & consuetudinibus, ceterisque contrariis quibuscumque. Datum Romæ, apud S. Petrum, sub annulo Piscatoris, die xi. Februarij, anno millesimo quingentesimo septuagesimo sexto, Pontificatus nostri anno quarto.

Cæ. Glorierius.

G R E-

G R E G O R I I XIII.

GREG.  
XIII.

## E X E M P T I O

Societatis à publicis supplica-  
tionibus.

A N N O M. D. L X X V I.

G R E G O R I V S P A P A XIII.

*Ad perpetuam rei memoriam.*

**Q**Væcumque sacrarum Religionum insti-  
tuta offendere, & illarum personarum  
functiones, & salutaria ministeria retardare  
noscuntur, nostrum nos incitat officium de  
medio remouere. Sanè licet, sicut accepimus,  
dilecti filij Præpositus Generalis, & alij Pre-  
sbyteri religiosi Societatis Iesv, ab illius pri-  
mæuâ erectione, à Sede hac Apostolicâ iuxta  
Diuinæ vocationis directionem emanatâ, &  
per Nos confirmatâ, ad Diuinum officium pri-  
uatim tantum, & non in communi, seu in cho-  
ro recitandum teneantur; ac propter ipsius So-  
cietatis tam multa Collegia, & Seminaria, quæ  
specialem postulant instituti religiosi modum,  
nec non ministeriorum illius amplitudinem,  
ac difficultatem, & in Ecclesiâ Dei utilitatem,

**GREG.  
XIII.**

ex antiquâ consuetudine iam inde ab huiusmodi erectione receptâ observatum ; decretoque etiam generalis eorum Congregationis desuper edito , ne ad publicas supplicationes, seu processiones quivis ex illius personis accederet, nisi ubi propter hæreticorû, vel gentilium conversionem , aut aliàs expediens esse , pro tempore existens Generalis ipsius Societatis Præpositus iudicaret, ordinatum fuerit; Nihilominus nonnulli locorum Ordinarij, forsan Concilij Tridentini auctoritate & decreto moti , dictos Presbyteros ad supplicationes prædictas procedere nuper coëgerunt, non sine illorum functionum ac ministeriorum retardatione. Nos igitur, qui præfatos Presbyteros & religiosos dictæ Societatis à studiis, lectionibus, prædicationibus, confessionibus audiendis, & aliis verbi Dei ministeriis, ac pietatis operibus, quibus continuè laudabiliter incubuerunt , & incumbere non desistunt, quavis ex causâ distrahi nolumus ; considerantes in Ecclesiâ Dei non deesse alios Ordines religionum, qui vel ex instituto, vel absque propriarum functionum impedimento, supplicationibus huiusmodi interesse, aliaque publica Diuina officia exercere , sanctè , continenterque valeant ; in præmissis opportunè providere, ipsosque Præpositum, Presbyteros, & eorum singulos specialibus fauoribus, & gratiis prosequi volentes, & à quibusvis ex-

com-

communicationis, suspensionis, & interdicti, **GREG.**  
aliisque Ecclesiasticis sententiis, censuris, & **XIII.**

pœnis, à iure vel ab homine quavis occasione  
vel causâ latis, si quibus quomodolibet inno-  
dati existunt, ad effectum præsentium dum-  
taxat consequendum, harum serie absolventes  
& absolutos fore censentes; Motu proprio,

non ad dictorum Præpositi, & Presbytero-  
rum, vel aliorum pro eis nobis super hoc obla-  
tæ petitionis instantiam, sed de nostrâ merâ de-  
liberatione, Præpositum, ac omnes & singu-

*Vniuersa So-  
cietas à pu-  
blicis suppli-  
cationibus  
eximitur.*

los Presbyteros, ac religiosos, & personas alias  
omnes dictæ Societatis vbique locorū existen-  
tes, ab interessentiâ supplicationum, seu pre-  
cum, aut processionum huiusmodi, Apostolicâ  
auctoritate, tenore præsentium, perpetuò exi-

mimus & liberamus: Distinctius inhibentes  
quibusvis locorum Ordinariis, etiam Patriar-

*Inhibentur  
Ordinarij  
omnes.*

chali, vel Archiepiscopali dignitate, ac etiam  
Cardinalatus, & legationis Sedis Apostolicæ  
honore præfulgentibus, & aliis personis qua-  
cumque auctoritate fungentibus, ne modernos,

& pro tempore existentes Præpositum, & alios  
Presbyteros, & Religiosos Societatis huius-  
modi, ad processionibus præfatis interessen-  
dum, quavis occasione, causâ, seu quouis præ-  
textu, ingenio, vel colore, directè vel indirectè,  
mediatè vel immediatè cogere, aut eos desu-  
per præmissis molestare, perturbare, vel in-  
quietare, seu molestari, perturbari, aut inqui-

tari



GREG.  
XIII.

tari facere audeant, vel præsumant, seu permit-  
tant. Quocircà Venerabilibus Fratribus Pa-  
triarchis, Archiepiscopis, & Episcopis, ac dile-  
ctis filiis eorum Vicariis in spiritualibus, aut  
officialibus generalibus, & curiæ caussarum  
Cameræ Apostolicæ generali Auditori, nec  
non Abbatibus, Prioribus, Præpositis, Deca-  
nis, Archidiaconis, Canonicis, & Capitulis, ac  
aliis, ad quos id quomodolibet spectat, & spe-  
ctabit, per easdem præsentés mandamus, qua-  
tenus ipsi, vel duo, aut vnus eorum, per se vel  
alium, seu alios, præsentés litteras, & in eis con-  
tenta quæcumque, vbi & quando opus fuerit,  
ac quoties pro parte dictorum Præpositi, Pre-  
sbyterorum, & religiosorum Societatis huius-  
modi, vel alicuius eorum fuerint requisiti, so-  
lemniter publicantes, eisdem in præmissis effi-  
cacis defensionis præsidio assistentes, faciant  
eos præmissis omnibus & singulis pacificè frui  
& gaudere, non permittentes eos desuper per  
quoscumque quomodolibet indebitè mole-  
stari. Contradictores quoslibet & rebelles per  
sententias, censuras, & pœnas Ecclesiasticas,  
aliaque opportuna iuris & facti remedia, ap-  
pellatione postpositâ, compescendo; legitimis-  
que, super his habendis, seruatis processibus,  
sententias, censuras, & pœnas ipsas, etiam ite-  
ratis vicibus aggrauando; inuocato etiam ad  
hoc, si opus fuerit, auxilio brachij sæcularis.  
Non obstantibus fel. record. BONIFACII Pa-

*Non obstan-  
tibus, &c.*



pæ VIII. prædeceſſoris noſtri de vnâ, & Con-  
 cilij Generalis de duabus dietis, dummodò  
 non vltra tres dietas quis vigore præſentium,  
 ad iudicium trahatur; & alius Apoſtolicis, nec  
 non in generalibus, prouincialibus, & ſynoda-  
 libus Conciliis editis, generalibus vel ſpeciali-  
 bus Conſtitutionibus & ordinationibus, cete-  
 riſque contrariis quibuſcumque. Aut ſi aliqui-  
 bus communiter, vel diuiſim ab Apoſtolicâ  
 ſit Sede indultum, quòd interdici, ſuſpendi, vel  
 excommunicari non poſſint per litteras Apo-  
 ſtolicas non facientes plenam & expreſſam, ac  
 de verbo ad verbum, de indulto huiuſmodi  
 mentionem. Volumus autem, quòd earum-  
 dem præſentium tranſumptis, manu alicuius  
 Notarij publici ſubſcriptis, & ſigillo alicuius  
 perſonæ in dignitate Eccleſiaſtica conſtitutæ,  
 ſeu etiam Præpoſiti ipſius Societatis munitis,  
 eadem prorsus fides in iudicio & extra adhi-  
 beatur, quæ ipſis originalibus litteris adhibe-  
 retur, ſi forent exhibitæ vel oſenſæ. Datum  
 Romæ apud S. Petrum, ſub annulo Piſcatoris,  
 die xvi. Iulij, M. D. Lxxvi. Pontificatus noſtri  
 anno quinto.

*Tranſumptis  
 habeatur fi-  
 des.*

Cæ. Glorierius.

G R E-

GREG.  
XIII.

G R E G O R I I X I I I .

## C O N F I R M A T I O

Et extensio priuilegij Societatis, ædificandi & habitandi vbique, etiam intra cannas aliorum Ordinum.

A N N O M. D. L X X V I .

G R E G O R I V S P A P A X I I I .

*Ad futuram rei memoriam.*

**S**aluatoris Domini nostri IESV CHRISTI, qui caritas est & Deus pacis, his in terris vi-ces, licet immeriti, gerentes; ea quæ pacis sunt, præsertim cum militantis Ecclesiæ firmamentum, omnisque filiæ Sion decor, in animorum coniunctione, pace, & tranquillitate versetur, nosque vnum in Christo corpus simus; pro nostri debiti officio, tamquam ipsius mystici corporis caput, quærentes, litium quarumuis, quæ fraternam dilectionem lacerant, maximè verò quæ inter religiosas personas ventilantur, occasionibus obuiamus; exortasque, quantum cum Deo possumus, consopimus. Sanè, ut accepimus, licet dilecti filij Presbyteri venerabilis

*Commanda-  
tio Societa-  
tis.*

lis Societatis IESV, in vineâ Domini, tamquàm fructiferi palmites, in toto ferè orbe, tam in continendis in viâ mandatorum Christi fidelibus, infirmis in fide consolidandis, ægrotisq̃ue sanandis, contractis alligandis, & abiectis reducendis, ouibusq̃ue dispersis, & lupis vespertinis, leonumq̃ue famelicis catulis, in deuorationem expositis, reclamandis, & defendendis; quàm etiam iis, quæ extra ouile Christi, sacrosanctiq̃ue Imperij nostri tutelam, sub ignorantia iugo in obscuris & tenebricosis locis ac desertis, per montuosas ac difficiles vias aberrât, conuertendis; & ad nationes Catholicâ religione imbutas, & ad immanes, barbarasq̃ue Diuini cultus, politiciq̃ue ornatus ignaras gentes, ferino potiùs quàm humano more viuentes, sese extendentes, optimum & vberrium fructum attulerint, & in dies maiori cum sollicitudine afferre, zizania extirpare, bonum semen renouare, plantare, terrasq̃; incultas Evangelico sulco, ac Ecclesiasticæ disciplinæ vomere eruderare non cessent; Ac dudû propter ipsius Societatis tam vtilis, tamq̃ue necessarias functiones, quæ tum in Domibus per frequentem Pœnitentiæ & Eucharistiæ sacramentorum administrationem, & ad eorum frequentationem sectandam exhortationem, prædicationemq̃ue, & spiritualia exercitia, ac alia verbi Dei ministeria, tum in Collegiis per lectiones tam bonarum litterarum, quàm Philosophiæ

GREG.  
XIII.

*Ministerio-  
rum Socie-  
tatis utilitas  
ac necessitas.*

GREG.  
XIII.

*Privilegia  
Pauli III.*

*Julij III.*

*Et Pij IV.*

phix etiam, & Theologiæ, ad iuventutem bonismoribus & litteris imbuendam, ex ipsius Societatis primæuâ instituti erectione, ac Diuinâ vocatione, magno Dei beneficio, & Ecclesiæ spirituali emolumento exercet; Felicis recordationis PAVLVs Papa Tertius speciali priuilegio, vt quæcumque Domos, Ecclesias, & Collegia ædificare, vel concessa recipere & inhabitare posset, indulserit; Et deinde piæ memoriæ IVLIVs etiam Papa Tertius, Indultum huiusmodi confirmauerit; & successiuè recondendæ memoriæ PIVs Quartus prædecessores nostri idem Indultum, etiam intra centum quadraginta annas ordinum Mendicantium, de nouo concesserit; Nosque postremò, cùm lis & causâ, seu controuersia, aut quæstionis materia desuper occasione certæ domus per ipsos Presbyteros à dilecto filio Comite de Orgaz Toleti emptæ, cōcessionem eiusdem PII prædecessoris confirmantes, emptionem dictæ domus rectè factam, & in eâ Presbyteros ipsos habitare posse & debere declarauerimus; & aliàs, prout in singulis litteris Apostolicis, desuper confectis, plenius cōtinetur; Nihilominùs præfati Presbyteri à diuersis dictorum Ordinum religiosis diuersimodè, vigore seu prætextu priuilegiorum huiusmodi cannarum, adhuc prout de facto, tam in Mexicanâ, quàm in Guaxicanâ Nouæ Hispaniæ ciuitatibus, non sine animi nostri displicentiâ, mole-



molestantur, imò & excommunicationis sententiâ interdum feriuntur, in Christiani populi scandalum non modicum. Nos igitur attendentes dictam Societatem, quæ quamuis Collegia habeat annexa, & hæc redditus pro studentium necessitate habere possint, inter Mendicantium Ordinum religiones, per sanctæ memoriæ PIVM Papam Quintum similiter prædecessorem nostrum, per quasdam suas in formâ Brevis litteras, sub die septimâ mensis Iulij, Pontificatus sui anno sexto, expeditas, ascripta & declarata, ac priuilegiolorum Ordinum Mendicantium particeps effecta fuit, ex eius instituto, & Constitutionibus Apostolicâ auctoritate confirmatis bona stabilia possidere non posse; sed incertis eleemosynis, fideliumque largitionibus & subventionibus vivere, nec minùs, quàm ceteros Mendicantes Ordines, in excolendâ vineâ Domini assiduè laborare, imò nec alios iuxta se domos & monasteria ædificare prohibere, néve vllum, aut certè quàm minimū præiudiciū aliis religionum monasteriis ex Societatis Domorum, Collegiorum, & Ecclesiarum vicinitate provenire; ex eo quòd, propter diuersam functionum & instituti rationem, Societas ipsa nec chori vsum habet, nec ad funerales associationes accedit, nec defunctorum funera, nisi rara, nulla item Missarum vel sepulchralia stipendia, nullas sepulchrorum vel capellaniarum

GREG.

XIII.

Societas declarata est  
Mendicans.

L

funda-



GREG.  
XIII.

fundationes, nullam denique prorsus eleemosynam, quæ ad quoduis ipsius Societatis ministerium vel opus dirigi intelligatur, admittit; Ac, prout nostrum Nos inuitat officium, inconuenientibus huiusmodi obuiare, ac scandala quæcumque, & contentionum, præcipuè inter religiosas personas, occasiones remouere; nec non tam salubribus dictæ Societatis ministeriis, quæ pro eorum dignitate, ac maiori fidelium fructu, in locis aptis, ubi maior seges, & frequentior populi consuetudo viget, exerceri & ministrari debent, viam potiùs aperire, quàm impedimenta vlla obici permittere volentes, Motu proprio, ac de Apostolicæ potestatis plenitudine, non ad alicuius nobis super hoc oblata petitionis instantiam, sed de nostrâ merâ deliberatione, eosdem Presbyteros, eorumque singulos, à quibusuis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine quauis occasione, vel causâ latis, si quibus quomodolibet innodati existunt, ad effectum præsentium dumtaxat consequendum, harum serie absoluentes, & absolutos fore censentes, ac suprâ dictarum litterarum, nec non & aliorum Ordinum priuilegiorum, & in eis contentarum clausularum tenores, ac alia etiam forsan circa præmissa de necessitate exprimenda, præsentibus pro expressis habentes; ac priuilegia dicto-

*Priuilegia  
cannarum,  
quoad Societatem,  
renouantur.*

dictorum Ordinum super non ædificatione GREG.  
 intra dictas cannas, quoad dictam Societa- XIII.  
 tem tantum, suspendentes, reuocantes, ac Perpetuum  
 inualidantes, silentium perpetuum quibusuis silentium  
 super præmissis, aut eorum aliquo vigore imponitur.  
 cuiusuis confirmationis, aut ampliacionis, & non obstante  
 de nouo concessionis dictarum cannarum à quacumque  
 Sede Apostolicâ quomodolibet, & pari non à concessione aut confirmatione.  
 motu, etiam consistorialiter, ac cum quibus- etiam obtinenda.  
 uis præsentium derogationibus, specificè factis, obtentarum, & in futurum obtinendarum, contra præsentium tenorem venientibus, imponentes; eisdem Presbyteris, & Societati ut quæcumque Domos, Collegia, Ecclesias, & alia ædificia erigere, ac per eos ubiuis locorum erecta inhabitare, ac quæcumque Facultas ædificandi, & habitandi ubique.  
 loca, Domos, Ecclesias, Oratoria, & alia cuiuscumque structuræ ædificia, sibi quomodolibet relictâ vel oblata recipere, acceptare, emere, possidere, & retinere; ac in eis omnia & singula, functiones, lectiones, & ministeria, in aliis eiusdem Societatis Domibus, Collegiis, Ecclesiis, & aliis locis fieri, & exerceri solita, habere, facere, & exercere liberè & licitè possint & valeant, earundem præsentium tenore specialis dono gratiæ concedimus & indulgemus. Eosque à quibusuis censuris & pœnis, in illos præmissorum occasione forsan latis, absoluiamus. Nec non indulta Priuslegia Societatis circa hoc confirmantur.  
 per PAVLVM, IVLIVM, & PIVM præ-

GREG.  
XIII.

*Ha littera  
surreptionis  
argui non  
possunt.*

*Censura de-  
super lata  
vel ferenda  
Socios non  
afficiunt.*

decessores nostros prædictos, & Nos eis, vt præfertur, concessa & confirmata, cum omnibus & singulis in eis contentis concessionibus, priuilegiis, facultatibus, prærogatiuis, & aliis gratiis, declarationibus, & derogationibus, aliisque quibuscumque, etiam derogatoriis derogatoriis, irritantibusque, & aliis decretis & clausulis, approbamus & confirmamus, illisque perpetuæ & inuiolabilis firmitatis robur adiicimus. Necnon oppositionem & contradictionem quorumcumque quouis titulo, vigore, prætextu, colore ipsis Presbyteris præiudicium afferre, ac præsentis litteras de obreptionis vel surreptionis vicio, aut intentionis nostræ defectu notari, vel impugnari, suspendi, reuocari, annullari, inualidari, aut ad viam iuris reduci, vel contra illas attentari non posse, neque debere; sed illas perpetuò validas, efficaces, & illibatas existere: & vbi aliquid contra eas extorqueri & obtineri contigerit, illas nihilominus in suo pleno & integro robore, absque eo quòd desuper impetranda sit à Sede prædictâ illarum confirmatio, restitutio, reualidatio, vel noua concessio, permanere: irritumque; & inane, si secus super his à quoquam, quauis auctoritate, scienter vel ignoranter, attentatum forsan est hætenus, vel in posterum contigerit attentari, decernimus. Ac quasuis excommunicationis sententias, vigore talium priuilegiorum canonicarum, contra dictos Presbyteros

teros

teros vel Societatem latas & ferendas, eos vel eorum aliquem nullatenus afficere posse declaramus. Quocircà vniuersis & singulis venerabilibus Fratribus Patriarchis, Archiepiscopis, Episcopis, ac dilectis filiis Abbatibus, Prioribus, & aliis personis in dignitate Ecclesiasticâ constitutis, per præsentem pari motu mandamus, quatenus ipsi, vel eorum quilibet, per se, vel alium, seu alios, præsentem litteras, & in eis contenta quæcumque, vbi & quâdo opus fuerit, & quoties pro parte dictorum Presbyterorum, aut alterius eorum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostrâ eos decreto, confirmatione, indulto, aliisque præmissis pacificè gaudere; ac easdem præsentem litteras, & in eis contenta quæcûque perpetuè inuiolabiliter obseruari. Non permittentes eos super eisdem præmissis, vel eorum aliquo, per quorumcumque Ordinum, etiam Mendicantium, religiosos, seu locorum Ordinarios, aut alios quoscumque Iudices, & personas, cuiuscumque status, gradus, ordinis, & conditionis existant; & quacumque, etiam Pontificali, Regiâ, vel aliâ auctoritate fungantur, publicè vel occultè, directè vel indirectè, tacitè vel expressè, quouis quæsito colore vel ingenio, impediri, molestari, perturbari, vel aliâs quomodolibet inquietari. Contradiçtores quoslibet & rebelles per censuras



GREG.  
XIII.

*Non obstantibus, &c.*

Ecclesiasticas, & alia opportuna iuris remedia, appellatione postpositâ, compescendo; inuocato etiam ad hoc, si opus fuerit, auxilio brachij sæcularis. Non obstantibus præmissis, ac piæ memoriæ BONIFACII Papæ VIII. etiam prædecessoris nostri de vnâ, & in Concilio Generali de duabus dietis, dummodò non ultra tres dietas quis auctoritate præsentium ad iudicium trahatur, aliisque Constitutionibus & ordinationibus Apostolicis; nec non dictorum Ordinum, etiam iuramento, confirmatione Apostolicâ, vel quauis firmitate aliâ roboratis statutis, & consuetudinibus, priuilegiis quoque, indultis, & litteris Apostolicis, eisdem Ordinibus, illorumque Superioribus, & personis, etiam super non ædificandis Ecclesiis, Domibus, Collegiis, & aliis ædificiis aliarum Religionum intra centum quadraginta annos ab eorum cœnobiis, & conuentibus, vel Monasteriis, & Domibus; ac aliis sub quibuscumque tenoribus, & formis, per quoscumque Romanos Pontifices concessis, confirmatis, & inno- uatis; ac omnibus aliis, quæ Nos, & prædicti prædecessores nostri in singulis litteris prædictis voluimus non obstare. Quibus omnibus, etiam si pro illorum sufficienti derogatione, de illis eorumque totis tenoribus specialis, specifica, expressa, & indiuidua, ac de verbo ad verbum, non tantùm per clausulas generales idem importantes, mentio, seu quæuis alia expressio habent-



habenda, aut aliqua alia exquisita forma seruanda foret, tenores illorum, ac si de verbo ad verbum, nihil penitus omisso, & formâ in illis traditâ obseruatâ, inserti forent, præsentibus pro expressis habentes, illis aliâs in suo robore permanfuris, hac vice dumtaxat, motu simili, specialiter & expressè derogamus; ceterisque contrariis quibuscumque. Aut si aliquibus communiter, vel diuissim ab eadem sit Sede indultum, quòd interdici, suspendi, vel excommunicari non possint per litteras Apostolicas non facientes plenam & expressam, ac de verbo ad verbum, de indulto huiusmodi mentionem. Volumus autem, & eadem auctoritate decernimus, quòd ipsarum transumptis manu alicuius Notarij publici subscriptis, & sigillo alicuius Prælati, vel personæ in dignitate Ecclesiasticâ constitutæ, aut Curie Ecclesiasticæ, vel etiam Generalis Præpositi ipsius Societatis munitis, in iudicio, & alibi, ubi opus fuerit, eadem prorsus fides adhibeatur, quæ adhiberetur eisdem præsentibus, si forent exhibitæ vel ostensæ. Datum Romæ apud S. Petrum, sub annulo Piscatoris, die xxx. Octobris, M. D. LXXVI. Pontificatus nostri anno quinto.

GREG.  
XIII.

*Transumptis  
habeatur fides.*

Cæ. Glorierius.

GREG.  
XIII.

G R E G O R I I X I I I .

F A C V L T A S

Alienandi in euidentem vtilitatem, iuxta Societatis Constitutiones.

A N N O M. D. L X X V I .

G R E G O R I V S P A P A X I I I .

*Ad perpetuam rei memoriam.*

**A**postolicæ Sedis circumspecta benignitas, in quarumvis Religionum, præsertim earum quæ gregi Dominico inuigilant, ac prædicationibus & lectionibus, cum humanis tum sacris, insistent; commodis & vtilitatibus consequendis, prouidentia suæ auctoritatem interponit, & quanto potest fauore prosequitur. Sanè dilectus filius Euerardus Mercurianus Præpositus Generalis Societatis I E S V, nobis nuper exponi fecit, quòd, cum litteris tam felic. record. PAVLI III. quàm piæ memoriæ IVLII etiam Tertij, Romanorum Pontificum prædecessorum nostrorum, in fauorem dictæ Societatis emanatis, & per dicto-

dictorum Pontificum Successores, & Nos re- GREG.  
XIII.  
spectiuè confirmatis, ac eiusdem Societatis  
Constitutionibus, omnimoda Collegiorum

illius, ac etiam temporalium bonorum ad ipsa  
Collegia spectantium gubernatio ad pro tem-  
pore existentem Præpositum Generalem, vel  
ipsam Societatem, ita tamen quòd in ipsius  
Præpositi, aut professæ Societatis, vel alios  
quàm ipsorum Collegiorum vsus, bona huius-  
modi expendi aut distrahi non possint, sed in  
studentium vtilitatem sic conuerti, vt illis di-  
ctis bonis abuti non valeant, spectare & perti-  
nere dignoscatur; indeque fiat, vt Collegia  
ipsa capitulariter nullo modo congregentur,  
sed omnis facultas celebrandi cōtractus, prout  
per easdem Constitutiones, ac etiam primam  
ipsius Societatis generaliter habitam Congre-  
gationem stabilitum & declaratum fuit, penes  
eundem Præpositum pro tempore existen-  
tem resideat. Cumque etiam dicta Societas,  
quæ Ordo Mendicans existit, aliorum Ordini-  
um Mendicantium super contractibus in-  
eundis, à Sede Apostolicâ concessis priuilegiis  
gaudeat; Nosque eisdem Euerardo Præposi-  
to, & Societati, vt interuenientibus illis dum-  
taxat, qui more Societatis prædictæ, & secun-  
dum eius Constitutiones & statuta, regimen,  
& administrationem Domorum, & Collegio-  
rum iuuare & promouere solent, seruato in  
eiusmodi Congregationibus peculiari, ac pro-

*Concessio alia  
Gregorij  
XIII. de quâ  
pag. 144.*

GREG.  
XIII.

prio dictæ Societatis procedendi modo, priuilegiis illis vtendi, nec non contractus ineundi licentiam & facultatem cōcesserimus, prout in singulis litteris Apostolicis desuper confectis plenius continetur. Tamen quia nec modus ille quis sit, nec omnes, per quos Præpositus Generalis facultatem huiusmodi alioqui exercere potest, in dictis nostris litteris satis expressi fuere; ac etiam quia eidem Societati priuilegiis & litteris Apostolicis huiusmodi, tum quòd variis litteris & munimentis concessa sunt, vti & illa ad singulos contractus ineundos afferre dispēdiosum molestumque existit; tum quòd in nonnullis regionibus emphiteuses ad tres vitas concedi solent, nec particulares homines illas ad breuius tempus accipere facile adducuntur; Et propterea, ac etiam ex eo quòd nonnumquam pro Collegiorum ipsorum, nec non Domorum probationis, vel aliorum locorum eiusdem Societatis necessitate, bona huiusmodi locare, alienare, permutare, vel in emphiteusim, seu liuellum dare expedit; ac quandoque contingit, vt conditio semel oblata, si prætermittatur, non paruam afferat iacturam; pro parte dicti Euerardi Præpositi nobis fuit humiliter supplicatum, vt præmissa omnia plenius declarare, & aliàs in eisdem opportunè prouidere de benignitate Apostolicâ dignaremur. Nos igitur, qui operarios in vineâ Domini, præsertim pondus diei



& xstus sustinentes, sincero prosequimur affectu, nostrarum ac eorumdem prædecessorum nostrorum litterarum, nec non Societatis prædictæ Constitutionum, aliorumque præmissorum tenores præsentibus pro expressis habentes; & eundem Præpositum, ac dictæ Societatis singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, à iure vel ab homine quavis occasione vel causâ latis, si quibus quomodolibet innodati existunt, ad effectum præsentium dumtaxat consequendum, harum serie absoluentes, & absolutos fore censentes, huiusmodi supplicationibus inclinati, eisdem Societati, ac Generali Præposito moderno & pro tempore existenti, vt ex nunc de cetero perpetuis futuris temporibus, informatione de contractibus ineundis per litteras, vel aliàs, prout ipse Generalis statuerit, à subordinatis localibus Præpositis, vel Rectoribus, aut Præfectis, seu eorū Vicesgerentibus, vel à Prouincialibus, seu Visitationibus, aut Commissariis, vel ab aliis sibi benè visis, auditis iuxta eorum institutum Consultoribus, acceptâ; quæcumque Domorum, tum Professarum tum Probationis, Collegiorum, & aliorū locorum eiusdem Societatis vbi libet cōsistentium bona stabilia & immobilia, seu quasi stabilia, nec non & pretiosa mobilia, cuiuscumque qualitatibus & quâtitatibus ac valoris,

GREG.  
XIII.

*Generalis, informatione acceptâ, quæcumque bona Domorum & Collegiorum ineudentem eorum vtilitatem, alienare potest.*

&



GREG.  
XIII.

*In emphiteu-  
sim ad tres  
generationes  
tantum.*

*Absque aliâ  
confirmatione.*

*Extra Euro-  
pam contra-  
ctuum con-  
firmationes  
committere  
potest.*

& in quocumque loco posita, pro pretio, & sub pactis, conditionibus, modis, & formis hinc inde conueniendis, in euidentem tamen Domorum & Collegiorum huiusmodi utilitatem, per se, vel alium seu alios, vendere, alienare, permutare, ac etiam in emphiteusim, seu liuellum ad tres generationes, vel nominationes tantum, seu aliud longum tempus pro affictu sibi benè viso concedere, absque aliâ à nobis, vel successoribus nostris Romanis Pontificibus pro tempore existentibus, aut Sede prædictâ, vel illius de latere Legatis, seu Nuntiis, aut etiam locorum Ordinariis petendâ vel obtinendâ licentiâ, seu confirmatione, liberè & licitè possit & valeat, concedimus & indulgemus. Ita tamen, quòd si ex eiusdem Generalis Præpositi facultate, pro rerum exigentiâ, opus sit, in Europæ videlicet Prouinciis, ante datam eidem Præposito informationem, contractus alienationum fieri, dominium nihilominus, & possessio bonorum quorumuis, super quibus contractus huiusmodi initi fuerint, penes Domos, Collegia, ac loca prædicta, donec ipse Generalis rem confirmauerit, aut suum consensum desuper præstiterit, remaneat, ac remanere intelligatur. In Indiis verò, & aliis extra Europam regionibus, contractuum huiusmodi confirmatio ipsis Prouincialibus, aut Viceprouincialibus, Visitatoribus, seu Commissariis, simili per eos informatione acceptâ, com-

committi possit ab ipso Generali Præposito, GREG.  
 aliàs, & in euentum, in quem ordo suprascri- XIII.  
 ptus non fuerit obseruatus, venditio, aliena-  
 tio, permutatio, locatio, & concessio, ac con-  
 tractus, nec non inde secuta quæcumque, nulla  
 & inualida, nulliusque roboris ac momenti  
 existant. Ac ita in præmissis sic perpetuò decla-  
 ramus, & decernimus. Et nihilominus ex nunc,  
 prout ex tunc, & è contrà postquam venditio-  
 nes, alienationes, permutationes, locationes,  
 concessiones, ac contractus pro tempore, vt  
 præmittitur, facti, & per dictum Præpositum  
 Generalem approbati & ratificati fuerint, seu  
 consensus eiusdem Præpositi Generalis inter-  
 uenerit, easdem venditiones, alienationes, per-  
 mutationes, locationes, concessiones, & con-  
 tractus, & inde secuta quæcumque, nec non in-  
 strumenta, & scripturas desuper pro tempore  
 confecta Apostolicâ auctoritate approbamus  
 & confirmamus, ac perpetuæ firmitatis robur  
 obtinere debere statuimus; omnesque & sin-  
 gulos tam iuris, quàm facti defectus, si qui  
 forsan interuenerint quomodolibet, in eisdem  
 supplemus. Decernētes ea omnia, absque alio,  
 desuper ordinariâ, vel Apostolicâ, aut aliâ au-  
 ctoritate, seu de Sedis Apostolicæ commissio-  
 ne faciendo examine, ac præsentibus, & in eis  
 contenta, validas & efficaces, validaque & ef-  
 ficacia, perpetuò fore, nec non ab omnibus  
 obseruari debere; ipsosque contrahentes ad  
 con-

*Approban-  
 tur ex nunc  
 auctoritate  
 Apostolicâ  
 contractus  
 sic facti.*

GREG.  
XIII.

*Contrahentes  
ad contra-  
ctuum obser-  
uationem  
tenentur.*

*Deputantur  
Iudices.*

contractuum, & stipularum conuentionum obseruationem omnino teneri; ac super præmissis, & inde secutis quibuscumque per quoscumque quauis auctoritate, quomodolibet molestari, vel impediri non posse: Nec non irritum & inane, si secus super his à quoquam, quauis auctoritate, scienter vel ignoranter, contigerit attentari. Quocircà venerabilibus Fratribus Patriarchis, Archiepiscopis, & Episcopis, ac dilectis filiis eorum in spiritualibus Vicariis, aut officialibus generalibus, & Curiaë cauſarum Cameraë Apostolicæ generali Auditori, nec non Abbatibus, Prioribus, Præpositis, Decanis, Archidiaconis, Canonicis, & Capitulis, ac aliis, ad quos id quomodolibet spectat, & in futurum spectabit, per easdem præsentibus committimus & mandamus, quatenus ipsi, vel duo, aut vnus eorum per se, vel alium, seu alios, præsentibus litteras, & in eis contenta quæcumque, vbi & quando opus fuerit, ac quoties pro parte Generalis Præpositi, vel aliarum personarum eiusdem Societatis, aut alicuius eorum, super his fuerint requisiti, solemniter publicantes; eisque & eorum cuiuslibet in præmissis efficacis defensionis præsidio assistentes, faciant eosdem præsentibus, & in eis contenta quæcumque ab omnibus, quos illa concernunt, integrè & inuiolabiliter obseruari. Non permittentes eos, aut eorum aliquem desuper contra earundem præsentium tenorem;

rem, quomodolibet indebitè molestari. Contradiçtores quoslibet & rebelles per sentèti-  
 as, censuras, & pœnas Ecclesiasticas, aliaque op-  
 portuna iuris & facti remedia, appellatione  
 pòstpositâ, compescendo, legitimisq̃ue super  
 his habendis seruatis processibus, sententias,  
 censuras, & pœnas ipsas, etiam iteratis vicibus,  
 aggrauando; inuocato etiam ad hoc, si opus  
 fuerit, auxilio brachij sæcularis. Non obstanti-  
 bus felicitis recordationis BONIFACII VII. de vnâ,  
 & in Concilio generali editâ de duabus  
 dietis, dummodò vltra tres dietas quis vigore  
 præsentium ad iudicium non trahatur; & piæ  
 memoriæ SYMMACHI, ac PAULI II. præde-  
 cessorum nostrorum, de rebus Ecclesiæ non  
 alienandis, vel alienatis recuperandis, aliisq̃ue  
 Constitutionibus & ordinationibus Aposto-  
 licis; nec non quibusuis etiam iuramento, con-  
 firmatione Apostolicâ, vel quauis firmitate aliâ  
 roboratis statutis, & cõsuetudinibus, priuilegiis  
 quoque, indultis, & litteris Apostolicis quibus-  
 uis sub quibuscumque tenoribus & formis, ac  
 cum quibusuis, etiam derogatoriis derogato-  
 riis, aliisq̃ue efficacioribus & insolitis clausu-  
 lis, ac irritantibus, & aliis decretis, in genere,  
 vel in specie, etiam Motu proprio, ac aliâs quo-  
 modolibet, etiam iteratis vicibus concessis, ap-  
 probatis, & innouatis. Quibus omnibus, &  
 singulis, etiam si de illis, ac totis eorum tenori-  
 bus, specialis, specifica, indiuidua, & expressa  
 mentio

GREG.  
XIII.

*Non obstan-  
tibus, &c.*

GREG.  
XIII.

*Transumptis  
habeatur fi-  
des.*

mentio habenda, aut aliqua alia exquisita forma ad hoc seruanda esset; tenores huiusmodi, ac si de verbo ad verbum infererentur, præsentibus pro sufficienter expressis habentes, illis aliàs in suo robore permanfuris, hac vice dumtaxat, specialiter & expressè derogamus; ceterisq̃ue contrariis quibuscumque, seu si aliquibus communiter vel diuissim ab eadem sit Sede indultum, quòd interdici, suspendi, vel excommunicari non possint per litteras Apostolicas, non facientes plenam & expressam, ac de verbo ad verbum de indulto huiusmodi mentionem. Volumus autem, quòd earumdem præsentium transumptis, manu alicuius Notarij publici subscriptis, & sigillo alicuius personæ in dignitate Ecclesiasticâ constitutæ, seu etiam ipsius Præpositi Societatis munitis, eadem prorsus fides in iudicio & extra adhibeatur, quæ ipsis originalibus litteris adhiberetur, si forent exhibitæ vel ostensæ. Datum Romæ apud S. Petrum sub annulo Piscatoris, xviii. Decembris, M.D.Lxxvi. Pontificatus nostri anno quinto.

Cæ. Glorierius.

GRE-



G R E G O R I I XIII.

GREC.  
XIII.

D E R O G A T I O

Capitis *Nuper.* de Decimis.

ANNO M.D.LXXVIII.

G R E G O R I V S P A P A XIII.

*Ad perpetuam rei memoriam.*

PASTORALIS officij cura nobis, meritis licet imparibus, ex alto commissa, Nos admonet, vt nostræ prouisionis efficiatur ministerio, quòd ea, quæ religiosis quibuscumque, præsertim sub sacratissimi nominis I E S V totius humani generis Redemptoris vexillo, ad illius honorem & gloriam, proximorumque spiritualem profectum, ac orthodoxæ fidei defensionem & propagationem in terris, militantibus, ab Apostolicâ Sede prouidè concessa reperiuntur, sublatis quibuscumque impedimentis, suos, vt par est, debitos effectus, perpetuis futuris temporibus sortiantur. Exponi siquidem nobis nuper fecit dilectus filius Eucardus Mercurianus Præpositus Generalis Societatis IESV, quòd licet aliàs felicitis recordationis PAVLVS Papa Tertius prædecessor noster, volens dictam Societatem per eum Apostolicâ auctoritate

M

ritate

GREG.  
XIII.  
*Pauli III.  
exemptio à  
decimis.*

ritate institutam & approbatam, illiusque Socios favore prosequi gratiæ specialis, inter alia eidem Societati & Sociis dictâ auctoritate concessit ac indulgit, ut de iis, quæ in ornamentis aut pro eis, seu libris, fabricâ, luminaribus, vel victu, aut indumentis eorum, nec non annuis censibus redimendis, ad quorum solutionem aliquæ Domus ipsius Societatis obligatæ forsan existebant; ac de Domibus, & Collegiis, eorumque prædiis, hortis, & aliis locis eisdem Sociis iuxta eorum viuendi institutum habere concessis, aut de iis, quæ pro huiusmodi rebus, Domibus, Collegiis, prædiis, locis, & hortis emendis, per quasumque personas pro tempore legari aut relinqui contingeret; & aliis bonis quibuscumque per dictam Societatem, & illius Collegia possessis & obtentis, aliquam decimam etiam Papalem soluere, seu Canonicam portionem exhibere, aut ad præstationem procurationum Legatorum dictæ Sedis, vel Nuntiorum ipsius, seu Ordinariorum locorum, aut exactorum, collectarum, vel subsidiorum, seu prouisionum quorumcumque minimè tenerentur; nec ad id per litteras Sedis, vel Legatorum, seu Nuntiorum, aut diœcesanorum prædictorum cuiuscumque tenoris forent, vlllo vnquam tempore compelli possent, nisi ipsæ litteræ Apostolicæ plenam & expressam ac de verbo ad verbum, de indulto & concessione huiusmodi,

di, ac de eorum ordine mentionem facerent. Et **GREG.**  
 si fortè per ipsum prædecessorem vel dictam **XIII.**

Sedem, de piis legatis dispositis & relictis in genere vel specie decima, vel altera portio, seu quarta, alteri piæ vel non piæ causæ, quomodolibet eatenus concessa esset, vel illam in posterum concedi, seu solui, aut dari, mandari contingeret; Socios prædictos, ac illorum Domos, & bona quæcumque, nec non eis legata & relictæ, aut aliàs in eorum fauorem disposita, in concessionibus & mandatis huiusmodi decreuerit, & voluerit minimè comprehendere, nisi de ipsis, ac suis decreto & voluntate huiusmodi, non per clausulas generales idem importantes, sed vera, expressa, & specifica mentio fieret in eisdem. Et successiuè piæ memoriæ **PIVS** Papa **IV.** etiam prædecessor noster, exemptionem, ac cum omnibus & singulis in eis contentis clausulis litteras ipsius **PAVLI** prædecessoris desuper confectas, nec non inde secuta quæcumque, per suas litteras ex certâ scientiâ confirmauerit, approbauerit, & etiam plênariè innouauerit: Ac pro potiori cautelâ vniuersam Societatem prædictam, omniaque & singula illius, Domos, etiam Probationis, & Collegia vbilibet consistentia, præsentia, & futura, eorumque personas, fructus, redditus, & prouentus etiam bonorum Ecclesiasticorum sæcularium, & regularium quorumcumque illis pro-

*Ty IV. confirmatio superioris exemptionis.*

GREG.  
XIII.

tempore vnitorum, aliasque res, & bona quæcumque à quibusuis decimis, etiam Papalibus, prædialibus, personalibus, quartis, medietatibus, & aliis fructuum partibus, subsidiis etiam caritatiuis, & aliis ordinariis oneribus etiam pro expeditione contra infideles, defensione patriæ, ac aliàs quomodolibet, etiam ad Imperatorum, Regum, Ducum, & aliorum Principum instantiam, pro tempore impositis, etiam si in illorum impositione caueretur, quòd nulla prorsus exemptio cuiquam aduersus illa suffragaretur; Ita quòd Societas, eiusque Domus, etiam Probationis, Collegia, fructus, res, & bona præfata semper ab illis absque declaratione desuper faciendâ excepta essent, & esse censerentur, perpetuò liberauerit & exemerit, prout in singulis litteris prædecessorum huiusmodi plenius continetur. Nihilominus quia in illis nulla de Constitutione recolendæ memoriæ INNOCENTII Papæ Tertij, similiter prædecessoris nostri in Concilio generali super decimis editâ, quæ incipit, *Nuper*, expressa & specifica mentio facta, nec ei specialiter & expressè derogatum fuit, idem Præpositus dubitat, singulas litteras prædictas de subreptionis, seu nullitatis vitio notari, ac Societati, illiusque Domibus, Collegiis, & personis prædictis minùs vtiles reddi, aut illa super exemptione huiusmodi molestari vel perturbari posse tempore procedente. Nos igitur, qui votum



tium ipsius Societatis profectum sincero pa- GREG.  
 ternæ caritatis affectu libenter amplectimur, XIII.  
 eidem Societati, illiusque Domibus, etiam  
 Probationis, Collegiis, & personis, ne pro-  
 ptereà dictarum litterarum frustrètur effectū,  
 opportunè providere volentes; ipsumque  
 Præpositum & singulares personas Societatis  
 huiusmodi à quibusvis excommunicationis,  
 suspensionis, interdicti, aliisque Ecclesiasticis  
 sententiis, censuris, & pœnis, à iure vel ab ho-  
 mine, quavis occasione vel causâ, latis, si qui-  
 bus quomodolibet innodati existunt, ad effe-  
 ctum præsentium dumtaxat consequendum,  
 harum serie absolventes, & absolutos fore  
 censentes; nec non singularum litterarum præ-  
 dictarum veriores tenores, ac quarumcumque  
 litium & causarum super præmissis iam for-  
 san motarum statum, & merita, nominaque &  
 cognomina Iudicum & collitigantium, ac ti-  
 tulos, & iura eorum, præsentibus pro suffi-  
 cienter expressis habètes, ipsius Præpositi sup-  
 plicationibus in hac parte inclinati, volumus  
 ac Societati illiusque Domibus, etiam Proba-  
 tionum, Collegiis, & personis prædictis eadem  
 auctoritate concedimus, quòd singulæ littæ  
 prædictæ cum exemptionibus, ceterisque  
 omnibus, & singulis in eis contentis clausulis  
 & decretis; processusque habiti per easdem ac  
 inde secuta quæcumque valeant, plenamque  
 roboris firmitatem obtineant, & eis, quibus

*Pauli III.  
 & Pij IV.  
 privilegia  
 perinde va-  
 leant, &c.*



GREG.  
XIII.

*Derogatur  
Constitutioni  
Innocētiij III.*

*Non obstan-  
tibus, &c.*

*Transumptis  
habeatur fi-  
des.*

concessæ existunt, perpetuò suffragentur in omnibus, & per omnia; perinde ac si in illis de Constitutione INNOCENTII prædecessoris, & seu Concilij generalis huiusmodi specifica & expressa mentio facta, eique specialiter & expressè derogatum fuisset, prout Nos eidem Constitutioni ad effectum præmissum specialiter & expressè harum serie derogamus. Decernentes ita in quibuscumque causis pendentibus, & futuris, per quoscumque Iudices & Commissarios quavis auctoritate fungentes iudicari & definiri debere; irritum quoque & inane quidquid secus super his à quoquam quavis auctoritate, scienter vel ignoranter contigerit attentari. Non obstantibus litis pendentibus, si quæ sint, & aliis præmissis, ac INNOCENTII prædecessoris, & seu generalis Concilij huiusmodi, aliisque Apostolicis, nec non in Prouincialibus, & Synodalibus Conciliis editis generalibus, vel specialibus Constitutionibus, & ordinationibus, ac omnibus illis, quæ in singulis litteris prædictis expressum fuit non obstare, ceterisque contrariis quibuscumque. Volumus autem quòd earumdem præsentium transumptis, etiam impressis, manu alicuius Notarij publici subscriptis, & sigillo alicuius personæ in dignitate Ecclesiasticâ constitutæ, seu etiam pro tempore existentis Præpositi Generalis dictæ Societatis, munitis, eadem prorsus fides in

in iudicio & extra vbicumque adhibeatur, GREG.  
quæ ipsis originalibus litteris adhiberetur, si XIII.  
forent exhibitæ vel ostensæ. Datum Romæ  
apud S. Petrum sub annulo Piscatoris, die pri-  
mo Ianuarij, M.D.LXXVIII. Pontificatus no-  
stri anno sexto.

**Cæ. Glorierius.**

GREG.  
XIII.

G R E G O R I I XIII.

## I N D V L G E N T I A

P L E N A R I A

Semel in anno in Societatis  
Ecclesiis: Facultas celebrandi  
per horam ante Auroram;  
conferendi gradus, etiam per  
studiorum Præfectum; ac con-  
currendi cum Vniuersitatum  
Lectoribus.

A N N O M. D. L X X I X.

G R E G O R I V S *Episcopus Seruus  
Seruorum Dei, Ad perpetuam  
rei memoriam.*

**Q**Vanta in vineâ Domini fructuosa opera  
Societas I E S V quotidie verbo & exem-  
plo in populo Christiano attulerit; continuos-  
que labores, quos pro Diuini nominis gloriâ,  
& exaltatione fidei Catholicæ Presbyteri di-  
ctæ Societatis supportant, cordi nostro proue-  
nit satisfactio. Ac propterea dignum censentes,

vt

vt ipsam Societatem, eiusque in odorem suauitatis Altissimo deseruientes specialibus fauoribus prosequamur; illaque sibi fauorabiliter concedamus, per quæ Societas ipsa ad animarum auxilium fideliter in Domino procedere valeat. Sanè pro parte dilecti filij Euerardi Mercuriani Præpositi Generalis prædictæ Societatis nobis nuper exhibita petitio continebat, Quòd aliàs fel. rec. PAVLVS Papa Tertius prædecessor noster inter ceteras gratias eidem Societati concessas, omnibus & singulis vtriusque sexus Christi fidelibus verè pœnitentibus, & confessis, seu statutis à iure temporibus firmum confitendi propositum habentibus, qui aliquam Ecclesiam, aut alium pium locum dictæ Societatis, semel singulis annis, præter annum Iubilæi, in die per pro tempore existentem eiusdem Societatis Præpositum eligendo, à primis vesperis vsque ad occasum Solis eiusdem diei inclusiue, deuotè visitarent, ac inibi orationem Dominicam & Salutationem Angelicam recitarent, plenariam omnium peccatorum suorum indulgentiam, & remissionem, in formâ Iubilæi: Et deinde, ex certis tunc expressis causis, Presbyteris eiusdem Societatis, vt Missas ante diem, circa tamen diurnam lucem, & etiam infra horam post meridiem, quando & quoties, stante legitimo impedimento, tunc & pro tempore existenti eiusdem Societatis Præposito id neces-

GREG.  
XIII.

Concessiones  
Pauli III.

Eiusdem  
Pauli III.

GREG.  
XIII.  
*Iulij III.*

farium, vel aliàs in Domino expedire visum foret, celebrare: Ac postmodum piæ memoriæ IULIVS Papa III. etiã prædecessor noster, Collegiis eiusdem Societatis, tam in Vniuersitatibus studiorum generalium, quàm extra illas consistentibus, vt scholares dictæ Societatis ab illius Generali, vel de eius licentiâ à quouis alio ex Præpositis, vel Rectoribus Collegiorum huiusmodi, accitis sibi duobus, vel tribus Doctoribus, ad quoscumque Baccalaureatus, ac Magisterij, Licentiaturæ, & Doctoratus gradus promoueri, ac studij generalis Vniuersitatum priuilegiis, indultis, prærogatiuis, & aliis gratiis quomodolibet, non solum ad instar, sed pariformiter & æquè principaliter gaudere liberè & licitè possent & valerent, sub certis modo & formâ concesserunt. Et successiuè recolendæ memoriæ PIVS Papa IV. similiter prædecessor noster dictam promouendi concessionem ad Scholares pauperes externos, qui in Collegiis eisdem, in quibus ordinariæ Artium liberalium, & Theologiæ lectiones haberentur, lectiones easdem frequentarent, & etiam ad diuites, in Vniuersitatibus tamen, si illarum officiales eos promouere recusarent, aliàs per examinatores Societatis huiusmodi idoneos repertos, & solutis per diuites iuribus suis eisdem Vniuersitatibus, extendit & ampliauit. Prætereà sanctæ memoriæ PIVS Papa V. pariter prædecessor

*Pij IV.*

*Pij V.*

noster,



noster, vt Præceptores dictæ Societatis in suis  
Collegiis, etiam in locis, vbi Vniuersitates, vt  
præfertur, existerent, suas lectiones, dummo-  
dò per duas de manè & per vnam de sero ho-  
ras cum Lectoribus Vniuersitatum huiusmodi  
non concurrerent, publicè legere; ac eorum  
auditores in quibuscumque Vniuersitatibus ad  
gradus admittere possent, decreuit & decla-  
rauit; prout in singulis eorundem prædeces-  
sorum desuper confectis litteris plenius con-  
tinetur. Cùm autem, sicut eadem petitio sub-  
iungebat, idem Euerardus Præpositus cupiat,  
indulgentiam huiusmodi, quam à pluribus  
pro quibuscumque dictæ Societatis Ecclesiis con-  
cessam fuisse iudicatum extitit, cuius quidem  
usus, si pro vnicâ tantùm Ecclesiâ quolibet  
anno esset futurus, rarò admodùm cuilibet di-  
ctæ Societatis Ecclesiæ ob magnam illius Ec-  
clesiarum, Deo benedicente, multiplicatio-  
nem vsque modò per diuersas totius orbis  
Christiani partes factam, id contingere posset:  
sicuti è conuerso, eò maiori pietate, ac deu-  
otionis feruore Christi fideles per eundem  
Christianum orbem ad pœnitentiæ, & sacro-  
sanctæ Eucharistiæ sacramenta frequentanda,  
Christo propitio, accederent; quò maiori-  
bus & frequentioribus in singulis eiusdem  
Societatis ecclesiis, quolibet anno, ad id à  
nobis, sanctâque Sede Apostolicâ gratiis &  
indulgentiis se inuitari cognoscerent; eisdem  
Christi

GREG.  
XIII.*Inseritur  
petitio.*

GREG.  
XIII.

Christi fidelibus in qualibet dictæ Societatis ecclesiâ suffragari : ac etiam eisdem Presbyteris propter itinerum & alia impedimenta, quæ frequenter eueniunt, facultate celebrandi Missas etiam per horam ante Auroram, & infra horam post meridiem vti licere: nec non concessionem promouendi ad quoscumque gradus ad Collegij cuiuslibet Præfectum studiorum, in quo Philosophiæ vel Theologiæ lectiones ordinariæ habentur, extendi: nec non Lectores dictæ Societatis in illius Collegiis, vbi Vniuersitates fuerint studiorum generalium, dummodò de manè per vnam, & de sero per aliam horas cum aliis Vniuersitatum Lectoribus præfatis, qui hoc postulauerint, non concurrant, publicè legere posse. Quare pro parte dicti Euerardi Præpositi nobis fuit humiliter supplicatum, vt in præmissis opportunè prouidere de benignitate Apostolicâ dignaremur. Nos igitur, qui personarum quarumlibet, præsertim Deo famulantium, votis, quantum cum Deo possumus, libenter annuimus; Euerardum Præpositum præfatum à quibusuis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine, quauis occasione, vel causâ latis, si quibus quomodolibet innodatus existit, ad effectû præsentium dumtaxat consequendum, harum serie absoluentes, & absolutum fore censentes; ac singularum litterarum

rarum præfatarum tenores præsentibus pro  
 expressis habentes, huiusmodi supplicationi-  
 bus inclinati; Quòd prædicta indulgentia  
 omnibus & singulis vtriusque sexus Christi fi-  
 delibus verè pœnitentibus, & confessis, & sa-  
 cro sanctæ Eucharistiæ cibo resectis, qui Cir-  
 cumcisionis Dominicæ, vel alio per præfatum  
 Euerardum Præpositum, seu visitandi loci Su-  
 periozem, semel pro semper, nominando die,  
 quamlibet ex dictæ Societatis ecclesiis, seu ca-  
 pellis, aut piis locis vbicumque Societatis hu-  
 iusmodi Religiosos habitare contigerit (dum-  
 modò si plures eiusdem Societatis Ecclesiæ in  
 eadem ciuitate, terrâ, vel loco fuerint, vna tan-  
 rum ex eis ad id per illius Generalem Præpo-  
 situm statuatur) annis singulis deuotè visitaue-  
 rint, & inibi quinquies orationem Domini-  
 cam, & totidem Salutationem Angelicam re-  
 citauerint, vel alias ad Deum orationes pro  
 sanctæ matris Ecclesiæ exaltatione, fideique  
 Catholicæ incremento effuderint, & aliàs  
 iuxta illius continentiam & tenorem suffrage-  
 tur. Nec non Presbyteris Societatis huiusmo-  
 di, vt Missas per horam ante Auroram, & infra  
 horam post meridiem, itineris, vel alterius le-  
 gitimi impedimenti causâ, de ipsius Euerardi,  
 & pro tempore existentis Præpositi Generalis,  
 vel cuiusuis alterius ad id ab eo deputati licen-  
 tiâ celebrare valeant, auctoritate Apostolicâ,  
 tenore præsentium, de speciali gratiâ indulge-  
 mus.

GREG.  
 XIII.

*Indulgentia  
 plenaria se-  
 mel in anno  
 in Societatis  
 ecclesiis, &c.*

*Facultas  
 Missas cele-  
 brandi per  
 horam ante  
 Auroram,  
 post meri-  
 diem, &c.*

**GREG.  
XIII.**

*Promouendi  
ad gradus  
per studiorū  
Præfectum.*

*Concurrendi  
cum Vniuer-  
sitatum Le-  
ctoribus, &c.*

*Deputantur  
Indices.*

mus. Et insuper facultatem præfatam promo-  
uendi ad gradus in Philosophiâ, vel Theolo-  
giâ, ad cuiuslibet dictæ Societatis Collegij stu-  
diorum, in quo Artium, vel Theologiæ facul-  
tates huiusmodi pro tempore legentur, Præ-  
fectum, & aliàs in omnibus, & per omnia,  
iuxta litterarum præfatarum tenores, auctori-  
tate & tenore prædictis, exrendimus & am-  
pliamus: Ac etiam, quòd Lectores dictæ So-  
cietatis in illius Collegiis, in locis, vbi Vniuer-  
sitates sunt studiorum generalium, dummo-  
dò de manè per vnani, & de sero per aliam ho-  
ras cum aliis Vniuersitatum huiusmodi Lecto-  
ribus, qui id postulauerint, non concurrant,  
publicè legere possint & valeant: Reliquis  
omnibus in iisdem litteris contentis in suo ro-  
bore, & statu permansuris, eisdem auctoritate  
& tenore, etiam de speciali gratiâ concedi-  
mus, & indulgemus. Sicque per quoscumque  
Iudices, & Commissarios quauis auctoritate  
fungentes, sublatâ eis, & eorum cuilibet, qua-  
uis aliter iudicandi, & interpretandi facultate,  
& auctoritate, iudicari & definiri debere: Ac  
quidquid secus super his, à quoquam, quauis  
auctoritate, scienter vel ignoranter, attentari  
contigerit, irritum & inane decernimus. Quo-  
circa Venerabilibus Fratribus nostris Archi-  
episcopo Valentinenſi, & Parisienſi, ac Sala-  
mantinenſi Episcopis, per Apostolica scripta  
mandamus, quatenus ipsi, vel duo, aut vnus  
eorum,



eorum, per se vel alium, seu alios, præsentés lit- GREG.  
 teras, & in eis contenta quæcumque, ubi & XIII.  
 quando opus fuerit, ac quoties pro parte dicti  
 Euerardi Præpositi fuerint requisiti, solemni-  
 ter publicantes, sibi quæ in præmissis efficacis  
 defensionis præsidio assistentes, faciant, aucto-  
 ritate nostrâ, easdem præsentés, & in eis con-  
 tenta huiusmodi, firmiter obseruari, ac singu-  
 los, quos ipsæ concernunt, illis pacificè gau-  
 dere, non permittentes eos desuper per quos-  
 cumque quomodolibet indebitè molestari.  
 Contradiçtores & rebelles per sententiâs,  
 censuras, & pœnas Ecclesiasticas, aliâ quæ op-  
 portuna iuris remedia, auctoritate nostrâ, ap-  
 pellatione postpositâ, compescendo: Nec non  
 legitimis super his habendis seruatis processu-  
 bus, illos sententiâs, censuras, & pœnas incur-  
 risse declarando; nec non eas etiam iteratis vi-  
 cibus aggrauando, inuocato etiam ad hoc, si  
 opus fuerit, auxilio brachij sæcularis. Non ob-  
 stantibus piæ memoriæ BONIFACII Papæ  
 VIII. etiam prædecessoris nostri, quâ cauetur,  
 ne quis extra suam Ciuitatem, vel diœcesim,  
 nisi in certis exceptis casibus, & in illis ultra  
 vnâ dietam à fine suæ diœcesis, ad iudicium  
 vocetur; seu ne Iudices à Sede prædictâ depu-  
 tati extra Ciuitatem, vel diœcesim, in quibus  
 deputati fuerint per quoscumque procedere;  
 aut alij vel aliis vices suas committere, seu ali-  
 quos ultra vnâ dietam à fine diœceseon

*Non obstantibus, &c.*



GREG.  
XIII.

*Transumptis  
habeatur si-  
des.*

eorumdem, trahere præsumant; & de duabus dietis in Concilio generali editâ; dummodò ultra tres dietas aliquis, auctoritate præsentium ad iudicium non trahatur; & aliis Constitutionibus, & ordinationibus Apostolicis: nec non omnibus illis, quæ dicti prædecessores in singulis eorum litteris prædictis voluerunt non obstare, contrariis quibuscumque. Aut si aliquibus communiter, vel diuissim ab eadem sit Sede indultum, quòd interdici, suspendi, vel excommunicari non possint per litteras Apostolicas non facientes plenam & expressam, ac de verbo ad verbum de indulto huiusmodi mentionem. Ceterùm quia difficile foret, easdem præsentis litteras ad singula loca, in quibus de eis fides forsan facienda foret, deferri; volumus, & similiter auctoritate Apostolicâ decernimus, quòd ipsarum præsentium transumptis, etiam impressis, manu vnius Notarij publici subscriptis, ac sigillo alicuius Prælati, seu personæ in dignitate Ecclesiasticâ constitutæ munitis eadem prorsus fides in iudicio, & extra illud adhibeatur & habeatur, quæ adhiberetur & haberetur eisdem præsentibus, si forent exhibitæ vel ostensæ. Nulli ergo omnino hominum liceat hanc paginam nostræ absolutionis, indultorum, extensionis, ampliationis, concessionis, decretorum, mandati, & voluntatis infringere, vel ei ausu temerario contraire. Si quis autem hoc attentare præsumpse-

sumpserit, indignationem omnipotentis Dei, GREG.  
ac BB. Petri & Pauli Apostolorum eius se no- XIII.  
uerit incursum. Datum Romæ, apud S. Pe-  
trum, anno Incarnationis Dominicæ M. D.  
LXXVIII. Non. Maij, Pontificatus nostri an-  
no sexto.

Cæ. Glorierius.

G R E G O R I I X I I I .  
R E S T I T V I T V R

Societati IESV ad illius Missio-  
nes, vsus altaris portatilis.

A N N O M. D. L X X I X .

*Dilectis filiis Præposito Generali,  
& Presbyteris Societatis IESV  
GREGORIUS Papa XIII.*

**D**ilecte fili, salutem, & Apostolicam bene-  
dictionem. Vsum Altaris viatici Societati  
vestræ à fel. record. PAVLO Papâ III. conces-  
sum, deinde à Concilio Tridentino vniuersè  
sublatum, vobis eatenus restituimus, vt inter  
Missiones, quæ à Superioribus fiunt, Presby-  
teri vestri, seruatâ aliàs formâ dictæ concessio-  
nis, Missæ sacrificium licitè valeant celebrare  
N super

GREG.  
XIII.

super huiusmodi Altari vbique gentium, etiam in castris militum; modò loca, etsi communia, & profana, tuta & honesta sint; & Generalis, aut per eum Prouinciales Præpositi, eorum vtendum fore iudicauerint. Itidemque possint ibi Presbyteri ipsi sanctissimum Eucharistiæ Sacramentum ministrare fidelibus, ad illud sumendum debite præparatis. Non obstantibus præmissis, ac Constitutionibus, & ordinationibus Apostolicis, ceterisque contrariis quibuscumque. Eadem porrò fides vbique detur præsentium exemplis eo, quo solent alia in vestrà Societate transumpta, modo munitis, quæ daretur ipsis præsentibus, si exhiberentur, vel ostenderentur. Datum Romæ, apud S. Petrum, sub annulo Piscatoris, die primo Octobris, M. D. LXXIX. Pontificatus nostri anno octauo.

Cæ. Glorierius.

GRE-

G R E G O R I I XIII.

GREG.  
XIII.

## C O N C E D V N T V R

Religiosis Societatis I E S V in  
eorum Ecclesiis Indulgentiæ  
omnes Ecclesiis aliis locorum,  
vbi illi morantur, concessæ.

A N N O M. D. L X X I X.

G R E G O R I V S P A P A XIII.

*Ad perpetuam rei memoriam.*

C Vm, sicut accepimus, dilecti filij Religiosi  
Societatis I E S V, ad Ecclesias & alia pia  
loca ciuitatum, terrarum, & locorum, in quib-  
us moram trahunt, vt consequantur indul-  
gentias illis pro tempore elargitas, inter me-  
dios vtriusque sexus populos promiscuè, abs-  
que decentiæ religiosæ dispendio, ac functio-  
num suarum & spiritualium ministeriorum  
incommodo accedere vix possint; Idèoque  
frequenter contingat, tanto eos indulgentia-  
rum fructu priuari; imò & interdum, quòd  
ad illas consequendas non accedant, de ea-  
rum contemptu notari formident; Quare  
nobis humiliter supplicari fecerunt, vt illo-  
rum deuotioni, ac spirituali fructui proui-

GREG.  
XIII.

dere de benignitate Apostolicâ dignaremur. Nos igitur Religiosorum prædictorum statui, decentiæ, commodisq̃ annuere volentes, huiusmodi supplicationibus inclinati, vniuersis, & singulis dictæ Societatis personis, nunc & pro tempore, in qualibet mundi parte existentibus, vt ante Altare sanctissimi Eucharistiæ Sacramenti, in ipsius Societatis ecclesiis, orationes ad Deum pro Sanctæ Romanæ Ecclesiæ exaltatione, hæresum extirpatione, & inter Principes Christianos fouendâ pace, aut aliàs pro cuiusque peculiari deuotione fundendo, omnes & singulas indulgentias, etiam plenarias, & peccatorum remissiones consequantur, quas scilicet consequerentur, si indulgentiarum ipsarum diebus ecclesias, & loca pia his decorata, in locis, in quibus eosdem religiosos moram trahere contigerit, visitarent, de omnipotentis Dei misericordiâ, ac BB. Petri & Pauli Apostolorum eius auctoritate confisi, tenore præsentium concedimus & largimur, contrariis non obstantibus quibuscumque. Datum Romæ, apud S. Petrum sub annulo Piscatoris, die **xxiii.** Decembris, **M.D.LXXIX.** Pontificatus nostri anno octauo.

Cæ. Glorierius.



G R E G O R I I X I I I .

GREG.  
XIII.

F A C V L T A S

Aperiendi litteras Sacræ Pœ-  
nitentiariæ.*Dilecto filio Claudio Aquavivæ Præ-  
posito Generali Societatis I E S V**GREGORIUS Papa XIII.*

**D**ilecte fili, salutem, & Apostolicam bene-  
dictionem. Exponi nobis nuper fecisti,  
quòd aliàs quondam Alexander Frumentus  
tunc officij Sacræ Pœnitentiariæ Regens, di-  
lectis filiis Presbyteris Societatis I E S V, cui  
præesse dignosceris, etiam si nullis Magisterij  
in Sacrà Theologiâ, & Doctoratus in Iure Ca-  
nonico gradibus insigniti essent, aliàs tamen  
idoneis & approbatis ipsius Societatis Con-  
fessariis, ut quascumque ob signatas, etiam Ma-  
gistris in Theologiâ, & Iure Canonico Do-  
ctoribus directas, in foro conscientiæ, eiusdem  
Sacræ Pœnitentiariæ litteras aperire, & abso-  
lutionis beneficium, iuxta illarum dispositio-  
nem, impendere possent & valerent, verbo-  
tenus concessit, eâque facultate ipsi Presby-  
teri hæctenus vsi sunt. Cùm itaque ipsius So-  
cieta-

GREG.  
XIII.

cietatis religiosi ad huiusmodi gradus, nisi pro necessitate scholarum suarum promoueri non soleant; pœnitentes etiam ad ipsos Presbyteros cum suis litteris absolutionum in dies recurrant, & importunè obsecrent; opportunè etiam eos iuuari conuenit. Nos idcirco tuis in hac parte supplicationibus inclinati, Presbyteris Societatis huiusmodi per te, vel tibi subordinatos illius Superiores de tuâ licentiâ designandis, & ab Ordinariis locorum approbatis vel approbandis, etiam si magisterij vel doctoratus, aut aliis gradibus insigniti non sint, litteras huiusmodi aperiendi, confessionibusque fidelium ad ipsos recurrentium auditis, & impositâ salutarî in illis expressâ, vel de iure infligendâ pœnitentiâ, absoluendi, ac in foro conscientiæ quascumque sibi, verbo vel scriptis, commissas absolutiones, dispensationes, & pœnitentiarum iniunctiones excipiendo & exequendi licentiam & facultatem, tenore præsentium concedimus & impertimur.

*Non obstantibus, &c.*

Non obstantibus Constitutionibus, & ordinationibus Apostolicis, ceterisque contrariis quibuscumque. Volumus autem quòd præsentium transumptis manu alicuius Notarij publici subscriptis, & sigillo tuo, seu personæ in dignitate Ecclesiasticâ constitutæ, munitis, eadem ubique fides adhibeatur, quæ ipsis præsentibus adhiberetur, si forent exhibitæ vel ostensæ. Datum Romæ, apud S. Petrum, sub

annu-

annulo Piscatoris, die III. Aprilis, M.D.LXXXII. Pontificatus nostri anno decimo. GREG.  
XIII.

Cæ. Glorierius.

G R E G O R I I X I I I .

E X T E N D I T V R

Ad census redimibiles, &c.  
Facultas alienandi Societati  
I E S V aliàs concessa.

G R E G O R I V S *Episcopus Servus  
servorum Dei, Ad perpetuam  
rei memoriam.*

E X debito Pastoralis officij ad ea libenter  
intendimus, per quæ religiosorum loco-  
rum, ac personarum in eis degentium, utilita-  
tes & commoda valeant procurari. Exhi-  
bita siquidem nobis nuper pro parte di-  
lecti filij Claudij Aquavivæ Præpositi Ge-  
neralis Societatis I E S V petitio continebat,  
quòd postquàm aliàs per diuersas litteras  
Apostolicas diuersorum Romanorum Pon-  
tificum prædecessorum nostrorum, & dictæ

GREG.  
XIII.

Societatis Constitutiones & Decreta, illius Præposito Generali pro tempore existenti, vel ipsi Societati, omnimoda Collegiorum, & Domorum Probationum, bonorumque ad illa spectantium gubernatio, absque aliâ personarum in eis degentium capitulari congregatione faciendâ; etiam cum facultate quosvis contractus emptionû, venditionum, aliarumque venditionû, alienationum, nec non obligationum, & cessionum quarumlibet rerum temporaliû, mobiliû & immobiliû, etiam in beneficialibus, ac spiritualibus, aliisque quibuscumque, etiam præiudicialibus; nec non instrumenta quæcumque tam per se, quàm per alios celebrandi; ac insuper Mendicantium, nec non per nostras litteras aliorum Ordinum & piorum locorum priuilegiis omnibus vtendi, & aliàs sub certis modo & formâ inibi expressis concessa fuisset; denique cùm vsus priuilegiorum huiusmodi dictæ Societati parum prodesset, eò quòd contrahentes renuerent, neque adducerentur ad contrahendum solo priuilegio communicationis; essetque frequentissimum, & maximè necessarium ipsi Societati in his suis quasi primordiis, pro Collegiorum, & Domorum illius foundationibus, & ampliationibus, Domos, agros, & bona alia commutare, & vendere, ac super his census imponere. His aliisque de causis Nos eidem Societati, illiusque Præposito Generali pro tempore

pore existenti, quòd informatione de contra-  
 ctibus ineundis per litteras, vel aliàs prout ipse  
 Præpositus Generalis statueret, à subordinatis  
 localibus Præpositis, vel Rectoribus, aut Præ-  
 fectis, seu eorum Vicesgerentibus, vel à Pro-  
 uincialibus, seu Visitatoribus, aut Commissa-  
 riis, vel ab aliis sibi benè visis, auditis iuxta eo-  
 rum institutum Consultoribus, acceptâ; quæ-  
 cumque Domorum, tum Professarum, tum  
 Probationis, Collegiorum, & aliorum loco-  
 rum eiusdem Societatis vbilibet cōsistentium  
 bona stabilia, nec non etiam pretiosa mobilia  
 cuiuscumque qualitatis, & quantitatis, ac valo-  
 ris, & in quouis loco posita, pro pretio, & sub  
 pactis, conditionibus, modis, & formis hinc  
 inde conueniendis, in euidentem tamen Do-  
 morum, & Collegiorum huiusmodi vtilitatem,  
 per se, vel alium, seu alios vendere, alienare, per-  
 mutare, in emphyteusim, seu liuellum ad tres  
 generationes, vel nominationes tantum, pro  
 affictu sibi benè viso dare licitè valeret; etiam  
 absque aliâ Sedis Apostolicæ, vel locorum Or-  
 dinariorum licentiâ, seu cōfirmatione desuper  
 obtinendâ: ita quòd venditiones, alienationes,  
 permutationes, locationes, concessionem, con-  
 tractus, instrumenta, & inde secuta quæcum-  
 que postquàm ab ipso Præposito Generali ra-  
 tificata fuissent, seu illius consensus interuenis-  
 set, eo ipso Apostolicâ auctoritate, nullo alio  
 desuper habendo examine, vel commissione,

GREG.  
XIII.

*Petitions in-  
seritur fa-  
cultas alie-  
nandi aliàs  
concessa.*



GREG.  
XIII.

*Reliquum  
petitionis.*

*Extensio  
prioris fa-  
cultatis.*

approbata & confirmata essent, indulgit: prout in singulis litteris Apostolicis desuper confectis plenius continetur. Cum autem, sicut eadem subiungebat petitio, ea quæ de nouo emergunt, nouo indigeant auxilio; ipsi- que contrahentes præsertim in Curiâ, varias quotidie requirant cautelas, sine quibus existimant sibi non fore satis cautum; inter quas ea potissima est, quod in indulto huiusmodi non fuerit expressum, quod etiam census redimibiles super eisdem bonis possent vendi, quæ tamen species est, eaque minima, venditionis; & idcirco ab aliquot iam annis frequens fuit, ut census redimibiles aliàs iuxta formam priuilegij huiusmodi venderentur & impone- rentur. Quare pro parte dicti Claudij nobis fuit humiliter supplicatum, quatenus sibi, dictæque Societati in præmissis consulere de benignitate Apostolicâ dignaremur. Nos igitur eundem Claudium, & singulares ipsius Societatis personas à quibusuis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure, vel ab homine quauis occasione, vel causâ latitis, si quibus quomodolibet innodati existunt, ad effectum præsentium dumtaxat consequendum, harum serie absoluentes, & absolutos fore censentes; ac prædictarum litterarum, & Constitutionum tenores præsentibus pro expressis habentes, huiusmodi supplicationibus

nibus inclinati; eidem Claudio, & pro tempore  
existenti Præposito Generali dictæ Societatis, vel ipsi Societati, dum ea scilicet erit generaliter congregata, ex nunc de cetero perpetuis futuris temporibus per se vel alios, ut in  
formatione, sic ut præmittitur, vel si vtrilibet  
visum erit, extrajudicialiter, ac summarie, &  
simpliciter acceptâ, vel etiam eâ omnino omis-  
sâ, bona Domorum, Collegiorum, & locorum  
huiusmodi stabilia, & etiam mobilia pretio-  
sa, præsentia, & futura, pro illorum utilitate,  
seu necessitate, quibuscumque personis, tam  
Ecclesiasticis, quàm sæcularibus cuiuscumque  
gradus, ordinis, & dignitatis existentibus, et-  
iam Collegiis, Communitatibus, & Vniuersi-  
tatibus ad eam rationem, quæ facilius inueniri  
poterit, & pro pretio reperibili vendere, alie-  
nare, permutare, in emphyteusim, seu liellum  
ad tres generationes, vel in aliud longum tem-  
pus dare, locare, etiam cum donationis, seu in-  
uestituræ receptione, ac repræsentatâ pecu-  
niâ, sine tamen soliti illorum redditus diminu-  
tione; nec non generaliter, & specialiter obli-  
gare, & hypothecare, super illis census quos-  
cumque redimibiles imponere, & vendere,  
nec non de bonis eisdem compromittere, &  
quomodolibet super illis transigere, illisque  
simpliciter, vel liti desuper habitæ, ac actioni,  
etiam in non possessorem cedere, & reum ci-  
tare; utilitatemque venditionum, & aliorum  
huius-

GREG.  
XIII.

huiusmodi, vel etiam necessitatem, aut aliam  
causam, propter quam fiant, simpliciter &  
absque figurâ iudicij cognoscere, iudicare, de-  
finire, & penitus terminare, liberè & licitè va-  
leat; & aliàs iuxta dictarum litterarum teno-  
rem, harum serie Apostolicâ auctoritate con-  
cedimus: Et ad hoc, si opus sit, licentias & fa-  
cultates omnes prædictas extendimus & am-  
pliamus. Ipsosque contrahentes, habitâ solâ  
Præpositi Generalis, vel congregatæ Societa-  
tis per litteras patentes more ipsius Societatis,  
vel aliàs confirmatione, aut consensu, solo con-  
tractu securos existere; nec ad venditionum,  
communicationum, & aliarum huiusmodi  
alienationum utilitatis, seu necessitatis, aut in  
æquivalentia, vel meliora bona pretij conuer-  
sionis, vel aliam demonstrationem teneri: Nec  
non contractus quoscumque super his hæcte-  
nus initos perpetuò valere: partesque ipsas ad  
illorum observationem omnino obligari: &  
tam ipsos hæctenus initos contractus, quàm in  
futurum ineundos, quibus ipsius Generalis  
Præpositi nunc, & pro tempore existentis, vel  
etiam congregatæ Societatis consensus, seu  
confirmatio accesserit, aliâ Sedis Apostolicæ  
confirmatione & approbatione non indigere:  
Sicque per quoscumque Iudices ordinarios,  
& delegatos, etiam causarum Palatij Aposto-  
lici Auditores, ac Sanctæ Romanæ Ecclesiæ  
Cardinales, sublatâ eis & eorû cuilibet quavis  
aliter

aliter iudicandi & interpretandi facultate & GREG.  
auctoritate, iudicari & definiri debere: nec non XIII.

quidquid secus super his à quoquam quavis  
auctoritate, scienter vel ignoranter, contigerit  
attentari, irritum & inane decernimus. Quo-  
circa venerabilibus fratribus nostris Toleta-  
nensi, & Treuerensi, ac Rigenſi Archiepiscopis  
per præſentes committimus & mandamus,  
quatenus ipsi, vel duo, aut vnus eorum, per ſe  
vel alium, ſeu alios, eaſdem præſentes & in eis  
contenta quæcumque, vbi & quando opus  
fuerit, ac quoties pro parte Claudij, vel pro  
tempore exiſtentis Præpoſiti Generalis, aut  
Societatis huiusmodi, vel alicuius eorum fue-  
rint deſuper requiſiti, ſolemniter publicantes,  
eiſque in præmiſſis efficaciſ defenſionis præſi-  
dio aſſiſtentes, faciant auctoritate noſtrâ, præ-  
ſentes, & in eis contenta huiusmodi firmiter  
obſeruari, ac ſingulos, quos litteræ ipſæ con-  
cernunt, pacificè frui & gaudere. Non permit-  
tentes eos, vel aliquem eorum deſuper contra  
præſentium tenorem per quoſcumque quo-  
modolibet indebitè moleſtari. Contradictio-  
res quoſlibet & rebelles per cenſuras & pœnas  
Eccleſiaſticas, aliaque opportuna iuris & facti  
remedia, appellatione poſtpoſitâ, compescen-  
do, legitimisque ſuper his habendis ſeruatis  
proceſſibus, cenſuras & pœnas ipſas, etiam ite-  
ratis vicibus aggrauando; inuocato etiam ad  
hoc, ſi opus fuerit, auxilio brachij ſæcularis.

Non



GREG.  
XIII.

*Non obstantibus, &c.*

Non obstantibus fel. record. SYMMACHI, & PAULI, aliorumque Romanorum Pontificum etiam predecessorum nostrorum, de rebus Ecclesiæ non alienandis, seu alienatis recuperandis, aliisque Apostolicis Constitutionibus & Ordinationibus; nec non quibuscumque, etiam iuramento, confirmatione Apostolicâ, vel quavis firmitate aliâ roboratis statutis, & consuetudinibus, privilegiis quoque, indultis, & litteris Apostolicis quibuscumque sub quibuscumque tenoribus & formis, ac cum quibuscumque etiam derogatoriis derogatoriis, aliisque efficacioribus, & insolitis clausulis, etiam Motu proprio, & Consistorialiter, ac de Apostolicâ potestatis plenitudine concessis, approbatis, & innouatis: quibus omnibus, etiam si de illis, eorumque totis tenoribus specialis, specifica, indiuidua, & expressa mentio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbum, nihil penitus omisso, & formâ in illis traditâ obseruatâ, inserti forent, præsentibus pro expressis habentes, illis aliâs in suo robore permansuris, ac dictis litteris, si in aliquâ obstitent, hac vice dumtaxat specialiter & expressè derogamus contrariis quibuscumque. Ceterum quia difficile foret easdem præsentibus ad singula quæque loca, ubi necessarium fuerit, deferre; volumus quòd illarum transumptis, manu alicuius Notarij publici subscriptis, & sigillo alicuius

*Transumptis  
habeatur si-  
des.*



cuius personæ in dignitate Ecclesiasticâ con-  
stitutæ, seu etiam ipsius Societatis Præpositi  
Generalis munitis, eadem prorsus fides adhi-  
beat in iudicio, & extra, quæ ipsis origina-  
libus litteris adhiberetur, si forent exhibitæ vel  
ostensæ. Nulli ergo omnino hominum liceat  
hanc paginam nostræ absolutionis, concessio-  
nis, extensionis, ampliationis, decreti, manda-  
ti, derogationis, & voluntatis infringere, vel ei  
ausu temerario contraire. Si quis autem hoc  
attentare præsumpserit, indignationem omni-  
potentis Dei, ac beatorum Petri & Pauli Apo-  
stolorum eius se noverit incursum. Datum  
Romæ, apud S. Marcum, anno Incarnationis  
Dominicæ M. D. LXXXII. NON. Augusti, Pon-  
tificatus nostri anno vndecimo.

Pro Reuerendissimo D. Summatore

A. Lanfredinus.

Cæ. Glorierius.

GREG.  
XIII.

G R E G O R I I XIII.

## C O N C E D I T V R

Præposito Generali, vt de eius  
licentiâ Societatis Religiosi,  
etiam Professi, ad quosuis  
alios regulares Ordines transi-  
re valeant.

G R E G O R I V S P A P A XIII.

*Ad futuram rei memoriam.*

C Vm aliàs fel. rec. PAVLVS Papa III. So-  
cietati I E S V inter alia concesserit, vt eo-  
rum nemo, siue Professus, siue Scholaris, siue  
Coadiutor ex dictâ Societate egrediens ad  
aliud, quàm ad Carthusiensem Ordinem, nisi  
de expressâ Romani Pontificis, vel Præpositi  
Generalis dictæ Societatis licentiâ se confer-  
ret; itemque P I V S Papa IV. voluerit, vt ne  
quis prædictorum ab eadem Societate præ-  
textu cuiusuis indulti, vel quæsito colore me-  
lioris vitæ, vel striâioris obseruantia, etiam  
ad Mendicantium, vel Cisterciensium, seu S.  
Benedicti, aut aliorum Monachorum Ordi-  
nem ( Carthusiensi excepto ) transire possit,  
dubi-

dubitare contingit, an Præpositus pro tempore existens valeat etiam Professos, ex causis id exigentibus, ab ipsâ Societate emittere, aut eis sic emissis liberum sit de eius licentiâ, se ad quemvis alium Mendicantium, vel non Mendicantium Ordinem transferre. Nos, re perpensâ, atque diligenter examinatâ, Societatis ipsius puritati atque incremento, emissorumque pro tempore saluti, consulere volentes, statuimus, vt deinceps in perpetuum liceat dicto Præposito, quos iudicauerit ab ipsâ Societate emittere, eosque de ipsius Præpositi licentiâ non tantum ad Carthusiensem, sed ad quemvis alium Mendicantium, vel non Mendicantium, paris, laxioris, aut arctioris obseruantiae ordinem per ipsum Præpositum illis præscribendum, de consensu tamen Superiorum loci illius, quò destinabuntur, demigrare; in eisque professionem per loci illius Monachos, aliosque regulares eiusdem emitte solitam emittere; habitumque suscipere, & consuetâ vti eorum disciplinâ. Ipsis inhibentes sub excommunicationis latæ sententiæ pœnâ, ne quid contra præsentium tenorem quomolibet audeant tentare. Non obstantibus omnibus iis, quæ dicti Pontifices voluerunt non obstare, ceterisque contrariis quibuscumque. Præsentis autem gratiæ communicationem omnibus aliis, etiam qui sua priuilegia cum prædictâ Societate copiosè participant, parti-

GREG.  
XIII.

*Licet Præposito quibus indicauerit à Societate ad quemvis alium Ordinem transfundendi licentiam concedere.*

*Non obstantibus, &c. Præsentis priuilegij communicatio prohibetur.*

GREG.  
XIII.

*Transumptis  
habeatur si-  
des.*

cupareque poterunt quomodolibet in futurum, fieri omnino prohibemus. Ceterum quia difficile esset præsentibus, quocumque illis opus erit, deferre, volumus ut præsentium transumptis manu Notarij publici subscriptis, & sigillo personæ in dignitate Ecclesiasticâ constitutæ, seu etiam dicti Præpositi munitis, eadem prorsus fides in iudicio & extra illud adhibeatur, quæ ipsis præsentibus adhiberetur, si essent exhibitæ vel ostensæ. Datum Tusculi, sub annulo Piscatoris, die XXI. Septembris, M.D.LXXXII. Pontificatus nostri anno vndecimo.

Cæ. Glorierius.

GRE-

G R E G O R I I X I I I .

GREG.  
XIII.

F A C V L T A S

Societati I E S V denuò conceditur, ordines à quocumque Antistite suscipiendi, idque etiam extra tempora, &c.

G R E G O R I V S P A P A X I I I .

*Ad futuram rei memoriam.*

P l u m & vtile Societatis I E S V institutum non patitur certa quædam ab iis, qui sub eius vexillo atque disciplinâ salutarî militant, obiri, quæ in Sacris ineundis generaliter præscribuntur. Quocircâ cùm dictæ Societatis ac disciplinæ alumni nulli Ecclesiæ, nullive loco certo mancipati sint, vt ibi permaneant; sed veluti viatores omni tempore parati, expectantesque diem & horam, quâ vel ad extremas orbis regiones, cùm venit vsus, emittantur; vbi quisque pro captu suo, & iuxta datam sibi à Domino sapientiam, sese in vineâ Domini excolendâ exerceat; eiusque rei causâ fel. rec. P A V L V S Papa III. Præposito eiusdem Societatis concesserit, vt idoneos & comprobatos ab ipsâ Societate quibuscumque mallet Catholicis Antistitibus, gratiâ & com-

*Pauli III.  
concessio.*



GREG.  
XIII.

municationem Sedis Apostolicæ habentibus, præsentare posset; qui illos sic præsentatos, absque ullâ promissione vel obligatione, ad ordines huiusmodi promouerent. Nonnulli tamen Antistites post Concilij Tridentini decreta, eos sic præsentatos priùs in cuiusque, tam minorum, quàm sacrorum ordinum huiusmodi præscripto munere exercitatos, temporumque determinatorum post susceptos præscriptum finem, antequàm ad superiores ordines ascendant, omnino expectandum, eosque in eorumdem ordinum functionibus, chori que officiis plenè instructos; & denique super eorumdem vitâ, moribus, ætate, & natalibus ad Parochi inquisitionem, aut aliàs testimonium, & certa alia requisita habenda esse contendunt; quamvis non nisi ad eosdem Ordines suscipiendos numeris alioqui omnibus idonei dimittantur. Nos his incommodis, quantum in nobis est, occurrere volentes, omnibus Episcopis, & aliis Antistitibus præsentibus & futuris, in perpetuum præcipimus, atque interdiciamus, ne ab huiusmodi promouendis, qui licentiam à Præposito Generali dictæ Societatis pro tempore existente, vel ab eo delegatis habuerint, quidquam prædictorum requirant vel exigant: sed ipsos, etiam absque ullâ functione in ordinibus ipsis, interstitiorumque ad illos suscipiendos obseruatione, aut inquisitione de cantu, officiis, & ceremoniis Ecclesiasticis, idoneitate,

*Facultas ad  
ordines sus-  
cipiendos.*

re, proprij Ordinarij licētiâ, & aliis in aliis requisitis, ad minores, ac etiam extra tempora à iure statuta, tribusque Dominicis, vel aliis festis diebus, etiam continuis, ad sacros, etiam Presbyteratus ordines promoucant, ac si illi omnibus requisitis præditi essent. Nos enim illis ordines omnes prædictos sic suscipiendi, ac prædictis Antistitibus eos ipsis conferendi facultatem tribuimus. Non obstantibus præmissis, ac Constitutionibus & Ordinationibus Apostolicis, ceterisque contrariis quibuscumque. Præsentis autem gratiæ communicationem omnibus aliis, etiam qui sua priuilegia cum ipsâ Societate copiosè participant, participareque poterunt quomodolibet in futurum, fieri omnino prohibemus. Ceterum quia difficile esset præsentibus, quocumque illis opus erit, deferre, volumus, ut earundem præsentium transumptis, manu Notarij publici subscriptis, & sigillo personæ in dignitate Ecclesiasticâ constitutæ, seu etiam dicti Præpositi munitis, eadem prorsus fides in iudicio, & extra illud adhibeatur, quæ ipsis præsentibus adhiberetur, si essent exhibitæ vel ostensæ. Datum Tusculi, sub annulo Piscatoris, die xxii. Septembris, M. D. LXXXII. Pontificatus nostri anno vndecimo.

GREG.  
XIII.

*Etiam extra  
tempora, &c.*

*Non obstantibus, &c.*

*Præsentis  
priuilegij  
communicationis  
prohibetur.*

*Transumptis  
habeatur fides.*

Cæ. Glorierius.

GREG.  
XIII.

G R E G O R I I X I I I .  
S O C I E T A T I S I E S V

Institutum, Priuilegia, & Constitutiones confirmantur : & eos omnes, qui peracto Nouitiatu tria vota emisserint, tametsi simplicia, verè & propriè Religiosos esse, declaratur.

G R E G O R I V S *Episcopus Seruus  
seruorum Dei, Ad perpetuam  
rei memoriam.*

**Q**uantò fructuosius in colendâ Domini vineâ se exercet Veneranda I E S V Societas, dignisq̃ue æternâ mercede operariis abundare conatur ; tantò propensius contendimus eam, religiosamq̃ue subinde, quam instituit prolem, vnde tota Respublica Christiana ubique subleuatur, prosequi & confouere: simulq̃ue omnia remouere, quibus & spiritualis ipsorum profectus retardari, & caritatis feruor, qui ab eisdem in regeneratas pretioso Domini nostri I E S V Christi sanguine animas se diffundit, alicubi frigescere, aut in lubricum defluere posset. Cùm enim, sicut iuxta dictæ

Socie-

Societatis Constitutiones, & laudabile institutum à felicis recordationis PAVLO III. & GREG. XIII.

IVLIO etiam III. confirmatum, ac etiam à PAVLO IV. Romanis Pontificibus prædecessoribus nostris diligentissimè examinatum, & à Concilio Tridentino commendatum, Societas ipsa non solum Professis & Novitiis, sicut & reliqui regulares ordines, constet; sed varij in eadem Societate religiosarum personarum gradus sint, in quibus singuli, iuxta commissi cuique à magno Patrefamilias talenti mensuram, & Præpositorum suorum directionem, Altissimo famulantur. Sicut enim finis dictæ Societatis fidei propagatio & defensio, animarumque in vitam & doctrinam Christianam progressus; ita etiam gratiæ eius vocationis proprium est, diuersa loca ex Romani Pontificis, ac Præpositi Generalis eiusdem Societatis directione peragere; vitamque in quavis mundi parte agere, ubi laboriosam eorum operam, & industriam fructuosam copiosiores saluandarum animarum prouentus ad Dei æterni gloriam consequi posse sperantur: ad quem finem Spiritus sanctus, qui bonæ memoriæ IGNATIVM LOYOLAM ipsius Societatis institutorem, eiusque Socios excitauit, media etiam præclara maximeque opportuna huius Sedis ministerio eis tribuit atque confirmavit, publicarum scilicet prædicationum Verbi Dei ministerij cuiuscumque, Spiritua-



GREG. XIII. liumque exercitiorum, & caritatis operum,  
Pœnitentiæ & Eucharistiæ sacramentorum  
administrationis, ac frequentis vsus. Ad quæ  
pro dignitate exequenda, & ad difficultates  
superandas, subeundaque pericula, quibus di-  
ctæ Societatis Religiosi in huiusmodi excur-  
sionibus & ministeriis exponuntur, cùm hæc  
magnum tum virtutis, tum deuotionis præsi-  
dium postulent; statutum est, vt & Nouitij in  
Societate prædictâ per biennij spatium pro-  
bentur; & qui expleto Nouitiatu litteris ope-  
ram dederint, illorum studiis absolutis, tertium  
etiam annum probationis in humilitatis exer-  
citiis expendant, vt, si quâ in re vel huius vir-  
tutis amor, vel pietas, ac deuotionis feruor per  
litterarum occupationem distractus intepue-  
rit, per earumdem virtutum frequentiore  
exercitationem, & diuinæ gratiæ ardentior  
inuocationem restauretur. Qui enim profes-  
sionem emittere debent, eos vocatio hæc vi-  
ros in vitæ puritate ac litteris conspicuos, diu-  
turnisque & diligentissimis experimentis pro-  
batos, eosque Sacerdotes, & in verbi Dei, ac  
Sacramentorum administratione diu multum-  
que versatos exigit, vt & Constitutionibus di-  
ctæ Societatis, & à Summis Pontificibus est  
decretum. Sed neque omnes ad eandem pro-  
fessionem idonei esse possunt, neque qui tem-  
poris progressu futuri sunt, tales euadere, aut  
cognosci sine longâ exercitatione atque expe-  
rimiento.



rimento. Quapropter Societatis corpus in sua  
membra, ordinem, & gradus idem **IGNATIVS** **GREG.**  
**XIII.**

diuino instinctu, ita duxit disponendum, vt  
biennio Nouitiatus absoluto, omnes, qui in  
Societate perseuerare voluerint, tria vota sub-  
stantialia quidem, Paupertatis, Castitatis, &  
Obedientiæ, simplicia tamen, emittere de-  
beant, ac Nouitij esse desinant. Quibus votis  
emissis in corpus eiusdem Societatis cooptati,  
& quantum ex parte ipsorum perpetuò obli-  
gati remanent. Quòd si iniussi discedant, apo-  
stasiæ notam & excommunicationis, ac alias,  
quibus ipsi Professi subiacent, pœnas incur-  
runt: quamuis rationabili ex causâ, iuxta Con-  
stitutiones easdem, ab ipso Præposito Gene-  
rali dimitti, & votis huiusmodi liberari pos-  
sint. Quæ omnia ipsis primo ingressu per ali-  
quot dies in separatâ habitatione constitutis,  
antequàm ad aliorum Nouitiorum commu-  
nem conuictum admittantur, in ipsius Socie-  
tatis Priuilegiis, Constitutionibus, & Regulis  
consideranda traduntur. Biennio itaque No-  
uitiatus completo, & emissis votis simplicibus,  
vna est omnibus omnino viuendi & obedien-  
di ratio: debentque omnes in communi viue-  
re, ac in omnibus obedire, non secus ij qui pro-  
fessionem non emisérunt, quàm Professi. Quod  
verò ad Paupertatem attinet, quamuis bono-  
rum suorum ius atque dominium iustas ob  
caussas, pro Superiorum arbitratu, ad tempus

GREG.  
XIII.

retinere valeant, vt in pios vsus, iuxta Euangelicum consilium, distribuant; in illorum tamen vsu religiosam paupertatem seruant, nec vllâ re tamquàm propriâ & sine Superioris facultate vti possunt. Peractis igitur huiusmodi probationibus & experimentis, cùm dictæ Societati fuerit per ea in Domino satisfactum; quosidem Præpositus Generalis idoneos iudicat, eos vel ad professionem per vota solemnia, vel ad gradus Coadiutorum formatorum spiritualium, si Sacerdotes, vel temporalium, si laici sint, per vota eadem publicè emissâ, quamuis non solemnia, iuxta Constitutiones admittit. Quibus emissis eo ipso nihil omnino proprii amplius vel domi, vel foris habere possunt, fiuntque incapaces cuiusvis hereditariæ successionis: nec propter emissâ huiusmodi vota publica, aut per mortem ab intestato, in illorum, sicuti nec in Professorum bonis, Domus vlla, aut Ecclesia, vel Collegium dictæ Societatis succedere potest. Et licet eos, qui post biennium Nouitatus emensum, dicta tria vota simplicia, sicuti ab hac Sede probata sunt, emittentes, & extra Nouitiorum numerum habiti, ac in corpus ipsius Societatis cooptati, illiusque meritorum & priuilegiorum non secus atque ipsi Professi, ex prædictæ Sedis dispositione participes effecti, quique, quantum in eis est, & professionem emitte-  
re parati, si ipse Præpositus Generalis id præ-

dictæ

dictæ Societatis instituto congruere iudicauerit, & in perpetuum Dei seruitio consecrati, ac suâ sorte, prout illorum laudabile institutum exigit, contenti, ac denique excommunicatio-  
 nis, & aliis Apostatarum pœnis subiecti sunt; verè & propriè religiosos esse compertum sit: nonnullorum tamen animos, qui pij alioqui & vtilis operarij existunt, sollicitari & affligi interdum contingit, quasi non sint religiosi, eò quòd non sint Professi. Nec etiam desint, qui religionis prætextu, transfigurante se satanâ in Angelum lucis, non solùm eâ occasione inquieti sunt, sed etiam aliorum pacem & vocationem disturbare, eosque in fraudem & defectionem deducere conantur, vnde grauissima posset hæc Religio, tantoperè vtilis & ubique ab omnibus expetita, concipere detrimenta. Nos considerantes diuinæ sapientiæ atque prouidentię thesauros, pro temporum necessitate, varia & inter se dissimilia, eademque salubria, ordinum instituta in Ecclesiâ suâ produxisse; & nunc maximè (vt felicissimi toto orbe successus testantur) mirificòs in agro Domini fructus hoc peculiari dictæ Societatis instituto proferri; quare ad submo- uenda circumstantia huiusmodi pericula, eamque in sincera vocatione suâ continendam, partes nostras adhibendas decreuimus, vt, præcisus huiusmodi perturbationum caussis, Religio ipsa, quæ in propagandam  
 Reli-

GREG.  
 XIII.

**GREG. XIII.** Religionem Christianam, emendandosque in eâ mores corde, animo, viribusque omnibus sine intermissione insistit, votiuo munere per-

*Instituti, pri-  
uilegiorum  
ac constitu-  
tionum con-  
firmatio.*

fruaturs: Motu proprio, certâque scientiâ nostrâ, & de Apostolicæ potestatis plenitudine, laudabile huiusmodi institutum, ac prædicta, ceteraque omnia dictæ Societatis priuilegia, facultates, exemptiones, immunitates, gratias, & indulta tam à prædictis, quàm aliis prædecessoribus nostris, & etiam à nobis concessa; Constitutiones quoque & statuta, qualiacumque sint, ea omnia, ac si ad verbum præsentibus infererentur, pro expressis habentes, auctoritate Apostolicâ, tenore præsentium, approbamus & confirmamus, supplentes omnes iuris & facti defectus, si qui interuenerint in prædictis Constitutionibus & statutis; ac decernentes ex nunc irritum & inane quidquid secus super his à quoquam, quauis auctoritate, scienter vel ignoranter, contigerit attentari.

Ad hæc dictam Societatem firmo declarationis nostræ præsidio communire volentes, statuimus ac etiam decernimus, non modò eos, qui in Coadiutorum formatorum, siue spiritualium, siue temporalium gradus & ministeria admittuntur; sed etiam alios omnes, & quoscumque, qui in ipsâ Societate admissi, biennio probationis à quocumque peracto, tria vota prædicta, tametsi simplicia, emiserint, emittentque in futurum, verè & propriè reli-

*Eos omnes,  
qui biennio  
novitatus  
peracto tria  
vota, tametsi  
simplicia,  
emiserint,  
esse verè ac  
propriè reli-  
giosos.*

reli-



religiosos fuisse & esse, & ubique semper & ab omnibus censeretur & nominari debere, ac si in

GREG.  
XIII.

Professorum prædictorum numerum adscripti fuissent. Præcipimusque & interdicimus, ne quisquam scrupulum de hoc cuiquam iniicere, neve illud in controuersiam, dubium, vel suspicionem ponere audeat quoquo modo.

*Præcipitur  
ne quisquam  
rem hanc in  
dubium re-  
uocare au-  
deat.*

Non obstantibus præmissis, ac Constitutionibus, & ordinationibus Apostolicis; nec non

*Non obstan-  
tibus, &c.*

dictæ Societatis iuramento, confirmatione Apostolicâ, vel quauis firmitate aliâ roboratis statutis, & consuetudinibus, ceterisque contrariis quibuscumque. Volumus autem, ut

*Transumptis  
habeatur fi-  
des.*

præsentium transumptis, etiam impressis, manu Secretarij dictæ Societatis, vel Notarij publici subscriptis, & sigillo Præpositi Generalis eiusdem Societatis, vel alterius personæ in dignitate Ecclesiasticâ constitutæ munitis eadem omnino fides habeatur in iudicio & extra illud, quæ litteris ipsis originalibus haberetur, si essent exhibitæ vel ostensæ. Nulli ergo omnino hominum liceat hanc paginam nostræ approbationis, confirmationis, suppletionis, decretorum, statuti, præcepti, interdicti, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac BB. Petri & Pauli Apostolorum eius se noverit incursum. Datum Romæ, apud S. Petrum, anno Incarnationis Dominicæ M. D.



GREG.  
XIII.

LXXXII. Kalend. Februarij, Pontificatus nostri anno vndecimo.

M. Datarius.

Cæ. Glorierius.

G R E G O R I I X I I I .

# NOVA CONFIRMATIO

Instituti Societatis I E S V .

*GREGORIUS Episcopus servus servorum  
Dei, Ad perpetuam rei memoriam.*

**A** Scendente Domino & Salvatore nostro in nauiculam, ecce motus magnus factus est in mari : ipse autem à Discipulis rogatus ventis imperavit , & facta est tranquillitas. Quam Nos in Petri nauiculâ collocati, turbinibus excitatis , ab eodem Domino assiduis precibus postulantes, nostram intereâ operam & laborem in frangendis procellosis fluctibus impendere non desistimus. Cumque tanti laboris Socios, & validos remiges divina nobis prouidentia præparauerit, eorum  
opera

opera in superandis sæuientis pelagi tempe-  
 statibus Nos maximè subleuat, qui pro com-  
 muni fluctuantium animarum salute propria  
 commoda nihili pendunt, seque ad omnia  
 discrimina exponunt. In quo cùm aliarum  
 Religionum studia, tum Societatis I E S V  
 assiduus pro Christo labor, nec non vsque  
 ad finem perseuerantia, promptam se osten-  
 dit: cumque prolem Catholicæ Religioni  
 valdè proficuum, & ad omnia pericula pro-  
 vniuersali Ecclesiâ subeunda paratam pro-  
 creauit, aliam atque aliam à primâ non dege-  
 nerem, præstante gratiâ Dei, quotidie substi-  
 tuit, vt nobis eorum Alumni per multiplices  
 probationum gradus altiùs prouecti semper  
 præstò sint; quos in rebus arduis suscipiendis  
 fructuosos operarios asciscamus. Eos autem  
 vt firmiorem nobis opem ad prædicta na-  
 uare possint, ab omni non modò iniuriâ, sed  
 etiam calumniâ studemus intactos conser-  
 uare. Quod vt à nobis efficiatur, ipsius Insti-  
 tuta tamquàm fundamenta eius præsidij,  
 quod Catholicæ Religioni impendunt, im-  
 mota atque inconcussa, aliorum etiam Ro-  
 manorum Pontificum exemplo, debemus  
 Apostolicâ auctoritate tueri: quorum felic.  
 record. PAVLVS III. & IVLIVS etiam III.  
 Constitutiones, & laudabile dictæ Societa-  
 tis Institutum confirmarunt: PAVLV s que  
 idem eam ipsam ab omni quorumcumque or-  
 dina-

*Societatis  
 confirmatio-  
 nes alia.*

GREG.  
XIII.

*Exemptio.*

*Societas mē-  
dicans decla-  
rata.*

*Societatis fi-  
nis.*

*Media.*

dinariorum iurisdictione exempt: quo Institu-  
to per PAVLVM IV. examinato, & à Synodo  
Tridentinâ commendato, PIVS V. item præ-  
decessor noster Societatem ipsam Ordinem  
esse Mendicantem declaravit. Quæ omnia  
non immeritò ab eis sunt concessa ob egregias  
virtutes, & dona Societati antedictæ diuinitus  
elargita, cuius præcipuus finis Catholicæ est  
Religionis defensio ac propagatio, anima-  
rumque in Christianâ vitâ & doctrinâ profe-  
ctus: gratiæ quoque eius vocationis est pro-  
prium diuersa orbis terrarum loca ex Roma-  
ni Pontificis, seu Præpositi Generalis eiusdem  
Societatis directione peragrarè; vitamque in  
quauis mundi parte agere, vbi saluandarum  
suâ operâ animarum copiosior prouentus ad  
Dei gloriam speretur. Ad quem finem Spiritus  
sanctus bon. mem. IGNATII LOYOLÆ Socie-  
tatis ipsius Institutoris, eiusque Sociorum ex-  
citantor, media quoque prædicationum, ac  
cuiuscumque ministerij verbi Dei, doctrinæ-  
que Christianæ, & spiritualium exercitiorum,  
aliorum item caritatis operum, & Sacramen-  
torû administrationis, ac præcipuè Pœniten-  
tiæ & Eucharistiæ, horumque frequentioris  
vsus, accommodauit. Ad quæ sufficienter &  
pro dignitate præstanda, difficultates superan-  
das, periculaque adeunda, quibus dictæ So-  
cietatis Religiosi in huiusmodi discursionibus,  
& ministeriis exponuntur, necesse est, vt ipsi  
talia

alia obituri magno virtutis & deuotionis præsidio muniantur : quod illis gratia in primis omnipotentis Dei , simulque educatio ipsa, longa item in Societate probatio, nec non Regularum & Constitutionum obseruantia, præstare noscuntur. Quibus Constitutionibus, ut tantæ ponant rudimēta virtutis ad quam aluntur, statutum est, ut Nouitij in Societate biennio probentur: quo expleto, si ipsi perseuerare voluerint, & Societati fuerit ab eis satisfactum (quoniam Societas ipsa non solis Nouitiis, & Professis, ut reliqui regulares Ordines, constat) tria substantialia vota simplicia (nisi quis interdum ad professionem, vel gradum Coadiutorum formatorum admittendus videretur) Paupertatis, Castitatis, & Obedientiæ in eadem Societate ex Apostolico indulto, ac iuxta viuendi formulam in eisdem Constitutionibus expressam emittunt : ac secundum illas promittunt se eandem Societatem ingressuros, hoc est, vltiorem aliquem illius gradum, prout Præposito videbitur Generali. Quibus votis emissis, Nouitij esse desinunt, & in Societatis corpus, qui litteris operam dederint, vel daturi sunt, ut Scholares approbati, alij verò ut Coadiutores temporales nondum formati cooptantur : ac quantum est ex parte ipsorum perpetuò, ex parte verò Societatis iuxta Apostolica indulta, & Constitutiones prædictas tamdiu obligati sunt, quamdiu Præ-

**GREG. XIII.**

*Longa probatio.*

*Nouitij biennio probantur.*

*Tria substantialia vota simplicia.*

*Scholares approbati, Coadiutores temporales.*



GREG.  
XIII.

*Coadiutorum  
temporalium  
formatorum  
tria substan-  
tialia vota  
publica, & in  
manibus Su-  
perioris, sed  
simplicia.*

*Tertius pro-  
bationis an-  
nus.*

positus Generalis eos in Societate retinendos esse censuerit. Quod ad Societatis conseruationem maximè est necessarium, idque ab illius exordio prouisum, & post experimento comprobatum est: idque initio ingressus illis explicite manifestatur, atque ipsi conditionem hanc amplectuntur, quæ eis (si quos dimittere oporteat) multò est commodior, ut liberi potius, quam votis obligati dimittantur, aliisque iustis & rationalibus de causis. Coadiutores temporales non formati, qui non ad studia litterarum, sed ad domestica munia curanda destinantur, post aliquot annos, quibus Generali Præposito & Societati satisfecerint, per tria item Paupertatis, Castitatis, & Obedientiæ vota, licet publica, & in manibus Superioris emissa, non tamen solemnia, sed tum ex Constitutionum præscripto, tum ex vouentis & admittentis intentione simplicia existunt, in Coadiutorum temporalium formatorum gradum admittuntur. Scholares verò studiis in Societate absolutis, antequàm Professi, vel Coadiutores spirituales formati fiant, non solum tertium adhuc vltioris probationis annum in deuotionis & humilitatis exercitiis impendunt, ut si quâ fortasse in re harum virtutum feruor per litterarum occupationem intepuerit, per earundem virtutum frequentiore exercitationem, ardentiorisque Diuini auxilij inuocationem recalescat: sed etiam



etiam in verbi Dei sacrarum & scholastica-  
rum lectionum, Pœnitentiæque & Eucharis-  
tiæ Sacramentorum Societatis ministeriis  
tamdiu probantur, quamdiu Præposito Ge-  
nerali videtur : nec antequàm ipsi Præpo-  
sito sint planè perspecti, ei que in omnibus sa-  
tisfecerint, ad huiusmodi gradus promouen-  
tur. Qui enim ad professionem quatuor vo-  
torum admittendi sunt, eos iuxta Constitu-  
tiones easdem, & Apostolica decreta & in-  
dulta, viros omnino humiles ac prudentes in  
Christo, & in vitæ puritate ac litteris conspi-  
cuos, diuturnis que ac diligentissimis experi-  
mentis probatos, atque Sacerdotes, & in mi-  
nisteriis huiusmodi prius diu multum que  
versatos, vocatio hæc requirit, utpote quos  
ardua maneant ministeria. Quo fit, ut non  
omnes ad eandem professionem idonei esse,  
nec tales sine longâ exercitatione atque experi-  
mento fieri, aut etiam cognosci possint. Qua-  
propter Societatis corpus in sua membra &  
gradus idem IGNATIUS diuino instinctu ita  
duxit disponendum, ut præter eos, quos Præ-  
positus Generalis ad professionem quatuor  
votorum idoneos esse censuerit, & nonnul-  
los, quos interdum ad professionem trium ad-  
mittere potest, reliqui etiam Sacerdotes, quo-  
rum vita & doctrina in Societate diu pro-  
bata esset, ac Præposito Generali perspe-  
cta, & de ipsius licentiâ in Coadiutorum spi-

GREG.  
XIII.

*Quinam ad  
professionem  
quatuor vo-  
torum ad-  
mittendi.*

*Professi trium  
votorum,  
Coadiutores  
spirituales  
formati.*

GREG.  
XIII.

*Coadiutorum  
formatorum  
certus in So-  
cietate gra-  
dus, & pau-  
perias.*

*Quartum  
votum so-  
lemne.*

*Alia vota  
simplicia  
Professorum.*

ritualium formatorum gradum, per tria illa vota similiter publica, sed simplicia, in Superioris manibus emissâ, admitterentur. Quibus emissis tam hi, qui spirituales, quàm qui temporales Coadiutores formati fuerint, certum in Societate gradum habent, suntque omnis hereditariæ successionis incapaces, nihilque omnino proprii iuxta Constitutiones easdem habere possunt. Nec propter emissâ huiusmodi vota publica, aut per mortem ab intestato, in illorum, sicuti nec in Professorum bonis Domus vlla, aut Ecclesia, vel Collegium dictæ Societatis succedere potest. Qui verò quatuor votorum Professi futuri sunt, ij tribus illis solemnibus substantialibus votis quartum similiter solemne addunt speciale Summo Pontifici obedientiæ circa Missiones præstandæ, ob certiorum Spiritus sancti in Missionibus ipsis directionem, ac maiorem ipsorum mittendorum Sedi Apostolicæ obedientiam, maioremque deuotionem, humilitatem, mortificationem, ac voluntatum abnegationem. Post emissam verò professionem, siue quatuor siue trium votorum, Professi ad Paupertatis, quæ regularis Instituti murus est & propugnaculum, perfectionem tuendam, omnemque ambitionis occasionem excludendam, nonnulla alia simplicia vota emittunt; quibus promittunt se numquam quacumque ratione acturos, vel consensuros, vt, quæ in Constitutionibus

bus Societatis circa paupertatē ordinata sunt, GREG.  
 immutentur, nisi quando ex iustā rerum ex- XIII.  
 gentium causā paupertas magis restringenda  
 videretur; neque prætensuros, ne indirectē  
 quidem, vt in aliquam prælationem, vel digni-  
 tatem intra vel extra Societatem eligantur; nec  
 extra Societatem in sui electionem, quantum  
 in eis fuerit, consensuros, nisi coactos obe-  
 dientiā eius, qui id ipsis possit sub pœnā pec-  
 cati præcipere: Item Societati vel eius Præpo-  
 sito manifestaturos, si quem sciant aliquid hu-  
 iusmodi moliri. Porrò non solùm Professi &  
 Coadiutores formati, sed ex aliis quicumque,  
 absoluto probationis biennio, prædicta tria  
 substantialia vota etiam simplicia emisserint, si  
 absque expressā licentiā à Societate discedant,  
 etiam si prætextu melioris frugis, & transitus  
 ad alium quemcumque Ordinem ( Carthu-  
 siensium dumtaxat excepto ) id faciant, apo-  
 stasiæ & excommunicationis Apostolicæ Se-  
 dis decreto pœnas incurrunt, à quibus non nisi  
 à Summo Pontifice, vel à Generali Præposito  
 absolui possunt: iniquè enim cum Societate  
 ipsā ageretur, si viris multo labore ad ardua  
 ministeria eruditis, cum religionis Catholicæ,  
 & huius Sedis detrimento, priuaretur; præfer-  
 tim cùm Societatis Constitutiones, & Priui-  
 legia, quæ supradicta continent, in separata,  
 antequàm ad Nouitiorum conuictum admit-  
 tantur, habitatione eis maturiùs consideran-

*Qui emis-  
 sit, etiam  
 simplicibus,  
 sine licentiā  
 discedunt,  
 Apostasia, &  
 excommuni-  
 cationis pœ-  
 nas incur-  
 runt.*

*Pœna reser-  
 uata.*

GREG.  
XIII.

*Omnibus una  
est viuendi  
& obediendi  
ratio.*

*Domus Pro-  
bationum.*

*Collegia.*

*Domus Pro-  
fessorum.*

*Promissio  
distribuendi  
bona in pau-  
peres. Qui  
expleto bien-  
nio Nouitia-  
tus tria sub-  
stantialia So-  
cietatis vota  
simplicia  
emiserint,  
uerè & pro-  
priè religiosi  
existunt.*

da tradantur. Biennio Nouitiatus completo, & emissis votis simplicibus, vna est omnibus omnino viuendi & obediendi ratio: debent enim omnes in omnibus obedire, & in communi viuere, non secus alij atque ipsi Professi, & Coadiutores formati; idque in Domibus quidem Probationum & Collegiis ex redditibus; in Domibus verò Professorum, quæ nullo omnino redditus habere possunt, ex eleemosynis tantum. Et licet qui ad gradus Professorum, & Coadiutorum formatorum nondum peruenerunt, bonorum suorum ius atque dominium, tum alias ob iustas causas, tum etiam ut maiorem Societas habeat libertatem illos, si opus fuerit, cum minori offensione dimittendi, ad tempus Generalis Præpositi iudicio præscribendum, valeant retinere, ut in pauperes tandem, seu alios pios usus pro ipsorum deuotione distribuunt, iuxta Euangelicū consilium, ac promissionem, quam initio Nouitiatus faciunt: interim tamen, quantum ad illorum usum, religiosam paupertatem seruant, nec ullâ re tamquam propriâ, & sine Superioris facultate uti possunt. Et quamuis ij omnes, qui post biennium Nouitiatus dicta tria vota simplicia, ut præfertur, emiserint, ac in corpus Societatis cooptati, illiusque meritorum & priuilegiorum, non secus atque ipsi Professi, participes effecti; quique, quantum in eis est, & professionem emittere parati, si ipse Præpositus



positus Generalis id prædictæ Societatis instituto congruere iudicauerit, & in perpetuum  
 Dei seruitio votis simplicibus consecrati, ac  
 suâ sorte, prout laudabile Societatis institu-  
 tum exigit, contenti; verè & propriè Religiosi  
 existant; & si à Societate deficiant, excom-  
 municationis, & aliis Apostatarum pœnis  
 sint subiecti; Tamen cùm non ita pridem in-  
 tellexissemus nonnullorum animos, qui pij  
 alioqui & vtilis operarij existerant, sollici-  
 tari interdum & affligi, quasi non essent reli-  
 giosi, eò quòd non essent Professi: nec etiam  
 deesse, qui Religionis prætextu, transfigu-  
 rant se in Angelum lucis satanâ, non solum  
 eâ occasione inquieti existerent, sed etiam  
 aliorum pacem & vocationem disturbare,  
 eosque in fraudem & defectionem deduce-  
 re conarentur, vnde fructuosa hæc Religio  
 grauissima potuisset accipere detrimenta; id-  
 circò cùm Diuina prouidentia, pro tempo-  
 rum necessitate, varia & salutaria Ordinum  
 instituta in Ecclesiâ suâ produxerit; nouis-  
 que subinde in eâ nascentibus morbis, noua re-  
 media; nouis-que emergentibus hostium im-  
 pugnationibus, noua regularium Ordini-  
 um auxilia excitârit; & cuique illorum,  
 iuxta cuiuslibet peculiaris gratiæ vocatio-  
 nem, peculiare quasdam notas, propria in-  
 signia ac opportuna ad finem quem inten-  
 dit, media suggesserit; & nunc maximè ( vt

*Si à Societate deficiant, excommunicationis, & aliis Apostatarum pœnis subiacent.*



GREG.  
XIII.

*Societatis  
exordia im-  
pugnata, ut  
& aliorum  
Ordinum.  
Alia insti-  
tuti Decla-  
ratio & Con-  
firmatio re-  
fertur.*

*Impugnans  
tium obie-  
ctiones.*

feliciſſimi toto orbe ſucceſſus teſtantur) miri-  
ficos in agro Dominico fructus prædicto So-  
cietatis Ieſu inſtituto proferat: Quæ Societas  
(quemadmodum & alia naſcentium regula-  
rium Ordinum exordia) à ſpiritu contradi-  
ctionis impugnatur; cumque ipſi Ordines  
Romanorum Pontificum propterea conſtitu-  
tionibus circummuniri conſueuerint, cuius rei  
Sanctorum Dominici & Franciſci præclariffi-  
mi Ordines exempla abundè ſuppeditarunt:  
ita Nos, licet aliàs Inſtitutum prædictum, Pri-  
uilegia, & Cõſtitutiones ipſius Societatis con-  
firmauerimus & declarauerimus, Motu pro-  
prio ſtatuentes eos, qui biennio Nouitiatus  
peracto, tria vota, tametſi ſimplicia, emiſerunt,  
eſſe verè & propriè Religioſos; cum præcep-  
to, ne quis hæc in dubium reuocare audeat, ac  
cum irritante, & aliis decretis, prout in noſtris  
ſuper hoc conſectis litteris pleniùs continetur.  
Quia tamen non defuit temeraria quorum-  
dam audacia, qui poſt declarationem, decre-  
tum, præceptum, & interdictum noſtrum hu-  
iuſmodi non ſolùm multa ex prædictis, & for-  
taſſe alia ad Societatis inſtitutum, ac viuendi  
formam ſpectantia labefactare, ſed & ipſa A-  
poſtolica decreta ac præcepta publicè, & ex  
cathedrâ auſu temerario impugnare, mentem-  
que noſtram peruerſè interpretari non crue-  
beſcant, diſputantes, & prædicta in dubium  
reuocantes; omniaque ex aliorum regularium  
Ordi-

Ordinum communibus rationibus, formis ac statutis metientes, Societatis Institutum, peculiare Constitutiones, ac vim votorum simplicium illius, à Sede Apostolicâ in eadem Societatis Religione probata admissorum penitus ignorantes, ac nonnulla iure antiquo, quæ post illud successu temporum huius Sedis auctoritate, approbatione, & confirmatione, ac peculiaribus priuilegiis sancita & roborata esse dignoscuntur, perperam interpretantes, conuellere nituntur. Quinetiam Nos supradicta, Motu simili, & ex certâ scientiâ, de Apostolicæ potestatis plenitudine decernentes, ac præcipientes, priuato sensu locutos fuisse, ac tamquam priuatos doctores errare potuisse, imò verè, & de facto ob falsam supradictorum informationem errasse; ideoque præceptum nostrum nullam ad obligandum vim habere: Neminem prætereà eorum, qui solemnè professionem in dictâ Societate non emiserunt, de illius corpore, aut verè & propriè religiosum esse posse, sed eos merè sæculares, ac Ordinariorum iurisdictioni subditos existere; nec Societatem ipsam, aut illius Superiores, imò nec Nos ius in eos vllum ex vi Votorum huiusmodi habere, vel acquirere, aut Superioribus ipsis conferre posse: non considerantes voti solemnitatem solâ Ecclesiæ constitutione inuentam esse; tria que huiusmodi Societatis vota, tametsi simplicia, vt substantialia Reli-

GREG.  
XIII.

*C. Quod votum. de voto, & voti redemptione.*

GREG.  
XIII.

gionis vota, ab hac Sede fuisse admissa; illaque emittentes in statu Religionis verè constitui; quippe qui per ea ipsa se Societati dedicant, atque actu tradunt, seque diuino seruitio in eâ mancipant; in quibus votis nullus præter Romanum Pontificem potest manum apponere: aliisque atque aliis modis Societatem ipsam impetunt, vniuersali Ecclesiæ perutilem, quæ diuersis functionibus, & personarum gradibus distributa, à Romanis Pontificibus Presbyterorum, à Tridentinâ Synodo Clericorum Religio appellata, habitu, nomine, plerisque personarum gradibus, votorumque differentiis ab aliis Regularibus Ordinibus distinguitur. Quibus etiam adiungunt licere iisdem non professis, etiam inuitis dictæ Societatis Superioribus, ad quosuis alios Regulares Ordines se transferre; Transgressoresque horum votorum, ac inobedientes, aut etiam vxorem ducentes, nullam ipsi Societati iniuriam facere, imò posse Episcopos cum eis dispensare, vt, inuitis etiam Superioribus eisdem, vxorem ducant. Quibus cum glossatores, & obrectatores huiusmodi suâ falsâ doctrinâ fauere pergunt; horum votorum naturam, & pœnarum vim vel non intelligentes, vel eludere conantes, eò sunt progressi, vt etiam vi facultatum, quæ litteris Indulgentiarum Cruciatæ sanctæ nuncupatarum continentur, omnes transfugas, & ab ipsâ Societate deficientes non professos, quo-

quoties ab eâ defecerint, ab excommunicatio-  
 nis latæ sententiæ pœnâ à quocumque confes-  
 sario absolui posse : nullamque ipsi Societati  
 suis operariis priuatæ iniuriam fieri, aut præ-  
 iudicium generari existiment; sed & votorum  
 substantialium Religionis prædictæ, ac decre-  
 torum contra eosdem Apostatas Sedis huius  
 auctoritate editorum vim, quantum in eis est,  
 eneruare contendant. Insuper asserunt non pos-  
 se vota aliqua in sæculo emissâ, in tria hæc sub-  
 stantialia Societatis commutari; cùm tamen  
 hæc vota sint status, vt præfertur, Religiosi  
 adeò utilis & perfecti, vt illa in hæc possint,  
 hæc verò in aliorum Ordinum, etiam solemnia  
 vota commutari, sit ab hac Sede iustis de caus-  
 sis interdictum. Nec etiam desunt alia, quæ in  
 animarum suarum præiudicium, Societatis per-  
 turbatione, & scandalum plurimorum com-  
 miniscantur. Nos vniuersalis Ecclesiæ utili-  
 tati, quam ex inuiolato & inconcusso dictæ  
 Societatis instituto, & religiosæ sobolis edu-  
 catione sentimus, & maiorem in dies spera-  
 mus, prospicientes; & prætereâ eiusdem So-  
 cietatis indemnitati, paci, quieti, & incremen-  
 to consulere volentes; Motu simili, & ex cer-  
 tâ scientiâ nostrâ, de quæ Apostolicæ potesta-  
 tis plenitudine, laudabile ipsius Societatis  
 Institutum, & quæ illud concernunt præmissa  
 omnia & singula prædictaque illius, ac quæ-  
 cumque alia priuilegia, facultates, exemptio-  
 nes,

GREG.  
XIII.

*Societatis  
commendatio.*

*Noua institu-  
ti, ac præmis-  
sorum omnium,  
Constitutio-  
numque & Pri-  
uilegiorum  
Societatis  
confirmatio.*



GREG.  
XIII.

*Huiusmodi  
tria vota, et si  
simplicia,  
verè tamen  
sunt Religio-  
nis substan-  
tialia vota.*

*Huiusmodi  
vota, et si sim-  
plicia, emit-  
tentur, verè  
& propriè  
sunt religiosi.*

nes, immunitates, gratias, & indulta, à prædictis prædecessoribus nostris, & à Nobis etiam per communicationem concessa, Constitutiones quoque, ac statuta, & decreta qualiacumque, ac si ad verbum præsentibus infererentur, pro expressis habentes, tenore præsentium approbamus, & confirmamus; supplentes omnes iuris & facti defectus, si qui interuenerint in prædictis Constitutionibus, & statutis. Ad hæc dictam Societatem firmo Sedis huius præsidio communire volentes, hac nostrâ perpetuâ Constitutione, motu, scientiâ & potestatis plenitudine similibus statuimus atque decernimus, tria vota huiusmodi, et si simplicia, ex huius Sedis institutione, ac nostrâ etiam declaratione & confirmatione esse verè substantialia Religionis vota, ac in dictâ Societate tamquàm in Religione approbatâ per Sedem eandem admissa fuisse, & esse: ac per Nos admitti, nec in illis à quoquam, præter Nos & Sedem huiusmodi dispensari, nec ea vlllo alio modo, quàm per legitimam dimissionem à Societate cessare posse: & non modò eos, qui in Coadiutorum formatorum, siue spiritualium siue temporalium, gradus & ministeria, vt præfertur, admittuntur; sed & scholares ipsos, ac supradictos alios omnes & quoscumque, qui in ipsam Societatem admissi, biennio probationis à quolibet eorum peracto, tria vota substantialia prædicta, tametsi simplicia emise-



emiserint, aut emittent in futurum; verè & GREG.  
 propriè religiosos fuisse, & esse, ac fore, & XIII.  
 vbique semper & ab omnibus censi, & no- Noua exem-  
 minari debere: non secus atque ipsos tum So- prio.

cietatis, tum quorumuis aliorum Regularium  
 Ordinum Professos; suisque Præpositis in  
 omnibus & per omnia obedire; & huic Sedi  
 immediatè subiectos, & à quorumuis Ordini-  
 narium, & delegatorum, seu aliorum Iudi-  
 cum iurisdictione omnino exemptos, prout  
 Nos etiam vigore præsentium eximimus: deni-  
 que vt omnium Societatis priuilegiorum iuxta

Generalis Præpositi dispositionem sunt par- Pœna Apo-  
 ticipes, ita quoque excommunicationis maio- statarum in-  
 ris latæ sententiæ, & aliis Apostatarum pœnis, nouantur.

si qui à Societate deficiant, subiacere, ac tam- Absolutio  
 quam veros Apostatas puniri posse; nec à quo- reservatur.

quam, nisi per Nos & Sedem prædictam, aut  
 Generalem Præpositum, ab eisdem pœnis ab-  
 solui; nec ante huiusmodi absolutionem, & à  
 Societate dimissionem, matrimonium con-  
 trahere; quinimò eos omnes ad contrahen-  
 dum inhabiles, ac contractus huiusmodi nul-  
 los & irritos esse, prout irritos facimus, & an-  
 nullamus. Et vt contradicentium audacia

coërceatur, præmissas omnes & quasuis alias  
 illis similes assertiones contra dictæ Societatis  
 Institutum, vel quomodolibet in illius præiu- Nouum ma-  
 dicium pronuntiatas aut scriptas, falsas omni- trimoniū tm-  
 no & temerarias esse & censi debere. Præci- pedimentum  
 pimus dirimens.

Præcipitur  
 sub excom-  
 municationis  
 & inhabili-  
 tatis pœnis, eo

GREG.  
XIII.

*ipso incur-  
rendis, ne  
quis audeat  
Societatis In-  
stitutū, &c.  
impugnare.*

*Nec nisi de  
Præpositorū  
licentiâ in-  
terpretari.*

*Nec in con-  
trouersiam  
reuocare.  
Nec glossas le-  
gere, docere,  
aliis tradere,  
vel apud se  
retinere.  
De dubiis re-  
ferendum.*

pimus igitur in virtute sanctæ obedientiæ, ac sub pœnis excommunicationis latæ sententiæ, nec non inhabilitatis ad quæuis officia & beneficia sæcularia, & quorumuis Ordinum regularia, eo ipso absque aliâ declaratione incurrendis (quarum absolutionem Nobis & successoribus nostris reseruamus) ne quis cuiuscumque status, gradus & præminentiae existat, dictæ Societatis Institutum, Constitutiones, vel etiam præsentis, aut quemuis earum, vel supradictorum omnium articulum, vel aliud quid supradicta concernens, quouis disputandi, vel etiam veritatis indagandæ quæsito colore, directè vel indirectè impugnare, vel eis contradicere audeat; districtiùs inhibentes, ne quis siue extra, siue intra dictam Societatem, nisi de illius Generalis, aut inferiorum Præpositorum licentiâ notationes, declarationes, glossas, vel scholia vlla super præmissis facere, vel ea nisi quantum verba ipsa sonant, interpretari, aut de eis disceptare, seu scrupulum cuiquam iniicere, vel in controuersiam aut dubium reuocare audeat quouomodo; nec glossas, aut interpretationes siue impressas seu scriptas ad id pertinentes legere, docere, aliisque tradere, vendere, vel apud se retinere præsumat: si quid verò dubij de eisdem oriri contigerit, ad Sedem prædictam, vel ad Generalem Præpositum dictæ Societatis, aut ad eos, quibus id ipse commise-

rit,

rit, referatur. Sicque in præmissis omnibus & singulis per quoscumque Iudices & Commis-

GREG.  
XIII.

sarios, etiam causarum Palatii Apostolici Auditores, ac S. R. E. Cardinales in quauis causâ & instantiâ, sublatâ eis & eorum cuilibet quauis aliter iudicandi & interpretandi facultate & auctoritate, iudicari & definiri debere: nec non irritum & inane quidquid secus super his

*Sic iudicari  
debero.*

à quoquam quauis auctoritate, scienter vel ignoranter contigerit attentari. Mandantes vniuersis & singulis Patriarchis, Archiepiscopis, Episcopis & ceteris Ecclesiarum, & locorum, etiam Regularium Prælatiis, per vniuersum orbem constitutis, vt præsentis litteras, in

*Mandatur  
omnibus Or-  
dinaris, vt  
præsentis lit-  
teras obser-  
uari faciant.*

suis quisque Ecclesiis, Prouinciis, Ciuitatibus, diœcesibus, & iurisdictionibus ab omnibus inuiolatè obseruari: quinetiam Præpositum, ac personas Societatis huiusmodi defendant, eosque præmissis omnibus & singulis pacificè frui faciant & gaudere: non permittentes ipsos per quoscumque quomodolibet molestari; Contradictores per censuras Ecclesiasticas, & alia iuris & facti remedia opportuna, appellatione postpositâ, compescendo. Inuocato etiam ad hoc, si opus fuerit, auxilio brachij sæcularis. Non obstantibus recol. memor. Bo-

*Non obstan-  
tibus, &c.*

NIFACII Papæ VIII. quæ incipit, *Quod votum*, & aliis Apostolicis Constitutionibus, ac etiam aliorum Ordinum, iuramento, confirmatione Apostolicâ, vel quauis firmitate aliâ robo-

GREG.  
XIII.

roboratis statutis, & consuetudinibus, priuilegiis quoque, Indultis, & litteris Apostolicis quibuscumque huiusmodi Ordinibus, Vniuersitatibus, locis vel personis per quoscumque Romanos Pontifices prædecessores nostros, ac Nos, & Sedem prædictam, etiam motu proprio, & ex certâ scientiâ, ac de Apostolicæ potestatis plenitudine, & cum quibusuis irritatiuis, annullatiuis, cassatiuis, reuocatiuis, modificatiuis, præseruatiuis, exceptiuis, declaratiuis, mentis attestatiuis, ac derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere vel in specie, ac aliâs quomodolibet, etiam pluries concessis, confirmatis, & innotuatis: Quibus omnibus, & singulis, etiam si in eis caueatur expressè, quòd illis nullatenus, aut non nisi sub certis modo & formâ in illis expressis derogari possit, pro illorum sufficienti derogatione de illis, eorumque totis tenoribus specialis, specifica & expressa mentio habenda, seu aliqua alia exquisita forma ad hoc seruanda foret; tenores huiusmodi præsentibus pro sufficienter expressis habentes, illis aliâs in suo robore permanfuris, hac vice dumtaxat specialiter & expressè derogamus. Contrariis quibuscumque, aut si aliquibus communiter vel diuissim ab eadem sit Sede indultum, quòd interdici, suspendi, vel excommunicari non possint per litteras Apostolicas non facien-



facientes plenam & expressam, ac de verbo ad  
verbum de indulto huiusmodi mentionem. Præsentis autem Cōstitutionis & gratiæ com-  
municationem omnibus aliis, qui sua priuile-  
gia cum ipsâ Societate copiosè participāt, par-  
ticipareque poterunt quomodolibet in futu-  
rum, fieri omnino prohibemus. Ceterum vo-  
lumus, vt præsentium transumptis, etiam im-  
pressis, manu Secretarij dictæ Societatis, vel  
Notarij publici subscriptis, & sigillo Præpositi  
Generalis eiusdem Societatis, vel alterius per-  
sonæ in dignitate Ecclesiasticâ constitutæ mu-  
nitis, eadem omnino fides habeatur in iudicio  
& extra illud, quæ litteris ipsis originalibus ha-  
beretur, si essent exhibitæ, vel ostensæ. Nulli  
ergo omnino hominum liceat hanc paginam  
nostræ approbationis, confirmationis, supple-  
tionis, decretorum, statuti, præcepti, interdicti,  
derogationis, & voluntatis infringere, vel ei  
ausu temerario contraire: si quis autem hoc  
attentare præsumpserit, indignationem omni-  
potentis Dei, ac BB. Petri & Pauli Apostolo-  
rum eius se nouerit incursum. Datum Ro-  
mæ, apud S. Petrum, anno Incarnationis Do-  
minicæ M.D.LXXXIV. octauo Kal. Iun. anno  
Pontificatus nostri tertio decimo.

GREG.  
XIII.

*Præsentis con-  
cessio non  
communi-  
catur.*

*Transumptis  
habeatur fi-  
des.*

M. Car. S. Stephani.

Cæ. Glorierius.

A. de Alexiis.

Q

Regi-



GREG.  
XIII.

Registrata apud Cæsarem Secretarium.

Anno à Natiuitate Domini M.D.LXXXIV.  
Indict. xii. die verò Lunæ, xvi. mensis Iulij,  
Pontificatus Sanctiss. in Christo Patris, &  
D.N.D. GREGORII Diuinâ prouidentiâ Pa-  
pæ XIII. anno xiii. Retroscriptæ litteræ  
Apostolicæ affixæ, lectæ, & publicatæ fue-  
runt, & per aliquod temporis spatium dimis-  
sæ in Valuis Basilicarum Principis Apostolo-  
rum de Vrbe, & S. Ioannis Lateranensis, nec  
non Cancellariæ Apostolicæ, & Aciei Campi  
Floræ, per nos Ioannem Freril, & Nicolaum  
Tagliettam, S.D.N. Papæ Cursores.

GRE-

G R E G O R I I X I I I .

GREG.  
XIII.

## E X E M P T I O

Antiqua Societatis rerum ac personarum confirmatur, & noua alia conceditur.

G R E G O R I V S P A P A X I I I .

*Ad futuram rei memoriam.*

Satis superque dilectos filios Societatis Iesv  
alumnos, suscepti iuxta maiorum suorum  
instituta pro animarum salute, & Christi Do-  
mini nostri nomine, & orthodoxâ fide propa-  
gandis labores defatigant, quibus subleuandi  
essent, nedum ad alia opera, officiis eorum in-  
terruptis, distrahendi. Quod ne accideret,  
néve Obedientiæ perfectio, quam subditi suis  
Præpositis præstare debent, quidquam immi-  
nueretur; nonnulli Romani Pontifices præ-  
decessores nostri dictam Societatem à primæ-  
uâ eius erectione, illiusque personas & bona  
quæcumque à quorumvis Ordinariorum visi-  
tatione, iurisdictione, correctione, & superio-  
ritate exemerunt, & sub Sedis Apostolicæ pro-  
tectione susceperunt, ut illa Romano Pontifici  
pro tempore existenti immediatè subiecta esse  
noscat. Quare Nos præcipuâ erga eâ animi

*Societatis  
operarij non  
distrahendi.  
Obedientiæ  
perfectio non  
imminuen-  
da.*

*Rom. Ponti-  
fices Societa-  
tem exem-  
erunt.*

*Confirmatio  
exemptionis,  
ac noua con-  
cessio.*

Q 2

nostri

GREG.  
XIII.

nostri propensione dictam exemptionem illi confirmamus; ac in perpetuum statuimus, neminem ex Religiosis sub prædictæ Societatis obedientiâ degentem, à quibusvis, quacumque Ecclesiasticâ vel sæculari dignitate seu auctoritate fungentibus, etiam si Sanctæ Romanæ Ecclesiæ Cardinales, Patriarchæ, Archiepiscopi, Episcopi, vel alij Antistites, & Prælati; nec non Synodi, Communitates, & Capitula quæcumque, aut officij hæreticæ prauitatis Inquisitores, ac Commissarij, vel Iudices, tam ipsius officij, quocumque illi nomine censeantur, quàm alij Ordinarij, vel delegati, vel etiam Imperator, Reges, & alij sæculares Principes ad quoduis munus, officium vel exercitium obeundum, etiam prætextu quòd alij inibi non inueniantur, à quibus adiuuari possint, absque expresso sui Superioris consensu ac etiam mandato destinari, adigi, vel cogi posse. Decernentes irritum & inane quidquid secus super his per prædictos, & alios quoscumque quauis auctoritate scienter vel ignoranter contigerit attenrari. Non obstantibus Apostolicis, ac in Prouincialibus, & Synodalibus Conciliis editis, generalibus, vel specialibus Constitutionibus, & ordinationibus, etiam de examinadoribus deputandis, vel etiam deputatis, seu approbatis, nec non priuilegiis, indultis, & litteris Apostolicis supradictis omnibus, & quibusvis aliis, sub quibuscumque tenoribus & formis,

*Non obstantibus, &c.*

formis, ac cum quibusvis etiam derogatoriis- GREG.  
 rum derogatoriis, aliisque efficacioribus, & XIII.  
 insolitis clausulis, nec non irritantibus, & aliis  
 decretis in genere & in specie, etiam motu  
 proprio, & ex certâ scientiâ, ac de Apostoli-  
 cæ potestatis plenitudine, aut aliâs quomodo-  
 libet, etiam iteratis vicibus concessis, appro-  
 batis, & innovatis. Quibus omnibus illorum  
 tenores, ac si ad verbum, nihil penitus omisso,  
 & formâ in illis traditâ observatâ, inserri fo-  
 rent, præsentibus pro sufficienter expressis  
 habentes, illis aliâs in suo robore perman-  
 suris, hac vice dumtaxat specialiter & expressè  
 derogamus, ceterisque contrariis quibuscum-  
 que. Præsentis autem gratiæ communica- Communica-  
 tionem omnibus aliis, etiam qui sua privi- tio prohibe-  
 legia cum ipsâ Societate copiosè participant, tur.  
 participareque poterunt quomodolibet in fu-  
 turum, fieri omnino prohibemus. Ceterùm  
 quia difficile esset nimis easdem præsentis,  
 quocumque illis opus erit, deferri; volu-  
 mus, ut ipsarum transumptis, etiam impres- Transumptis  
 sis, manu Notarij publici subscriptis, & si- habeatur si-  
 gillo personæ in dignitate Ecclesiasticâ con- des.  
 stitutæ, seu etiam dictæ Societatis Præpositi  
 Generalis munitis, eadem prorsus fides adhi-  
 beat, quæ ipsis præsentibus adhibere-  
 tur, si forent exhibitæ, vel ostensæ. Datum  
 Romæ, apud S. Marcum, sub annulo Pisca-



GREG.  
XIII.

toris, die x. Septembris, M.D.LXXXIV. Pontificatus nostri anno tertidecimo.

Cæ. Glorierius.

G R E G O R I I XIII.

N V L L I D E S O C I E T A T E

Licet ad Carthusiam secundò  
transire, nisi de licentiâ Præ-  
positi Generalis.

*Dilecto filio CLAUDIO AQUAVIVÆ  
Præposito Generali Societatis IESV  
GREGORIUS, Papa XIII.*

*Privilegia  
Pij IV.*

**D**ilecte fili, salutem & Apostolicam bene-  
dictionem. Exponi nobis nuper fecisti,  
quòd aliàs postquàm fel. rec. PIVS Papa IV.  
prædecessor noster statuisset, ac præcepisset,  
ne vlli ex Societatis IESV Religiosis post emis-  
sa vota secundùm illius Constitutiones, siue  
Professus, siue Scholaris, siue Coadiutor ille  
foret, ab eadem Societate exire, aut recedere,  
nec ad quemvis alium etiam Mendicantium  
Ordinem (Carthusiensem Ordine dumtaxat  
excepto) absque expressâ sui Superioris licen-  
tiâ ad id ab eo specialiter obtentâ, se transfer-  
re;

re; vel etiam per Superiores Ordinum huiusmodi eorum quempiam admitti liceret sub pœnâ excommunicationis, tam per recipientes, quàm per ipsos receptos, aut recedentes, ipso facto incurrendâ: Quod quæ nihilominus secus facta non tenerent, & nullius existerent efficaciar, vel momenti: & insuper, vt qui pro tempore ab ipsâ Societate ad præfatû Carthusiensem, vel de Superioris licentiâ ad alium Ordinem transire vellēt, ad Carthusiensem videlicet intra tres menses à die quo ab ipsâ Societate recessissent, ad alium verò Ordinem intra tempus eis à dicto Superiore præfigendum accedere, & actualiter ingredi, vbi si permanere nollent, aut non possent, absque vllâ morâ ad dictam Societatem regredi sub præfatâ excommunicationis latæ sententiæ pœnâ tenerentur: quam tam ipsi Religiosi, quàm illos recipientes, vel eis auxilium, consilium, vel fauorem præstantes etiam incurrerent. Successiuè præmem. PIVS Papa V. etiam prædecessor noster, Præposito Generali pro tempore existēti eiusdem Societatis viux vocis oraculo concessit, vt, si quis ex dictâ Societate ad Carthusiensem Ordinem, iuxta P I I IV. indultum huiusmodi transire vellet, si vel non ingrederetur, vel non admitteretur, vel non perseveraret, ad eandem Societatem redire teneretur: nec ei amplius ab ipsâ Societate ad eundem Carthusiensem Ordinem absque ipsius Præpositi

Et Pq V.

GREG.  
XIII.

*Confirmatio.  
& nova con-  
cessio.*

*Qui secus fe-  
cerint, exco-  
municantur.*

*Communica-  
tio prohibe-  
tur.*

Generalis licentiâ transire liceret. Verumta-  
men cûm posterioris P I I V. facultatis vsus ei-  
dem Præposito difficilior interdum reddatur,  
quòd litterarum Apostolicarum præsidio fre-  
tus non sit; ideò tuis in hac parte supplicatio-  
nibus inclinati, concessionem & facultatem  
huiusmodi tibi, & pro tempore existenti Præ-  
posito Generali prædicto, tenore præsentium  
confirmamus: eaquæ omnia, sicut supradicta  
sunt, vobis concedimus, eamquæ etiam quoad  
præterita valere decernimus, ac si litteræ Apo-  
stolicæ super concessione P I I V. prædecesso-  
ris huiusmodi tunc confectæ fuissent. Qui se-  
cus fecerit, in excommunicationis, & alias  
Apostatarum censuras & pœnas eo ipso incur-  
rat, à quibus non nisi à Nobis, vel à Romano  
Pontifice pro tempore existente, vel à dictæ  
Societatis Generali Præposito absolutionem  
valeat obtinere: non obstantibus Constitu-  
tionibus, & ordinationibus Apostolicis, cete-  
risquæ contrariis quibuscumque. Præsentis au-  
tem gratiæ communicationem omnibus aliis,  
etiam qui sua priuilegia cum ipsâ Societate  
copiosè participant, participarequæ poterunt  
quomodolibet in futurum, fieri omnino pro-  
hibemus. Volumus insuper, vt præsentium  
transumptis, etiam impressis, manu Secretarij  
dictæ Societatis, vel Notarij publici subscri-  
ptis, & sigillo Præpositi Generalis eiusdem  
Societatis, vel alterius personæ in dignitate

Eccle-

Ecclesiasticâ constitutæ munitis, eadem omni-  
no fides habeatur in iudicio & extra illud, quæ GREG.  
XIII.  
litteris ipsis originalibus haberetur, si essent  
exhibitæ, vel ostensæ. Datum Romæ, apud  
S. Marcum, sub annulo Piscatoris, die XIII.  
Octobr. M. D. LXXXIV.

Cæ. Glorierius.

G R E G O R I I X I I I .

F A C V L T A T E M

Prædicandi olim concessam  
fuisse iis etiam de Societate,  
qui nondum ad sacros Ordi-  
nes promoti essent, declara-  
tur, eadêmque de nouo con-  
ceditur.

*Dilectis filiis Præposito Generali,  
& Religiosis Societatis IESV  
GREGORIUS Papa XIII.*

**D**ilecti filij, salutem & Apostolicam bene-  
dictionem. Vigore priuilegij vestræ So-  
cietati à fel. record. P A V L O Papâ III. Præ-  
Qs deces-

GREG.  
XIII.

*Prædicandæ  
facultas à  
Paulo III  
concessa.*

*Declaratur  
concessam  
olim fuisse  
facultatem.*

*Ad prædi-  
candum no-  
ua concessio.*

decessore nostro concessi, ut vestrum quisque idoneus, & à Præposito pro tempore existente eiusdem Societatis deputatus, verbum Dei publicè prædicare, & qui ex vobis Presbyteri fuerint, quorumcumque utriusque sexus Christi fidelium confessiones audire possint; ex illo concessionis huiusmodi tempore, etiam Scholares, & alij Religiosi vestri, sacris Ordinibus nondum initiati, aliàs tamen idonei, ad prædicandum verbum Dei passim & ubique mittuntur. Verùm quia nonnullis dubitatio curiosius incescit, an dictum priuilegium prædicandi, etiam eos comprehendat, qui ad Ordines ipsos nondum ascenderunt; Nos quemcumque hoc scrupulo eximere volentes, præsentium auctoritate declaramus, ac etiam discernimus, vestrum vnumquemque, etiam ad sacros Ordines prædictos non promotum, prædicationis munus in vim priuilegij huiusmodi exercere potuisse, & posse: Vobis insuper concedentes, ut etiam Clerici vestri primatantum tonsurâ insigniti, prout hucusque fecerunt, valeant deinceps ipsum Dei verbum ubique populo prædicare; districtius inhibentes vniuersis & singulis locorum Ordinariis, & quibuscumque aliis quacumque dignitate & auctoritate fungentibus, ne quemquam vestrum quouis prætextu præmissorum occasione impedire vel molestare audeant quoquo modo. Non obstantibus Apostolicis, ac in genera-

nera-



neralibus & Prouincialibus Conciliis editis, **GREG.**  
 generalibus vel specialibus Constitutionibus, **XIII.**

& ordinationibus, ceterisque contrariis quibuscumque. Volumus autem ut præsentium transumptis etiam impressis, manu Notarij *Transumptis*  
 publici, seu Secretarij Societatis subscriptis, & *habeatur fides.*  
 sigillo personæ in dignitate Ecclesiasticâ constitutæ, seu etiam dictæ Societatis Præpositi Generalis munitis, eadem prorsus fides adhibeatur, quæ ipsis præsentibus adhiberetur, si essent exhibitæ, vel ostensæ. Datum Romæ, apud S. Marcum, sub annulo Piscatoris, die xx. Nouemb. M. D. LXXXIV. Pontificatus nostri anno tertidecimo.

Io. Bapt. Canobius.

**GRE-**

GREG.  
XIII.

G R E G O R I I XIII.

## ERECTIO PRIMARIÆ

Congregationis in Ecclesiâ  
Annuntiatae Collegij Romani  
Societatis I E S V, cum Indul-  
gentiis, & cum facultate ag-  
gregandi quasuis alias Con-  
gregationes similes, pro Ge-  
nerali Præposito.

*G R E G O R I V S Episcopus Servus  
servorum Dei, Ad perpetuam  
rei memoriam.*

**O**Mnipotentis Dei Saluatoris nostri, qui ex  
pietatis suæ superabundantiâ fidelium  
mentibus cælestis inspirationis gratiam, & de-  
votionis ardorem, ad Diuinæ Maiestatis obte-  
quia, & piorum operum exercitia salubriter  
peragenda, continuò infundit, exemplo addu-  
cti; in eam Pastoralis officij curam cogitatio-  
nemque sedulò incumbimus, per quam ipso-  
rum fidelium fructuosis huiusmodi operibus  
& exercitiis vacantium religio & deuotio  
conti-

continuum suscipiat incrementum, eis<sup>que</sup> vo-  
 tiua salus proueniat animarum. Aliàs siquidem  
 per Nos accepto, quòd plerique probi & pij  
 adolescentes bonarum litterarum studiis in  
 Collegio nostro Societatis IESV de Vrbe in-  
 sistentes, singulari erga Beatissimam MA-  
 RIAM Virgineim Dei genitricem affectu ducti,  
 ac etiam Lectorum & Magistrorum suorum  
 spiritualium cohortationibus ad id accēsi, Ec-  
 clesiam Annuntiationis eiusdem B. MARIÆ,  
 in corpore ædificiorum dicti Collegij consi-  
 stentem, certis statutis diebus & horis fre-  
 quentare, & cum eximiā deuotionis sincerita-  
 te, cordis<sup>que</sup> contritione conscientiam suam  
 per Confessionis & Sanctissimæ Eucharistiæ  
 ministerium expurgare, ac diuinis officiis, col-  
 loquiis, & exhortationibus spiritualibus, aliis<sup>que</sup>  
 piis & salutaribus operibus vacare soliti  
 erant; factò<sup>que</sup> inde ad illorum exemplum  
 maiore aliorum concursu, mutuis studiis se in-  
 uicem consociauerant. Nos, vt pium hoc insti-  
 tutum perampliùs coalesceret, eisdem & aliis  
 Christi fidelibus huiusmodi spiritualibus ope-  
 ribus & exercitiis pro tempore addictis non-  
 nullas Indulgentias, & peccatorum suorum  
 remissiones concessimus: prout in nostris inde  
 confectis litteris plenius continetur. Cùm au-  
 tem, sicut exhibita nobis nuper pro parte Di-  
 lecti filij Præpositi Generalis dictæ Societatis  
 petitio continebat, in diuersis mundi partibus,

GREG.  
XIII.

*Primordia  
Congregatio-  
nis studiose-  
rum.*

*Aliorum  
concurfus.*

&

**GREG.  
XIII.**

& præsertim insignioribus Europæ ciuitatibus eiusdem Societatis Collegia ad iuuentutem bonis moribus & virtutibus ornandam, ac verâ pietate sacrâque doctrinâ imbuedam, propagari; illorumque externi Scholares ibidem studiorum causâ confluentes, optima deuotionis & piorum operum huiusmodi exercitia feruenti studio imitari; & exinde multiplices fructus ad Dei gloriam, ipsiusque diuini nominis cultum, ac B. **MARIÆ** Virginis honorem, nec non publicam salutem, & spiritualem consolationem prouenire cœperint; & operæpretium sit, vt quemadmodum piarum & fructuosarum exercitationum huiusmodi institutum à Scholaribus dicti Collegij de Vrbe, quod nostris auspiciis & impensis magnifico ædificiorum & structurarum opere à fundamentis innouatur & extruitur, primordium suum in dictâ Ecclesiâ Annuntiationis B. **MARIÆ** habuit; ita quoque inibi eorumdē Scholarium primaria Congregatio, seu primarium Sodalitium, sub titulo eiusdem Annuntiationis B. **MARIÆ**, ad laudabile eorum in piis operibus & officiis huiusmodi studium nostris beneficiis, & Indulgentiarum præmiis seruandum ac augendum, stabiliatur & instituatur, pro parte ipsius Præpositi nobis fuit humiliter supplicatum, vt præmissis annuere, & desuper opportunè providere de benignitate Apostolicâ dignaremur. Nos igitur religio-

ligiosum ipsorum Scholarium, in his spi- GREG.  
 ritualibus exercitiis studium piæ voluntatis XIII.  
 affectu prosequi volentes, ipsumque Præpo-  
 situm à quibusvis excommunicationis, sus-  
 pensionis, & interdicti, aliisque Ecclesiasti-  
 cis sententiis, censuris, & pœnis à iure, vel ab  
 homine quavis occasione, vel causâ latis, si  
 quibus quomodolibet innodatus existit, ad  
 effectum præsentium dumtaxat consequen-  
 dum, harum serie absoluentes & absolutum  
 fore censentes; nec non litterarum prædi-  
 ctarum tenores præsentibus pro expressis ha-  
 bentes, huiusmodi supplicationibus incli-  
 nati in eadem Ecclesiâ vnam, seu vnum, ex-  
 ternorum Scholarium dicti Collegij nostri,  
 ac etiam aliorum Christi fidelium Societati  
 prædictæ deuotorum primariam Congrega-  
 tionem, seu primarium Sodalitium sub titu-  
 lo Annuntiationis B. MARIÆ huiusmodi,  
 quæ, seu quod, per prædictum & pro tempore  
 existentem Præpositum Generalem dictæ  
 Societatis, seu illo defuncto, donec alius ad  
 officium Præpositi Generalis huiusmodi ca-  
 nonicè assumatur, per Vicarium etiam Ge-  
 neralem eiusdem Societatis dirigi debeat;  
 Apostolicâ auctoritate tenore præsentium per-  
 petuò, sine tamen ipsius Societatis præiudicio,  
 erigimus & instituimus. Vt autem prima-  
 ria Congregatio, seu primarium Sodalitium  
 huiusmodi per gratiarum & munerum cæle-  
 stium

*Primaria  
 Congregatio-  
 nis institutio.*



GREG.  
XIII.

*Indulgentia  
plenaria pro  
Sodalibus in  
ingressu, &  
in mortis ar-  
ticulo.*

*Plenaria pro  
omnibus in  
die Annun-  
tiationis.*

*Plenaria pro  
Sodalibus  
quinque in  
anno.*

stium largitionem deuotionis ac pietatis iugiter proficiat incrementis; de omnipotētis Dei misericordiâ, ac Beatorum Petri & Pauli Apostolorum eius auctoritate confisi, omnibus & singulis Christi fidelibus verè pœnitentibus & confessis, qui deinceps in Sodales eiusdem primariæ Congregationis, seu primarij Sodalitij recipientur, tam die receptionis eorum, si Sanctissimum Eucharistiæ Sacramentum in prædictâ ecclesiâ, aut vbicumque potuerint eo die sumpserint, quàm in mortis articulo; nec non ipsis, ac omnibus & singulis aliis vtriusque sexus Christi fidelibus etiam verè pœnitentibus & confessis, sacrâque communione resectis, qui ecclesiam prædictam die festiuitatis eiusdē Annuntiationis B. MARIE à primis vesperis vsque ad occasum Solis ipsius festiuitatis deuotè visitauerint, & inibi pro Republicæ Christianæ conseruatione & augmento, hæresum extirpatione, Principumque Christianorum mutuâ, & vniuersali pace, ac nostrâ, & pro tempore existentis Romani Pontificis prosperitate; vel alias preces, prout vnicuique suggeret deuotio, ad Deum deuotè effuderint. Insuper eisdem Sodalibus similiter verè pœnitentibus, & confessis, qui in Natiuitatis, & Ascensionis Domini nostri IESU CHRISTI, ac Annuntiationis, Assumptionis, & Conceptionis, nec non Natiuitatis B. MARIE Virginis festis diebus prædictum Sanctissimum

mum Sacramentum ibidem, vel alibi acceperint, plenariam omnium peccatorum suorum indulgentiam & remissionem Apostolicâ auctoritate, & tenore præsentium misericorditer in Domino cōcedimus & elargimur; ipsi-  
 que Sodalibus, qui de eorum numero existentium, vel aliorum Christi fidelium defunctorum corpora ad sepulturam Ecclesiasticam associauerint; aut infirmi, vel impediti, audito signo campanæ, genuflexi, si per infirmitatem licebit, orationem Dominicam & Salutationem Angelicam pro salute animæ defuncti, vel corporis infirmi recitauerint; nec non qui Congregationibus tam publicis, quàm priuatis ac diuinis officiis, spiritualibusque colloquiis, exhortationibus, & aliis piis officiis etiam in Sodalibus, seu aliorum Christi fidelium defunctorum suffragium, per primariam Congregationem, seu primarium Sodalitium ordinandis, & ab ipso Præposito, seu Vicario Generali approbandis; quique diebus feriatis Missæ sacrificio interfuerint, aut vespertino tempore antequàm cubent, conscientiam suam diligenter examinauerint, seu pauperes infirmos tam Sodales, quàm alios in Hospitalibus, vel priuatis domibus, nec non carceratos visitauerint; aut pacem inter inimicos conciliauerint; quoties horum quoduis fecerint, vnum annum de eis iniunctis, vel aliàs quomodolibet debitis pœnitentiis Apostolicâ

GREG.  
 XIII.

*Indulgentias  
 unius anni  
 toties quoties  
 pro Sodalibus,  
 qui corpora defun-  
 ctorum associauerint.*

*Vel si impediti,  
 pro eis  
 aut pro infirmis  
 orauerint.*

*Congregationibus,  
 Diuinis officiis,  
 Exhortationibus  
 interfuerint;*

*Missæ Sacrificio  
 diebus  
 feriatis.*

*Conscientiam  
 examinauerint.*

*Infirmos, vel  
 incarceratos  
 visitauerint.*

R

aucto-

**GREG.  
XIII.**

*Alia indul-  
gentiarum  
concessionis  
reuoantur.*

auctoritate & tenore similibus etiam miseri-  
corditer in Domino relaxamus; quascumque  
alias præsentibus non expressas Indulgentias,  
& peccatorum remissiones, etiam plenarias,  
& relaxationes Scholaribus, & aliis prædictis,  
ratione dicti eorum Instituti, vel aliàs in com-  
muni per Nos, & Sedem Apostolicam quo-  
modolibet concessas reuocando, & abrogan-  
do. Insuper ne præfati Sodales, si aliquando  
eos ab ipsâ Vrbe abesse, vel alibi commorari  
contingat, huiusmodi Indulgentiarum, & alia-  
rum gratiarum spiritualium effectû & fructu  
frustrari remaneant; eisdem Sodalibus extra  
Vrbem vbiuis locorum pro tempore commo-  
rantibus, vt in locis, vbi eos pro tempore resi-  
dere, seu morari contigerit, opera prædicta,  
quæ ipsi Sodales in Vrbe præsentibus pro singu-  
larum Indulgentiarum, remissionum, & rela-  
xationum huiusmodi consecutione obseruare  
deberent, apud Ecclesias eorumdem locorum,  
aut alibi, prout poterunt, obseruando, & exe-  
quendo, omnes easdem Indulgentias, remis-  
siones, & relaxationes habeant, & illæ eis pari-  
ter suffragentur: nec non tam in Vrbe præsen-  
tes, quàm alibi vbiuis locorum commorantes  
Sodales primariæ Congregationis, seu prima-  
rij Sodalitij huiusmodi, qui singulis quadra-  
gesimalibus, & aliis anni temporibus, ac die-  
bus Stationum Ecclesiarum dictæ Urbis, &  
extra illius muros, quæ à Christi fidelibus pro

con-

*Sodales vbi-  
uis locorum  
possint conse-  
qui prædictas  
indulgentias.*

*Indulgentia  
stationum  
Urbis visitan-  
tibus Eccle-  
siam Societa-  
tis vbi adsit,  
vel aliam  
quamcum-  
que.*

consequendis Indulgentiis & remissionibus GREG. XIII.  
 visitari solent; dictæ Societatis, si ibi fuerit, alioquin aliam Ecclesiam, seu Capellam in locis, ubi eos pro tempore residere, seu morari contigerit, ut præfertur, deuotè visitauerint, & ibi septies Orationem Dominicam, & septies Salutationem Angelicam recitauerint; tot & easdem Indulgentias consequantur, quas consequerentur, si iisdem temporibus, & diebus singulas Ecclesias dictæ Urbis, & extra illius muros huiusmodi pro iisdem Stationibus, & Indulgentiis consequendis deputatas personaliter visitarent, ac omnia & singula, quæ pro huiusmodi gratiarum consecutione quomodolibet requiruntur, plenè adimplerent. Prætereà eidem Præposito, seu Vicario Generali pro tempore existenti, ut in quibusvis aliis dictæ Societatis Collegiis extra Urbem prædictam per vniuersum orbem, nunc & pro tempore erectis, seu eorum Ecclesiis pro eorundem piorum operum incremento, quascumque alias, seu quæcumque alia Scholarium ibidem litterarum studiis insistentium, & aliorum Christi fidelium ipsi Societati deuotorum Congregationes, seu Sodalitia sub eo titulo Annuntiationis B. MARIE, quæ ab ipsâ primariâ Congregatione, seu primario Sodalitio, tamquàm membra à capite dependeant; auctoritate nostrâ, sine tamè Societatis, aut Collegiorum, & Ecclesiarum huiusmodi præiudi-

*Facultas eõ-  
 ceditur Gene-  
 rali Præposito  
 quascumque  
 alias Congre-  
 gationes in  
 Collegiis ex-  
 tra Urbem  
 erigendi &  
 aggregandi.*



GREG.  
XIII.

*Aggregatis  
quævis Pri-  
maria indul-  
ta, & Indul-  
gentias con-  
cedendi.*

*Congregatio-  
nes visitandi.*

*Statuta con-  
dendi.*

cio, erigere & instituere; illasque, seu illa, eidem  
primariæ Congregationi, seu primario Soda-  
litis aggregare; ac eis sic erectis, institutis, &  
aggregatis, eorumque Sodalibus prædictas, ac  
omnes & quascumque alias Indulgentias, pec-  
catorum remissiones, relaxationes, gratias, &  
facultates tam spirituales, quàm temporales, à  
Nobis, dictæque Sede primariæ Congrega-  
tioni, seu primario Sodalitio de cetero conce-  
dendas, ita ut Sodales aliarum Congregatio-  
num, seu aliorum Sodalitiorum huiusmodi,  
observantes & exequentes ea, quæ ipsius pri-  
marie Congregationis, seu primarij Sodalitij  
Sodales, pro indulgentiis, remissionibus, & re-  
laxationibus huiusmodi consequendis obser-  
uare & exequi debent, easdem Indulgentias,  
peccatorum remissiones, & relaxationes pari-  
ter consequantur, facultate aggregandi, & gra-  
tias huiusmodi aliis concedendi dumtaxat ex-  
ceptâ, communicare. Nec non tam Primariam,  
seu Primarium, quàm omnes & singulas ei ag-  
gregandas Congregationes, seu omnia, & sin-  
gula ei aggreganda Sodalitia huiusmodi per  
se, vel alium, seu alios eiusdem Societatis Pre-  
byteros idoneos ad id ab eo deputandos visi-  
tare, & pro earum felici statu, regimine, & di-  
rectione quæcumque statuta, constitutiones,  
& decreta, licita tamen & honesta, sacrisque  
Canonibus & Concilij Tridentini decretis  
non contraria; nec non ab ipso Præposito, seu  
Vica-



Vicario, ſi per alium, vel alios deputandos GREG.  
huiusmodi fiant, examinanda & approbanda XIII.  
edere; ac poſtquàm edita fuerint, quoties pro *Examinandi,*  
eorum, & temporum qualitate, aut aliàs expe- *approbandi.*  
diens ei videbitur, immutare, corrigere, mo-  
derari, & reformare, aut alia ex integro con-  
dere liberè & licitè valeat; eiſdem auctori-  
tate Apoſtolicâ & tenore perpetuo concedi-  
mus & indulgemus: decernentes ſtatuta, Con-  
ſtitutiones & decreta huiusmodi, poſtquàm  
edita, immutata, correctâ, moderata, refor-  
mata, & condita fuerint, ab omnibus Sodali-  
bus prædictis inuiolabiliter obſervari debe-  
re; ac præſentes litteras ſub quibuſcumque ſi-  
milium vel diſſimilium Indulgentiarum, &  
aliarum gratiarum reuocationibus, ſuſpenſio-  
nibus, limitationibus, derogationibus, & aliis  
contrariis diſpoſitionibus, etiam in fauorem  
Basilicæ Principis Apoſtolorum de Vrbe, ſeu  
Cruciatae Sanctæ, aut aliàs per Nos, vel alios  
Romanos Pontifices ſucceſſores noſtros, aut  
dictam Sedem, etiam Motu proprio, & ex cer-  
tâ ſcientiâ, Apoſtolicæ poteſtatis plenitudi-  
ne, ſeu ad quorumvis etiam Imperatorum,  
Regum, Reginarum, Ducum, & aliorum  
Principum instantiam pro tempore quomo-  
dolibet factis minimè comprehendî, ſed ſem-  
per ab illis exceptas, & quoties illæ emana-  
bunt, toties in priſtinum ſtatum reſtitutas, re-  
poſitas, & plenariè reintegratas, ac de nouo

*Præſentes  
litteras non  
comprehendi  
ſub quibuſvis  
aliis, etiam  
Cruciata  
ſanctæ, Con-  
ceſſionum re-  
uocationibus.*

**GREG.  
XIII.**

*Non obstantibus, &c.*

*Transumptis  
habeatur si-  
des.*

concessas esse & centeri : nec non omnibus, quos illæ concernunt, suffragari debere ; Irritum quoque & inane, si secus super his à quocumque quavis auctoritate scienter vel ignoranter contigerit attentari. Non obstantibus præmissis, & nostrâ de Indulgentiis ad instar non concedendis, ac aliis Constitutionibus & ordinationibus Apostolicis, ceterisque contrariis quibuscumque, præsentibus perpetuis futuris temporibus duraturis. Volumus autem, ut earumdem præsentium transumptis, etiam impressis, Secretarij ipsius Societatis, vel Notarij publici manu, & personæ alicuius in dignitate Ecclesiasticâ constitutæ, vel pro tempore existentis Præpositi, aut Vicarij Generalis eiusdem Societatis sigillo munitis, eadem prorsus fides ubique locorum, in iudicio & extra adhibeatur, quæ adhiberetur eisdem præsentibus, si essent exhibitæ vel ostensæ. Nulli ergo omnino hominum liceat hanc paginam nostræ absolutionis, erectionis, institutionis, concessionis, elargitionis, relaxationis, indulti, decreti, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac Beatorum Petri & Pauli Apostolorum eius se noverit incursum. Datum Romæ apud S. Petrum, anno Incarnationis Dominicæ millesimo quingentesimo octuagesimo quarto,

No-

NONIS Decembris, Pontificatus nostri anno GREG.  
tertiodecimo. XIII.

Pro Reuerendiss. D. Summatore

A. Iustus.

Io. Baptista Canobius.

A. de Alexiis.

Registrata apud Io. Baptistam Secretarium.

SIXTIV.

S I X T I V.

## EXTENDITVR FACVLITAS

Erigendi Scholarium Congregationes in Collegiis, primariæque Romanæ aggregandi, ac Indulgentias eis communicandi Generali Soc. IESV Præposito aliàs concessa, ad alias non Scholarium, etiam in Domibus erigendas, Congregationes.

*SIXTVS Episcopus Seruus seruorum Dei, Ad perpetuam rei memoriam.*

**S**Vpernâ dispositione, cuius inscrutabili providentiâ ordinationem suscipiunt vniuersa, in supereminenti Apostolicæ dignitatis speculâ, meritis licet imparibus constituti; & pia & salubria Christi fidelium vota, quæ ad Confraternitatum, seu Sodalitatum, præsertim in hac Vrbe nostrâ rirè institutarum, laudem & gloriam cum animarum salute tendere dignoscuntur, libenter exaudimus; ipsasque Confraternitates, seu Sodalitates condignis



dignis titulis extollimus, ac aliàs desuper dis-  
ponimus, prout in Domino conspiciamus eis-  
dem Christi fidelibus salubriter expedire.  
Aliàs siquidem pro parte dilecti filij CLAV-  
DII AQUAVIVÆ Præpositi Generalis Socie-  
tatis IESV, felicitis rec. GREGORIO Papæ XIII.  
prædecessori nostro exposito, externos Scho-  
lares ad Collegia eiusdem Societatis in diuer-  
sis mundi partibus instituta studiorum causâ  
confluentes, pia quædam & laudabilia Scho-  
larium Collegij prædictæ Societatis de Vrbe  
exercitia ferventi studio imitari; exindeque  
dictis Collegiis maiorem in dies propagatio-  
nem accipientibus, multiplices fructus ad Dei  
gloriam, ac eius diuini nominis cultum, &  
B. Mariæ Virginis honorem, publicam sa-  
lutem, & animarum spiritualem consolatio-  
nem provenire cœpisse; idem prædecessor ad  
laudabile eorumdem Scholarium in piis ope-  
ribus, & officiis huiusmodi studium conser-  
uandum, atque augendum, dicti CLAVDII  
Præpositi supplicationibus inclinatus, in Ec-  
clesiâ Annuntiationis eiusdem B. Mariæ sitâ  
in corpore ædificiorum dicti Collegij Urbis,  
in quâ ab eiusdem Collegij Scholaribus sub  
illius Rectoris, & aliorum dictæ Societatis  
Religiosorum directione instructis, tam pia-  
rum & fructuosarum exercitationum institu-  
tum primordium suum habuerat, vnam, seu  
vnum externorum Scholarium dicti Collegij,

SIXTIV.

*Concessio  
Greg. XIII.*

SIXTI V.

*Primaria  
Congregatio-  
nis per Greg.  
erectio.*

*Indulgentia-  
rum concef-  
fio.*

*Facultas Con-  
gregationes  
alias erigen-  
di, ac Prima-  
ria aggrega-  
gandi.*

ac cum eis simul etiam aliorum Christi fide-  
lium Societati prædictæ deuotorum Prima-  
riam Congregationem, seu Primarium Soda-  
litium sub titulo eiusdem Annuntiationis  
B. MARIÆ per dictum Claudium tunc, &  
pro tempore existentem Præpositum Genera-  
lem, vel eo absente, aut esse desinente, donec  
nouus succederet, Vicarium etiam Generalem  
dictæ Societatis dirigendam, seu dirigendum,  
sine tamen ipsius Societatis præiudicio, Apo-  
stolicâ auctoritate perpetuò erexit & instituit;  
pluresque Indulgentias, etiam plenarias, &  
peccatorum remissiones Scholaribus, & Chri-  
sti fidelibus prædictis concessit: ac Præposito,  
seu Vicario prædicto, vt in quibusuis aliis di-  
ctæ Societatis Collegiis extra dictam urbem  
per vniuersum orbem tunc, & pro tempore  
erectis & erigendis, siue eorum Ecclesiis pro  
dictorum piorum operum incremento, &  
animarum salute, quascumque alias, siue alia  
Scholarium inibi bonarum litterarum studio  
insistentium, ac simul cum eis etiam aliorum  
Christi fidelium (vt præfertur) deuotorum,  
Congregationes, siue Sodalitia sub eodem ti-  
tulo in singulis scilicet Collegiis singulas, seu  
singula quæ à Primaria Congregatione, seu  
Primario Sodalitio prædicto, tamquàm mem-  
bra à capite suo dependerent, erigere & insti-  
tuere; illasque, seu illa eidem Primariæ Con-  
gregationi, seu primario Sodalitio aggregare;

illif-

illisque sic erectis & aggregatis, eorumque SIXTV.  
 Sodalibus prædictas, & quascunque alias in-  
 dulgentias, & peccatorum remissiones, relaxa-  
 tiones, gratias, & facultates ab eodem præde-  
 cessore, & Sede Apostolicâ ipsi Primariæ Con-  
 gregationi, seu Primario Sodalitio eatenus  
 concessas, & de cetero concedendas commu-  
 nicare, & alia facere posset, itidem etiam per-  
 petuò concessit, & indulxit sub certis modo &  
 formâ tunc expressis, prout in litteris ipsius  
 Prædecessoris de super confectis plenius conti-  
 netur. Cùm autem, sicut exhibita nobis nuper  
 pro parte dicti Claudij Præpositi petitio con-  
 tinebat, ex Congregationibus, seu Sodalitiis  
 huiusmodi noui in dies, atque eò maiores, quò  
 plures sunt Sodales, fructus prouenire noscantur;  
 & in multis Collegiis, pro Sodaliũ frequen-  
 tiâ ac disparitate opus fuerit, non vnâ tantùm,  
 sed plures in eodem Collegio Congregationes  
 huiusmodi instituere; quin etiam in eisdem  
 Collegiis, ac etiam Domibus dictæ Societatis  
 alia non studiosorum Scholarium, sed aliorum  
 piorum Christi fidelium Sodalitia, seu Con-  
 gregationes passim instituantur. Vt igitur tam  
 Scholares, quàm ceteri Christi fideles eò prom-  
 ptiores ad huiusmodi Congregationes, vel So-  
 dalitia ingredienda reddantur; & ad piorum  
 operum exercitia magis excitentur, ac excita-  
 ti manu teneantur, quò amplioribus cælestis  
 gratiæ donis se, ac eorum Congregationes, seu  
 Soda-

*Primaria  
 Indulgentias  
 aggregatis  
 Congregatio-  
 nibus com-  
 municandi.*

**SIXTIV.***Positio.*

Sodalitia decoratos, ac resectos, ac decorata,  
 & resecta esse conspexerint; pro parte dicti  
 CLAVDII Præpositi nobis fuit humiliter sup-  
 plicatum, quatenus sibi, ac pro tempore exi-  
 stenti prædictæ Societatis Præposito, seu Vi-  
 cario Generali, vt in quibusuis dictæ Societa-  
 tis Ecclesiis, seu Domibus ac Collegiis tam in  
 Vrbe, quàm extra eam per vniuersum orbem  
 nunc, & pro tempore erectis, seu erigendis,  
 quasuis alias, siue Scholarium tantum, siue  
 aliorum Christi fidelium tantum, siue vtro-  
 rumque simul, tam sub eodem B. M A R I Æ  
 Annuntiata, quàm alio quouis titulo, & inuo-  
 catione Congregationes, seu Sodalitia dictâ  
 auctoritate perpetuò erigendi, instituendi fa-  
 cultatem & licentiam concedere, aliasque in  
 præmissis opportunè prouidere de benigni-  
 tate Apostolicâ dignaremur. Nos igitur, qui  
 dudum inter alia volumus, quòd litteræ super  
 Indulgentiis non expedirentur ad instar, nisi  
 specificarentur; ac animarum salutem, nostris  
 potissimum temporibus, sinceris desideramus  
 affectibus; CLAVDIUM Præpositum, seu Vi-  
 carium prædictum, ac eorum quemlibet à  
 quibusuis excommunicationis, suspensionis,  
 & interdicti, aliisque Ecclesiasticis sententiis,  
 censuris & pœnis, à iure vel ab homine, quauis  
 occasione vel causâ latis, si quibus quomo-  
 dolibet innodatus existit, ad effectum præsen-  
 tium dumtaxat consequendum, harum serie  
 absol-



absoluentes, & absolutum fore censentes, posterioribus supplicationibus hac in parte nobis porrectis inclinati, eidem CLAUDIO, & pro tempore existenti dictæ Societatis Præposito, seu Vicario Generali, vt in quibusvis eiusdem Societatis Ecclesiis, seu Domibus ac Collegiis, tam in dictâ vrbe, quàm extra eam, per vniuersum orbem nunc, & pro tempore erectis, seu erigendis, & instituendis, quasuis alias; siue Scholarium tantùm, siue aliorum Christi fidelium tantùm, siue vtrorumque simul, tam sub eodem B. MARIE Annuntiatæ, quàm alio quouis titulo, & inuocatione, Congregationes seu Sodalitia; vnum scilicet, vel plura in singulis locis, vel Ecclesiis pro personarum frequentia, seu qualitate, auctoritate nostrâ sine alicuius præiudicio, perpetuò erigere & instituere; nec non Congregationes, seu Sodalitia huiusmodi iam nunc, & pro tempore erecta, & instituta eidem Primariæ Congregationi, seu Primario Sodalitio auctoritate Apostolicâ, & vigore præsentium litterarum etiam perpetuò aggregare; eisque sic erectis, institutis, & aggregatis respectiue, eorumque Sodalibus, Scholaribus & non Scholaribus, omnes & singulas, tam plenarias, quàm alias indulgentias, & peccatorum remissiones ac relaxationes; nec non exemptiones, immunitates, ceterasque gratias, facultates, indulta, & priuilegia spiritualia, & temporalia,

SIXTI V.  
*Præcedentis  
facultatis ex-  
tensio ad plu-  
res etiam non  
Scholarium  
Congregatio-  
nes in qui-  
busvis Socio-  
tatis locis eri-  
gendum.*

*Aggregan-  
dum.*

SIXTIV. *Aggregatis  
Primaria, &  
aliarū Con-  
gregationum  
Indulgentias  
communi-  
candi, &  
concedendi.* ralia, tam dictæ Primariæ, quàm singulis aliis in quibuscumque dictæ Societatis Collegiis, vel Domibus aggregatis, vel aggregandis Scholarium, & aliorum Congregationibus, seu Sodalitiis hæcenus tam per dictum, quàm alios quoscumque Romanos Pontifices prædecessores nostros, Nosque & Sedem Apostolicam, ac etiam Regiâ & Imperiali auctoritate, ac tam per viam extensionis, quàm aliàs quomodolibet, & quandocumque concessas, & concessa hæcenus, ac in posterum concedenda quibuscumque aliis, siue Scholarium dumtaxat, siue aliorum Christi fidelium tantum, siue utrorumque simul, ac mixtim Congregationibus, seu Sodalitiis in quibuslibet Collegiis, aut Domibus dictæ Societatis hucusque institutis, ac in posterum instituendis, eorumque Sodalibus Scholaribus, & non Scholaribus, auctoritate Apostolicâ, & vigore præsentium huiusmodi etiam perpetuò communicare, illasque, & illa ad easdem omnes Congregationes, seu Sodalitias, eorumque Sodales etiam non Scholares indifferenter, & æquè principaliter extendere, ac etiam illis concedere, & elargiri liberè & licitè valeat; ita quòd nunc, & quandocumque in futurum ipsi Sodales Scholares, & non Scholares quicumque sint, faciendo, & observando ea, quæ Sodales Primariæ, & aliarum Congregationum, seu Sodalitiorum prædictorum, pro indulgentiis, peccatorum remissionibus,

bus, relaxationibus, & aliis grātiis prædictis consequendis facere, & exequi tenentur; ipsas indulgentias etiam plenarias, & alias huiusmodi gratias, plenariè & integrè consequantur, ac illis fruantur, & potiantur, ac si illæ eis specialiter, & ab initio concessæ fuissent, auctoritate Apostolicâ tenore præsentium perpetuò indulgemus: dictique GREGORII prædecessoris litteras, immunitates, exemptiones, facultates, priuilegia, & indulta; nec non in eis contenta quæcumque, tam respectu dictarum Congregationum, seu Sodalitiorum huiusmodi, quàm dicti, & pro tempore existentis Præpositi, seu Vicarij Generalis dictæ Societatis, ad prædictas Congregationes, seu Sodalitia Scholarium, & non Scholarium etiam Christi fidelium quorumcumque, tam erectas, quàm in posterum, ut præfertur, erigendas, institutas, ac aggregandas pariter perpetuò extendimus: ita ut omnia in illis contenta, & præsentibus litteris huiusmodi concessa, indulta, & elargita, ac si specialiter de verbo ad verbum eisdem præsentibus inserta, eorumque toti tenores expressi forent, concessa esse intelligantur. Decernentes easdem præsentibus litteras sub quibuscumque similium vel dissimilium indulgentiarum, vel aliarum gratiarum reuocationibus, suspensionibus, limitationibus, derogationibus, & aliis contrariis dispositionibus, etiam in fauorem Basilicæ Principis

Apo-

SIXTI V. Apostolorum de dictâ Vrbe, seu Cruciatæ Sanctæ, aut etiam per Nos, seu alios Romanos Pontifices prædecessores nostros, ac dictam Sedem etiam motu proprio, etiam potestatis plenitudine, seu ad quorumvis Imperatorum & Regum instantiam pro tempore quomodolibet factis, minimè comprehendi; sed semper ab illis exceptas, & quoties illæ emanabunt, toties in pristinum statum restitutas, repositas, & plenariè redintegratas, ac de nouo concessas esse, & censi debere: irritumque & inane, si secus super his à quoquam quauis auctoritate, scienter vel ignoranter contigerit attentari. Non obstantibus præmissis, ac voluntate nostrâ prædictâ, nec non Constitutionibus & ordinationibus Apostolicis, ceterisque cōtrariis quibuscumque. Volumus autem quòd si dictæ Congregationes aut Sodalitia, vel eorum quæcumque aliquo modo eidem Societati, vel Domibus seu Collegiis aliquod impedimentum, seu præiudiciū pro tempore attulerint, idē Præpositus, seu Vicarius illas, vel illa, aut eorum singulas, vel singula dissoluere possit: quodque præsentium transumptis etiam impressis, manu Secretarij ipsius Societatis, aut Notarij publici subscriptis, & personæ alicuius in dignitate Ecclesiasticâ constitutæ, seu ipsius Præpositi aut Vicarij Generalis pro tempore existentis eiusdem Societatis sigillo munitis eadem prorsus fides vbique locorum

*Transumptis  
habeatur fides.*



corum in iudicio & extra illud adhibeatur, SIXTI V.  
 quæ adhiberetur eisdem præsentibus, si forent  
 exhibitæ, vel ostensæ. Nulli ergo omnino ho-  
 minum liceat hanc paginam nostræ absolu-  
 tionis, indulti, extensionis, decreti, & volunta-  
 tis infringere, vel ei ausu temerario contraire.  
 Si quis autem hoc attentare præsumpserit, in-  
 dignationem omnipotentis Dei, ac Beatorum  
 Petri & Pauli Apostolorum eius se noverit in-  
 cursurum. Datum Romæ, apud S. Petrum,  
 anno Incarnationis Dominicæ M.D.LXXXVI.  
 NONIS Ianuarij, Pontificatus nostri anno se-  
 cundo.

A. Brigantius.

Pontius Scæua.

*Quibus omnibus, & singulis præmissis tãquàm ritè,  
 rectè, & legitimè factis auctoritatè, & decretum dictæ  
 curiæ, atque nostram interponendam duximus, & in-  
 terposuimus, prout interponimus præsentium per tenorè.  
 In quorũ omnium, & singulorũ fidem, præmissorumq;  
 robur, & testimonium præsentibus nostras exinde fieri,  
 per Notarium nostrum publicum infra scriptum sub-  
 scribi, & publicari, sigilliq; Reu. Camera Apost. quo in  
 talibus utimur, iussimus, & fecimus impressione mu-  
 niri. Datum Romæ, in Palatio nostro Iudiciali, horæ  
 vespertorum Audientiæ caussarum consuetâ, sub anno  
 à Natiuitate D.N. Iesu Christi M.D.LXXXVII. Indi-  
 ctione XV. Die verò XXVI. Mensis Augusti, Pontifi-  
 catus Sanctissimi in Christo Patris, & D.N.D. Sixti*

S

diuinâ

GREG. diuinâ providentiâ Papæ V. anno III. Præsentibus  
 XIV. ibidem Dominis Io. Iacobo de Fabiis, & Marco Antonio Bruto eiusdem nostræ Curie Notariis testibus ad præmissa omnia, & singula vocatis, habitis specialiter, atque rogatis.

S. D. N. G R E G O R I I  
 Papæ XIV. Constitutio, quâ  
 Societatis institutum & ratio  
 gubernandi confirmantur : &  
 ne quid contra hæc à quo-  
 quam tentetur, grauitè inter-  
 dicitur.

GREGORIUS *Episcopus seruus seruorum*  
*Dei, Ad perpetuam rei memoriam.*

Ecclesiæ Catholicæ, cui Deo auctore præsumus, decor atque vtilitas postulat, vt, cùm in omnibus illius membris fouendis, atque ornandis assiduè nobis laborandum sit: in illa tamen præcipuam vigilantie nostræ partem impendere debeamus, quæ non modò ipsa per se robur ac pulchritudinem corpori huic mystico afferunt; sed ceteras etiam eiusdem partes, vel disruptas consolidare, vel integras custodire, vel fœ-  
 datas

datas eluere, atque etiam ornare valeant. GREG.  
 Inter hæc autem quem locum obtineant, re- X I V.  
 ligiosi Ordines, præsertim verò qui proxi-  
 morum vtilitati deseruiunt, non obscure  
 perspicimus, cùm & superiora tempora &  
 præsentia diligenter attendimus. In his  
 verò Religio Societatis I E S V, quam no-  
 uissimis hisce diebus diuina prouidentia  
 excitauit, adeò strenuè laborauit, ac sine in-  
 termissione laborat, vt illius vel turbatio-  
 nem, & infirmitatem ad commune Ecclesiæ  
 damnum; vel pacem atque integritatem, ad  
 eiusdem vtilitatem maximè pertinere pute-  
 mus. Et quoniam neque tranquillitati, ne-  
 que firmitati huiusmodi Ordinum prospe-  
 ctum esse poterit, nisi eorum instituta firmi-  
 ter inconcussa seruentur, iisdemque modis  
 feliciter progrediantur, & crescant, quibus  
 à Fundatoribus, Domino inspirante, atque  
 hac sanctâ Sede approbante, primùm funda-  
 ti sunt; necessarium duximus ea, quæ ab  
 Ignatio huius Ordinis Fundatore ordina-  
 ta, & à prædecessoribus nostris Romanis  
 Pontificibus circa eiusdem Societatis Insti-  
 tutum sancita sunt, Apostolicæ firmitatis  
 munimine denuò roborare. Quamuis enim  
 præfatæ Societatis institutū iam inde ab eius  
 primordiis fuerit per fel. rec. PAVLVM I I I.  
 & IVLIVM etiam I I I. Romanos Pontifices  
 prædecessores nostros approbatum; & à fel.

*Societas com-  
mendatur.*

*Regulares  
Ordines eisdem  
modus  
crescere de-  
bent, quibus  
fundati sunt.*

*Summorum  
Pontificum  
instituti So-  
cietatis ap-  
probationes.*

GREG.  
XIV.

rec. GREGORIO XIII. etiam prædecessore nostro, primò per eius quasdam litteras sub Dat. Kal. Febr. Pontificatus eius anno vndecimo: deinde copiosius per Constitutionem, quæ incipit, *Ascendente Domino*, confirmatum; nihilominùs tamē non idcirco defuerūt, qui adhuc sub zeli & boni specie, aliqua ex iis, quæ in dictis Pontificis approbationibus & confirmationibus continentur, & alia etiam quæ ad Institutum, & rationem gubernandi dictæ Societatis pertinent, variis modis impugnare: quin etiam apud piæ mem. SIXTVM PP. V. prædecessorem item nostrum oblatis libellis, & variis excogitatis modis traducere, & calumniari, atque vt ea, quæ consultissimè sancita erant, infringere, conari veriti non fuerint; instantes scilicet, vt res & negotia Societatis non per Superiores, vt hætenus iuxta illius Constitutiones, & Apostolica diplomata factum est, sed per Capitula, seu Congregationes definiantur: vt electiones tam Prouincialium, quàm Superiorum localium non à Præposito Generali iuxta huiusmodi Constitutiones ac diplomata, sed in Capitulis eisdem fiant: vt Nouitij in Societatem, & ad vota Scholasticorum, peracto bienno Nouitiatus, in Capitulis eisdem admittantur: vt Professioni certum, ac præfixum tempus statuatur, quo exacto, per suffragia Congregatio-

*Impugnanzium inuenta, & præsumptiones.*



gationis religiosi huiusmodi ad Professionem admittantur : vt qui iuxta Institutum **G R E G. X I V.**

ac formulam ipsam votorum, quâ vouerunt, sanctæque huius Sedis approbationem à Societate dimittuntur, non nisi ordinarij iudicij formâ seruâtâ, dimittantur. Illa etiam in controuersiam & examen eodem tempore adducta fuêre, nempe, Nomen ipsum Societatis **I E S V**, quod non esset ita deinceps vocanda: Religiosos non professos non debere ad sacros ordines promoueri : Huiusmodi religiosos non esse prohibendos, quin ad alios regulares Ordines transire; similiter nec laicos, vt ad Sacerdotium, nec alios non professos, vt ad Professionem, aut ad gradus mutationem aspirare possint: Facultatem prætereà eos, qui professi non sunt, dimittendi non probari. Quibus, & huiusmodi aliis nouis impugnantium inuentis si aditus pateret, vniuersa Societatis structura labefactaretur atque conuelleretur. Nos igitur, huiusmodi impugnationibus diligenter consideratis, & perpenso circa reliqua, quæ in controuersiam & examen deducta fuerant, nonnullorum Venerabilium Fratrum nostrorum **S. R. E.** Cardinalium iudicio, qui ex mandato eiusdem **S I X T I** prædecessoris illa accuratè discusserant & examinauerant : Simul etiam perpendentes, primùm quidem quod

*Quadam in  
dubium vo-  
cata.*

GREG.  
XIV.

*Ratio gubernandi in Societate.*

*Primaria quædam electiones in Congregatione fiunt.*

*Graduum discretio, ac officiorum distributio est in manu Præpositi.*

modus ille res & negotia per Capitula definiendi, optimum Societatis ordinem, ac vniuersam gubernandi rationem prorsus euerteret; illam enim Ignatius Fundator, quamuis Superiorum consilium prudentiamque, ac rerum experientiam adiuuare & promouere curauerit, adhibitis scilicet tam Generali Præposito, quàm singulis aliis Superioribus tum Prouincialibus, tum localibus, suis ex selectioribus Consiliariis atque Admonitoribus; monarchicam tamen, & in definitionibus vnius Superioris arbitrio contentam esse decreuit. Deinde quòd ratio Capitularium electionum maxima ipsi Societati afferret incommoda; in quâ, licet electiones quædam primariæ, cuiusmodi sunt Generalis Præpositi, ac illius Assistentium, & Admonitoris in generalibus Congregationibus; in Prouincialibus verò, tam eorum, qui Generalem Præpositum eligere, vel generali ipsi Congregationi cum iure suffragij interesse; quàm Procuratorum etiam, qui è singulis Prouinciis quolibet triennio in Urbem ad Procuratorum Congregationem mittuntur; & eiusmodi quædam aliæ electiones per secreta scrutinia, & decisiua suffragia fiant; In reliquis nihilominus proprii cuiusque gradus iudicium, & officiorum discretio ac distributio, iuxta Constitutiones easdem, & Apostolica diplomata

plomata ipsius Instituti confirmatoria prædictorum PAVLI III. ac IVLII etiam III. prædecessorum nostrorū, tota est in ipsius Præpositi Generalis manu. Quam Præpositi Generalis, ac reliquorum illi subordinatorum Superiorum auctoritatem nonnulli impugnatōres multis modis contrahere ac eneruare tentarunt: denique quòd in ipsorum dimissionibus, qui iuxta formulam Votorum simplicium in Constitutionibus expressam voverunt, quosque in Societate retinere non expedit, nec contractus vitiosè claudicet, nec vlla alia interueniat iniustitia. Considerantes insuper, quòd in regularis disciplinæ, ac spiritualis perfectionis non exiguum detrimentum, totiusque Ordinis perturbationem maximam atque perniciem vergeret, si ea, quæ à Fundatoribus sanctè statuta sunt, atque ab vniuerso ipso Ordine sæpiùs in illius generalibus Congregationibus recepta & approbata, &, quod præcipuum est, ab hac sanctâ Sede sancita & confirmata sunt, non solùm mutari, sed quocumque prætextu impugnari ac labefactari contingat; omni nobis studio curandum esse duximus, eiusmodi nouitatibus, ac temerariis impugnantium præsumptionibus omnem aditum præcludere, ac Societatis indemnitati prospicere: vt hac ratione Societas ipsa nostro & Apostolicæ Sedis præ-

GREG.  
XIV.

*In simplicibus Societatis votis, nec contractus vitiosè claudicat, nec iniustitia vlla intercedit.*

GREG.  
XIV.

*Novæ In-  
stituti, Constitu-  
tionum, ac  
præmissorum  
omnium, &  
privilegiarum  
Societatis  
confirmatio.*

*In Congrega-  
tionibus pro-  
cedatur iux-  
ta Constitu-  
tiones & de-  
creta.*

fidiō munita, atque in sui Instituti puritate,  
& Regularis disciplinæ integritate, quiete  
ac pace conseruata, vberiores in dies fructus  
in agro Domini pergat, ipso Domino adiu-  
uante, alacriter, absque impedimento pro-  
ferre. Motu igitur proprio, & ex certâ scien-  
tiâ nostrâ, dequē Apostolicæ potestatis plen-  
itudine, laudabile ipsius Societatis Insti-  
tutum, Constitutionesque omnes, ac statuta  
& decreta, & quæ illud concernunt præ-  
missa omnia, & singula, prædictaque, ac  
quæcumque alia eius priuilegia, facultates,  
exemptiones, immunitates, gratias, & in-  
dulta à prædictis, seu etiam ab aliis præde-  
cessoribus nostris, etiam per communicatio-  
nem, concessa, qualiacumque illa, ac si ad  
verbum præsentibus infererentur, pro ex-  
pressis habentes, tenore præsentium appro-  
bamus & confirmamus; suppletes omnes  
iuris ac facti defectus, si qui interuenerunt  
in eisdem. Et nihilominus hac nostrâ perpe-  
tuò valiturâ Constitutione, Motu, scientiâ,  
& potestatis plenitudine similibus, statui-  
mus, decernimus, & ordinamus, vt in Socie-  
tatis prædictæ Congregationibus quibus-  
cumque eo prorsus modo procedatur, atque  
ea tantum tractentur & definiantur, quæ in  
Constitutionibus, ac Congregationum ge-  
neralium decretis statutum iam est, vel in  
posterum statuetur vt in eisdem Congrega-  
tioni-



tionibus tractentur & definiantur. Electio GREG.  
 verò Superiorum tam Prouincialium, & XIV.  
 Visitatorum, quàm quorumcumque loca- Superiorum  
 lium tota sit penes Præpositum Generalem electio tota sit  
 iuxta Constitutiones easdem; prout penes penes Præpo-  
 ipsum esse, & conseruari districtè præcipi-  
 mus, cum potestate illorum facultatem re-  
 uocandi, restringendi, & etiam augendi, ac  
 administrationis rationem ab illis exigen-  
 di, & eosdem ab officio remouendi, prout  
 in Domino iudicauerit expedire. Nouitios Nouitijs ad  
 etiam, tam in eorum admissione ad Socie- Societatem,  
 tatem, quàm ad Scholasticorum vota post & Scholasti-  
 biennium Nouitiatus iuxta Societatis mo- corum vota  
 rem, per Superiores admittendos esse. Gra- per Superio-  
 duum etiam discretio, & iudicium, ac Coad- res admitten-  
 iutorum tam spiritualium, quàm tempora- di.  
 lium, simulque & Professorum promotio Graduum  
 iuxta huiusmodi Constitutiones similiter sit discretio, &  
 in manu Præpositi Generalis. Tempus au- ad illos pro-  
 tem promotionis ad huiusmodi gradus, motio fit in  
 nullo modo volumus certum seu determi- manu Præ-  
 natum esse; sed Constitutiones ac diplo- positi.  
 mata prædicta hac etiam in parte omnino  
 obseruari volumus & mandamus; quæ  
 statuunt selectos tantùm spiritus & doctri-  
 næ viros, & multùm diuque exercitatos, ac  
 in variis probationibus virtutis, & abne-  
 gationis sui ipsorum, cum omnium ædifi-  
 catione & satisfactione, satis cognitos ad

GREG.  
XIV.

*Qui ad pro-  
fessionem ad-  
mittendi.*

*Promoueri  
non debent,  
nisi cum So-  
cietati fuerit  
ab eis satisfa-  
ctum.*

*Omnis aucto-  
ritas Præposi-  
to concessa in-  
uiolatè con-  
seruetur.*

Professionem esse admittendos; & denique non nisi cum Societati, vel eius Præposito Generali fuerit ab eis plenè in Domino satisfactum. Omnis verò auctoritas, omnes denique facultates per dictę Societatis Constitutiones, & Apostolica diplomata Præposito Generali concessæ, tam in iis quæ ipse per se exercere debet, quàm in communicatione Prouincialibus, & Visitoribus, ac aliis quibuscumque Superioribus per ipsum facienda, integrè & inuiolatè conseruentur. Quoniam, vt ratio ipsa docet, & Ignatius Fundator prudenter animaduertit, ad hoc vt Societas benè gubernetur, valdè expedit, vt Præpositus Generalis omnem habeat in eâ auctoritatem ad ædificationem, ex quâ præter cetera quàm plurima, illud sequetur commodi, vt vniuersus Ordo ad monarchicam gubernationem compositus maximè seruetur vnitus; ipsiusque membra per vniuersum orbem dispersa, per omnimodam hanc subordinationem suo capiti colligata, promptiùs atque faciliùs à summo capite Christi in terris Vicario, ad varias functiones iuxta eorum peculiarem vocationem, ac speciale votum dirigi atque moueri possint.

*Formam in-  
diciariam in  
dimissionibus  
seruandam  
non esse.*

Quod verò attinet ad dimissionem, declaramus formam iudiciariam adhibendam non esse, sed modum in Constitutionibus præscriptum, & hæcenus in ipsâ Societate ser-

uatam

uatum de cetero seruari volumus, nempe vt etiam sine aliquo processu, telâ, aut ordine iudiciario, ac nullis terminis etiam substantialibus seruatis, solâ facti veritate inspectâ, culpæ, vel rationabilis. causæ tantum ratione habitâ, ac personarum, aliarumque circumstantiarum (quarum consideratio sit cum caritate & prudentiâ coniuncta) procedi possit, auctoritate prædictâ declaramus & decernimus. Quin etiam omnes facultates, omnemque iurisdictionem, quod ad subditorum correctionem & punitionem pertinet, quibuscumque Ordinibus, eorumque Generalibus hætenus concessas, non ad instar, sed æquè principaliter, ipsi Societati, eiusque Præposito Generali concedimus, & elargimur. Quo verò ad reliqua, quæ in controuersiam vocata erant, sic statuimus. Nomen Societatis IESV, quo laudabilis hic Ordo nascens à Sede Apostolicâ nominatus est, & hætenus insignitus, perpetuis futuris temporibus in eâ retinendum esse: ac Religiosos huiusmodi post emissâ vota, etsi simplicia, ad sacros, etiam Presbyteratus, ordines iuxta Summorum Pontificum concessionem, promoueri posse: eisdemque, emissis huiusmodi votis, ad quemuis alium Ordinem Mendicantium, vel non Mendicantium, (Carthusiensem dumtaxat excepto) transire minimè licere: Laicos, vel alios non Sacer-

GREO.  
XIV.

*Omnes facultates ad correctionem & punitionem aliis Ordinibus concessas, Societati eiusque Præposito conceduntur.*

*Nomen Societatis IESV esse retinendum.*

*Societatis religiosos emissis votis simplicibus, ad sacros ordines promoueri posse.*

*Ad nullum Ordinem (Carthusiensem excepto) eis transire licet.*

dotes

GREG.  
XIV.

*Ad Sacerdotium, vel ad professionem, aut cuiusvis gradus mutationem aspirare non debere.*

*Perturbatorum audacia coercetur.*

*Præcipitur omnibus in virtute sanctæ obedientiæ;*

*Regularibus verò etiam sub excommunicationis lata sententia, inhabilitatis, ac vocis actus & passus privationis pœnis eo ipso incurrendis;*

dotes ad Sacerdotium, vel eosdem, aut qui Sacerdotes sunt, ad professionem, aut cuiusvis alterius gradus mutationem aspirare non debere. Potestatem quoque à Societate dimittendi quosvis non professos ab hac Sede Apostolicâ sæpiùs approbatam; eosque ab omni obligatione votorum iuxta Constitutiones & diplomata huiusmodi emissorum, per dimissionem ipsam, per quam vota prædicta cessant, liberandi, tamquam rem magni momenti ad Societatis puritatem & conservationem retinendam, omnino ratam, intactam, & illibatam esse volumus. Et ut perturbatorum, & contradicentium audacia coercetur; ac ne ipsi, vel pernicioso eorum exemplo alij in posterum, quæ ab hac Apostolicâ Sede semel stabilita sunt, præcipuè circa Regularium, Ordinum institutionem & confirmationem, in quibus alioquin ad eandem Sedem tantum manus apponere spectat; impugnare aut enervare impunè præsumant, aut vlllo modo valeant; præcipimus in virtute sanctæ Obedientiæ vniuersis & singulis personis, tam sæcularibus quàm quorumvis Ordinum Regularibus, cuiuscumque status, gradus, & præminentiae existant, etiamsi Episcopali, Archiepiscopali, Patriarchali, aut maiori Ecclesiasticâ dignitate, seu Cardinalatus honore, vel munda-

danâ



danâ quavis auctoritate, seu excellentiâ præfulgeant: ipsis verò Regularibus, etiam di-

ctæ Societatis Religiosis, sub pœnis excommunicationis latæ sententiæ, nec non inhabilitatis ad quavis officia, & dignitates, vocisque tam actiue, quàm passivæ priuationis, eo ipso absque aliâ declaratione incurrendis (quarum absolutionem Nobis, ac Successoribus nostris dumtaxat reseruamus)

*Ne Societatis  
Institutum,  
Constitutio-  
nes, aut' de-  
creta, impu-  
gnent, vel al-*

ne dictæ Societatis Institutum, Constitutiones, aut decreta, vel ex eis quippiam, aut ex præmissis omnibus articulum quemlibet, vel aliud quid supradicta concernens, maioris boni, aut zeli, seu quouis alio quæsito colore, aut prætextu directè vel indirectè, impugnare, vel immutari, alterari, aut formam aliam, seu rationem circa ea induci

*Aut contra  
vel præter ea  
agent, vel  
quidpiam  
vlli alij alto-  
randum præ-  
terquàm Ro-  
man. Pontif.  
idq; imme-  
diatè, vel per  
Legatum, aut  
Societati, vel  
Præposito  
proponant.*

curare, aut contra, vel præter ea, seu quavis alia ipsius instituti substantialia agere: vel quippiam vlli alij, præterquàm Nobis, aut Romano Pontifici pro tempore existenti, idque immediatè, vel per nostrum, aut Sedis Apostolicæ Legatum, seu Nuntium, vel ipsius Societatis generali Congregationi, aut Præposito Generali, addendum, minuendum, aut immutandum, siue alterandum proponere quoquo modo audeant vel præsumant. Pœnas denique omnes in GREGORII XIII. prædecessoris prædicti Constitutione (*Ascendente Domino*)

con-

**GREG.** contentas, ac Constitutionem eamdem, cum  
**XIV.** omnibus & singulis in eâ contentis, ac si ea  
*Innouantur* omnia ad verbum præsentibus infererentur,  
*pæna Constit.* per præsentis approbamus & innouamus.  
*fel. rec. GRE-*  
**GORII XIII.** Decernentes præmissa omnia & singula, nec  
*omniaq; in ea* non præsentis, ac in eis contenta quæcum-  
*contenta con-*  
*firmantur.* que nullo vnquam tempore, etiam ex eo,  
 quodd interesse forsan habentes ad id vocati  
 non fuerint, vel alio quocumque prætextu,  
 & ex quauis causâ quantumuis vrgenti, le-  
*Præsentis de*  
*subreptionis*  
*vitio notari*  
*non posse.* gitimâ, & rationabili de subreptionis vel  
 obreptionis vitio, aut intentionis nostræ,  
 vel alio quouis defectu notari, impugnari,  
 inuolidari, retractari, annullari, reuocari, ad  
 viam iuris reduci, in dubium, vel controuer-  
 siam reuocari, aut aduersus illa quodcum-  
 que iuris, facti, vel gratiæ remedium impe-  
 trari posse vel debere: nec sub quibusuis si-  
 milium, vel dissimilium gratiarum reuoca-  
 tionibus, suspensionibus, limitationibus,  
 modificationibus, derogationibus, aut aliis  
 contrariis dispositionibus comprehendi, sed  
 ab illis semper excepta, & quoties emana-  
 bunt, toties in pristinum, & cum, in quo an-  
 teâ quomodolibet erant, statum restituta, re-  
 posita, & plenariè redintegrata, ac de nouo  
*Nec sub qui-*  
*busuis reuo-*  
*cationibus*  
*comprehendi.* etiam sub Datâ per Societatem, illiusque  
 Præpositum Generalem, & alios Superiores  
 prædictos quandocumque eligendâ, de nouo  
 concessa, ac etiam confirmata, & approbata,  
 vali-

valida quæ, efficacia, & illibata, etiam absque eo quod desuper à dictâ Sede illorum ulte-  
rior restitutio, revalidatio, confirmatio, seu noua concessio impetranda sit, fore, & esse, suosque plenarios & integros effectus sortiri, & obtinere, ac easdem præsentès litteras ad probandum plenè omnia & singula præmissa sufficere, nec ad id alterius probationis adminiculum requiri. Sicque in præmissis omnibus, & singulis per quoscumque Iudices & Commissarios, etiam caussarum Palatij Apostolici Auditores, ac Sanctæ Romanæ Ecclesiæ Cardinales, etiam de Latere Legatos, in quauis causâ & instantiâ, sublatâ eis, & eorum cuilibet, quauis aliter iudicandi & interpretandi facultate & auctoritate, iudicari & definiri debere: nec non irritum & inane quidquid secus super his à quoquam quauis auctoritate, scienter vel ignoranter contigerit attentari. Mandantes vniuersis & singulis Patriarchis, Archiepiscopis, Episcopis, ac ceteris Ecclesiarum & Locorum etiam Regularium Prælati per vniuersum orbem constitutis, vt præsentès litteras, in suis quisque Ecclesiis, prouinciis, ciuitatibus, diocesium, & iurisdictionibus ab omnibus inuiolatè obseruari faciant. Quin etiam Præpositum, ac personas Societatis huiusmodi defendant, eosque præmissis omnibus, & singulis pacificè frui faciant & gaude-

GREG.  
XIV.

*Sic iudicari  
debere.*

*Mandatur  
ordinariis vt  
curent præ-  
sentès litteras  
ab omnibus  
obseruari.*

GREG.  
XIV.

*Non obstantibus, &c.*

gaudere; non permittentes, ipsos per quoscunque quomodolibet molestari, contradictores per censuras Ecclesiasticas, & alia iuris & facti remedia opportuna, appellatione postpositâ, compescendo, inuocato ad hoc etiam, si opus fuerit, auxilio brachij sæcularis. Non obstantibus tam ipsius SIXTI prædecessoris super modo & formâ admittendi Nouitios ad Religionem, quàm aliis quibusuis Constitutionibus & ordinationibus Apostolicis, aut decretis per eundem, vel quoslibet alios prædecessores nostros, etiam viuæ vocis oraculo, aut aliàs quomodolibet editis, ac etiam aliorum ordinum iuramento, confirmatione Apostolicâ, vel quauis firmitate aliâ roboratis statutis, & consuetudinibus, priuilegiis quoque, indultis, & litteris Apostolicis quibuscunque; huiusmodi Ordinibus, Vniuersitatibus, locis, aut personis per quoscunque Romanos Pontifices prædecessores nostros, ac Nos, & Sedem prædictam, etiam Motu proprio, & ex certâ scientiâ, ac de Apostolicæ potestatis plenitudine, & cum quibusuis irritatoriis, annullatiuis, cassatiuis, reuocatiuis, modificatiuis, præseruatiuis, exceptiuis, declaratiuis, mentis attestatiuis, ac derogatoriis derogatoriis, aliisq̃ue efficacioribus, & insolitis clausulis, irritatibusq̃ue, & aliis decretis in genere, vel in specie, ac aliàs quomodolibet



libet etiam pluries concessis, confirmatis, & GREG  
 innouatis. Quibus omnibus, & singulis, et- XIV.  
 iam si in eis caueatur expressè, quòd illis nul-  
 latenus, aut nō nisi sub certis modo & formâ  
 in illis expressis derogari possit, pro illorum  
 sufficienti derogatione, de illis, eorumque  
 totis tenoribus specialis, specifica & ex-  
 pressa mentio habenda, seu aliqua alia ex-  
 quisita forma ad hoc seruanda foret; teno-  
 res huiusmodi præsentibus pro sufficienter  
 expressis habentes, illis aliàs in suo robore  
 permanfuris, hac vice dumtaxat specialiter,  
 & expressè derogamus, contrariis quibus-  
 cumque: aut si aliquibus communiter, vel  
 diuissim ab eadem Sede sit indultum, quòd  
 interdicti, suspendi, vel excommunicari non  
 possint per litteras Apostolicas non facien-  
 tes plenam & expressam, ac de verbo ad ver-  
 bum, de indulto huiusmodi mentionē. Præ-

*Præsens con-  
 cessio non  
 communica-  
 tur.*

sentis autem Constitutionis & gratiæ com-  
 municationem omnibus aliis, qui sua priui-  
 legia cum ipsâ Societate copiosè partici-  
 pant, participareque poterunt quomodolibet  
 in futurum, fieri omnino prohibemus.  
 Ceterum volumus, vt præsentium transsump-  
 ptis, etiam impressis, manu Secretarij dictæ  
 Societatis, vel Notarij publici subscriptis,  
 & sigillo Præpositi Generalis eiusdem So-  
 cietatis, vel alterius personæ in dignitate  
 Ecclesiasticâ constitutæ munitis, eadem

*Transumptis  
 habeatur fi-  
 des.*

T omnino

**GREG.** omnino fides habeatur in iudicio & extra  
**XIV.** illud, quæ litteris ipsis originalibus haberetur, si essent exhibitæ vel ostensæ. Nulli ergo omnino hominum liceat hanc paginam nostræ approbationis, confirmationis, suppletionis, statuti, ordinationis, decretorum, concessionis, elargitionis, præcepti, reservationis, innouationis, mandati, declarationis, derogationis, prohibitionis, & voluntatis infringere, vel ei ausu temerario contraire. Si quis autem hoc attemptare præsumperit, indignationem omnipotentis Dei, ac B.B. Petri & Pauli Apostolorum eius se noverit incursurum. Datum Romæ, apud S. Petrum, anno Incarnationis Dominicæ millesimo quingentesimo nonagesimo primo, iv. Kalendas Iulij, Pontificatus nostri anno primo.

L. Dat.

M. Vestrius Barbianus.

A. de Alexiis.

Registrata apud Marcellum Secretarium.

Anno

Anno à Natiuitate Domini M. D. XCI. GREG.  
Indict. IV. Die verò Veneris, xxviii. Mensis XIV.  
Iunij, Pontificatus Sanctissimi in Christo  
Patris & D.N.D. GREGORII Diuinâ pro-  
uidentiâ Papæ XIV. anno primo. Retro-  
scriptæ litteræ Apostolicæ affixæ, lectæ, &  
publicatæ fuerunt, & per aliquod temporis  
spatium dimissæ in Valuis Basilicarum Prin-  
cipis Apostolorum de Vrbe, & S. Ioannis  
Lateranensis; nec non Cancellariæ Aposto-  
licæ, & Aciei campi Floræ, per nos Laër-  
tium Cecchettum, & Franciscum Baron  
S.D.N. Papæ Curfores.

Claudius Mongeat Magister Curforum.

GREG.  
XIV.

G R E G O R I I X I V .

FACULTAS NOVITIOS,

Iuxta Constitutiones admit-  
tendi, & cum illegitimis dis-  
pensandi, Societati restituitur,  
& de nouo conceditur.

A N N O M. D. X C I .

G R E G O R I V S P A P A X I V .

*Ad perpetuam rei memoriam.*

**E**Xponi nobis nuper fecit dilectus filius  
Claudius Aquaiua Societatis IESV Præ-  
positus Generalis, quòd, cùm in ipsâ Socie-  
tate, iuxta illius institutum Apostolicâ au-  
thoritate confirmatum, nec Conuentus, seu  
Congregationes generales, nisi ad Præposi-  
tum Generalem eligendum, & aliàs rarissi-  
mè, & ex causis tantùm magni momenti;  
neque Prouinciales, in quibus, iuxta felicitis  
rec. SIXTI Papæ V. prædecessoris nostri prio-  
rem de Nouitiis admittendis Constitutio-  
nem, quæ incipit, *Cùm de omnibus*, Nouitij ipsi  
admitti deberent; frequentius, quàm singu-  
lis trienniis, cogantur: Et dum hæ coguntur,  
duodecim ad summum dies durare, in qui-  
bus



bus non de Nouitiis admittendis, sed gra-  
uiora alia, iuxta Societatis eiusdem Consti-  
tutiones, tractari debent. Ratio verò depu-  
tandi eos, qui Nouitios extra Congregationes ipsas, iuxta posteriorem eiusdem præde-  
cessoris declarationem, admittere possint;

GREG.  
XIV.

primùm quidem valdè difficulter & incom-  
modè in praxim deduci possit: præsertim in  
regionibus Aquilonaribus, & Ultramarinis,  
propter magnam Collegiorum inter se di-  
stantiam, & sæpissimè etiam propter itine-  
rum difficultates, bellaque, & alia pericula.  
Denique etiam in vniuersum modus ille mi-  
nùs exactus sit eo modo, quem Societas ipsa  
sequitur, cùm in illo duo vel tres deputati  
sufficiant, in hoc plures communiter inter-  
ueniant. Et postremò, cùm ratio illa decer-  
nendi valdè differat à modo, quem Societa-  
tis Constitutiones, & Apostolica diplomata  
in deliberationibus faciendis, ac vniuersà il-  
lius gubernatione præscribunt; iuxta quem  
modum, Superior ( auditis in rebus alicuius  
momenti Consultoribus ) decernit, quod sibi  
ad maiorem Dei gloriam facere videtur.  
Admissio autem illa per deputatos, cùm ad  
eorum suffragia non consultiua ( vt sunt in  
Societate ) sed decisiva fieri debeat, diuersi-  
tatem non paruam in Societatem inducit.  
Quare nobis humiliter supplicari fecit di-  
ctus Claudius, quatenus statui & indemni-

GREG.  
XIV.

*Facultas No-  
uitior, iuxta  
Constitutio-  
nes admit-  
tendi, & cum  
illegitimis  
dispensandi.*

tati dictæ Societatis consulentes, in præmissis opportunè providere de benignitate Apostolicâ dignaremur. Nos igitur, qui Societatem prædictam, propter eius in Ecclesiâ Dei vberes fructus, synceris semper amplexi sumus affectibus; atque, ut vberiores in dies proferre valeat, integram & intactam illi suos Nouitios admittendi, & tam cum illis, quàm cū veteranis illegitimis dispensandi, facultatem seruari cupimus; prædictum Claudium specialibus fauoribus & gratiis prosequi volentes, & à quibuscumque excommunicationis, suspensionis, & interdicti, aliisque Ecclesiasticis sententiis, censuris, & poenis à iure vel ab homine, quauis occasione vel causâ latis, si quibus quomodolibet innodatus existit, ad effectum præsentium dumtaxat consequendum, harum serie absoluentes, & absolutum fore censentes, huiusmodi supplicationibus inclinati, Societati prædictæ, ut ex nunc deinceps perpetuis futuris temporibus tam in Nouitiis, etiam cuiusvis generis illegitimis admittendis, quàm in dispensationibus ad quælibet officia, gradus, & dignitates in Societate obtinenda, ipsis cuiusvis generis illegitimis concedendis formam & rationem omnimodam in illius Apostolicis diplomatis ac privilegiis quibuscumque, necnon & in Constitutionibus, decretis, & regulis expressam, liberè

&

& licitè prosequi & retinere valeat, Apo-  
 stolicâ auctoritate decernimus; &, quate-  
 nus opus sit, etiam de nouo concedimus &  
 indulgemus, eamque perpetuò obseruari  
 volumus & mandamus. Prædictis, ac nostrâ  
 nuper editâ, quæ incipit, *Circumspecta*, aliis-  
 que Constitutionibus & ordinationibus  
 Apostolicis non obstantibus quibuscumque.  
 Volumus autem, quòd præsentium trans-  
 sumptis etiam impressis, manu dictæ Socie-  
 tatis Secretarij, aut Notarij publici subscri-  
 ptis, ac personæ alicuius in Ecclesiasticâ di-  
 gnitate constitutæ, seu Præpositi Generalis  
 pro tempore existentis eiusdem Societatis,  
 sigillo munitis, eadem prorsus fides vbique  
 locorum, in iudicio, & extra illud adhibea-  
 tur, quæ eisdem præsentibus adhiberetur, si  
 forent exhibitæ vel ostensæ. Datum Romæ,  
 apud S. Marcum, sub annulo Piscatoris, die  
 xxx. Augusti, M. D. XCI. Pontificatus nostri  
 anno primo.

GREG.  
 XIV.

*Non obstan-  
 tibus, &c.  
 Transumptis  
 habeatur fi-  
 des.*

M. Vestrius Barbianus.

Super quibus omnibus, & singulis præmissis tam-  
quàm ritè, rectè, & legitimè factis auctoritatem, &  
decretum dictæ curiæ, atque nostram interponendam  
duximus, & interposuimus, prout interponimus præ-  
sentium per tenorem. In quorum omnium, & singulo-  
rum fidem, præmissorumq; robur, & testimonium præ-  
sentes nostras exinde fieri, per Notarium nostrum pu-  
blicum infrascriptum subscribi, & publicari, sigilliq;  
Reu. Camera Apost. quo in talibus utimur, iussimus,  
& fecimus impressione muniri. Datum Roma, in Pa-  
latio nostro Iudiciali, horâ vesperorum Audientia  
caussarum cõsuetâ, sub anno à Natiuitate D. N. IESV  
Christi M. D. XCVIII. Indictione XI. die verò X.  
mensis Nouembris, Pontificatus Sanctissimi in Chri-  
sto Patris, & D. N. D. CLEMENTIS diuinâ prou-  
identiâ Papæ VIII. anno septimo. Præsentibus ibidem  
Dominis Marco Antonio Bruto, & Ioan. Francisco  
Vgolino, eiusdem nostræ Curiæ Notariis, testibus ad  
præmissa omnia, & singula vocatis, habitis specialiter,  
atque rogatis.

B R E-



BREVE SANCTISS. D. N. CLEM.  
 CLEMENTIS VIII. VIII.

Quo Societatis Religiosis vsus  
 Bullæ Cruciatæ , quoad eli-  
 gendum Confessarium, & ob-  
 tinendam absolutionem à re-  
 seruatis interdicitur.

A N N O M. D. XCV.

C L E M E N S P A P A V I I I .

*Ad perpetuam rei memoriam.*

R O m a n u s P o n t i f e x a d e a s o l l i c i t u d i n i s  
 suæ partes intendere debet, per quæ Re-  
 ligiosorum status in pace & quiete tutius  
 conseruatur. Sanè cùm ratio doceat, & ex-  
 perientiâ compertum sit, Religionibus val-  
 dè perniciosum existere, vt earum Religio-  
 sis licitum sit Confessarium sibi eligere; &  
 licet fel. rec. GREGORIUS Papa XIII. Præ-  
 decessor, per suas in formâ Breuis litteras  
 expressè prohibuerit, ne Religiosi Societa-  
 tis IESV facultatibus Cruciatæ Sanctæ vti  
 absque Superiorum suorum licentiâ vale-  
 rent; nihilominùs, quia nonnulli existimant,  
 ex clausulis litterarum dictæ Cruciatæ cui-

CLEM.  
VIII.

*Nostris inter-  
dicatur usus  
Cruciatæ.*

cumque ipsius Societatis priuilegio derogari, & propterea ipsis Religiosis huiusmodi facultatibus vti licitum esse; speciali ad hoc nostro, & Apostolicæ Sedis opportuno remedio necesse sit; Nos pro nostri pastoralis muneris debito, ea, quæ ipsius Societatis quieto & pacifico statui, ac debitæ Superioribus obedientiæ cōseruandæ opportuna esse cognoscimus, salubriter providere volentes, Motu proprio, & ex certâ scientiâ, merâque deliberatione nostrâ, ac de Apostolicæ potestatis plenitudine, hac nostrâ perpetuò valiturâ Constitutione sancimus, nulli Religiosorum eiusdem Societatis licere facultatibus Cruciatæ huiusmodi in quacumque mundi parte publicatæ, vel publicandæ, quoad eligendum Confessarium, & obtinendam absolutionem à casibus reservatis vti; nec eis, quoad hanc eligendi Confessarium, & obtinendi absolutionem prædictam facultatem, Cruciatam huiusmodi suffragari. Sicque per quoscumque Iudices ordinarios, & delegatos, sublatâ eis aliter iudicandi & interpretandi facultate, iudicari & definiri debere, ac irritum & inane, quidquid secus super his à quoquam quauis auctoritate, scienter vel ignoranter contigerit attentari decernimus. Non obstantibus præmissis, ac quibusvis Constitutionibus & ordinationibus Apostolicis, statutis quoque, &

& consuetudinibus, etiam iuramento, confirmatione Apostolicâ, vel quavis firmitate aliâ roboratis, ceterisque contrariis quibuscumque. Volumus autem, ut præsentium transumptis, etiam impressis, manu Secretarij dictæ Societatis, vel Notarij publici subscriptis, & sigillo eiusdem Societatis, vel personæ in dignitate Ecclesiasticâ constitutæ munitis, eadem ubique fides habeatur, quæ præsentibus ipsis haberetur. Datum Romæ, apud S. Marcum, sub annulo Piscatoris, die xiv. Iunij, m. d. xcv. Pontificatus nostri anno quarto.

CLEM.  
VIII.

*Transumptis  
habeatur fides.*

M. Vestrius Barbianus.

EX-

## E X T E N D I T V R

Facultas erigendi Congregationes, Primariæq; Romanæ aggregandi, ac Indulgentias eis communicandi, Generali Societatis IESV Præposito aliàs concessa, etiam in Residentiis.

A N N O M. D C I I.

*Dilecto filio Præposito Generali  
Societatis, CLEMENS Papa VIII.*

**D**ilecte fili salutem & Apostolicam benedictionem. Cùm, sicut nobis nuper exponi fecisti, Presbyteri Societatis IESV in Insulâ Chienfi residentes, vnam Congregationem laicorum ad instar aliarum Congregationum personarũ sæcularium apud Collegia & Domos professas eiusdem Societatis erectarum, quarum personæ Ecclesiastica Sacramenta frequentare, & alia exercitia & opera pia & spiritualia exercere consueuerunt, erexerint; & ipsius Congregationis, vt præfertur, erectæ personæ magno cum fructu & ædificatione Ecclesiastica huiusmodi Sacramenta frequentent, &  
exer-



exercitiis ac operibus piis & spiritualibus C L E M.  
vacare studeant; Cumque ut maiori cum VIII.  
fructu & spirituali consolatione in illis perseuerent, & alij Christi fideles ad illa alliciantur, quod vberius cælestium gratiarum donis conspexerint se esse refectos; cupiant Congregationi primariæ Collegij Romani, ut Indulgentiarum & gratiarum spiritualium eidem Congregationi Collegij Romani dictæ Societatis per Romanos Pontifices concessarum participes fiant, aggregari; Tuque non solum Congregationem prædictam in Insulâ Chienfi, sed alias etiam Congregationes apud quascumque Residentias Societatis IESV erectas, & erigendas, eidem Congregationi Primariæ Collegij Romani aggregare, illisque Indulgentias & gratias spirituales huiusmodi communicare, ex nostrâ speciali gratiâ posse cupias; nobis humiliter supplicari fecisti, ut opportunam ad hoc facultatem tibi concedere de benignitate Apostolicâ dignaremur; Nos *Extenditur  
facultas Congregationes  
erigendi, &c.*  
igitur piis votis tuis benignè annuere volentes, huiusmodi supplicationibus inclinati, tibi prædictam Insulæ Chienfis, & quascumque alias similes Congregationes apud quascumque Residentias Presbyterorum dictæ tuæ Societatis IESV iam erectas, & in posterum erigendas, prædictæ Congregationi Primariæ Collegij Romani aggregandi;

**CLEM.  
VIII.**

di; illisq̃ue Indulgentias & gratias spirituales per quoscumque Romanos Pontifices, Prædecessores nostros, ac nos, & Apostolicam Sedem eidem Congregationi Primariæ cōcessas, communicandi facultatem, auctoritate Apostolicâ tenore præsentium concedimus & impertimur. Non obstantibus nostrâ de non concedendis Indulgentiis ad instar, aliisq̃ue Constitutionibus, & ordinationibus Apostolicis, ceterisq̃ue contrariis quibuscumque. Datum Romæ, apud S. Marcum, sub annulo Piscatoris, die xxx. Augusti, M. DC. II. Pontificatus nostri anno vndecimo.

**M. Vestrius Barbianus.**

**BVL**

## PAVLI QVINTI,

Quâ Institutum & Priuilegia Societatis confirmantur: præsertim verò Constitutiones Gregorij XIII. & XIV. approbantur, & de nouo conceduntur.

ANNO M. DC. VI.

PAVLVS *Episcopus Seruus seruorum Dei, Ad perpetuam rei memoriam.*

**Q**Vantum Religio Societatis IESV in Ecclesiâ ad fidei, pietatis, & religionis augmentum profecerit, & in dies magis proficiat; Nos ipsi scimus, & Christiana Respublica nouit vniuersa. Propterea illam diuersimodè perturbare, ab incepto retardare malis artibus humani generis hostis quotidie nititur: è contrà verò illam & in suo laudabili proposito confouere, & ad Instituti ipsius puritatem & nitorem pristinum retinendum adiuuare, in quo vno solo vis Religionis consistit, procurarunt prædecessores nostri, & Nos totis viribus contendimus. Accepimus siquidem  
quòd

PAVLIV. quòd licet institutum ipsum iam inde ab initio fuerit à fel. rec. PAVLO III. semel per quasdam sub datum v. Kalendas Octobris, Pontificatus sui anno sexto, & iterùm per alias sub datum pridie Idus Martij eiusdem Pontificatus sui anno decimo; & à IVLIO etiam III. per alias sub datum xii. Kalend. Augusti, Pontificatus sui anno primo; ac à GREGORIO XIII. per alias etiam semel sub datum Kalendis Februarij, Pontificatus sui anno vndecimo; & iterùm per alias sub datum vii. Kalendas Iunij, Pontificatus sui anno tertiodecimo; & denique à GREGORIO XIV. Romanis Pontificibus, Prædecessoribus nostris per alias litteras sub datum iv. Kalendas Iulij, Pontificatus sui anno primo; approbatum & confirmatum, & in pristino candore, quo dicta Societas à bonæ memoriæ Ignatio Loyola, illius institutore & fundatore, sancto Spiritu inspirante, decoratum, aduersus malas quorundam quæ sua sunt, non quæ IESV Christi, quærentium impugnationes & calumnias, Apostolicâ auctoritate, pœnis etiam adhibitis conseruatum. Nihilominùs quia nonnulli inquieti spiritus ad suam temeritatem promouendam, perpetuitatem Præpositi Generalis dictæ Societatis in illius Constitutionibus statutam, & perpetuo vsu in dictâ Societate quemadmodùm & in Religione S. Domi-

nici,

*Perpetuitatis  
Præpositi  
Gener. &  
aliarum re-  
rum Instituti  
impugnatio.*



nici, sancitam & approbatam impugnare, **PAVLIV.**  
 atque immutandam satagere veriti non sunt;  
 & prætextu melioris gubernationis vnitatem  
 eiusdem Societatis scindere, nationum  
 collectionem (quæ ingens gloria dictæ So-  
 cietatis est) dissoluere, atque in partes mise-  
 rè diffecare, nec vnam, sed multas Societates  
 statuere cupientes, certum aliquod in suis  
 regionibus caput, & vt vocant Commissa-  
 rium, aut perpetuum Visitatorem statui de-  
 siderarunt, & fortè desiderant; & multa alia  
 noua, quæ quietem & tranquillitatem ipsius  
 Ordinis perturbant, regularem disciplinam,  
 obedientiam, & illius statuta labefactant,  
 moliti fuerunt, tentarunt, & forsan impe-  
 trarunt. Propterea ipsa Societas vniuersa in  
 Quintâ generali Congregatione superioribus  
 annis congregatâ, volens prædictis in-  
 commodis, molestiis, & perturbationibus  
 occurrere, eiusdem Fundatoris Constitutio-  
 nibus firmiter inhærendo, pro felici regi-  
 mine dictæ Societatis, ac illius Instituti per-  
 petuâ & firmiori obseruantia, infrascripta  
 salubria decreta, seu statuta inter alia fecit  
 & ordinauit, videlicet: *Quoniam diuturno*  
*quietis suæ detrimento Societas nostra satis superq̃*  
*experta est grauissimâ incommoda, quæ filij quidam*  
*præuaricatores, & communis pacis illius perturbato-*  
*res, ac rerum nouarum architecti suis conatibus illi*  
*attulerunt; & multa Prouinciæ maiorem in modum*

Decret. 70.  
 V. Cōg. gen.  
 contra præ-  
 uaricato-  
 res, & com-  
 munitatis  
 Societatis  
 perturbato-  
 res.

PAVLIV. id efflagitarunt, vt huiusmodi homines debitis pœnis castigarentur; Congregatio pro eo ac debuit, spirituum filiorum suorum iacturam dolenter ingemiscens, ac nihilominus perpendens, quantum detrimenti vnio, obedientia, religiosaq; disciplina Societatis ab iis hominibus passa sit, quantumq; apud externos bonæ illius famæ, quâ bonus odor vbique gentium in Christo esse solet, detractum fuerit; statuit omnino salutari alicuius seueri decreti medicamento huic tam graui morbo depellendo prospiciendum esse. Siquidem frequentes illi falsas calumnias, & varias criminationes (de quibus speciale postea iudicium Præposito Generali habendum erit) suæ Religioni immeritò imposuerunt: atque zeli, communisq; boni pallio se contegentes, id sibi arrogare ausi sunt, vt iudicio totius Societatis, imò & ipsiusmet Fūdatoris P. N. sanctæ memoriæ se præferrent: nec dubitarunt libellis scriptis, atque ad summos Pontifices transmissis subscribere his verbis: Ita petit tota Societas: cùm tamen ij pauci essent, & degeneres filij nostræ Religionis, eaq; postularent, quæ essentialia instituti nostri labefactarent; rationemq; gubernationis in Constitutionibus expressam, immutarent; ac nouam prorsus formam & rationem inducentes, vniuersam Societatis structuram dissoluerent, atque à fundamentis euerterent. Quocircà Congregatio declarat eiusmodi homines, tantorum malorum auctores, aliorumq; seductores, ac eorundem verè complicēs, censuras & pœnas omnes in Apostolicis Bullis contentas incurrissē. Nec non decernit, eos omnes, vtpote grauißimæ diuisionis Societatis auctores, à totâ Socie-

rate

Perturbato-  
rum inuenta  
& præsum-  
ptiones.

tate velut pestem quamprimùm separandos esse ; iudicio P. Præpositi permittens , utrùm eos peculiaribus pœnitentiis ante dimissionem castigari conueniat. Quodd si per aliqua necessaria impedimenta eos è Societate statim eiici non licuerit , Congregatio statuit, eos prætereà inhabilitatis ad quauis officia & dignitates, seu Prælationes, vocisq̃, tam actiue quàm passiuæ priuationis pœnis obnoxios fore, quamdiu eos in Societate necessariò retineri contigerit. Insuper Congregatio statuit , vt qui vehementer suspecti de prædictis machinationibus reperti fuerint, ij, vel iurent se humiliter amplexuros Constitutiones & decreta generalium Congregationum, nec non summorum Pontificum Bullas, quibus Societatis Institutum confirmatur, seu explicatur, præsertim verò sel. rec. IULII III. GREGORII XIIII. & GREGORII XIV. nec vnquam se acturos quocumque pretextu contra illas, neque vt quidpiam de nostri Instituti ratione immutetur curaturos per quoscumque in Bullâ GREGORII XIV. non permisso: vel si hoc iuramentum præstare noluerint, aut post illud præstitum non serauerint, etiamsi professi & antiqui fuerint, de Societate omnino eiiciantur. Præcipit etiam Congregatio in virtute sanctæ Obedientiæ, supradictos omnes auctores, & complices, tamquàm Societati perniciosos, & Apostolicæ Sedi inobedientes, à quocumque ex nostris, siue certâ scientiâ , siue fide dignâ auditione deprehensiverint, & quoscumque alios, si qui in posterum pariter deprehendentur similia machinari, ad Præpositum Generalem fideliter esse deferendos, vt ille pro suo officio,

PAVLIV.

A Societate  
vt pestis ei-  
ciantur, &  
pœnis arbi-  
trio Præposito  
Generali sub-  
iciantur.

Inhabilitatis  
& vocis acti-  
ue & passiuæ  
priuationis  
pœna.

Suspecti iu-  
rent, vel ei-  
ciantur etiâ  
professi.

Præcipitur  
omnibus in  
virtute san-  
ctæ Obedien-  
tiæ vt machi-  
nantes reue-  
rent.

PAVLIV. cio, & huius Congregationis voluntate eos iisdem pœnis afficiat, & à Societate dimittat, certus, nisi id viriliter exequatur, se nec bono Societatis, pro quâ sanguinem fundere paratus esse debet, nec propria conscientia satisfacturum. Quod vt sine impedimento fiat, & optatâ pace tandem aliquando Societas nostra frui possit, Congregatio decernit, suppliciter à S.D.N. CLEMENTE, totius Religionis nomine petendum esse, vt prædecessorum suorum exemplo confirmare circa nostrum Institutum, quæ ab illis confirmata, & declarata sunt; & suâ auctoritate & potestate illi assistere dignetur, vt quæ in huiusmodi peruersos homines hoc decreto sancita sunt, sine impedimento executioni mandentur.

Decretû 63.  
quintæ Cõg.  
gen. contra  
negotia sæ-  
cularia & ad  
res politicas,  
& status gu-  
bernationē  
pertinentia  
tractantes.

Quoniam Societas nostra, quæ ad fidei propagationem, & animarum lucra à Domino excitata est, sicut per propria instituti ministeria, quæ spiritualia arma sunt, cum Ecclesiæ vtilitate, ac proximorum ædificatione sub Crucis vexillo finem feliciter consequi potest, quem intendit; ita & hæc bona impediret, & se maximis periculis exponeret, si ea tractaret, quæ secularia sunt, & ad res politicas, atque ad status gubernationem pertinent; Idcirco sapientissimè à nostris maioribus statutum est, vt militantes Deo, aliis quæ à nostrâ professione abhorrent, non implicemur. Cùm autem his præsertim temporibus valde periculosis, pluribus locis, & apud varios Principes (quorum tamen amorem & caritatem S.mem. P. IGNATIVS conseruandam ad diuinum obsequium pertinere putauit) aliquorum fortasse culpâ, & vel ambitione, vel indiscreto



*discreto zelo Religio nostra malè audiat ; & alioquin* PAVLI V.  
*bonus Christi odor necessarius sit ad fructificandum ;*  
*Censuit Congregatio ab omni specie mali abstinendum esse, & querelis, quoad fieri poterit, etiam ex falsis suspicionibus prouenientibus, occurrendum. Quare presenti decreto grauiter & seuerè nostris omnibus interdicit, ne in huiusmodi publicis negotiis, etiam inuitati aut allekti, vllâ ratione se immisceant, nec vllis precibus aut suasionibus ab Instituto defectant. Et prætereà quibus efficacioribus remediis omnino huic morbo, si ubi opus sit, medicina adhibeatur, Patribus Definitoribus accuratè decernendum & definiendum commendauit.*

*Petitum fuit, vt auctoritate Congregationis statueretur, ne Superiorum localium officia vltra triennium continuentur. Decreuit autem Congregatio, nullum certum tempus præfigendum, sed seruandum esse decretum LXXXVI. Congregationis secundæ generalis.* Decretū 47. quintæ Cōg. gen. de non præfigendo tempore Superioribus localibus.

Nos igitur certò scientes, totum sanctæ huius, & numquàm satis laudatæ Religionis stabilimentum, & profectum in viridi instituti ipsius, & decretorum super hoc in Generalibus Congregationibus eiusdem Societatis editorum, obseruantia consistere; illamque ab huiusmodi, & aliis impugnationibus, molestiis, & calumniis, ac illorum inuentis vendicare, & in sui instituti puritate, integritate, quiete, ac pace cōseruare, quantum cum Deo possumus, cupientes; ac di-

PAVLIV. lectum filium Claudium Aquaiuiam, modernum Præpositum Generalem dictæ Societatis, illiusque singulares personas, à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à iure vel ab homine, quavis occasione vel causâ latis, si quibus quomodolibet innodati existunt, ad effectum præsentium dumtaxat consequendum, harum ferie absoluentes, & absolutos fore censentes; nec non singulorum priuilegiolorum, Constitutionum, ordinationum, statutorum, indultorum, facultatum, & litterarum supradictorum, & inde secutorum quorumcumque, veriores, etiam totos tenores, ac si de verbo ad verbum præsentibus infererentur, eisdem præsentibus pro expressis habentes; Motu proprio, & ex certâ scientiâ, ac merâ deliberatione nostris, deque Apostolicæ potestatis plenitudine, laudabile dictæ Societatis Institutum, Constitutiones, ac perpetuitatem Præpositi Generalis Societatis huiusmodi, iamdiu stabilitam, & in eadem Societate vsu receptam, & solitam, ac ipsum Præpositum ad vitam eligendi usum & consuetudinem, illiusque in Vrbe ordinariam residentiam, & ipsius Societatis vnitatem, & omnium nationum sub vno capite collectionem, in dictis Constitutionibus sancitam: Nec non supradicta & quæ-

*Noua instituti, constituti, præmissorum decret. & priuilegiolorum Societatis, nec non aliorum decret. & ord. in gen. Congr. editorum confirmatio.*

*Perpetuitas Præp. Gen. & electio ad vitam, eiusdemque in Vrbe ordinaria residentia, & unum in Societate caput approbantur, & confirmantur.*

cum-

cumque alia decreta, statuta, & ordinationes, quæ Institutum, & Societatem huiusmodi, illiusque gubernandi rationem quomodolibet concernunt, in generalibus Congregationibus edita, nec non priuilegia, facultates, exemptiones, immunitates, gratias, & indulta, à prædictis & aliis prædecessoribus nostris, eidem Societati, & illius pro tempore existenti Præposito Generali & Religiosis, principaliter vel per communicationem concessa, qualiacumque illa sint, ac desuper confectas litteras, quarum tenores præsentibus haberi volumus pro expressis, & inde secuta quæcumque (saluis litteris piæ memoriæ L E O N I S Papæ XI. etiam prædecessoris nostri, super decimis emanatis) Apostolicâ auctoritate prædictâ, earumdem tenore præsentium perpetuò approbamus & confirmamus, ac illis perpetuæ & inuiolabilis firmitatis, ac nostræ & Sedis Apostolicæ auctoritatis robur adiicimus: eaque omnia, & singula innouamus, & de nouo concedimus: ac omnes & quoscumque, tam iuris quàm facti defectus, si qui fortè quomodolibet interuenerint, in eisdem supplemus: hortantes & paternè monentes Præpositum Generalem illius, ceterosque Superiores, nunc & pro tempore existentes, vt obseruationi supradictorum decretorum seriò inuigilent, ne humanis re-

*Præp. Gen. & alij Super. ad obseruationē prædictorum decretorum seriò inuigilandum: &*

PAULI V. spectibus, aut quorumcumque potentium  
*contra prae-* intercessionibus aut minis, Religionis suæ  
*dicta aliquid* bonum, quod ex eorum obseruatione maxi-  
*machinari* mē pendet, vllā ratione postponāt: eosdem-  
*audentes,* que monentes, vt eos qui nouitati studentes  
*tamquam* aliquid contra ipsius Societatis Institutum,  
*perturbatores* Constitutiones, decreta, canones, regulas,  
*sui ordinis* ordinationes, & communem viuendi ratio-  
*corrigen-* nem & normam ipsius, & præsertim dicti  
*et puniendos* Præpositi Generalis perpetuitatem, vsum-  
*monentur.* que eligendi illum ad vitam, ac ipsius So-  
cietatis vnitatem, sub vno capite collectionem, & liberam, & sine vllā triennij aut certi temporis præfixione, Superiorum localium gubernationem, per se vel alios quoscumque, quauis auctoritate & dignitate, etiam Regiā, fulgentes, quomodolibet machinari ausi fuerint, tamquam perturbatores sui ordinis, & rerum nouarum molitores, præter pœnas in supradictis decretis contentas, ipsius Præpositi pro tempore existentis arbitrio, coërceant, corrigant, & puniant. Decernentes easdem præsentēs, nullo vnquam tempore, etiam ex eo quod causæ, propter quas emanarunt, prius examinatæ, verificatæ, & approbatæ non fuerint; aut ex quouis alio capite vel prætextu, ac alia quacumque quantumuis legitimā & iuridicā causā de subreptionis, vel obreptionis, aut nullitatis vitio, seu intentionis nostræ, vel alio

*Præsentēs de  
subreptionis  
vitio notari  
non posse.*



alio quouis defectu notari, impugnari, inua-  
lidari, aut in ius vel controuersiam reuocari,  
seu ad terminos iuris reduci, aut aduersus  
eas quodcumque iuris, gratiæ, vel facti re-  
medium impetrari, etiam Motu pari conce-  
di posse; illasque sub similium vel dissimi-  
lium gratiarum reuocationibus, limitatio-  
nibus, modificationibus, suspensionibus, de-  
rogationibus, per quoscumque Romanos  
Pontifices, prædecessores nostros, ac etiam  
Nos, & Sedem prædictam, etiam in crasti-  
num assumptionis ad summi Apostolatus  
apicem quorumcumque successorum no-  
strorum, vel alias, etiam motu, scientiâ, &  
potestatis plenitudine similibus, sub qui-  
buscumque tenoribus & formis, ac cum  
quibusuis etiam derogatoriis derogato-  
riis, aliisque efficacioribus, & insolitis, ac  
etiam irritantibus, & aliis decretis, & clau-  
sulis quandocumque emanatis, etiam si de  
eisdem præsentibus, earumque toto tenore  
specialis, specifica, & expressa, ac de verbo  
ad verbum mentio fieret, minimè compre-  
hensas, sed tamquam in diuini cultus fauo-  
rem, & fidei augmentum & propagationem  
concessas, semperque & omnino ab illis ex-  
ceptas, & quoties illæ emanabunt, toties in  
pristinum & validissimum statum restitutas,  
repositas, & plenariè reintegratas, ac de  
nouo etiam sub quacumque posteriori, &

PAVLIV. nouâ datâ per pro tempore existentem Præpositum Generalem, & alios Superiores dictæ Societatis, quândocumque eligendâ, concessas, ac etiam confirmatas, & approbatas, validasque, & efficaces, ac illibatas etiam absque eo, quod desuper à dictâ Sede illarum vltior restitutio, reuvalidatio, confirmatio, seu noua concessio impetrâda sit, fore & esse, ac suos plenarios, & integros effectus sortiri, & obtinere, atque ab omnibus ad quos spectat, & pro tempore spectabit inuiolabiliter obseruari. Sicque per quoscumque Iudices ordinarios, & delegatos, ac caussarum Palatij Apostolici Auditores, ac eiusdem Sanctæ Romanæ Ecclesiæ Cardinales, etiam de Latere Legatos, dictęque Sedis Nuntios, sublatâ eis & eorum cuilibet quauis aliter iudicandi & interpretandi facultate & auctoritate, iudicari & definiri debere, irritum quoque & inane si secus super his à quoquam quauis auctoritate, scienter vel ignoranter, contigerit attentari. Quocircâ vniuersis & singulis Venerabilibus Fratribus nostris Patriarchis, Archiepiscopis, Episcopis, ac dilectis filiis Abbatibus, Prioribus, & aliis personis in dignitate Ecclesiasticâ cõstitutis, per Apostolica scripta motu simili mandamus, quatenus ipsi vel duo, aut vnus eorum, per se vel alium, seu alios, præfentes litteras, & in eis contenta quæcumque,

*Sic indicari debere.*

*Mandatur ordinariis, vt curent præfentes litteras ab omnibus obseruari.*

que, vbi & quando opus fuerit, ac quoties **PAVLIV.**  
 pro parte Præpositi Generalis, aliorumque  
 Superiorum pro tempore existentium So-  
 cietatis huiusmodi fuerint requisiti, solem-  
 niter publicantes, eisque in præmissis effi-  
 caciis defensionis præsidio assistentes, fa-  
 ciant auctoritate nostrâ litteras, & in eis  
 contenta huiusmodi ab omnibus, ad quos  
 spectat, & pro tempore spectabit, inuola-  
 biliter obseruari, non permittentes eos de-  
 super à quoquam quomodolibet indebitè  
 molestari, impediri, aut perturbari: Contra-  
 dictores quoslibet & rebelles, per senten-  
 tias & censuras, & pœnas Ecclesiasticas,  
 aliaque opportuna iuris & facti remedia,  
 appellatione postpositâ, compescendo, ac le-  
 gitimis super his habendis seruatis proces-  
 sibus, sententias, censuras, & pœnas ipsas  
 etiam iteratis vicibus aggrauando, inuoca-  
 to etiam ad hoc si opus fuerit, auxilio bra-  
 chij sæcularis. Non obstantibus præmissis,  
 ac quorumuis aliorum Romanorum Ponti-  
 ficum contra præmissorum, & instituti, ac  
 decretorum Societatis huiusmodi tenorem  
 concessis litteris, nec non felic. rec. BONIFA-  
 CII Papæ VIII. prædecessoris nostri, quâ ca-  
 uetur, ne quis extra suam ciuitatem, vel diœ-  
 cesim, nisi in certis expressis casibus, & in il-  
 lis vltra vnam dietam, à fine suæ diœcesis ad  
 iudicium euocetur, seu ne Iudices à Sede  
 prædi-

*Non obstan-  
 tibus, &c.*

PAYLI V. prædictâ deputati extra ciuitatem, vel diocesium, in quibus deputati fuerint, contra quoscumque procedere, aut alij vel aliis vices suas committere præsumât; & in Concilio Generali editâ de duabus dietis, dummodò vltra tres dictas aliquis auctoritate earundem præsentium ad iudicium non trahatur, ac nostrâ de nō tollendo iure quæsito, & quibuscumque aliis Constitutionibus, & ordinationibus Apostolicis ac decretis, per quoscumque Romanos Pontifices prædecessores nostros, etiam viuæ vocis oraculo, aut aliàs quomodolibet editis, ac etiam aliorum ordinum, iuramento, confirmatione Apostolicâ, vel quauis firmitate aliâ roboratis statutis, & consuetudinibus, priuilegiis quoque, indultis & litteris Apostolicis quibuscumque, huiusmodi ordinibus, vniuersitatibus, locis, & personis per eosdem Romanos Pontifices prædecessores, ac Nos & Sedem prædictam etiam motu, scientiâ, & potestatis plenitudine paribus, ac cum quibuscumque irritantibus, annullatiuis, cassatiuis, reuocatoriis, modificatiuis, præseruatiuis, exceptiuis, declaratiuis, mentis attestatiuis, ac derogatoriis derogatoriis, aliisque efficacioribus & insolitis clausulis, irritantibusque, & aliis fortissimis decretis in contrarium etiam pluries concessis, confirmatis, approbatis, & etiam iteratis vicibus inno-



innouatis. Quibus omnibus, etiam si de illis PAVLIV.  
 eorumque totis tenoribus specialis, specifi-  
 ca, expressa, & indiuidua, ac de verbo ad ver-  
 bum, non autē per clausulas generales idem  
 importantes, mentio, seu quæuis alia expres-  
 sio habenda, aut aliqua alia exquisita forma  
 ad hoc seruanda foret, tenores huiusmodi ac  
 si de verbo ad verbum nihil penitus omisso,  
 & formā in illis traditā obseruatā, inserti fo-  
 rent, præsentibus pro expressis habentes, il-  
 lis aliās in suo robore permanfuris, hac vice  
 dumtaxat harum serie specialiter & expres-  
 sē latissimē derogamus ac derogatum esse  
 volumus: Ceterisque contrariis quibuscum-  
 que, aut si aliquibus communiter, aut diui-  
 sim ab eadem sit Sede indultum, quod in-  
 terdici, suspendi, vel excommunicari non  
 possint per litteras Apostolicas non facien-  
 tes plenam & expressam ac de verbo ad ver-  
 bum de indulto huiusmodi mentionem. Vo-  
 lumus autem quod præsentium trāssumptis *Transsumptis*  
 etiam impressis, manu Secretarij dictæ So- *habeatur fi-*  
 cietatis, vel Notarij publici, & sigillo Præ- *des.*  
 positi Generalis eiusdem Societatis, aut per-  
 sonæ in dignitate Ecclesiasticā constitutæ  
 munitis, eadem omnino fides adhibeatur in  
 iudicio & extra illud, quæ litteris ipsis ori-  
 ginalibus adhiberetur, si forent exhibitæ vel  
 ostensæ. Nulli ergo omnino hominum li-  
 ceat hanc paginam nostræ absolutionis, ap-  
 proba-

PAVLIV. probationis, confirmationis, adiectionis, in-  
 nouationis, concessionis, suppletionis, hor-  
 tationis, monitionis, decreti, mandati, dero-  
 gationis, & voluntatis infringere, vel ei ausu  
 temerario contraire. Si quis autem hoc at-  
 tentare præsumpserit, indignationem omni-  
 potentis Dei, ac Beatorum Petri & Pauli  
 Apostolorum eius se nouerit incursurum.  
 Datum Romæ apud S. Marcum, anno Incar-  
 nationis Dominicæ M. D. C. VI. pridie No-  
 nas Septembris, Pontificatus nostri anno  
 secundo.

Pro Illustriss. & Reuerend. D. Summatore.

L. Ducius.

Scipio Cobellucius.

S. De Vrfinis.

Locus † plumbi.

S. D. N. D. V R B A N I <sup>VRBAN.</sup>  
VIII.

Diuinâ prouidētiâ Papæ VIII.

Bulla siue litteræ decretales

Canonizationis S. I G N A T I I

Loyolæ Societatis I E S V Fun-

datoris.

*VRBANVS Episcopus seruus seruorum  
Dei, Ad perpetuam rei memoriam.*

**R**ationi congruit, & conuenit æquitati,  
vt ea, quæ de Romani Pontificis prou-  
dentiâ processerunt, licet eius superueniente  
obitu litteræ Apostolicæ desuper confectæ  
non fuerint, suum debitum consequantur  
effectum. Dudum siquidem felicitis recorda-  
tionis GREGORIUS Papa XV. prædecessor  
noster, piè attendens, quòd ineffabilis Dei  
bonitas & misericordia, quæ miro consilio  
suis quæque temporibus aptè disponit, &  
præteritis sæculis, siue ad disseminandum  
Euangelium inter gentes, siue contra subna-  
scentes hæresiarchas, destinauit plures san-  
ctitate ac doctrinâ illustres viros; nouissimis  
temporibus, cum pij Lusitanorum Reges in  
longinquas Indiarum terras, ac remotissi-  
mas Insulas latè patentem vineæ Domini  
propa-

VRBAN.  
VIII.

propagandæ aditum aperuissent; nec minorem Catholici Castellæ Reges nouum in Orbem ad Occidentem repertum patefacerent; veterem autem Religionem, omnemque illius sanctitatem, ac perfectioris vitæ professionem Lutherus, monstrum teterimum, aliæque detestabiles pestes blasphemis eorum linguis in Septemtrionis partibus corrumpere & deprauare, ac Sedis Apostolicæ auctoritati detrahere conarentur; excitauit spiritum IGNATIÏ Loiolæ, qui ex medio honorum cursu, & à sæculari & terrenâ militiâ admirabili quadam ratione vocatus, ita se diuino imperio regendum & formandum tradidit, vt demum nouâ Societatis IESV, quæ inter alia pietatis & caritatis opera Gentilibus conuertendis, hæreticis ad fidei veritatem reuocandis, & Romani Pontificis potestati tuendæ ex instituto se totam impendit, religione fundatâ, vitam admirabili sanctitate traductam sanctissimo pariter concluderet exitu, ac plurimis sit miraculis illustratus; eiusdem Ignatij catalogo Sanctorum adscriptioni, de quâ dudum agebatur, decreuit intendere. Quippe increbrescente in dies in diuersis mundi partibus ipsius Ignatij sanctitatis famâ, & miraculorum gloriâ; cùm claræ memoriæ Philippus Secundus, & Philippus Tertius, Hispaniarum Reges Catholici, & Maria si-

milis



milis memoriæ, Maximiliani Secundi Romanorum Regis Illustris, in Imperatorem electi, & Margarita dicti Philippi Tertij Regis coniuges, necnon plures Ecclesiarum Præsules, & Populi, vnà cum dilectis filiis Præposito & aliis dictæ Societatis Religiosis, apud piæ mem. CLEMENTEM PP. VIII. etiam prædecessorem nostrum, oblatiis illi processibus, per diuersos locorum Ordinarios, etiam auctoritate tunc existentis Sedis Apostolicæ in Regnis Hispaniarum Nuntij, super prædictis sanctitate & miraculis fabricatis, pro litterarum remissorialium, & compulsorialium, ad faciendos pro canonizatione progressus, concessione institissent; ipseque CLEMENS prædecessor oblato processu & petitionem ad dilectos filios nostros, tunc suos, S. R. E. Cardinales super Sacris Ritibus deputatos, discutiendos commisisset; dictique Cardinales petitioni prædictæ satisfaciendum esse censuissent, si ita eidem CLEMENTI prædecessori placuisset; & dictus CLEMENS prædecessor morte præuentus nihil desuper constituere potuisset; similis record. PAVLVS PP. V. similiter prædecessor noster, repetitis per dictos Principes, ac Præpositum, & Religiosos, ac nouis, per claræ etiam memoriæ Henricum Quartum Francorum & Nauarræ Regem Christianissimum, porrectis instantiis permotus, prædi-

VRBAN.  
VIII.

ŒTO GREGORIO prædecessori, tunc in minoribus constituto, & officio Auditoris causarum Palatii Apostolici fungenti, ac dilectis filiis Alfonso Manzanedo, & Ioanni Baptistæ Pamphilio, etiam causarum earundem Auditoribus, dedit in mandatis, ut causam huiusmodi in statu & terminis, quibus reperiatur, reassumentes, coniunctimque procedentes, acta omnia & probationes perpendere; & si opus esset, alios testes super vitâ & miraculis eiusdem Ignatii per se & alios ab eis subdelegandos, de nouo in genere reciperent, & super his suum ipsorum interponerent iudicium: ut si ex iis constaret, inquisitiones, probationes, ac processus huiusmodi esse legitimè factos, causamque sufficienter esse instructam, ea posset ipse PAVLVS prædecessor exequi, quæ Sanctorum dogmata, & sacrorum Canonum postulant instituta. Vnde dicti Auditores visis, & diligenter discussis processibus coram eis exhibitis, censuerunt cum illis debere coniungi processus auctoritate Apostolicâ conficiendos: & ad hunc effectum per seipsos in Romanâ Curiâ, & per nonnullos Archiepiscopos, & Episcopos extra eam, in diuersis mundi partibus ab eis subdelegatos, iudicos processus super præmissis confici curarunt. Quibus, iussu eiusdem PAVLI prædecessoris, ad eosdem Cardinales super Sacris Riti-

Ritibus, vt præfertur, deputatos transmissis, VRBAN.  
 & per eos visis, & perpenſis; idem PAVLVS VIII.  
 prædeceſſor, ex ſententiâ eorundem Cardi-  
 nalium; quòd dictus Ignatius Beatus nuncu-  
 pari, & de eo Miſſa, & Officium de com-  
 muni Confefſoris non Pontificis celebrari  
 poſſet, benignè conceſſit, & indulſit. Et de-  
 inde cùm preces eorum, qui pro canoniza-  
 tione eiufdem Beati Ignatij inſtiterant, fie-  
 rent in dies auctiores; volens idem PAVLVS  
 prædeceſſor in huiusmodi cauſâ ſecundùm  
 conſuetudinẽ ſanctæ Sedis Apoſtolicæ pro-  
 cedere, eiſdem Auditoribus per ſpeciale re-  
 ſcriptum mādauit, vt proceſſus factos etiam  
 de nouo perpendere, & alios teſtes ſuper  
 veritate præmiſſorum in ſpecie diligentiffi-  
 mè examinarent, & ipſi PAVLO prædeceſſori  
 referrent. Quod quidem mandatum Audito-  
 res prædicti exequi, prout par erat, volentes,  
 cauſam ſimiliter de nouo excutere cœpe-  
 runt: & alios, quamplures teſtes ſuper eiſ-  
 dem præmiſſis per ſeipſos receperunt in di-  
 ctâ Curiâ; & per alios ab eis ſubdelegatos  
 extra eam examinari curarunt: ac nonnulla  
 iura ad cauſam facientia ex Archiuio dictæ  
 Societatis extraxerūt: & Alfonſus, ac Ioan-  
 nes Baptiſta Auditores prædicti, necnon di-  
 lectus filius noſter Franciſcus, eiufdem  
 S. R. E. Cardinalis, Sacraſ nūcupatus, tunc,  
 tamquàm Archiepiſcopus Damalcenus, vnus

VRBAN.  
VIII.

ex Auditoribus caussarum dicti Palatii locumtenens, & in locum dicti GREGORII prædecessoris, qui iam ad Ecclesiam Bononiensem assumptus fuerat, subrogatus, in pluribus Congregationibus inter eos habitis, de nouo fabricatos, & alios processus prædictos etiam perpenderunt: illosque legitime confectos, ac probationes in eis contentas ritè & rectè peractas, ac sanctitatem, & miracula satis superque probata fuisse prædicto PAVLO prædecessori retulerunt. Cumque, ipso PAVLO prædecessore viam vniuersæ carnis ingresso, dictus Præpositus eiusdem Societatis humiliter apud GREGORIVM prædecessorem prædictum institisset, vt ad vltiora in Canonizatione eiusdem Beati Ignatii procedere dignaretur; idem GREGORIUS prædecessor illius petitionem benignè audiens, relationem, vt præfertur, factam, ad eosdem Cardinales, super prædictis Sacris Ritibus deputatos, recognoscendam etiam remisit. Cumque, pendente dictæ relationis discussione, superuenissent carissimi in Christo filij nostri Ludouici Francorum & Nauarræ Regis Christianissimi primùm; mox verò nobilis viri Maximiliani vtriusque Bauariæ Ducis, & successuè etiam carissimi in Christo filij nostri Ferdinandi Romanorum Regis, in Imperatorem electi, preces accessissent; dictique Cardi-



Cardinales relationem prædictam compro-  
bassent; Venerabilis frater noster Franciscus  
Maria Episcopus Portuenſis, eiusdem S. R. E.  
Cardinalis à Monte nuncupatus, rei summam,  
suamque, & aliorum, ut præfertur, deputato-  
rum Cardinalium sententiam in nostro, tunc  
eiusdem GREGORII prædecessoris, consisto-  
rio secreto exposuit: & alij, qui in illo consi-  
storio aderant Cardinales, dilecti filij nostri,  
ineandem sententiam deuenerunt, posse vi-  
delicet dictum GREGORIVM prædecessorem,  
iuxta sacros dictę S. R. E. ritus, dictum Beatum  
Ignatium inter Sanctos referre. Quare idem  
GREGORIUS prædecessor ad vltiora pro-  
cedi mandauit. Voluerat autem ipse GREGO-  
RIUS prædecessor nonnulla ex iis, quæ in  
processibus & actis de vitâ, sanctitate, & mira-  
culis eiusdem B. Ignatii constabant, in eodem  
consistorio recenseri: videlicet:

Natus est B. Ignatius in eâ Hispaniarum re-  
gione, quæ ad Pyrenæum pertinet, ad oppi-  
dum Aspeithiæ Pampilonenſis Diœcesis, anno  
Domini millesimo quadringentesimo nona-  
gesimo primo, ex Beltramo Loiola, & Mariâ  
Sanchez nobilibus, Catholicis, & piis paren-  
tibus: qui simili pietate filium educandum cu-  
rarunt. Adolescens ille factus, cum esset eximiâ  
& animi & corporis indole, missus fuit in cla-  
ræ similiter memoriæ Ferdinandi Regis Ca-  
tholici Curiam: vbi cum inter honorarios

VRBAN.  
VIII.

pueros aliquamdiu mansisset; ad tunc existentem Nauarræ Proregem, in Ciuitate Pampilonē degentem, se cōtulit, & rei militari operam dare cœpit. Cumque dicta Ciuitas ab exercitu Gallorum obsideretur; ipsi Ignatio ante alios dimicanti lapis, ex muro bombardę vi excussus, læuā læsit tibiam; dexterā verò ita confregit, vt semiuuius corruerit: quorum vulnerum acerbam, grauem, & diuturnam curationem ita patienter tulit, vt omnibus esset domesticis admirationi. Cumque eidem, in lecto affixo, libros profanos, tunc sic Deo volente, non repertos, petenti, nonnulli pij libri, legendi causā, porrecti fuissent, ex eorum lectione tam ardentem fuit incensus, vt ingenti sui odio concepto, decreuerit Christi, & Sanctorum vestigia sequi, Hierosolymam proficisci, vt sacra illa loca veneraretur, & fideles in spiritu promoueret, ac infideles ad Euangelium adduceret. Curatis ergo vulneribus, patriam, parentes, res omnes fluxas, & caducas reliquit: & Christo deinceps militaturus ad Monasterium B. Mariæ de Monte Serrato Ordinis S. Benedicti Vicensis Diœcesis perrexit: ibique generali confessione peractā, gladio & pugione in templo eiusdem Monasterij suspensis, asperā talari tunicā indutus, fune præcinctus, nudo capite, baculum manu gestans, totam eam noctem, cui dies festus Angelicæ salutationis illuxit, ante aram eiusdem

B.

B. Mariæ Virginis inter preces, & lacrymas vi- VRBAN.  
gilauit: seq̃ue penitùs diuino cultui, nouum VIII.  
exinde militiæ genus secuturum, addixit. Mi-  
noreſſam inde vicinum oppidum petiit: & ad  
hospitale S. Luciæ diuertit: & in eo, & quo-  
dam specu, ad præterfluentis amnis ripam ſito,  
faciens dignos pœnitentiæ fructus, pauperem  
atque aſperam vitam tranſegit inter egentes,  
& ſordidos homines, quibus etiam humillimis  
inferuiebat obſequiis. Poſt aliquod verò tem-  
pus Almam Vrbem noſtram, & ſucceſſiuè Ve-  
netias, ac poſtmodum Hieroſolymam conten-  
dit: & perluftratis ſacris locis, ibidem perma-  
nere, & animarum ſaluti incumbere vetitus,  
rediit ad partes Hiſpaniarum. Et quò meliùs  
poſſet in ſpiritu proximis vtilitatem afferre,  
triginta iam natus annos, Grammaticæ primò  
in Ciuitate Barcinonenſi, & deinde Compluti  
Philophiæ & Theologiæ per annum cum di-  
midio operam dedit: ac demum Pariſiis  
omnia illa ſtudia repetiit, ex eleemoſynis victi-  
tans, & officia caritatis, humilitatis, & pœni-  
tentiæ non intermittens: ſociis eiufdem pro-  
poſiti, inter quos fuit Franciſcus Xauerius, vir  
ſanctus, & Indiarum Apoſtolus, collectis: &  
voto cum eis nuncupato, vt conſummatis ſtu-  
diis inceptis, Euangelicâ contenti paupertate,  
Hieroſolymam omnes adirent; vnanimi ac  
ſummo conatu ſaluti proximorum inferituri:  
quòd ſi per annum nauigandi ſe non offerret

VRBAN.  
VIII.

occafio, vel Hierofolymis permanere prohiberentur; illo voto absoluti Romam irent, & fuam ipſorum operam Summo Pontifici in auxilium ſpirituale proximi offerrent. Verùm cum ex ſtudiorum laboribus, & vigiliis grauem ſtomachi morbum Pariſiis contraxiſſet; iuſſu medicorum, & ex ſociorum conſilio, in patriam rediit, anno eiufdem Domini milleſimo quingentefimo trigeſimo quinto: ibique per tres menſes in hoſpitali S. Mariæ Magdalænæ, oſtiatim victum emendicans, & pauperibus inferuiens, tempus ſedulò traduxit. Quo tranſacto, cum conualuiſſet, Venetias, quò ſocij ex compoſito venire debebant, etiam ipſe proſectus, in eâ ciuitate ad Sacerdotium promoueri voluit: & paupertatis, caſtitaſque in manibus Hieronymi Veralli Archiepiſcopi Roſſanenſis, in eâ tunc Sedis Apoſtolicæ Nuntij, votum emiſit. Et elapſo anno inter eos condicto, & nauigatione in Palæſtinam, propter pacem inter Turcas & Venetos per id tempus ſublatâ, intercluſâ; Romam cum ſociis venit, anno milleſimo quingentefimo trigeſimo ſeptimo: vbi à quondam Quirino Garzonio Romano ciue, in quadam ipſius Garzonij vineâ ſub Monte Pincio receptus hoſpitio, conſtitutam operam piæ ſimiliter memoriæ PAVLO III. pariter prædeceſſori noſtro, ad animarum ſalutem obtulit paratiſſimam. Quam cauſſam quò vberius & cumulatiùs tractare poſſet,



posset, dictam Societatem à se institutam, VRBAN.  
ad tria cum aliis Religionibus communia VIII.  
vota quarto adiuncto, per quod peculiarem  
polliceretur Romano Pontifici obedi-  
entiam in missionibus, non petito viatico, etiam  
ad Infideles, Turcas, Hæreticos, Schismaticos,  
& quoscumque alios obeundis, à præ-  
dicto PAVLO III. prædecessore confirman-  
dam curavit: eamque postmodum optimis  
etiam constitutionibus & legibus stabilivit:  
& in Præpositum generalem electus summâ  
cum prudentiâ & probitatis laude modera-  
tus est. Ac post multos labores, IESVM appel-  
lans, in eadem Vrbe piè obdormiuit in Do-  
mino, pridie Kal. Augusti anni eiusdem Do-  
mini millesimi quingentesimi quinquagesi-  
mi sexti. Vir verè, quem præelegerat Domi-  
nus, ut eorum Dux foret, qui portarent eius  
sanctissimum nomen coram gentibus, & po-  
pulis: & infideles ad veræ fidei cognitionem  
inducerent, ac rebelles hæreticos ad illius  
vnitatem reuocarent, sui que in terris Vicarij  
auctoritatem defenderent. Ornauit enim il-  
lum Dominus magnitudine, & excellentiâ  
Fidei, & maximâ Spe communiuit, ut satis  
superque eius testantur actiones. Assiduum  
autem obsequium, quod pauperibus, & ægro-  
tis exhibuit in hospitalibus; & eleemosyna-  
rum distributio, quas à piis personis suo  
ipsius studio corrogabat; maxma etiam cura

**VRBAN.**  
**VIII.**

& studium, quod iam inde à principio suæ conuersionis in eo posuit, vt rudes & pueri doctrinam Christianam perdiscerent; & detentorum in carcere visitatio ac subleuatio, quam instituit & exercuit accuratè; necnon per vniuersum terrarum orbem missiones, quas fecit; & Domus, Ecclesiæ, & Collegia, quæ erexit; & in dictâ Vrbe, præter scholas Grammaticæ, & humaniorum litterarum, quas gratis aperuit, Collegium Germanicum, ac Orphanorum, & Catechumenorum domus, & S. Marthæ, ac S. Catharinæ Monasteria, aliaque loca pia, quæ excitari curauit; & dissidentium reconciliatio; salubria consilia data; & spiritualia exercitia ab eo composita; Sacramentorum frequentationes procuratæ; iniuriarum denique remissio, & pro inimicis oratio, quàm ardentè amaret proximum propter Deum, planè demonstrant. Deum autem ipsum quantopere diligeret, patet ex illâ summâ curâ & diligentia, quâ studuit propter Deum proximo in spiritualibus & temporalibus semper benefacere: & ex maximâ vigilantia, quâ curauit cor suum mundum custodire. A suâ enim conuersione nullum in eo deprehensum est dictum, factumve, quod censeri posset esse peccatum mortale: omnes suas cogitationes, verba, & opera in Deum tamquàm in finem referebat, & ad Deum, & Dei gloriam

&

& honorem destinabat. Atque hæc verba, **VRBAN.**  
videlicet, *Ad maiorem Dei gloriam*, vti symbo- **VIII.**  
lum in ore semper habebat. Prudentia quo-

que fuit in eo admirabilis. In negotiis enim  
ad Dei honorem peragendis prius quidem  
omnia Deo commendabat; deinde solerti ha-  
bitâ consultatione, & rationibus ad examen  
vocatis, congruentia ad optatum finem ad-  
hibebat præsidia, & eo pacto contingentia  
mala facilè declinabat. Eius erga Deum &  
homines iustitiam, aspera vita, & voluntariæ  
pœnitentiæ, quibus offenso iam Deo satisfacere  
se putabat, spiritus deuotio & religio,  
quâ Deo reddidit debitum cultum & hono-  
rem; gratitudo quoque, quam erga suos &  
Societatis benefactores continuè ostendit,  
& pura veritas, quæ ex eius ore sine vllâ fal-  
laciâ, fucò, fictione, aut obscuritate procede-  
bat, cum cordis puritate & simplicitate satis  
commendant. Animi præclara magnitudo  
ex pœnitentiis, obsequio erga ægrotos, ex  
operibus caritatis, à quibus propter labores  
& difficultates, irrisiones, iniurias, & contu-  
melias nō recessit; sed in illis cōstanter vsque  
ad optatum finem perseverauit; Patientia  
verò admirabilis, & mansuetudo ex multis  
& ingentibus laboribus, ex opprobriis, con-  
fessionibus, & persecutionibus, libenter &  
alacriter pro Dei amore perpeffis, ex gra-  
tiarum actione in maledicentes relatâ, &  
bene-

**VRBAN.** beneficiis in iniuriantes collatis apparent.  
**VIII.** Ieiunium ipse adeò coluit, vt eo tempore, quo fuit Minoreffæ, & Barcinonæ, per totam ieiunans hebdomadam, exceptis diebus Dominicis, solo pane vesceretur, & aquam biberet : & propter continuatas orationes, & abstinencias semel & iterùm debilis ac ferè sine viribus est inuentus. Castitatis fuit adeò diligens custos in se, & in aliis, vt in Constitutionibus Societatis voluerit illam suis esse tam perfectè seruandam, vt eniti debeant corporis mentisq̃ue munditiâ, Angelicam puritatem imitari. Profundæ etiam Humilitatis non obscura dedit indicia, dum se ad nouæ vitæ genus accingēs, noluit suum audire germanum, sibi familiæ nobilitatem, opes, & in militiâ strenuitatem, ac futuram inde gloriam repræsentantem : sed statim atque ex morbo & vulnere conualuit, sæculo nuntium remisit. Idem etiam denotatur, quia in patriam valetudinis causâ rediens, cum se à quodam iam cognitū. esse animaduertisset, timens honorem, quem & germanum, & incolas Aspeithiæ sibi exhibituros esse intelligebat, noluit cum eo, à quo cognitus fuerat, viâ rectâ Aspheithiam proficisci; sed per montes, & semitas obliquas solus illuc accessit : & nobile palatium cum vilitate humilis hospitalis libentissimè commutauit: nullisq̃ue precibus adduci potuit,



vt domum paternam ingrederetur. Denique VRBAN.  
 non solum vanam mundi gloriam, sed se et- V III.  
 iam ipsum egregiam magnanimitate contem-  
 pfit. Renuntiatus enim Præpositus Genera-  
 lis Societatis, tamdiu id muneris subire re-  
 cusauit, quoad eius Confessarius ei, vt de-  
 mandatum reciperet officium, imperauit. Et  
 post receptum munus, vt eos, quos in Con-  
 stitutionibus ad humilitatem hortatur ver-  
 bo, firmaret exemplo; primum quidem in  
 coquinæ ministeriis aliquot versatus est  
 dies: tum docere aggressus est pueros &  
 rudes doctrinam Christianam. Excellentem  
 verò famuli sui sanctitatem comprobari vo-  
 luit etiam Altissimus supernaturali splen-  
 dore vultus, quem dum viueret aliquando  
 viderunt B. Philippus Neri, & quondam  
 Oliuerius Manareus Flander, eiusdem So-  
 cietatis religiosus; ac testimonio miraculo-  
 rum: quorum plura etsi ab eo viuente facta  
 in processibus recensentur, insigniora tamen  
 post eius felicem dormitionem edita pro-  
 bantur. Isabella enim Rebelles Monialis,  
 Ordinem S. Claræ in monasterio S. Elisabe-  
 thæ Barcinonensi eiusdem Ordinis expressè  
 professa, annos nata sexaginta septem, dum  
 aliquid operis alto in loco molitur, repentè  
 tam graui casu ad terram est collapsa, vt  
 coxendicis, seu femoris os, quod maximum  
 est in humano corpore, totum fuerit confra-  
 ctum:

VRBAN.

VIII.

ctum : & per quadraginta dies & yltrà adhibitis per Medicum & Chirurgum, euentu planè irritò, medicamentis ; ac dolore, & febrì, quæ ex confractiõne superuenerant, non cessantibus , ægrota apud omnes erat citra vllam salutis opem, quæ saltem naturalibus parari posset remediis , vt eadem die moritura crederetur: petitâ tamen piâ cum religione , & impetratâ reliquiâ B. Ignatij, & super coxendicem applicatâ, statim sana est reddita: & coxendicem, ac tibiam, priùs tumentem atque immobilem, expeditè ac sine dolore mouere cœpit : & die proximâ surrexit, ac liberè & perfectè ambulauit. Ioannes Leida Maioricensis in valdè acutam & periculosam febrim inciderat : augebat periculum maxima stomachi nausea: post duodecimum, vel tertiumdecimum diem aucto periculo cùm Deo sese per merita B. Ignatij impensè commendasset ; sequenti nocte somno excitatus , magno splendore circumfusus cubiculum vidit : & vxorem inclamans, Nónne, inquit, vides me à B. Ignatio sanatum? & illucescente die sanus & valens sine alicuius auxilio è lecto surrexit, & vestibus se induit , ac in gratiarum actionem templum Societatis expeditè adiit. Hieronymus Honuphrius Etruscus, incola oppidi Gandiæ , Valentiniæ Diœcesis , puer decennis, cùm lethale in supercilio prope tempora

vulnus

vulnus accepisset, propter quod totius oculi **VRBAN.**  
tumor, & vehemens febris accesserant; & **VIII.**  
post adhibita per mensem integrum per  
Chirurgum, ex artis præscripto, medica-  
menta, vulnus non solum non solidaretur;  
sed adeò latum & profundum esset, vt lina-  
mentum digitale inferendum esset; ac tanta  
sanies & putredo flueret, vt Chirurgus ipse  
miraretur, & crederet os aliquod intus con-  
fractum; & alterum Chirurgum etiam vo-  
cari iussisset, & ambo coram infirmo conue-  
nissent; remotis fasciis, quibus vulnus erat  
opertum & obligatum, præter omnem ex-  
pectationem, meritis B. Ignatij, cui mater  
pueri voto iam factò illum commendauerat,  
vulnus illud penitus obductum, clausum, &  
solidatum inuenerunt. Magdalena Talaue-  
ra, in eodem oppido Gandiæ commorans,  
cùm per tres annos grauibz laborasset ob-  
structionibus, quæ in hydropisim, quam con-  
firmatam appellant, terminauerant; eiusque  
ventrem adeò tumentem, & inflatum red-  
diderant, vt se de loco ad locum mouere non  
posset, nisi permolestè; videns remedia per  
duos Medicos adhibita sibi nihil profuisse,  
ad diuina confugit subsidia: & voto Deo  
facto, ac imagine dicti Beati ventri admo-  
tâ, statim meliùs se habuit, depulsusque est  
morbus obstructionis, & hydropisis; ita  
prorsus, vt intra tres, vel quatuor dies detu-  
muerit

VRBAN.  
VIII.

muerit venter, & exinde illa se benè habuerit. Ferdinandus Pretel de Mendoza, cùm in febrim incidisset tertianam, quæ mox in duplicem, deinde in pestilentem vnà cum mentis stupore, & extraordinariis horroribus, ex humorum abundantia, & virium naturalium defectu accidentibus, degenerauerat; & multis purgationibus incassum adhibitis, vis morbi adeò aucta esset, vt à Medicis destitutus in supremo iam mortis discrimine versaretur; ritè confessus, & communione instructus, ac sacro perunctus oleo, manibus tenens imaginem B. Ignatij, quam collo pendente gestabat, & ex toto corde illi se commendans conualescere cœpit, & morbo est liberatus. Anna Barzellona ferè sexagenaria, cùm toto biennij spatio morbo paralytis grauitè vexata immobilis esset ad omne opus laboris; & gradus ascendere, aut ex illis descendere non posset, nisi scipionibus innixa; & insuper nouus apoplexiæ in altero latere morbus accessisset; humanis remediis omnino destitutam se intelligens, voto nuncupato meliùs se habere cœpit: & toto illo die, ac nocte insequenti inchoata valetudo ita est aucta; vt iam illucescente manè sana omnino ad Ecclesiam Collegij dictæ Societatis accurreret expeditissimè, gratias Deo, ac B. Ignatio redditura. Ioannæ quoque Claræ & Noqueræ, mulieri Maioricensi, annos  
natæ



natae quinquaginta sex, cæcitate laboranti **V R B A N.**  
 videndi facultatem reddidit B. Ignatius. Bar- **V I I I.**  
 tholomæus Contesti Chirurgus adeò acer-  
 bis & diuturnis capitis doloribus opprime-  
 batur, vt præ nimio dolore sæpè ad terram  
 allideretur: accessit in oculorum altero tam  
 grauis inflammatio, vt alterum etiam diue-  
 xaret; ita vt ne tenuissimum quidem lucis  
 radium perferre, aut aliquantulum quiesce-  
 re posset: ob idque in tenebroso conditus cu-  
 biculo inde non egrediebatur: & eò deuen-  
 tum est, vt ex intolerando dolore non dubi-  
 taret affirmare, quòd si quidam Chirurgus  
 iam defunctus in humanis ageret, oculū sibi  
 erui iussurus esset: religione demum eximiā  
 erga Beatū istum incensus, illius reliquiam  
 ad se afferri iussit: & in puncto, quo fuit illa  
 delata, benè se habuit, capitis & oculorum  
 cessauit dolor, visum recuperauit, & lucis  
 splendorem sine vllā offensione sustinuit. Vt-  
 que intelligeretur subitam curationem di-  
 uinæ virtuti, atque intercessioni B. Ignatij  
 tribuendam esse; bis, tēve sacrā Reliquiā è  
 cubiculo exportatā, dolor rediit: eademque  
 in cubiculum reductā, illicò morbus discessit:  
 quo facto admonitus Bartholomæus, sacram  
 Reliquiam penes se retinuit: atque ita intra  
 tres, vel quatuor dies ita perfectè sanatus  
 est, quasi numquàm ægrotasset. Quo audito  
 Columna Cortei & Vich, quæ capitis dolo-

VRBAN.

VIII.

re ita vexabatur, vt neque noctu quiesceret; & superueniente in vno oculorum tanto cruciatu, vt palpebram attollere non posset; & cæca denique remansisset; misit, qui eamdem Reliquiam ad se deferret: quâ allatâ, & super oculos, præuiâ inuocatione eiusdem Beati, impositâ, palpebra, quæ prius per Chirurgos aperiri non poterat, confestim vltro, ac per se cœpit aperiri: cessauit dolor, lucis splendorem Columna pertulit, & intra tres dies paullatim visum omnino recuperauit, & perfectè conualuit. Ioanna quoque de Aragona & Pignatella, Ducissa Terræ-nouæ, quæ quatuor iam menses vehementissimo dolore cruciabatur ex tumore & duritie alterius mamillæ; eoque reducta erat, vt neque pedes, neque brachia mouere posset, quin sibi viscera transfigi quodammodò viderentur, ad opem eiusdē Beati confugiens, & illius imaginem religiosè de manè venerata, & illi se commendans, vespere eiusdem diei sana sine tumore, sine duritie, & sine vlllo doloris sensu reperta est. Demum his, & quamplurimis aliis permotus idem GREGORIUS prædecessor, ex antiquo Romanorum Pontificum prædecessorum nostrorum, tunc suorum, instituto, publico prius, in quo præter prædictos Cardinales, etiam Venerabiles fratres nostri Patriarchæ, Archiepiscopi, & Episcopi, ac alij Romanæ Curiae Prælati, & dicti

dicti GREGORII prædecessoris familiares dilecti filij conuenerunt; & dilectus filius Nicolaus Zambecarius, Aulæ Pontificiæ Consistorialis Aduocatus, dicti B. Ignatij merita; & Principum ac populorum super huiusmodi Canonizatione vota retulit; & successiue altero, quod semipublicum vocant, in quo prædicti omnes, ac etiam Sedis Apostolicæ Notarij, & caussarum dicti Palatij Auditores dilecti filij interfuerunt; & omnes, quod dictus B. Ignatius canonizandus esset, publicis suffragiis iudicarunt; conuocatis Consistoriis, toto cordis affectu exultans in Domino, eundem B. Ignatium, vnà cum BB. Isidoro Agricolâ, & Francisco Xauerio inter Sanctos referendum duxit. Præscripto itaque Canonizationis die in festo S. GREGORII Magni nuncupati, quarto videlicet Idus Martij, Pontificatus ipsius GREGORII prædecessoris anno secundo; iterum dictus GREGORIUS prædecessor est hortatus ad iteratas preces, ieiunia, & eleemosynas: vt in tanto opere exequendo, lumen eius, qui lucem habitat inaccessibilem, implorarent ad ea peragenda, quibus diuinæ gloriæ honor, & Catholicæ Ecclesiæ fides augeretur. Omnibus verò iuxta Sanctorum Patrum traditiones, sacrorumque Canonum instituta, & Romanæ Ecclesiæ consuetudinem ritè & rectè peractis, dictâ die iv. Idus Martij,

VRBAN.  
VIII.

idem GREGORIUS prædecessor ad Principis  
Apostolorum basilicam cum Cardinalibus,  
Patriarchis, Archiepiscopis, Episcopis, Præ-  
latis, & ipsius GREGORII prædecessoris fa-  
miliaribus prædictis; necnon dilectis filiis  
Clero sæculari & regulari, ac maximâ po-  
puli frequentiâ, conuenit: & post iteratas  
primò, secundò, ac tertio pro Canonizatio-  
nis decreto petitiones per dilectum filium  
nostrum, tunc suum, Ludouicum tituli S. Ma-  
riæ Transpontinæ Presbyterum Cardina-  
lem Ludouisium nuncupatum, nomine præ-  
dictorum, qui pro eâ instituerant; post sacros  
Hymnos, Litanias, aliasque preces, & post  
imploratam Spiritus sancti gratiam, ad ho-  
norem Sanctissimæ & indiuiduæ Trinitatis,  
& fidei Catholicæ exaltationem, & Chri-  
stianæ Religionis augmentum, auctoritate  
eiusdem Dei omnipotentis Patris, & Filij,  
& Spiritus sancti, & BB. Petri & Pauli  
Apostolorum, decreuit & definiuit, dictum  
Ignatium Loiolam, prædictæ Societatis fun-  
datorem, vnà cum Isidoro, & Francisco præ-  
fatis, ac BB. Philippo, necnon Theresiâ, San-  
ctum, & Sanctorum Catalogo adscriben-  
dum & aggregandum esse, prout adscripsit  
& aggregauit: statuens, vt ab vniuersis  
Christi fidelibus in eius honorem Ecclesiæ,  
& altaria, in quibus sacrificia Deo offe-  
rantur, ædificari; & quolibet anno, dictâ  
die



die illius obitus pridie Kalend. Augusti, fe-  
 stum ipsius, & officium, tamquàm de Con-  
 fessore non Pontifice, ad formam in Rubri-  
 cis Romani Breuiarij præscriptam, solemniter  
 celebrari possint. Insuper eadem aucto-  
 ritate omnibus vtriusque sexus Christi fide-  
 libus verè pœnitentibus & confessis, qui  
 annis singulis ipsius festo ad sepulcrum, in  
 quo corpus eius requiescit, vísitandum ac-  
 cesserint, vnum annum, & quadraginta dies;  
 iis verò, qui in eiusdem festi octauâ id fece-  
 rint, etiam quadraginta dies de iniunctis eis,  
 aut aliàs quomodolibet, debitis pœnitentiis  
 misericorditer in Domino relaxauit. Et de-  
 cantato solemniter hymno, *Te Deum lauda-*  
*mus*, & diuinâ ope imploratâ, S. Ignatij &  
 aliorum Sanctorum prædictorum meritis,  
 per peculiarem ad id orationem, quam di-  
 ctus GREGORIUS prædecessor piè & solen-  
 niter recitauit; sacrosanctum Missæ sacri-  
 ficiū solemnī pompâ & ritu, cum eorum-  
 dem Sanctorum commemoratione, ad altare  
 Principis Apostolorum celebrauit: & omni-  
 bus Christi fidelibus tunc præsentibus ple-  
 nariam omnium peccatorum suorum indul-  
 gentiam & remissionem, ad Dei laudem, &  
 gloriam Sanctorum eius, impertitus fuit. Ne  
 autem de decreto, definitione, adscriptione,  
 aggregatione, statuto, relaxatione, imperti-  
 tione, aliisque præmissis, pro eo quòd super  
 Y 3 illis

**VRBAN.** illis ipsius GREGORII prædecessoris litteræ, eius superveniente obitu, confectæ non fuerunt, valeat quomodolibet hæsitari; Volumus, & Apostolicâ auctoritate decernimus, quod decretum, definitio, adscriptio, aggregatio, statutum, relaxatio, impertitio, aliæque præmissa à dictâ die **IV.** Idus Martij suum debitum sortiantur effectum, ac si super illis ipsius GREGORII prædecessoris litteræ sub Datum eiusdem diei confectæ fuissent, prout superiùs enarratur: quodque præsentēs nostræ litteræ ad probandum plenè decretum, definitionem, adscriptionem, aggregationem, statutum, relaxationem, impertitionem, & alia præmissa ubique sufficiant: nec ad id probationis alterius adminiculum requiratur. Ceterùm, quia difficile foret præsentēs nostras litteras ad singula loca, ubi opus esset, deferri; Volumus, ut earum exemplis, etiam impressis, manu publici Notarij subscriptis, & sigillo alicuius personæ in dignitate Ecclesiasticâ constitutæ munitis, eadem ubique fides adhibeatur, quæ ipsis præsentibus adhiberetur, si essent exhibitæ, vel ostensæ. Nulli ergo omnino hominum liceat hanc paginam vtriusque voluntatum nostrarum, & decreti infringere, vel ei ausu temerario contraire. Si quis autem hoc attentare præsumperit, indignationem omnipotentis  
Dei,

Dei, ac BB. Petri & Pauli Apostolorum eius, V<sub>RBAN.</sub>  
se nouerit incursum. Datum Romæ apud V<sub>III.</sub>  
S. Petrum anno Incarnationis Dominicæ  
millesimo sexcentesimo vigesimo tertio,  
viii. Idus Augusti, Pontificatus nostri anno  
primo.

† Ego Vrbanus Catholicæ Ecclesiæ  
Episcopus.



†  
† Ego Franciscus Maria Episcopus Ostien-  
sis Cardinalis à Monte.

†  
†  
† Ego O&. Episcopus Prænestinus Cardi-  
nalis Bandinus.

VRBAN' † Ego Ioannes Baptista Episcopus Alba-  
VIII. nensis Cardinalis Detus.

†

† Ego A. tit. S. Laurentij in Lucinâ Presby-  
ter Cardinalis Perettus.

† Ego B. tt. S. Mariæ Transtiberim Cardi-  
nalis Benilaqua.

†

†

†

† Ego Dominicus SS. Apostolorum Cardi-  
nalis Gimnadius.

† Ego C. Cardinalis tit. S. Cæsarei Madru-  
tius.

† Ego S. tit. S. Chryfogoni Presbyter Car-  
dinalis Burghefius, maior Pœnitentia-  
rius.

† Ego Io. Garfia tit. SS. Quatuor Corona-  
torum Presbyter Cardinalis Millinus.

† Ego M. tt. SS. Quirici & Iulittæ Presby-  
ter Cardinalis Lantes.

†

† Ego Io. B. tit. S. Cæciliæ Presbyter Car-  
dinalis Lenius.

†

†

†

† Ego D. tit. S. Martini in montibus Car-  
dinalis Riuarola,

†

†



VRBAN.  
VIII.

†  
†  
† Ego G. tit. S. Crucis in Hierusalem Præ-  
sbyter Cardinalis Borgia.  
† Fr. Felix tit. S. Anastasiæ Presbyter Car-  
dinalis Afculanus.

†  
† Tib. tit. S. Priscæ Presbyter Cardinalis  
Mutus.

† Ego Gabriel tit. S. Bartholomæi in Insulâ  
Presbyter Cardinalis de Trejo.

†  
† Ego I. tit. S. Sabinæ Presbyter Cardinalis  
Sabellus.

† Ego M. tit. S. Mariæ de Pace Presbyter  
Cardinalis Klefelius.

†  
†  
† Ego S. Presbyter Cardinalis S. Sufannæ  
S.R.E. Bibliothecarius.

†  
†  
†  
† Ego Guido tit. S. M. de populo Presbyter  
Cardinalis Bentiuolus.

†  
†  
†  
†  
†

VRBAN. † Fr. Desiderius tit. S. Clementis Presbyter  
VIII. Cardinalis de Cremonâ.

†

† Ego Ludouicus Presbyter Cardinalis Ludouisius tit. S. Laurentij in Damaso  
S. R. E. Vicecancellarius.

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

† Ego Franciscus S. Angeli in foro Piscium Diaconus Cardinalis Boncompagnus.

† Ego

† Ego Hipp. S. Mariæ nouæ Diaconus Car- VRBAN.  
dinalis Aldobrandinus, S. R. E. Came- VIII.  
rarius.

†  
†

Ioseph Anselmus.

G. Montanus.

Locus † plumbi.

Registrata in Secretariâ Breuiam.

BVL

## CANONIZATIONIS

## S. FRANCISCI XAVERII.

*VRBANVS Episcopus seruus seruorum  
Dei, Ad perpetuam rei memoriam.*

**R**ationi congruit, & conuenit æquitati,  
vt ea, quæ de Romani Pontificis prouiden-  
tentiâ processerunt, licet eius superuenien-  
te obitu litteræ Apostolicæ desuper confe-  
ctæ non fuerint, suum debitum consequan-  
tur effectum. Dudum siquidem felic. rec.  
GREGORIUS Papa XV. prædecessor noster piè  
præmeditans, quòd vnigenitus & coæter-  
nus æterni Patris Filius, cùm de regalibus  
Sedibus in hunc mundum, vt salutem hu-  
mani generis operaretur, descēdisset, semen  
bonum verbi sui in agro orbis terrarum se-  
minauerat, vt omnium cælestium virtutum,  
& ad extremum æternæ vitæ fructum cre-  
dentibus germinaret, quod quæ cùm pro di-  
uinæ huius segetis incremento pretiosissi-  
mum sanguinem suum, ignominiam Crucis  
voluntariè subiens, effudisset; ac perfectò  
demum opere, ad quod missus fuerat, super  
omni-



omnibus cælorum sublimitatibus ad dexte-  
ram Patris in sæculorum æternitate confes-  
sus ascendisset; plurimos seruos & amicos  
suos in terris reliquerat, qui laboribus, vigi-  
liis, atque ad ipsius exemplum proprii san-  
guinis effusione, diuinam hanc excolentes  
sementem, messẽ quàm vberriam in hor-  
reum eius congregarent, eiusque fines cou-  
fque dilatarent, donec iuxta promissionem  
Patris omnes gentes, & termini terræ, da-  
rentur ei in hereditatem, & possessionem. Et  
quamuis verbum eius semper à generatione  
in generationem prosperatum esset; attamen  
quando ab æternis temporibus prædestina-  
tum beneplaciti eius tempus aduenerat, vt  
abundare faceret, quasi imbrem inundantem  
misericordiam suam magnam super vniuer-  
sum semen filiorum Adam, gloriamque Cru-  
cis suæ vsque ad vltimum terræ, & in mari  
longè propagaret, verè admirabilis facta  
erat potentia ipsius, cùm reuelatis incogni-  
tis antea tribubus, & linguis, ac populis, &  
nationibus messẽ magnam atque vberem  
aperuerat, atque in eâ operarios multiplica-  
uerat, tantæque fructuum abundantia labo-  
res eorum compleuerat; vt ipsis annuntian-  
tibus Euangelicæ prædicationis sonus, vsque  
ad extremos orbis terrarum fines penetra-  
set, & à Solis ortu vsque ad occasum, ab  
Aquilone & mari, magnum nomen Domi-  
ni

VRBAN.  
VIII.

VRBAN. ni Dei nostri in vniuersis gentibus reddi-  
VIII. tum esset.

Inter ceteros verò, quos ad perficiendam voluntatis suæ sacramentum in tantarum gentium vocatione Dominus præordinauerat, egregius Seruus eius FRANCISCUS XAVERIUS, NOVVS INDIARVM APOSTOLVS, gloriâ sanctitatis, & meritorum splendore præcipuè emicuerat, qui cùm à iuuentute suâ perfectè coram Deo ambulasset; spretis-  
que, ac conculcatis diuitiis, ac sæculi dignitatibus, ac semetipso iuxta Verbum Domini abnegato, animam suam pro nomine Domini nostri IESV Christi tradidisset; dignus inuentus erat, qui à Spiritu sancto in tam insigne opus assumeretur, ac tamquam aliorum Dux diuinâ providentiâ constitutus, Apostolicis charismatibus affluenter decoraretur, etiam ob signa Apostolatus, quæ in eo in omni patientiâ, in signis, & prodigiis, ac virtutibus, manifesta facta erant, novarum gentiũ Apostolus vnanimi totius Christiani orbis consensu meruerat appellari: ac propterea decebat, vt tantum Dei famulum, qui pro gloriâ eius, & animarum D.N. IESV Christi sanguine redemptarum salute innumeros maximosque labores atque ærumnas perpeffus erat, ingentiaque terrâ marique subiuerat pericula; quem Deus aded magnificauerat, vt nomen eius honorabile esset  
apud

apud omnes gentes, idem GREGORIUS VRBAN.  
 prædecessor pro suo pastoralis munere verè VIII.  
 Sanctum, & electum Dei, in militanti Eccle-  
 siâ declararet, eiusque virtutes, tamquàm  
 eximias, & præcellentes, vniuersis Christi  
 fidelibus imitandas proponeret, vt populus  
 Christianus actiones suas ad honorem Dei  
 (ipsius exemplo) dirigens, eum apud Deum,  
 & Dominum IESUM Christum in eius neces-  
 sitatibus habere mereretur intercessorem.

Atque vt omnes Christi fideles promptiùs  
 ad laudandum Deum omnipotentem, secun-  
 dùm multitudinem magnitudinis eius, exci-  
 tarentur, deuotionisq̃ue ardor erga tantum  
 Dei famulum augeretur, dum eius in terris  
 cælestem, & laudabiliter actam vitam orbì  
 terrarum explicaret, & patefaceret, in pri-  
 mis & ante omnia præmitteret: Quòd natus  
 erat insignis hic Dei seruus Nauarræ in op-  
 pido Xauerio Pampilonensis diocesis, ma-  
 ternæ ditionis loco, nobilibus ac piis proge-  
 nitoribus: qui cùm ipsum ab infantiâ time-  
 re Deum, ac ab omni peccato abstinere edo-  
 cuissent, vbi ætas demum adoleuerat, Lute-  
 tiam Parisiorum, studiorum gratiâ eundem  
 miserant. Quibus cùm alacriter operam da-  
 ret, post haud multum temporis de eo do-  
 mum reuocando pater cogitare cœperat,  
 quod cùm tunc in humanis agens Maria  
 Magdalena eius soror, quæ Monasterium  
 monia-

**VRBAN.** monialium oppidi nuncupati Gandiæ, **Or-**  
**VIII.** dinis S. Claræ discalceatarum nuncupata-  
 rum Valentinenſis diœceſis, non ſine ingenti ſanctitatis famâ tûc regebat, præſenſiſſet, fratris vocationem diuinitûs edocta per litteras cum patre vehemētiûs egerat, vt Franciſci ſtudia omni ope etiam cum rei domeſticæ detrimēto foueret: eum enim incognitarum gentium Apoſtolum diuinâ prouidentiâ præordinatum eſſe præuidebat.

Cumque Lutetiæ commoraretur, in familiaritatem S. Ignatij inſinuatus, ac poſtmôdum in ſocium ipſius, qui id ardentibus precibus à Deo ad ingentem Eccleſiæ vtilitatem præſtandam poſtulauerat, adſcriptus; eoque duce ingreſſus erat arctam viam, quæ ad vitam ducebat. Vt enim ſpiritu viuificaretur, carnem ſuam ad antiquorum ſanctorum Patrum exemplum ſeueriſſimè mortificauerat. Interdicto enim ſibi non ſolùm carnis & vini, ſed panis etiam triticei uſu, vilibus tantummodò ac inſulis cibis, iisque quàm parciffimè uſus erat. Quin etiam frequenter integro biduo triduoque ab omni cibo prorfus abſtinuerat. Aliquando verò omnes maioris hebdomadæ dies, uſque ad Sabbatum Paſchatis ieiunus tranſegerat; ſomnoque breuiſſimo vires reficere conſueuerat, humi, vel lectulo viliffimis ſtragulis contecto iacens. Corpus ſuum ferreis flagellis



lis adeò diuerberabat, vt sæpè copiosus san- VRBAN.  
guis efflueret. Aliquando autem funiculis VIII.  
arctissimè constrictis lacertis & coxendici-

bus iter aggressus erat. Cumque plures dies  
in eo cruciatu perseuerasset, vincula adeò  
corpori eius infixæ erant, vt præ doloris  
magnitudine viribus destitutus in viâ con-  
cideret, ac nisi præcipuo Dei beneficio,  
absque vllâ humanâ ope disrupta fuissent,  
de eius vitâ omnino desperatum fuisset.

Quàm præclare verò in eius animo reliquæ  
Christianæ virtutes effulsissent; quàm po-  
tenter scuto fidei protectus omnia nequissi-  
mi ignea tela extinxisset, & quàm firmiter  
in Deo sperasset; & Sacramentorū frequen-  
tia, quibus non solum semetipsum, sed &  
alios etiam summâ cum deuotione, ac inde-  
fessâ assiduitate pascebat: & Verbi Dei assi-  
dua prædicatio, quâ tam ingentem orbis  
terrarum partem illuminauerat, insigniter  
attestabantur. Sed inter ceteras eius virtu-  
tes, quasi sidus matutinū præcipuè resplen-  
duerat caritas, quæ in omnibus quidem eius  
actionibus, præsertim tamen, cum ægrotis  
inferuaret, manifestabatur: eo etenim dile-  
ctionis ardore erga inopes infirmos, qui in  
domibus hospitalibus morabantur, se gere-  
bat, vt rarò ab eis discederet, tantâque sen-  
suum mortificatione quantumuis sordidissi-  
ma ministeria peragebat; vt aquam sæpius,

VRBAN.

VIII.

quâ horribilia & incurabilia vlcera lauerat, ebibisset. Cùm verò de vitâ periclitarentur, tunc cibi somniq̃ue prorsus oblitus, & præter proprias vires à Deo confortatus, veluti à commissâ custodiâ nec die nec nocte discedebat : illisq̃ue sanctissima Ecclesiæ Sacramenta ceterasq̃ue spirituales alimonias præbebat. Quæ adeò libenter, atque hilariter exequebatur, vt deliciæ eius, deservire ægrotis ac morientibus, esse dicerentur; & quasi aliquod talentum, sibi Diuinæ benignitatis munificentiam creditum negotiaretur, assiduam hanc erga ægrotos curam ac vigilantiam toto vitæ suæ tempore, vbicumque moraretur, exercuerat. Sed & per eandem caritatem, quæ per Spiritum sanctum diffusa erat in corde ipsius, adeò ad Deum accedebat, tantoq̃ue spiritus feruore in oratione perseverabat, vt huiusmodi cibo intentus, quo interiorem hominem reficiebat, noctes integras transigeret : nec cùm in naui esset, atque in aperto vitæ discrimine, in summis tempestatibus versaretur, desisteret, aut quidquam animo commoueretur: fieretq̃ue aliquando talis super eum mentis excessus, vt oculis in cælum defixis Diuinâ vi à terrâ eleuaretur, vultu adeò inflammatus, vt Angelicam prorsus caritatem repræsentaret: nec Diuini amoris perferre valens incendium, sæpiùs exclamaret: Satis est, Domine, satis

satis est. Cùm verò sacrosanctum Missæ ce-  
 lebraret sacrificium, sæpenumerò à sensibus  
 usque adeò abalienabatur; vt nec ministri ve-  
 stem succutientes, nisi post diurnam mo-  
 ram, eum excitare possent. Quin etiam ali-  
 quoties altiùs cubito à terrâ elatus, ab vni-  
 uersâ adstantium multitudine miraculi ma-  
 gnitudinem obstupesciente, ac Serui Dei san-  
 ctitatem suspiciente conspectus fuerat; nec  
 solùm vigilans vir sanctus Deum in corde  
 & ore habebat; sed & dormiens in ipso re-  
 quiescebat: frequenter enim in somnis san-  
 ctissimum nomen IESU cum summâ mentis  
 dulcedine proferre audiebatur. Cumque  
 tam singularibus floreret virtutibus, atque  
 indies à Deo potioribus augeretur muneribus;  
 non modò non extollebatur, sed cresce-  
 bat in eo semper virtus humilitatis, adeò vt  
 infima quæque domus officia semper tam-  
 quàm omnium postremus obiret. Vestibus  
 verò adeò pannosis ac vilibus utebatur, vt  
 pueris quandoque deridiculo esset. Venera-  
 batur autem eximiè vir Dei non Episcopos  
 modò, sed Sacerdotes quoscumque; Sancto  
 verò Ignatio, tunc Præposito suo, non nisi  
 flexis genibus scribebat. Honores verò ac  
 laudes hominum adeò horrebat, vt amplissi-  
 mam Apostolici Nuntij dignitatem, quâ in-  
 structus in Indias à Summo Pontifice missus  
 fuerat, quàm studiosissimè occultaret, nec

VRBAN.  
VIII.

VRBAN. nisi semel eâ potestate ( necessitate coactus )  
VIII. vsus fuerat.

Ceterùm tantus vir insigne stadium à Deo consecutus erat, in quo gloriosè, vsque ad consummationem cursus & coronam iustitiæ, decertaret : Cùm etenim clar. mem. Ioannes Lusitaniæ Rex à piæ me. PAVLO Papâ III. tunc dicti GREGORII, nunc etiam nostro respectiuè prædecessore, nonnullos ex Ignatij sociis postulasset, quos ad Orientales Indias, vt in vastissimis illis regionibus verbum Dei disseminarent, transmitteret: idem Pontifex S. Ignatij hortatu ad tantum opus peragendum Franciscum Xauerium elegerat, quem etiam Apostolici Nuntij dignitate, & amplissimâ potestate decorauerat. Cumque viatici nomine plurima ei à Prætorè Regio pararentur, homo qui pro viatico ac perâ de Dei benignitate, in cuius Euangelij opus segregabatur, præsumebat; numquàm adduci potuerat, vt quidquam præter vilissimum centonem acciperet : & in naui super funem nauticum dormiebat, ac emendicato viuebat: ægrotis in vilissimis ministeriis indefessâ caritate noctu diuque seruiebat.

In Indiam vt peruenerat, statim nec modico quidem tempore ad quietem post longissimam, ac difficillimam nauigationem sumpto, ad prædicandum illis gentibus

Euan-



Euangelium se accinxerat, & indutus virtute ex alto, Apostolico spiritus feruore ministerium, quod sortitus erat, tanto cum fructu exequabatur, vt gratiâ Dei efficaciter verbo eius cooperante, non solum Christianorum mores deprauatos ad meliorem frugem passim toto Oriente reuocaret; sed multa centena hominum millia, qui in tenebris, & in regione vmbrae mortis ambulabant, ad agnitionem veræ lucis perducti, regenerationis lauacro mundarentur. Nam præter Indos, Brachmanes, & Malabares (in quorum regnis Apostolica prædicatio, quæ antiquis temporibus illic viguerat, sed hostis humani generis fraude ex omnium memoriâ prorsus abolita erat, Xauerij prædicatione reuixerat.) Ipse primus Parauis, Malais, Iais, Acenis, Mindanais, Malacensibus, & Iaponibus Euangelium Christi annuntiauerat, multiq̃ue illarum nationum Reges, & Magni Principes, ingēti cum Fidei nostræ emolumento, suauis Christi iugo colla subdiderant. Incredibilia autem videbantur, quæ propter nomen Domini nostri IESV Christi tolerauerat. Per diuersa etenim regna in vastis illis orbis terrarum spatiis semper pedibus etiam sæpius nudis per arenas calidas pergebat, per spinas longissima itinera conficiebat, contumeliis sæpenumerò, probris, & illusionibus, quin etiam verberibus, & la-

VRBAN.

VIII.

VRBAN.  
VIII.

pidibus appetitus, in periculis hostium, in periculis itinerum versatus, sæpè naufragus, vigilias, frigus, & nuditatem, sitim, famem-que perpeffus erat, contractis ob assiduos ac intolerabiles labores grauissimis morbis. Nec enim (Apostoli exemplo) animam suam faciebat pretiosiore, quàm se, dummodò consummaret cursum suum, & ministerium verbi, quod acceperat, testificari Euāgelium gratiæ Dei: signa verò & prodigia, quibus Dominus Apostolorum suorum sermonem in nascentis Ecclesiæ exordiis confirmavit; ad illius nouæ sobolis incrementum; in manu etiam serui sui Francisci misericorditer renouauerat. Subitò enim à Deo diuersarum ac incognitarum gentium linguas, quas non nouerat, edoctus disertissimè, quasi in iisdem terris educatus esset, loquebatur: & accidebat quandoque vt eum ad diuersarum nationum populos concionem habentem vnusquisque eodem tempore linguâ suâ, quâ natus erat, magnalia Dei loquentem cum stupore, & ecstasi audiret, eoque miraculo multitudo magna commota reciperet verbum Dei.

Hinc post præmissa, ad Christi fidelium ædificationem aliqua ex insignioribus prodigiis, quibus prædicationem & gesta ipsius Dominus illustrauerat, recenseret. Et primò illud memorandum videbatur, quòd cum nume-

numerosus Badegarum exercitus in exitium VRBAN.  
 Christianorum à Francisco baptizatorum VIII.  
 immineret, atque omnia atrocitatis exem-  
 pla se in Christianos editurum minaretur;  
 ipse solus Fide armatus, procedens obuiam  
 ac seuerè eorum impietatem increpans; ste-  
 terat illicò immobili vestigio vniuersus ex-  
 ercitus deterritus, vt milites Ducesque refe-  
 rebant, ab homine quodam magno nigris  
 vestibus induto, qui iuxta Franciscum sta-  
 bat, cuius maiestatem ac splendorem vultu  
 oculisque micantem ferre non poterant; ita-  
 que vir sanctus, quos Christo pepererat, à  
 cæde ac direptione liberauerat. Successiue  
 apud Comorinum promontorium, cùm in  
 quadam Ecclesiâ seruus Dei infidelibus con-  
 cionaretur, ac propter duritiam cordis eo-  
 rum nihil proficeret: factâ oratione, iussit  
 sepulcrum, in quo pridie defunctus tumula-  
 tus fuerat, aperiri, ac populo significans, ad  
 comprobendam Christianæ Fidei veritatem,  
 mortuum illum Dei voluntate rursus vi-  
 cturum, linteo, quo cadauer inuolutum erat,  
 rescisso, ac rursus precibus ad Deum fufis,  
 mortuo, vt viueret, imperauerat, qui statim  
 stupentibus omnibus surrexerat viuus. Quo  
 tam insigni miraculo commoti qui aderant,  
 tum alij multi crediderunt in Deum. Eodem  
 postea loco mendicus quidam beato viro  
 occurrerat vlceribus plenus, cuius plagas

VRBAN.  
VIII.

Franciscus magno caritatis affectu lauans, atque aquam, quâ eas lauerat, ebibens, ac deinde Deum Patrem misericordiarum, vt illius pauperis misereretur, orans, è vestigio ab omni plagâ atque vlcere, Dei munere, pauper ipse omnino liber surrexerat. Sed & puer quidam Mutani in Orientali Indiâ pestilenti feбри vitâ sublatuS, ac linteo infusus, de more gentis viginti quatuor horis asseruatus, flentibus parentibus ferebatur ad sepulcrum: quos vt vir Dei vidit, misericordiâ motus super eos, Deum omnipotentem, vt puerum viuificaret, genibus flexis precatus fuerat, atque aquâ benedictâ aspersum, rescisso linteo, signo Crucis signauerat, apprehensâque manu eius, in nomine Domini IESV Christi, viuum atque incolumem parentibus restituerat; erectâ in illo loco, ad tantæ rei memoriam conseruandam, ab incolis magnâ cum celebritate Cruce. Et successiuè apud oppidum Combuture in orâ Piscariæ puer alius in puteum delapsus suffocatusque, maximo cum matris & cognatorum eiulatu efferebatur; cumque ex proximâ ecclesiâ Franciscus occurrisset, misertus eorum, in genua prouolutus, oculisque in cælum fixis, Deum pro vitâ pueri precatus, eum apprehensâ manu in nomine Domini nostri IESV Christi surgere iusserat, & confestim puer surrexerat viuus, quem Sanctus

vir



vir reddiderat matri suæ, stupentibus omni-  
 bus, ac maximo cum clamore Deo gratias  
 agentibus; quibus ipse præcepit, ne cui rem  
 gestam narrarent. Insuper dum in Iaponiâ  
 insulâ Franciscus Christi fidem prædicaret,  
 accefferat ad eum mercator quidam à multis  
 annis cæcus, petens vt sibi à Deo, vt videret,  
 impetraret: Franciscus, recitato super eum  
 Euangelio, signum Crucis oculis eius im-  
 presserat, qui eodem temporis momento lu-  
 cem amissam recuperauerat. Postero verò  
 die reuersus ad eum, cum vxore ac vniuersâ  
 familiâ, genibus aduolutus gratias agens, &  
 Christianam fidem professus ad Baptismi  
 gratiam vnâ cum suis omnibus peruenerat.  
 Exierat autem tam illustris miraculi fama  
 per omnem terram illam, ac multi relictis  
 idolis suis conuersi erant ad verum Deum,  
 & IESVM Christum filium eius.

Cumque seruus Dei ad Sinas in magnâ  
 naui, quâ quingenti vehebantur, nauigaret,  
 cessauerant adeò venti, vt quatuordecim  
 diebus naus eodem loco hæssisset immota;  
 cumque inter ceteras difficultates aquæ pe-  
 nuriâ valdè laboraretur, multi que iam siti  
 deficerent; vir sanctus omnia naus vasa ma-  
 rinâ aquâ impleri iusserat, fusis que instanter  
 ad Deum precibus, super ea signum crucis  
 fecerat, ac repentè aqua illa salsa, dulcis sa-  
 lubrisque effecta erat, quo miraculo plures,

**VRBAN.** qui in nauī erant , infideles crediderant in  
**VIII.** Deum: quin etiam aquæ illius, quæ abundè  
superfuerat, potu plurimi per multas India-  
rum prouincias variis , quibus vexabantur,  
morbis sanati fuerāt. Ad eosdem Sinas con-  
tendens, cū sœuissimā ortā tēpestare omnes  
de se actum esse existimarent , Gubernator  
nauis , ne repentinæ vis procellæ scapham  
auferret , validis eam rudentibus ad onera-  
riam alligari iussisset; nō multò pōst abruptis  
retinaculis , scapham tempestas abstulerat  
tanto impetu , vt pænè temporis momento  
omnium conspectum effugisset ; & prout  
quisque cognatos , & necessarios in scaphā  
habebat , certatim eorum casum deplorare  
cœperant. Franciscus ergo vniuersos colla-  
crymantes bonum eos habere animum iusse-  
rat, ac prædixerat fore, vt ante triduum filia  
remearēt ad matrem , significans scapham,  
ad onerariam redituram , prout Deo dante  
apparere visa fuerat , & rectā ad onerariam  
tendere & sponte ad illius latus accedere,  
atque ita aptè se applicare ; vt illi omnes,  
qui in eā erant , commodè excepti fuissent,  
quæ etiam in mediis fluctibus, nemine illam  
retinente, tamdiu steterat , quoad religare-  
tur ad nauim, attonitis omnibus ex miracu-  
lo remanētibus. Ad Moluchas insulas etiam  
Franciscus aduenerat , vbi magno spiritus  
feruore verbum Dei primus annuntiabat,  
atque

atque in Vrbe Tolo vigintiquinque millia VRBAN.  
hominum baptizauerat, qui cùm suafu Ty- VIII.

ranni cuiusdam Christi fidem deseruissent, ecclesiam solo æquassent, Cruces, Sancto-  
rumque imagines confregissent, & concul-  
cassent; Franciscus zelum Domini zelatus  
viginti Lusitanos, ac quadringentos circiter  
indigenas ad ultionem tanti sceleris incita-  
uerat, eoque Duce, ac victoriæ sponse, tam  
parua militum manus aduersus urbem mu-  
nitissimam, Christi rebellem, expeditionem  
aggrediebatur; sed cùm prope urbem per-  
uenissent, substitit vir Dei, ac orationi se  
dederat, statimque vicinus mons magnum  
emiserat incendium, adeoque ingentem ci-  
neris, ac pumicum vim eructauerat; ut urbis,  
atque arcis, quæ in edito sita erat, muros  
æquasset, horribilisque præterea terræmo-  
tus totam urbem concusserat, plurimasque  
domos subuerterat; quibus malis exterriti  
incolæ, desertâ vrbe, in proximas siluas con-  
fugerant. Vrbs itaque à Francisci militibus  
facile capta erat. Ciues verò ad eius pedes  
prostrati, acceptaque salutarî poenitentiâ,  
delicti veniam impetrarant.

Uterius, cùm inter easdem insulas Fran-  
ciscus nauigaret, ac sæuissima orta esset ma-  
ris tempestas; ad eam sedandam, Crucifixi  
imaginem, quam collo appositam gestare  
solebat, vndis immiserat, quæ vi procellæ è  
mani-

VRBAN. manibus excussa, in profundum maris, non  
 VIII. sine magno eius mœrore delapsa erat : sed  
 lætificauerat Dominus animam serui sui;  
 nam cùm ad terram applicuisset, ac secus  
 littus iter faceret; marinus cancer ex vndis  
 subito prosiluerat, atque ante pedes ipsius  
 steterat, eamdem crucem morsibus eleuatam  
 gerens, & Franciscus in genua prouolutus  
 eam deuotè susceperat, ac diurnâ oratio-  
 ne ob tam egregium munus Deo gratias  
 egerat.

Prophético etiam spiritu Deus seruum  
 suum, quem in lucem gentium dederat, illu-  
 minauerat, atque adeò insigne donum pluri-  
 mis manifestauerat exemplis. Atque inter  
 cetera cùm Aceni populi, inter quos & Tur-  
 cæ erant multi, sexaginta nauium classe ve-  
 cti, Christianorum naues concremassent, ac  
 multos crudelissimis suppliciis affectos ene-  
 cassent, ducēti ac triginta milites in octo na-  
 ues distributi, Frācisco suadēte, ac in nomine  
 Domini exercituum victoriam promittente,  
 classē barbarorum infecuti erant : trans-  
 actoque iam mense, cùm nullus ab ipsis nun-  
 tius adueniret, consternatis omnibus, iam-  
 que de ciuium suorum salute desperantibus,  
 Franciscus in ipsâ conflictus horâ classium  
 congressum, ac insignem Christianorum vi-  
 ctoriam, haud secus ac si præsens esset, in  
 concione narrauerat, ac diem quo tantæ rei  
 nun-



nuntius aduenturus esset, prædixerat. Quæ VRBAN.  
omnia cum ingenti omnium admiratione, VIII.  
eo ipso, quod designârat, tempore, certis  
nuntiis approbata fuerant. Cumque duæ na-  
ues eodem tempore à portu soluissent, præ-  
dixerat Franciscus, subortâ magnâ in mari  
tempestate, alterâ naufragium passuram, al-  
teram verò (& in hac ipse reperiabatur) ex-  
tra omne maris periculum in nauali dissol-  
uendam; quam prædictionem vtriusque exi-  
tus comprobauerat, cum alterius fragmenta  
non multò post inspecta fuissent, altera ve-  
rò multis tutè peractis itineribus, cum pu-  
blicato vaticinio, Sancti Patris nauis voca-  
retur, ac vbicumque appelleret, cum plausu  
exciperetur; demùm post multos annos in  
nauali, vt reficeretur, subducta, sponte cor-  
ruerat.

Grassante quoque pestilentiâ in Lusita-  
norum ac Hispanorum classibus, quæ ad  
Amboinam insulam appulerant, cum San-  
ctus vir ægrotis de more ministraret, à Ioan-  
ne de Arausio, vt vinum sibi ad eorum vsum  
elargiretur, petierat, quod Arausius grauati-  
m, timens ne sibi deesset, miserat, quem  
Dei seruus admonuerat, vt in caritatis ope-  
ribus largior esse vellet, breuî etenim fore,  
vt vitâ defungeretur, eiusque omnia bona  
in vsus pauperum cederent. Cumque post  
non multum temporis spatium ad Terna-  
tim

**VRBAN.** tim insulam, quæ ducentis ampliùs milliari-  
**VIII.** bus à loco distabat, aduentasset, ac Missæ sa-  
 crificium celebraret, versus ad populum,  
 Orate (dixerat) pro animâ Ioannis de Arau-  
 sio, qui modò expirauit, stupentibus omni-  
 bus, post duodecimum demum diem super-  
 uenerat, qui visionem sancti viri verissimam  
 fuisse, nuntiata Arausij morte declarauerat.

Mercatori cuidam Meliapore discessum,  
 ac munusculum aliquod tamquàm beneuo-  
 lentia signum à se postulanti, Seruus Dei  
 B. M A R I Æ Virginis coronam precariam è  
 collo detractâ elargitus erat, affirmans fore,  
 vt quamdiu illam penes se haberet, ab omni  
 maris periculo incolumis esset euasurus. A  
 portu itaque mercator soluens naufragium  
 fecerat, cumque in tabulata ex lignis raptim  
 composita cum nonnullis aliis vectoribus  
 exiisset, in alto mari alienato à sensibus ani-  
 mo visus esset sibi cum ipso seruo Dei Fran-  
 cisco in eo loco, in quo coronam precariam  
 præfatam acceperat, colloqui. Quinto de-  
 mum die, ex quo desilierat in illa tabulata,  
 ab eâ animi ecstasi, velut ab alto somno ex-  
 perrectus, cum neque tabulata, neque socij  
 vnquam comparuissent in littore, Nagapa-  
 tani prope Meliaporem saluum & incolumem  
 se repererat.

Petro Vellio autem, qui summâ voluntate  
 in quoddam caritatis opus pecuniam viro  
 Dei

Dei elargitus fuerat , promiserat , fore vt VRBAN.  
 numquàm ei necessaria deessent , ac mortis VIII.  
 horam diuinitus præcognosceret : quorum  
 vtrumque acciderat. Nam quamuis Petrus  
 maxima perpeſſus eſſet rei familiaris detri-  
 menta; ſemper tamen ab omnibus ſummam  
 liberalitatem expertus erat, ac tranſactis de-  
 mum multis annis, reuelatâ ſibi mortis horâ,  
 ſe in eccleſiâ in feretro compoſuerat, auditâ-  
 que Miſſâ, ac precibus, quas pro animæ ſuæ  
 ſalute recitari iuſſerat, ibidem ſtatim in pa-  
 ce obdormiuerat.

Demum vir Dei conſummato feliciter  
 peregrinationis ſuæ curſu, famâ ſanctitatis  
 clarus, & bonis operibus plenus, cùm ei be-  
 nedictionem Patriarchæ Abrahæ Dominus  
 ſpiritualiter elargitus eſſet , vt multarum  
 gentium pater efficeretur, & filios , quos  
 Chriſto IESV genuerat , ſuper ſtellas cæli, &  
 ſuper arenam, quæ eſt in littore maris, mul-  
 tiplicatos videret , & ex eis plurimos pro-  
 prio ſanguine laureatos ad cæleſtia regna  
 præmiſiſſet; ORIENTALIUM INDIARUM  
 APOSTOLVS ab vniuerſis Indiæ regnis, toto-  
 que Chriſtiano orbe appellatus, dum aditum  
 Euangelio in vaſtiſſimo Sinarum Imperio  
 quærebat, aſſiduus laboribus, quos vltra hu-  
 manas vires pro gloriâ Dei tolerauerat,  
 conſectus, in Inſulâ prope Sinas, die ſecun-  
 dâ Decembris anni Domini milleſimi quin-  
 gente-

VRBAN. gentesimi quinquagesimi secundi, ad cæle-  
 VIII. stem gloriam, perpetuò cum Deo regnatu-  
 rus euolauerat. Defuncti corpus viuâ calce  
 perfusum, vt exesâ carne, ossa in Indiam  
 exportarentur, inclusumque arcâ lignê se-  
 pultum fuerat, quod post quatuor menses  
 effossum ita recens, ac tractabile, vestimen-  
 tisque adeò integris ac si nuper esset tumu-  
 latum repertum extiterat, & quamuis nullo  
 odoramentorum genere curatum fuisset;  
 Diuino tamen munere eam odorum fragran-  
 tiam spirabat, vt esset super omnia aromata.  
 Calce itaque rursus iniectâ, Malacamque  
 (in Orientali Indiâ vrbs est celeberrima)  
 delatum extiterat; in quâ cum sæuissima pe-  
 stis plurimos quotidie conficeret, ingenti  
 beneficentiâ aduentum eius Deus insigniue-  
 rat: nam sacro corpore in urbem illato, adeò  
 omnis contagio desierat, vt eâ deinceps nul-  
 lus omnino correptus fuisset. Arcâ itaque  
 rursus apertâ, integrum sicut antea, eam-  
 demque odoris suauitatem diffundens re-  
 pertum etiam fuerat. Cumque in nouo lo-  
 culo conderetur, ex humero, ob arculæ bre-  
 uitatem paulum compresso recens sanguis  
 effluxerat. Nono demum post obitum men-  
 se, sepulcro iterum patefacto, rursus, vt an-  
 tea, diuinâ virtute à corruptione immune,  
 ac cælestibus perfusum aromatibus inuen-  
 tum, velo, quo facies eius operta fuerat, ob

ingestâ



ingestæ terræ pondus recenti cruore con-  
 sperso, nouâ itaque arcâ sericâ, aureâque ve-  
 ste contactâ pretiosissimum pignus inclu-  
 sum, in Indiam ad Coccini portum delatum  
 erat, confluentibus vndique ad honorandum  
 communis in Christo IESV parentis corpus  
 plurimis earû gentium populis. Inde Goam  
 insigni celebritate translatum à Prorege, ac  
 omnibus ciuium ordinibus maximâ fre-  
 quentiâ, ac deuotione exceptum, & in Ec-  
 clesiâ Societatis IESV, vt populorum deuo-  
 tioni satisfaceret, validis cancellis inclusum,  
 omnium oculis per triduum expositum re-  
 manserat, eiusdemque Proregis iussu ab in-  
 signi medico, deindeque à Vicario Goano  
 visitatum ac pertentatum, omni ex parte in-  
 corruptum, integris etiam intestinis com-  
 pertum fuerat, manante etiam ex paruo in-  
 flicto vulnere recenti cruore.

Quo tempore cùm mulier quædam, affe-  
 ctu deuotionis incitata, specie osculantis,  
 pedis digitum, vt illum abscinderet, morflu  
 apprehendisset; statim sanguis effluxerat.  
 Sed Altissimi benignitas non his modò mi-  
 rabilibus Sanctû suum in conspectu omnium  
 populorum mirificauerat; sed omni tempo-  
 re ingentia præstabat beneficia his, qui eius  
 intercessionem fideliter implorabant, vt  
 plurimis exemplis, præsertim verò infrâ in-  
 fertis, manifestum erat.

VRBAN.

VIII.

Puer quidam Goæ natus , qui vtrumque pedem à natiuitate adeò aridum , & crura sicca habebat, vt illis non posset insistere, sed manibus reptare cogeretur; ad serui Dei sepulcrum ab educatrice perductus , singulis nouem diebus visitare statuerat. Cumque votum cœpisset adimplere , tertiâ iam die, quâ sepulcrum visitabat, puer in eius gremio existens repentè ferream sepulcri craterem manibus apprehendens, suis stare pedibus, & ambulare cœperat, & statim omnino sanus euaserat , & intra nouem dies , quos promiserat , crura carne repleta fuerant, & sic semper valens , & sanus deinde vixerat. Cottatâ Indiæ Orientalis ciuitate vnus mensis infans mortuus ad sepulcrum curatus erat : vouerant itaque cum ingenti fide parentes, se insigne donum si puer reuiuere, sepulcro Serui Dei oblaturus, ac Francisci nomen ei imposituros ; repentè infans aperire oculos, brachia, pedesque mouere, ac vagire cœperat, ac paulò pòst non viuum modò, sed & omnino sanum atque incolumem filium receperant, redditisque cum ingenti gaudio votis , tam insigne miraculum per totam illam regionem diuulgarant.

In eadem Vrbe cæco cuidam Sanctus per quietem apparuerat , cumque monuerat, vt ad ecclesiam eius visitandam , oculorum lumen ibi recepturus pergere non differret.

Parue-

Paruerat fideliter homo, ac dum per nouem VRBAN.  
dies ante Francisci imaginem orabat, repen- VIII.  
tè discussâ omni cæcitatis caligine sanatus  
erat, & perfectè viderat.

Quin etiam leprosus quidam in eodem  
loco magnâ fiduciâ ad Sancti intercessionem  
confugerat, proprioque corpore oleo lam-  
padis, quæ ad eius imaginem ardebat, per-  
uncto, dum prostratus orabat, repentè à le-  
prâ mundatus, atque omnino sanus effectus  
erat. Eamdem virtutem experta erat Fran-  
cisca Rebelles, quæ à multo tempore san-  
guinis fluxum, ac ventris tumorem cum in-  
genti dolore patiebatur. Lampadis enim  
ante eius imaginem pendentis identidem se  
oleo vngens, statim ad eò perfectè conuale-  
rat, vt nullas ampliùs eorum morborum sen-  
sisset reliquias: frequenter enim acciderat,  
vt lampades ad eamdem Serui Dei imagi-  
nem appensæ, aquâ tamen benedictâ infusæ  
haud secus, ac si oleo plenæ essent, arderent,  
lucerentque stupentibus etiam infidelibus,  
quos ad tantæ rei miraculum conspicien-  
dum non sine magno fidei nostræ incre-  
mento Christiani incitabant. Cùm frustrâ  
omnes medicæ artis opes expertus esset  
Gundisalvus Coccinensis ciuitatis incola, vt  
inueterato cancri morbo quod pectus eius  
assiduus doloribus vexabat, mederetur; ad  
Diuinam opem conuersus omnipotentis Dei

VRBAN. misericordiam, vt se B. Francisci meritis san-  
VIII. num faceret, implorauerat. Imaginem igitur  
eius ære excusam vlceri applicauerat: eodem-  
que momento ab omni plagâ incolumis eua-  
ferat.

Eiusdem Urbis ciuis Emanuel Rodriguez  
pedes habebat vlceribus plenos, ac ob ner-  
uorum contractionem adedò debiles, vt illis  
insistere non valeret; quibus malis etiam  
grauis & periculosa dysenteria accesserat.  
Medicis itaque de eius vitâ diffidentibus,  
cùm ad intercessionem famuli Dei Francisci  
æger confugisset, eadem imagine corpus  
suum in formâ Crucis signauerat, & aquam,  
in quâ eadem merfa fuerat, ebiberat: talem-  
que Diuinæ virtutis senserat effectum, vt  
intra tridui tempus ab omnibus morbis in-  
columis, integram consecutus fuisset sanita-  
tem. Eiusdemmet Serui Dei imaginis præ-  
sentem agnouerat virtutem Maria Diaz: se-  
ptem etenim annis cæcitatem, ac paralyfim  
perpeffa, signum Crucis debilitatis membris  
imprefferat, eaque eiusdem imaginis immer-  
sione aquâ sanctificatâ lauerat; necdum se-  
ptem præterierant dies, cùm oculorum lu-  
men, ac totius corporis cælesti dono acce-  
perat incolumitatem.

Hincque factum erat vt cùm tot tantisque  
signis seruum suum, omnipotens Deus in  
brachio excelsio clarificaret, & per vniuer-  
sum



sum iam terrarum orbem tot mirabilium VRBAN.  
præconia longè lateque diffunderentur, ac VIII.

propterea non solum Christi fidelium erga  
ipsum deuotio magna susciperet incremen-  
ta; sed multorum etiam infidelium corda ad  
agnoscendam Deum & Dominum nostrum  
I E S U M Christum illuminarentur; Ioannes  
Lusitanæ Rex præfatus, zelo deuotionis ac-  
census institerat, vt à diuersis locorum ordi-  
nariis super eius sanctitate & miraculis pro-  
cessus fierent. Qui cum diligenter munus  
suum expleuissent, ac procedentibus tempo-  
ribus, omnia acta ad hanc sanctam Sedem  
transmissa fuissent, recol. mem. P A V L V S  
Papa V. etiam prædecessor noster, tunc suus,  
instante pro serui Dei Canonizatione etiam  
cla. me. Philippo III. Hispaniarum Rege Ca-  
tholico, deputauit bon. me. Horatium Lan-  
cellotum tunc Rotæ Auditorem, eoque ad  
Cardinalatus honorem sublimato, dilectum  
filium Magistrum Ioannem Baptistam Coc-  
cinum, eiusdem Rotæ Decanum, & pariter  
bon. mem. Franciscum Sacratum tunc Ar-  
chiepiscopum Damascenum, & Auditoris  
Rotæ Locumtenentem, ac deinde S. R. E.  
Cardinalem; qui & antiquos processus exa-  
minarent, & novos auctoritate Apostolicâ  
faciendos, quatenus ipsis videretur, decer-  
nerent, atque omnia eidem PAVLO præde-  
cessori vnâ cum eorum sententiâ referrent,

**VRBAN.** qui litteras remissoriales ad diuersos Prælatos in Hispaniarum, Lusitaniæ, ac Indiarum regnis constitutos decreuerant, atque ipsi interim in Curiâ nouos testes examinârant. Cumque præfati Iudices partibus suis perfuncti essent; eisdem Auditoribus processus à se confectos transmiserant. Qui omnibus summâ cum maturitate per plurimum temporis spatium, vt negotij grauitas postulauerat, consideratis ac perpensis; eidem PAVLO prædecessori retulerant, iuxta canoniarum sanctionum decreta abundè constare de vitæ sanctimoniâ, ac eximiis virtutibus Serui Dei Francisci, deque miraculis, quæ tam eo viuente, quàm post felicem eius obitum, eius meritis ac intercessionibus Deus omnipotens operari dignatus erat, dignumque videri, si eidem placeret, vt in sanctorum Confessorum catalogo adscriberetur: Cùm interim præfatus PAVLVS prædecessor humanitatis debitum persoluisset, & prædictus GREGORIUS prædecessor ad sacrum Apostolatus apicem Diuinâ prouidentiâ assumptus fuisset; ac pro parte carissimi in Christo filij nostri, tunc sui, Philippi I V. Hispaniarum Regis Catholici instanter requisitus esset, vt negotium huiusmodi promouere, ac ad vltiora procedere dignaretur; accederentque aliorum Principum, ac Prælatorum, ac totius Indiæ Cleri, idem suppliciter exposcentium

tium preces; prædictus GREGORIUS præ-  
decessor, vt in re tam graui eâ quâ decebat  
maturitate progredetur, prædictorum Au-  
ditorum relationem ad S. R. E. Cardinales  
sacris ritibus præfectos, vt rursus totum ne-  
gotium quàm diligentissimè discuterent,  
remisit. Quod cùm illi accuratè perfecissent,  
ac pro Serui Dei Canonizatione omnes vna-  
nimiter censuissent; bon. me. Franciscus Ma-  
ria Episcopus Portuensis S. R. E. Cardinalis  
de Monte nuncupatus, totius processus sum-  
mam, & suam collegarumque sententiam,  
coram dicto GREGORIO prædecessore, & ve-  
nerabilibus fratribus nostris, tunc suis S. R. E.  
Cardinalibus, de quorum numero tunc era-  
mus, in Consistorio suo secreto exposuit. Qui-  
bus auditis, reliqui Cardinales ad vltiora  
fore procedendum, communi suffragio pro-  
nuntiauerant.

Igitur, cùm in publico Consistorio quon-  
dam Iulius Zambeccarius, tunc Aulæ Con-  
sistorialis Aduocatus, plurima de huius Ser-  
ui Dei vitâ & virtutibus enarrasset, atque  
eiusdem Hispaniarum Regis Catholici pre-  
ces pro eadem Canonizatione exposuisset,  
atque vt ad eam procedere dignaretur, hu-  
militer supplicasset, dictus GREGORIUS præ-  
decessor, præfati Regis pietatem, & religio-  
nis zelum plurimum in Domino commen-  
dans super tantâ re eosdem S. R. E. Cardina-

VRBAN.  
VIII.

les, atque Episcopos in Romanâ Curiâ præ-  
sentes consulturos esse respondit, atque in-  
terim Cardinales & Episcopos prædictos  
intimo cordis sui affectu vehementer in Do-  
mino hortatus est, vt in omni humilitate &  
lacrymis, in ieiuniis, & eleemosynis expo-  
scerent ab eo, qui est via & veritas, vt diri-  
gere dignaretur gressus suos in semitis suis,  
vt ingrederetur in veritate suâ, vt quod be-  
neplacitum esset in conspectu eius, intelli-  
gere & perficere, eo auxiliante, valeret.

Sequenti itaque semipublico Consistorio,  
ad quod non Cardinales modò, sed etiam  
Patriarchas, Archiepiscopos, atque Episco-  
pos in Curiâ præsentes conuocari mandauit,  
præsentibusque etiam Sedis Apostolicæ No-  
tariis, necnon sacri Palatii Apostolici caus-  
sarum Auditoribus, cum plurima de egregiâ  
viri Dei Francisci Xauerij vitâ ac miraculis  
enarrasset, & quanta insignis hic Dei seruus  
pro nomine Domini nostri IESU Christi per-  
tulisset, quantoque cum prouentu (Domino  
incrementum dante) per incognitas natio-  
nes, verbum Dei disseminasset, exposuisset;  
commemoratis etiam instantiis, quæ coram  
dicto GREGORIO prædecessore, tum à Rege  
Catholico, tum ab aliis etiam Reipublicæ  
Christianæ Regibus, & Principibus fiebant;  
cum singulorû sententias requisisset, omnes  
vno ore benedicentes Deum, qui honorifi-  
cantes



cantes se glorificat, seruum eius Franciscum **VRBAN.**  
 Xauerium canonizandum esse, atque inter **VIII.**  
 Sanctos Confessores adscribendum censue-  
 runt. Quorum omnium audito cōsensu, exul-  
 tauit in Deo salutari nostro, gratias agens ei,  
 qui est gloria virtutis nostræ, in cuius bene-  
 placito contra omnes aduersarias potestates  
 exaltatur cornu nostrū: qui Ecclesiam suam  
 in diebus istis hoc lumine illustrare, ac nouo  
 patrocinio munire dignatus esset. Canoni-  
 zationis itaque publicauit diem infrā scri-  
 ptum, eosilemque Fratres, ac Filios nostros  
 paternā caritate monuit, vt bonis operibus  
 inhærentes precarentur Deum misericordia-  
 rum, vt super eos sereno vultu respicere, &  
 eorum actiones ad voluntatem eius perficiendam dirigere dignaretur.

Demum peractis omnibus, quæ ex sacris  
 Constitutionibus, ac Romanę Ecclesię con-  
 suetudine peragenda erant, quarto Idus Mar-  
 tij, Pontificatus sui anno secundo, in sacro-  
 sanctā Principis Apostolorum basilicā cum  
 eisdem Cardinalibus, nec non Patriarchis,  
 Archiepiscopis, & Episcopis Romanę Cu-  
 rię Prælati, officialibus, & familiaribus  
 suis, Clero sæculari, & regulari, maximāque  
 populi frequentia, conuenit. Vbi, repetitis  
 pro Canonizationis decreto, nomine eiuf-  
 dem carissimi in Christo filij nostri Philip-  
 pi Hispaniarum Regis Catholici à dilecto

VRBAN.

VIII.

filio nostro, tunc suo, Ludouico tituli S. MARIE Transpontinæ, Cardinali Ludouisio nuncupato, eiusdem secundum carnem nepote, per Iulium Zambeccarium Aduocatum prædictum petitionibus; decantatis sacris precibus, ac Litanis, & Spiritus sancti gratiâ humiliter imploratâ; ad honorẽ Sanctissimæ & Indiuiduæ Trinitatis, ac Fidei Catholicæ exaltationem, auctoritate omnipotentis Dei Patris, & Filij, & Spiritus sancti, ac BB. Petri & Pauli Apostolorum, ac suâ, decorumdem S. R. E. Cardinalium, Patriarcharum, Archiepiscoporum, & Episcoporum, in Romanâ Curiâ præsentium consilio, ac vnanimi consensu gloriosæ mem. Franciscum Xauerium, de cuius vitæ sanctitate, fidei sinceritate, ac miraculorum magnitudine, & frequentiâ plenè constabat, Sanctum esse definiuit, & in Sanctorum Confessorum catalogo adscribendum esse decreuit, & adscripsit, illumque ab vniuersis Christi fidelibus tamquàm verè Sanctum honorari ac venerari mādauit, ac vt ab vniuersali Ecclesiâ in eius honorem ecclesiæ, & altaria, in quibus sacrificia Deo offerantur, ædificari & consecrari, & singulis annis die secundâ Decembris, quâ ad cælestem gloriam vocatus est, eius officium, vti de sancto Confessore, ad præscriptum Romani Breuiarij celebrari posset, statuit: eademque auctoritate omni-

omnibus Christi fidelibus verè pœnitenti-  
 bus, & confessis, qui singulis annis eodem  
 festo die ad sepulcrum, in quo corpus eius  
 requiescit, visitandum accederent, vnum  
 annum, & vnâ quadragenam: iis verò qui  
 in eiusdem festi octauâ, quadraginta dies de  
 iniunctis pœnitentiis misericorditer in Do-  
 mino relaxauit.

Postremò, grâtiis Deo cum exultatione  
 actis, quòd Sanctum suum in conspectu  
 omnium gentium honorificasset, ac tam in-  
 signi splendore Ecclesiam suam decorasset,  
 cantatâ in S. Francisci honorem solemnî  
 Sanctorum Confessorum oratione, ad altare  
 Principis Apostolorum Missam celebrauit,  
 cum eiusdem Sancti Confessoris commemo-  
 ratione: omnibusque Christi fidelibus præ-  
 sentibus plenariam omnium peccatorum  
 suorum indulgentiam elargitus est. Ne au-  
 tem de definitione, decreto, adscriptione,  
 mandato, statuto, relaxatione, aliisque  
 præmissis, pro eo, quòd super illis ipsius  
 GREGORII prædecessoris litteræ, eius  
 superueniente obitu, confectæ non fue-  
 runt, valeat quomodolibet hæsitari; Vo-  
 lumus, & Apostolicâ auctoritate decerni-  
 mus, quòd definitio, decretum, adscriptio,  
 statutum, relaxatio, impertitio, aliaque præ-  
 missa à dictâ die iv. Idus Martij, suum de-  
 bitum sortiantur effectum, ac si super illis  
 ipsius

VRBAN.  
 VIII.

VRBAN.  
VIII.

ipsius GREGORII prædecessoris litteræ sub datâ eiusdem diei confectæ fuissent, prout superiùs enarratur, quodque præsentès litteræ ad probandum plenè definitionem, decretum, adscriptionem, aggregationem, statutum, relaxationem, & alia præmissa vbique sufficiant, nec ad id probationis alterius adminiculum requiratur.

Ceterùm, quia difficile foret præsentès nostras litteras ad singula loca, vbi opus esset, deferri; Volumus, vt earum exemplis, etiam impressis, manu publici Notarij subscriptis, & sigillo alicuius personæ in dignitate Ecclesiasticâ constitutæ munitis, eadem vbique fides habeatur, quæ ipsis præsentibus adhiberetur, si essent exhibitæ, vel ostensæ. Nulli ergo omnino hominum liceat hanc paginam nostrorum decreti & voluntatum infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac BB. Petri & Pauli Apostolorum eius, se nouerit incursum. Datum Romæ apud S. Petrum anno Incarnationis Dominicæ millesimo sexcentesimo vigesimo tertio, VIII. Idus Augusti, Pontificatus nostri anno primo.

† Ego



† Ego Vrbanus Catholicae Ecclesiae VRBAN.  
Episcopus. VIII.



Ego Dominicus tt. S. Laurentij in Lucina  
Presbyter Cardinalis Gimnasia.

VRBAN.

VIII.

†

†

† Ego M. tt. SS. Quirici & Iulittæ Presb.  
Cardinalis Lantes.

†

† Ego P. tt. SS. Nerei & Achillei Presb. Car-  
dinalis Crescentius.

†

† Ego A. tt. S. Petri ad Vincula Presb. Car-  
dinalis Cappomus.

†

† Ego G. tt. S. Crucis in Hierusalem Presb.  
Cardinalis Borgia.

†

†

†

†

†

† Ego Tiberius tt. S. Priscæ Presb. Cardi-  
nalis Mutus.

†

† Ego R. tt. S. Alexij Presbyt. Cardinalis  
Vbaldinus.

†

† Ego Iulius tt. S. Sabinæ Presb. Cardinalis  
Sabellus.

†

†

†

†

†

†

†

†

†

† Ego Guido S. Mariæ de Populo Presbyt.  
Cardinalis Bentiuolus.

†

VRBAN.  
VIII.

† Ego Iulius tt. S. Mariæ supra Mineruam,  
Presb. Cardinalis Rom.

† Ego Fr. Desiderius tit. S. Clementis, Presbyter Cardinalis de Cremonâ.

Ego Cosmus tit. S. Pancratij S. R. E.  
Presbyter Cardinalis de Torres.

Ego C. S. Nicolai in Carcere Diaconus  
Cardinalis Pius.

VRBAN. †

VIII. †

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

†

Ego Hippolytus tt. S. Mariæ Nouæ, Diac.  
Cardinalis Aldobrandinus S.R.E. Ca-  
merarius.

Ego A. S.R.E. Diaconus Cardinalis dela  
Cueua.

A. Hurandus.

G. Montanus.

Locus † plumbi.

Registrata in Secretariâ Breuium.

I N.



# I N D E X

## A L P H A B E T I C V S


### E O R V M

#### Q V Æ I N H I S

#### L I T T E R I S A P O S T O L I C I S

#### C O N T I N E N T V R .

**A**bsolutio.

 Absoluendi ab omnibus peccatis etiam reservatis, & censuris, exceptis contentis in Bullâ Cœna, facultas. pag. 25

Absoluendi à contentis in Bullâ Cœna, in terris infidelium, & aliis remotissimis Prouinciis, facultas de licentiâ Prapòsiti. 50

Absoluere omnes de Societate ab omnibus peccatis, & censuris, iuxta Sixti V. Mare magnum, Generalis potest, per se, vel alios. 40. 144

De absolutione ab hæresi, & aliis contra fidem, in foro conscientia. 73

Absoluti à censuris Societatem ingressuri reincident in easdem, nisi mox intrare, & vota emittere parati sint. 40

Absolutio apostatarum reservatur. 101. & 237. Similiter & receptatorum. 100

Administratio.

Administrantur Sacramenta in Societate. 26. 43

Administratio, seu gubernatio Collegiorum ad Generalem spectat. 14. 66

Admittere.

Admittendi ad Societatem quoslibet iuxta Constitutiones, Bb

- tiones, facultas.* 21  
*Admittendi non sunt, nisi qui diu, diligentissimeq;*  
*probatifuerint.* 15  
*Admittendi non sunt Scho-*  
*lares, & Coadiutores, nisi*  
*qui diligenter examinati,*  
*& idonei reperti sint.* 68  
*Admitti possunt Coadiuto-*  
*res, sine certo numero.* 52  
*Admittendi Nouitios, & cum*  
*illegitimis dispensandi fa-*  
*cultas.* 294  
*Ædificia.*  
*Ædificia Societatis ne impe-*  
*diantur.* 47. *Nec intra*  
*cannas priuilegij Mendi-*  
*cantium.* 83. 85. *Et non*  
*obstantibus confirmatio-*  
*nibus, ac censuris etiam*  
*in posterum emanandis.*  
 163  
*Aggregare.*  
*Aggregare potest Generalis*  
*Primaria Congregationi*  
*Romana quasuis alias, vel*  
*scholarium tantum, vel*  
*etiam non scholarium si-*  
*mul.* 259  
*Item non Scholarium sim-*  
*pliciter.* 269  
*Etiam Residentiarum.* 300  
*Alienatio.*  
*Alienandi facultas in eui-*  
*dentem utilitatem, ac*  
*mare Societatis, concedi-*  
*tur.* 171. *Extenditurq;*  
*etiam ad censuum ven-*  
*ditiones.* 202  
*Alienare, vel dissoluere Do-*  
*mos aut Collegia, Congre-*  
*gatio generalis potest iux-*  
*ta Constitutiones.* 62  
*Altare.*  
*Altaris portatilis generalis*  
*concessio.* 42. *Abrogata*  
*per Concil. Trid. Restituta*  
*ad missiones.* 193  
*Altare conceditur in Socie-*  
*tatis Oratoriis, & Capellis*  
*per Prouincialem appro-*  
*batis.* 147  
*Ambitio.*  
*Ambitiosus, si conuincatur,*  
*capax pralationis & di-*  
*gnitatis in Societate esse*  
*non potest.* 39  
*Apostata.*  
*Apostata eorumq; receptores,*  
*fautores, consultores ex-*  
*communicantur.* 100.  
 217. 229. 237  
*Apostata sunt inhabiles ad*  
*matrimonium cum solis*  
*votis simplicibus.* 237  
*Apostata, & insolentes alij,*  
*incarcerari & excommu-*  
*nicari possunt, tum à Ge-*  
*nerali, tum ab aliis Socie-*  
*tatis Superioribus.* 41. 101  
*Appellatio.*  
*Appellari non potest à cor-*  
*rectio-*

- rectione regula.* 39
- Aperiendi.*
- Aperiendi litteras sacre Penitentiaria facultas.* 197
- Benedicere.*
- B***enedicere possunt nostri vestes Sacerdotales, Pal-  
las, Corporalia, Calices,  
Altaria, & Cæmeteria,  
in remotissimis regionibus,  
si non adsit Catholicus Episcopus.* 51
- Benedici quomodo possint Ecclesiæ Societatis.* 47
- Bona.*
- Bona Societati donata, pro Collegiorum sustentatione,  
eo ipso Apostolicâ auctoritate censentur perpetuò applicata.* 47
- Bona temporalia Collegiorum non potest Societas professâ  
in proprios usus conu-  
erte-  
re.* 14.66
- Bona pauperibus distribuendi promissio quæ.* 230
- Cannæ.*
- C***annarum priuilegium Mendicantibus concessum,  
non impedit Societatis adificia.* 85.163
- Censuræ.*
- Censuras & irregularitates pristinas quomodo iterum  
incurrant, qui ab eis per  
ingressum in Societatem fuerint absoluti.* 40
- Censuras contra priuilegia Societatis ferre, Prælati  
prohibentur.* 43
- Chorus.*
- Chori immunitas.* 136. *Vide Offici-  
um.*
- Coadiutores.*
- Coadiutores possunt promoueri ad sacros Ordines.* 30
- Coadiutores spirituales, & temporales admittendi facultas.* 30. *Sine restrictione numeri.* 52
- Coadiutores utrique participes sunt omnium meritorum Societatis, sicut Professores.* 30
- Coadiutoribus spiritualibus viginti tantum potest Præpositus easdem gratias, & facultates concedere, quas Professis.* 31. *Imò & omnibus.* 52.144
- Collegia.*
- Collegia redditibus dotata habere potest Societas.* 14.66.230. *Vide Confirmationem.* etiam intra cannas Mendicantium. 83.163
- Collegia simul atque constructa, vel dotata fuerint, auctoritate Apostolicâ sunt confirmata.* 46.66
- Commorari.*
- Commorari, & conuersari licet Sociis in terra excom-*

- municatorū , infidelium, & hareticorum de Prapositioni licentiā. 44*
- Communicare. 44*
- Communicare potest Generalis Sociis gratias à Paulo III. concessas. 52. Imò & omnes tum Societatis, tum aliarum Religionum. 144*
- Communicare possunt Professores inferiores Prapositioni facultates Societatis sibi concessas à Generali, de huius licentiā. 77. Imò & non Professores. 144*
- Communicatio. 48*
- Communicatio gratiarum Societati conceditur, tum Mendicantiū, æquè principaliter. 119. tum aliorum omnium Ordinum, ac piorum locorum, & personarum. 143. 144*
- Communicatio Constitutionis Greg. XIV. prohibetur etiam iis, qui sua priuilegia cum Societate communicant. 289*
- Commutatio. 147*
- Commutandi vota omnia, quinque exceptis, facultas. 26. Vota etiam iurata. 147*
- Commutare infirmis Societatis officium Diuinum in aliud opus, aut orationem leuiorem potest Generalis per se, vel per alios. 75*
- Concionari. 147*
- Concionandi ubique facultas etiam in plateis, & non susceptis Ordinibus sacris. 25. 250*
- Concionari ubi, & quomodo possint semel approbati. 147*
- Confessiones. 48*
- Confessiones quorumcumque audiendi facultas. 25. Etiam non habentium à suis curatis licentiam. 26. 48*
- Confessiones audite quomodo possint semel approbati. 147*
- Confirmatio. 69*
- Confirmantur Constitutiones factæ, ac faciendæ. 22*
- Confirmatio, & prima institutio Societatis pro numero sexaginta personarum tantum. 16. Item absque numeri restrictione. 22. 69*
- Confirmatio tam instituti, quàm priuilegiorum, & gratiarum omnium Societatis. 69. 73*
- Plenior. 220. Plenissima, in quâ confirmantur Institutum, Priuilegia, & Constitutiones Societatis. 235.*



# I N D E X.

235. nempe Finis, Media.  
 224. Longa approbatio.  
 Biennium Nouitiatus.  
 Tria substantialia vota  
 simplicia. Gradus Scho-  
 larium approbatorum, &  
 Coadiutorum tempora-  
 lium non formatorum.  
 225. Formatorum itidem.  
 Tertius probationis an-  
 nus. 226. Gradus Profes-  
 sorum quatuor votorum.  
 Professio trium votorum.  
 Gradus Coadiutorum spi-  
 ritualium formatorum.  
 227. horumque paupertas.  
 Quartum votum solemne.  
 Vota quinque simplicia  
 quae Professio mittit. 228.  
 Poena apostasia, & excom-  
 municationis. Earumque  
 absolutionis reservatio.  
 229. Vna omnium vi-  
 uendi, & obediendi ratio.  
 Domorum probationis, &  
 Collegiorum facultas pos-  
 sidendi bona. Domorum  
 professorum, & persona-  
 rum omnium cuiuscum-  
 que gradus in Societate  
 vivetium paupertas. No-  
 vitiorum item promissio  
 de distribuendis in opera  
 pia bonis. Declaratur et-  
 iam eos qui expleto Noui-  
 tiatus biennio tria sub-

stantialia Societatis vota  
 simplicia emisit, verè &  
 propriè Religiosos esse.  
 230. qui si à Societate  
 deficient, excommunica-  
 tionis aliisque apostatarum  
 poenis subiaceret. 231. Quod  
 tria huiusmodi vota etsi  
 simplicia, verè sint Reli-  
 gionis substantialia vota.  
 Illaque emittentes, verè &  
 propriè sint Religiosi. 236.  
 Conceditur praterèa no-  
 ua exemptio. Poenarum  
 apostatarum innovatio.  
 Absolutionis earundem  
 reservatio. Nouum impe-  
 dimentum, matrimonium  
 dirimens. Praecipitur sub  
 excommunicationis, & aliis  
 gravissimis poenis, eo ipso  
 incurrendis, ne quis au-  
 deat Societatis Institu-  
 tum, Constitutiones, vel  
 ipsam Gregorianam, aut  
 aliquid ex his, quouis  
 quæsito colore, impugnare,  
 aut super his declaratio-  
 nes, vel glossas facere, le-  
 gere, docere, aliis tradere,  
 vel apud se retinere, vel  
 ea in dubium reuocare.  
 237. 238. Sicque iudicari, ac  
 ordinarios omnes litteras  
 huiusmodi Gregorij obser-  
 uari facere debere. 239

# I N D E X.

- Confirmatio Constitutionis Gregorij XIII.* 275
- Confirmatio Constitutionū, priuilegiorum, atque immunitatum omnium Societatis.* 280
- Noua Instituti, Constitutionum, priuilegiorum, ordinationum, & decretorum confirmatio Pauli V.* 305
- Confiteri.
- Confiteri non nisi deputatis per Superiorem possunt Socij, non obstante quocumque priuilegio.* 41.
- etiam Cruciata.* 145
- Congregatio.
- Congregatio, seu concilium quale in grauioribus, quale item in leuioribus, esse debeat.* 10.62
- Congregationes Annuntianta erigendi facultas Generali conceditur.* 259
- Congregationes coacta de his tantummodò agunt, quae in Congregationum generalium decretis tractanda permittuntur.* 280
- Constitutiones.
- Constitutiones condendi facultatem habet Generalis in congregatione generali, ad maiorem suffragiorum partem.* 10.62
- Mutandi etiam, alterandi, & cassandi, qua eo ipso censentur Apostolicâ auctoritate confirmata.* 22
- Constitutionum praecipuarum ad Instituti substantialia pertinentium confirmatio.* Vide Confirmatio. 229
- Constitutionum glossatio fieri non potest, nisi de licentiâ Generalis, aliorumve Superiorum.* 238
- Instituto aliquid addendum, minuendum, immutandum, non potest proponi, nisi Rom. Pont. immediate, vel mediante Apostolica Sedis Legato, & Nuntio, vel ipsius Societatis Praeposito Generali, aut Congregationi generali.* 285
- Conseruatores.
- Conseruatores Iudices sibi assumere possunt Societatis tum Religiosi, tum familiares Clerici.* 127
- Contractus.
- Contractus nõ capitulariter, sed iuxta Constitutiones celebrandi facultas.* 107
- Contractus in votis simplicibus in Societate emissus validus, & iustus est.* 279

Correctio.

Correctionis, & punitionis  
facultas aliis Ordinibus  
concessa, Societati & eius  
Proposito Generali conce-  
ditur. 283

Decimæ.

**D**ecimas etiam Papales,  
prædiales, &c. aliæ ve  
onera soluere non tenentur  
nostri. 45. 89. 90. Cum  
derogatione etiam c. Nu-  
per. de decimis. 182

Declaratio.

Declarantur simul, & con-  
firmantur substantialia  
ferè omnia, quæ ad Socie-  
tatis Institutum pertinent.  
Vide Confirmatio.

Decretum.

Decretum 70. Congregatio  
nis V. generalis contra per-  
turbatores inseritur. 305  
Decretum 63. Cong. V. con-  
tra negotia secularia tra-  
ctantes inseritur. 308  
Decretum 47. Congr. V. de  
triennali gubernatione  
Superiorum. 309  
Decretorum supradictorum,  
& aliorum confirmatio. 310

Derogatio.

Derogatur quibuscumque  
privilegiis ordinum, uni-  
uersitatum, locorum, ac  
personarum. 289

Derogatur Constitutionibus  
aliorum Pontificum circa  
Nouitios, & illegitimos  
editis. 294

Dignitas.

Dignitatem ullam Genera-  
lis absque Societatis, aut  
Socius ullus absque Ge-  
neralis consensu, accepta-  
re non potest. 38

Dimissus.

Dimissus à Societate, voto-  
rum simplicium illius obli-  
gatione liber omnino ma-  
net. 279

Dimitti possunt, qui vota  
simplicia in Societate e-  
miserunt. 284

Dimissio è Societate sine for-  
mâ iudiciariâ, sed solum  
iuxta modum in Consti-  
tutionibus præscriptum 282

Dimittendi potestas Societa-  
ti confirmatur. ibid.

Dispensare.

Dispensare in nostrorum irre-  
gularitatibus, iuxta Sixti  
IV. Mare Magnum, potest  
Generalis per se, vel alios.  
40

Dispensare cum nostris potest  
Generalis, & de eius licentiâ  
Superiores subordinati, cir-  
ca defectum natalium, irregu-  
laritatemque omnem, præter-  
quam homicidij, mutilatio-  
nis,

*nis, & bigamia. 48. Item per se, vel Professos circa ieiunia, & cibos prohibitos. 73. Et per quoscumque.*

144

*Dispensare possunt nostri, in remotissimis locis cum Neophytis, qui ante conversionem matrimonia in gradibus iure diuino non prohibitis contraxerant, ut in eisdem permaneant.*

51

*Dispensare potest Societas cum illegitimis cuiusque generis tum admittendis, tum ad qualibet officia, & gradus in Societate obtinendos.*

294

*Doctrina Christiana.*

*Doctrinam Christianam docere pueros, & rudes nominatim commendatur nostris.*

12

*Domus.*

*Domos ubique habendi facultas.*

46

*Domus Professorum redditus ullos habere non possunt.*

*13. 65. 224. Vide Confirmatio.*

*Donationes.*

*Donationes quacumque Societati facta, eo ipso sunt Apostolicâ auctoritate confirmata.*

46

*Dubia.*

*Dubia in nostro instituto declarandi facultatem habet Generalis.*

62

*Ecclesiæ.*

**E***ccllesias ubique habendi facultas.*

46

*Ecclesia Societatis à quocumque Episcopo quomodo benedici, aut consecrari possint.*

47

*Electio.*

*Electio Prapositi Generalis, ad quos pertinet. 10. & 61. & quopacto.*

64

*Electio Prapositi Generalis, illius Assistentium, & Admonitoris tantum in Congregationibus generalibus habetur.*

278

*Electio eorum, qui Prapositum Generalem eligunt, quidq; Congregationi generali interesse possunt, itemq; Procuratoris Prouinci illis creatio in Congregatione prouinciali.*

278

*Electio Superiorum, illosq; ab officio reuocandi potestas tota penes Prapositum Generalem est.*

281

*Eligere loco defuncti Prouincialis alium possunt nostri, in remotissimis regionibus*

nibus



- nibus, dum alius per Generalem mittitur. 51
- Erectio. 43
- Erigendi, & reformandi Ecclesias, hospitalia, & alia pia loca, in remotissimis regionibus facultas. 51
- Eucharistia.
- Eucharistia sacramentum in Ecclesiis suis tenere licet Societati, & omnibus fidelibus illud à Societate sumere, non tamen in paschate, nec in articulo mortis. 49
- Excommunicatio.
- Excommunicantur Apostata, qui emissis Societatis votis, ab eâ vel recedunt, vel etiam ad alium Ordinem (Cartusienſi excepto) absque licentiâ Generalis transeunt, reservatâ absolutione Pontifici, vel Præposito. 100. Vide Confirmatio.
- Excommunicantur item qui eos recipiunt, auxiliûve, consiliû, vel fauorem præstant. 101
- Excommunicari, & incarcerari possunt Societatis Apostata, & insolentes alij, &c. 41
- Excommunicari, suspendi, vel interdici Socij contra
- contra eorum priuilegia ab ullis Prælatis non possunt. 43
- Inexcommunicatorum, &c. terris conuersari. 44
- Excommunicationi nõ subiacent tam familiares nostri, quàm domestici Procuratores, & operarij, nisi vel causam dederint, vel nominati. 43. Abrogatum.
- Excommunicantur impugnantes, vel alterantes Constitutiones, decretaq; Societatis: absolutio Sedi Apostolica reservatur. 287
- Exemptio.
- Eximitur Societas vniuersa, & eius bona à quacunque, tum decimarum solutione. 45. 90. 182. tum ordinariorum iurisdictione. 42. 224. & etiam delegatorum. 236. seu aliorum Iudicum. 237. à curis item aliis instituto non consentaneis. 44. Vide Societas. A publicis item supplicationibus. 155
- Exercitia.
- Exercitia spiritualia inter alia ministeria ad profectum animarum adhibet Societas. 8. 61

*Exercitia spiritualia Societatis diligentissimè examinata approbantur. 33. & seqq.*

Facultates.

**F**acultatibus tū suistum aliorum Ordinum utitur Societas more suo, hoc est, arbitrio Generalis per quoscumque de Societate.

144

S. FRANC. XAVERIVS.

*Natus est S. Franciscus Xaverius nobilibus ac piis progenitoribus. 351*

*A iuventute suâ perfectè coram Deo ambulavit. 353*

*Parisiis alacriter operam navat studiis, ibiq; in socium S. Ignatii adscribitur. 351. 352*

*Mira fuit eius abstinētia, disciplina; reliquaq; virtutes praeclarè in eius animo effulserunt. 352. 353*

*Ad Orientales Indias verbum Dei disseminaturus cum amplissimâ potestate mittitur; ibiq; incredibilia pro nomine Domini nostri Iesu Christi perpesus est. 356. 357*

*Eius predicationes & gesta miris prodigiis illustravit*

*Dominus. 358. & seqq. usque 367*

*Famâ sanctitatis clarus, & bonis operibus plenus, Orientalium Indiarum Apostolus ab uniuersis India regnis totoq; Christiano populo appellatus, ad caelestem gloriam euolauit. 367. 368*

*Post obitum claret miraculis. 369. & seqq. Catalogo Sanctorum adscribitur. 378*

Generalis.

**G**eneralis in pralatione suâ sit semper memor formula benignitatis, māsuetudinis, & caritatis Christi, Petri, Pauliq; 12. 64. Totum iubendi, & ordinandi ius habet. 10. 63. etiam in contractibus ineundis. 107. omnimodam gubernationem Collegiorum, & studentium. 14. Plenam administrationem, & in omnes iurisdictionem. 37. Omnem potestatem supra Societatem. 64. Potest in certis casibus amoueri, & alius substitui. 37. Potest ire, & subditos mittere quocumque etiam ad infideles

# I N D E X.

- les, & reuocare. 38. Sociis *Gradus*, qui à nobis susce-  
 licentiam transeundi ad perint priuilegiis Vniuer-  
 alium Ordinem concede- sitatum gaudent. 76.88.  
 re. 41.99.100.209. Gra- & 190  
 tias à Paulo III. concessas *Gradus in Vniuersitatibus*  
 per alios exercere. 52. à nostris suscipi, cur non  
*Alias item omnes* 144. expediat. 88  
*Indulgentias Primaria* *Gradus omnes personarum*  
*Congregationis aliis ei-* *Societatis confirmantur.*  
*dem per ipsum aggregatis* *Vide Confirmatio, &*  
*Scholarium Congregatio-* 227  
*nibus concedere.* 30. etiam *Graduum discretio est in*  
*non Scholarium.* 270 *manu Prapofiti, tempus*  
*Generalis Prapofitus in cu-* *item promotionis ad illos.*  
*iusque gradus discretionem* 281  
*arbitrium habet.* 278 *Gratiæ.*  
*Generalis creat pro suo arbi-* *Gratia, & priuilegia Men-*  
*trio Professos, & Coadiu-* *dicantibus concessa, &*  
*tores spirituales, & tem-* *concedenda, Societati con-*  
*porales.* 281 *ceduntur.* 119. *Aliorum*  
*Generalis retinet omnes, quas* *item ordinum, locorum, &*  
*habebat facultates, &* *personarum, iisq; utitur*  
*auctoritatem in cunctis.* *more suo.* 143.144  
*ibid.*  
*Gradus.*  
*Gradus in Collegiis dat Re-* *Gubernatio Collegiorum*  
*ctor, aut Prapofitus.* 76. *omnimoda est penes Ge-*  
 91. *Aut studiorum Pra-* *neralem vel Societatem.*  
*fectus.* 190 14.66  
*Gradus suscipere possunt no-* *Gubernandi, & negotiorum,*  
*stri in Collegiis extra V-* *ratio apud Superiores So-*  
*niuersitates, & in his et-* *cietatis residet.* 281  
*iam, si earum Rectores*  
*gratis dare recusent.* 76.  
*Similiter & externi, qui*  
*apud nos studuerine.* 92

## Iesu nomen.

**I**esu nomine Societas in-  
 signitur. 9. 79. 106. &  
 aliis locis.

Iesu

*Iesu nomen in Societate retinendum.* 283

S. IGNATIVS.

*Formati processus super vitā & miraculis S. Ignatij committuntur Auditoribus caussarum Palatij Apostolici.* 321. & seqq.  
*Natus est nobilibus, Catholicis & piis parētibus. Adolefcens factus rei militari operā dedit: deinde Christo militaturus omnes res fluxas & caducas reliquit.* 325. 326

*Studiis operam nauat, & sociis collectis saluti proximorum proponit incumbere.* 327

*Post multos labores, IESVM appellans, piē obdormiuit in Domino.* 329

*Post felicem dormitionem plura patrauit miracula.* 333. vsque 338

*Sanctorum catalogo adscribitur.* 340

Indulgentia.

*Indulgentia septem annorum & totidem quadragenarum pro visitantibus Ecclesias Societatis certis diebus.* 50

*Indulgentia omnes aliorum locorum conceduntur Sociis in suis Ecclesiis.* 195

*Indulgentia plenaria alicui Societatis Ecclesia potest à Generali concedi semel in anno. 49. Imò & singulis Ecclesiis conceditur.* 189  
*Institutio puerorum.*

*Institutio puerorum, & rudium nominatim pertinet ad institutum Societatis.* 9. 61. *Et commendatur nominatim.* 12

Interdictum.

*Interdicti tempore, celebrandi, & Sacramenta iis, qui vel caussam non dederint, vel nominati non fuerint, ministrandi facultas, pro Praepositis, & de horum licentiā pro Sociis aliis.* 42.  
*Abrogata per Conc. Trid.*

*Interdicti tempore, pro Societatis domesticis, familiaribus, procuratoribus, & operariis Diuina audiendi facultas.* 43. *Abrogata. Vide Irregularitas, Dispensatio.*

Lectores.

**L**ectores Theologia, & aliarum facultatum deputare potest, videlicet Generalis. 50. *Etiā in Vniuersitatibus, non concurrento tamen tribus horis quotidie.* 112. Imò dua-



# I N D E X.

*duabus.* 190 *concessa, & concedenda,*

*Libri prohibiti.* 119

*Libris non quidem hereticis, sed alijs prohibitis quibus, & quomodo uti liceat nostris.* 138

*Libros, & proprios & aliarum quos, & quomodo*

*emendare liceat.* 138 *Ministeria, & opera pietatis, quae ad profectum animarum gratis exercet Societas.* 9. 61

*Libros proprios emendare debent nostri iuxta catalogum, & decretum Rom. Inquisitionis, ut retinere possint.* 139

*Libros hereticos, & alios prohibitos legendi, ad eos impugnandum, facultatem nostris facere quomodo possit Generalis.* 138

*Litteras sacrae Pœnitentiarie aperiendi facultas.* 197

*Matrimonium.*

*Nouum impedimentum dirimens matrimonium statuitur.* 237

*Mederi.*

*M* *Edendi facultas quænam fiat Sociis Medicinæ peritis.* 152

*Mendicantes.*

*Mendicans Ordo verè esse declaratur Societas.* 118

*Mendicantium privilegia omnia Societati cõceduntur.* 101. *Adhuc plenius*

*concessa, & concedenda, Ministeria, & opera pietatis, quae ad profectum animarum gratis exercet Societas.* 9. 61

*Ministeriorum Societatis utilitas, ac necessitas.* 159

*Missæ.*

*Missam officio diuino proponendi facultas.* 76

*Missam bus in die celebrandi potestas in remotissimis regionibus.* 51

*Missam circa diurnam lucem, & infra horam post meridiem celebrandi facultas.* 26. *Etiã per horam ante auroram.* 189

*Missam tempore etiã interdicti celebrandi facultas.* 42. *Abrogata.*

*Missam, & diuina officia apud nostros audire possunt qui concionibus eorum intersunt, &c.* 43

*Missam celebrandi facultas in Oratoriis, & Capellis Societatis per Prouincialem approbatis.* 147

*Missiones.*

*Missiones apud Summum Pontificem non procuranda.* 64

*Mittendi subditos etiã ad*

*Infi-*

*Infideles, & reuocandi,  
potestatem habet Genera-  
lis.* 38

Moniales.

*Monialium, &c. curam,  
Socij suscipere non tenen-  
tur.* 44

Nouitiatus.

**N**ouitiatus biennium  
confirmatur, similiter  
promissio de distribuendis  
ad pios vsus bonis. 225.  
Vide Confirmatio.

*Nouitiatus Societatis.* 215.  
& 225

Nouitij.

*Nouitios tum in Societatem  
cooptandi, tum ad Scho-  
lasticorum vota admit-  
tendi potestas in manu  
Superiorum est.* 225. In  
Nouitiorum in Societa-  
tem cooptatione deroga-  
tur Constitutionibus Si-  
xti V. & aliorum Pontifi-  
cum. 294

*Nouitij non admittuntur per  
consultorum suffragia de-  
cisiva, sed tantum consul-  
tatiua.* 293

*Nouitij admitti possunt in  
Societatem iuxta ipsius  
Constitutiones ex nouâ  
concessione privilegij.* 294

Obedire.

**O**bediant subditi Pra-  
posito in omnibus. Et  
in eo Christū veluti pra-  
sentem agnoscant, vene-  
renturq̃. 13. 57  
*Obedientia Societatis.* 218.  
& 230.

Officia.

*Officio priuari, seu absolui,  
peti non potest.* 39  
*Officiorum, & graduum  
discretio, ac distributio  
tota est in manu Genera-  
lis.* 10. 61

Officium diuinum.

*Officium diuinum non te-  
nentur nostri dicere com-  
muniter, siue in choro.* 14.  
167. & 136

*Officium diuinum Missa ce-  
lebrationi postponendi, ac  
infirmis Societatis com-  
mutandi.* 75

*Officium diuinum prepo-  
nendi, & postponendi fa-  
cultas.* 74

*Officium Romanum reci-  
tandi facultas.* 26. Abro-  
gata.

Oratoria.

*Oratoria ubique habendi  
facultas.* 42. 47

*Oratoria, & Capellas Socie-  
tatis, ad Missas celebra-  
das*

# I N D E X

das approbare possunt Provinciales. 147

## Ordines.

Ordines etiam Sacros à quocumque Antistite suscipiendi facultas. 43. etiam ante professionē. 30. 136. Etiam extratempora. 213

## Paupertas.

**P**aupertas, tum Domorum, tum Collegiorum. 13. 14. 60. 65. Bona.

Paupertas Coadiutorū formatorū cōfirmatur. 228. Domorum item Professorum, Scholarium, & Coadiutorum non formatorum: Nouitiatus etiam ratio paupertatis, & promissio distribuendi. 230

## Pœnæ.

Pœna Constitutionis Greg. XIII innouatur, omniāq; in eā contenta confirmantur. 286

Pœna contra perturbatores instituti statuuntur. 284

## Prælati.

Prælati, etiam Cardinales in virtute sanctæ obedientiæ prohibentur alterare decreta, & institutum Societatis. 284

Prælatis, & Principibus commendantur nostri, ut

ab eis benignè suscipiantur. 53

Prælatorum ministeriis deputare Socium aliquem non tenentur Societatis Superiores: si qui tamen deputentur, & sub ordinis correctione sint, & reuocari possint. 39

Prælati curent ab omnibus obseruari litteras Gregorij XIII. 287

## Præpositi.

Præpositi inferiores communicare quomodo possint aliis facultates. 77. 144

Præpositi Generalis perpetuitatis, & aliarum rerum instituti impugnatio. 306

Præpositi Generalis perpetuitas, electio ad vitam, eiusdemq; in Vrbe ordinaria residentia approbantur, & confirmantur. 310

Præposito Generali Decretorum præsertim V. Congr. seriò obseruatio commendatur. 311

## Priuilegia.

Priuilegiis & gratiis omnium Ordinum quo pacto Societas utatur. 144

Priuilegiis quibuslibet nostri non nisi de expressâ Superiorum licentiâ uti possunt. 144

Priui-

*Privilegiorum Societatis interpretatio Sedi Apostolica reservatur.* 19. 237.  
*ubi etiam eorum ac instituti impugnatio, seu in dubium reuocatio, sub excommunicationis, & aliis pœnis eo ipso incurrendis interdicitur.* 238

*Privilegium implorandi brachium saculare ab hominibus Societatis pro ipsorum iuribus tuendis conceditur.* 288

Probatio.

*Probatio longa, simul & ea qua biennij Nouitiatus, & Tertij anni sunt, probationes confirmantur.* 220. 229. *Vide Confirmatio.*

Professi.

*Professi, nec priuatim, nec communiter redditus ullos habere possunt, nec eorum Domus, aut Ecclesiæ.* 13. 65

*Professi senes, vel infirmi possunt ex Generalis facultate in Collegiis habitare.* 77

*Professorum promotio certum tempus non habet, sed Generalis arbitrio relinquitur.* 281

Professio.

*Professionem Roma dumtaxat faciendam.* 31. *Imò & ubilibet emitte posse.* 52  
*Ad professionem non admittantur nisi diu diligentissimeq; probati.* 67  
*Ad professionem admittendi quibus debeant esse virtutibus pradi.* 282

Prouincialis.

*Prouincialis defuncti loco alium eligere possunt nostri in remotissimis regionibus, dum alius per Generalem mittitur.* 51

Reconciliare.

**R** *econciliandi profanatas Ecclesias facultas in remotissimis regionibus, ubi Catholicus Episcopus non adest.* 51

Religiosus.

*Eos omnes qui biennio Nouitiatus in Societate peracto tria vota tametsi simplicia emisserunt, fuisse, esse, & fore verè & propriè Religiosos.* 217. & 230

*Reservatur absolutio apostatarum.* 101. & 229. *Similiter & receptatorum.* 101

*Religiosis Societatis non licet ad*



# I N D E X.

- ad sacerdotium, vel ad eiusdem Societatis gradus aspirare, vel statum mutare.* 283
- R**eligiosi cuiuscumque Ordinis etiam Societatis in virtute sancta obedientia, atque excommunicationis lata sententia poenâ prohibentur alterare, aut impugnare Societatis institutum. 284
- Sacramenta.
- S**acramenta administrandi facultas. 26. 43. 61
- Sacramenta administrandi facultas interdicti tempore iis qui causam non dederint. 42. Abrogata.
- De sepeliendis familiaribus domesticis tempore interdicti. 42
- Scholares.
- Scholares approbati. 225
- Societas.
- Societas congregata ad normam benignitatis, ac mansuetudinis, caritatisq; Christi, Petri, Pauliq; assiduè spectet. 12. 64
- Similiter, & Consiliarij. *ibid.*
- Societas suscipitur sub protectione Sedis Apostolica. 16. non debet carere viris suâ impensâ, & labore edoctis. 98. Ordo Mendicans esse declaratur. 119.
- Liberatur à quacumque visitatione, causarum cognitione, sententiarum denuntiatione, & Religiosarum personarum curâ. 44
- Societatis primorû Patrum exercitia. 8. 58
- Societatis viuendi formula Euangelicis consiliis, & canonicis Patrum sanctionibus conformis est. 9
- Societatis Instituti formula. 9. Adhuc explicatior. 60. Confirmationes alie. 69. 73. 215. 227
- Societatis finis, profectus animarum, & fidei propagatio ac media. 9. fidei etiam defensio, & alia media. 61
- Societatis finem, Deumq; ipsum præ oculis semper habere curent Socij, totisq; viribus assequi: unusquisque tamen secundum gratiam sibi à Deo datam, & vocationis proprium gradum.. 9. 10. 61
- Societatis ministeriorum utilitas, & necessitas. 159
- Societatis Institutum quoad vota simplicia attinet, quodq;

# I N D E X.

- quodq; illa emittentes sint  
verè Religiosi, declara-  
tur. 215. 230. & 236. idq;  
in dubium vocari inter-  
dicitur. 216
- Societatis Instituti, Consti-  
tutionum, aut Privile-  
giorum, aut horum arti-  
culi cuiusvis impugnatio  
sub excommunicationis,  
& aliis pœnis eo ipso in-  
currendis interdicitur.  
237
- Summorum Pontificum So-  
cietatis IESV Instituti ap-  
probationes. 298
- Societatis unitatis, & om-  
nium nationum sub uno  
capite collectionis appro-  
batio, & cōfirmatio. 306.  
Vide Confirmatio.
- Socij postquam, Domino in-  
spirante, huic Iesu Christi  
militia nomen dederint,  
prompti, ac die noctuq;  
lumbos succincti esse de-  
bent, ad tam grandis de-  
biti solutionem. 11. 63
- Sociorum numerus ad LX.  
restringitur. 16. Restri-  
ctio tollitur 22
- Societatis corpus, membra,  
pœna, ordo, gradus. 217
- Stipendium.  
Stipendium nullum pro suo  
in ministerijs labore acci-
- pere potest Societas. 61  
Superiores.  
Superioribus decretorum V.  
Congreg. serio observatio  
commendatur. 307
- Transire.
- T**ransire ad alium Or-  
dinem, præterquam  
ad Carthusiensem, nostri  
emissis iuxta Constitutio-  
nes votis non possunt, nisi  
de Sedis Apostolica, vel  
Generalis Prapositi licen-  
tiâ. 41. 100
- Nec aliàs ingressus tenet.  
100. Nec licet secundò ad  
Carthusienses. 239. Licet  
verò etiam professis ad  
quemcumque, si à Gene-  
rali Praposito emittan-  
tur. 208
- Victus, & Vestitus.
- V**ictum, & vestitū, & c.  
honestorum Sacerdo-  
tum communem sequitur  
Societas. 67
- Visitatio.  
Visitationis, & c. officium  
suscipere non tenentur  
nostri. 44
- Votum.  
Vota omnia, exceptis quin-  
que,

# I N D E X.


<i>que, commutandi facultas.</i> 26. <i>Etiam si iurata sint, non tamen in prau-</i>	<i>Votum paupertatis.</i> 13. 65.
<i>dicium tertij.</i> 147	218
<i>otis Societatis simplicibus soluti manent dimissi à</i>	<i>Votum speciale ad missiones Summi Pontificis.</i> 11. 63.
<i>Societate.</i> 30. 68	228
<i>Tota omnia qua in Societate iuxta Cõstitutiones emit-</i>	<i>Vota sua emittere debent</i>
<i>tuntur, approbantur. Vide</i>	<i>Coadiutores, &amp; Scholasti-</i>
<i>Confirmatio, &amp;</i> 229	<i>ci iuxta Cõstitutiones.</i> 68
<i>Tota tria simplicia Societatis esse substantialia Religio-</i>	<i>Vota tria solemnia aliqui de</i>
<i>nis vota declaratur.</i> 230	<i>Societate emittere possunt,</i>
<i>Votum obediendi Prapósito in omnibus.</i> 12. 64	<i>de licentiâ Generalis.</i> 68
	<i>Vota simplicia professorum,</i>
	<i>qua.</i> 228
	<i>Vota in saculo emissa possunt</i>
	<i>commutari in simplicia</i>
	<i>Societatis.</i> 235

## F I N I S.

1. The first of these is the	the first of these is the
2. The second is the	the second is the
3. The third is the	the third is the
4. The fourth is the	the fourth is the
5. The fifth is the	the fifth is the
6. The sixth is the	the sixth is the
7. The seventh is the	the seventh is the
8. The eighth is the	the eighth is the
9. The ninth is the	the ninth is the
10. The tenth is the	the tenth is the
11. The eleventh is the	the eleventh is the
12. The twelfth is the	the twelfth is the
13. The thirteenth is the	the thirteenth is the
14. The fourteenth is the	the fourteenth is the
15. The fifteenth is the	the fifteenth is the
16. The sixteenth is the	the sixteenth is the
17. The seventeenth is the	the seventeenth is the
18. The eighteenth is the	the eighteenth is the
19. The nineteenth is the	the nineteenth is the
20. The twentieth is the	the twentieth is the

THE END





French

